

50

29

55-

55

62

52

2

6

22

10

12

Y. L.

34

Case 5. 1

1870

● 176 ●

4

3

247

52


79

PMZT

208.

I/S.D.

na następny rok.



390300

Map St. Dr.


I

n. 364.

L
x April
Johannis And

Exlibris Sav.
Rue de la Vierge

1916. Jan.



Symbolum

Sis mihi, magne Deus, mea de lucida omnia
 Sim Rex, qui socer spectat ubiq; parentem.



GEDANI

Sumptibus Simonis Beckensteinii
Bibliopolae



Albi. Jac.

JOACHIMI PASTORII

De
HIRTENBERG,

Protonotarii Apostol. Canonici Chelm. De-
cani, Parochi & Officialis Gedanensis, ac Pomera-
niæ Generalis, Præpos. ad S. Albertum, S.R.M.
Polon. Historici, Secretarii &
Commissarii.

FLORUS
POLONICUS,

Seu
POLONICÆ HISTORIÆ
EPITOME NOVA,


Quintum recognita, aucta, & ad

nostris que temporis bella

Ex libris eius continuata manu Aloys. Pazno
Par. C. lo. p. n.
Cum Gratia & Privilegio Sac. Reg. Maj. Poloniae.



Constat



2 fl. 25 gr. ven.



Anno 1693.

GEDANI ET FRANCOFURTI.

Sumptibus SIMONIS BECKENSTEINII.

Typis SIMONIS REINIGERI,

M. DC. LXXIX.



390300

Abbl. Jac.

Podk. 794.

SERENISSIMO ET POTENTISSIMO
PRINCIPI AC DOMINO,
DOMINO

JOANNI III.

RÆGI POLONIARUM,
MAGNO DUCI LITHUANIÆ,
RUSSIÆ, PRUSSIÆ, MASOVIÆ, SA-
MOGITIÆ, KIOVIÆ, VOLHINIÆ, PO-
DOLIÆ, PODLACHIÆ, LIVONIÆ,
SMOLENSCIÆ, SEVERIÆ,
CZERNIECHOVIÆ-
QVE.

Dicat, Dedicat

AUTHOR

*Serenissime & Potentissime Rex,
Domine Domine clementissime,*

Prospera & aduersa vetustioris Poloniae non ingrato plurimis breuiario antehac complexus, nunc ad propiora rebus praesentibus tempora accedo: eo magis inuidiae futurus obnoxius, & tanto grandiori aduersus veri inimicos praesidio indigens. Unde autem validius munimentum sperem, quam ab inclyto Sæ. MAJESTATIS TUÆ CLYPEO? **IS** TIBI gentilitius, & ante acceptum etiam Sceptum, multo rerum gestarum splendore illustris, nunc à dignitate & fortunâ Regiâ longè augustius & robur & decus habet. Ab illo maxima quæq; beneficia sibi Respublica nostra non vanâ spe semper est pollicira,

DEDICATIO.

cita, & usq; non pollicetur modò, sed
& accipit. Sub prima sceptri Romani
incunabula ANCILE, quod brevis
SCUTI genus erat, cœlo delapsum,
nascenti tùm Imperio longa felicitatis
incrementa promittere credebatur.
Non minora ex fulgente SCUTO
TUO omina dudum concepit, nec
deteriores ominum eventus sentiet
POLONIA TUA. Ex cuius qui-
dem id natum gremio, nihilominus
de cœlo profectum, explicantibus
itendidem fatis credimus: cœlo quod
auspice in TE felicitè coronatur
pronis veneramur obsequiis. Prin-
cipes Poëtarum SCUTA Heroibus
suis à Vulcano fabrefacta, & iis gesta
Deorum, ac regnatricium Nationum
fata, Divinâ manu inscripta fabulaban-
tur. TUUM SCUTUM nihil fa-
bulosum, nihil commenticium habet
aut poscit. Ex ipsissimis Virtutum me-
ritis contextum, purissimis CHRI-
STIANÆ PIETATIS, SA-

PIEN.

DEDICATIO.

PIENTIÆ, JUSTICIÆ, FOR-
TITUDINIS, MODERATIO-
NIS, CLEMENTIÆ, AMORIS PA-
TRIÆ luminibus fulgescit. Et hæc
ornamenta omnis melior Orbis ultrò
agnoscit, ac colit, ipsaq; invidia cogi-
tur fateri. Cæterùm dignis ea colo-
ribus adumbrata posteritati tradere,
majoris est operæ. SCUTUM Achillis
nonnisi divino artificio procudi, non-
nisi à Principe ingeniorum depingi,
nec gestari postea, nisi similis Herois
Stachio potuisse creditum fuit. TUI
quoq; CLYPEI pondus ac pulchri-
tudo tot magnorum decorum coru-
scans mole, tot egregiorum facinorum
imaginibus fulgurans, nonnisi cœlesti
aliquâ pennâ figurari dignè, ac porro
ad posteros deferri meo iudicio potest.
FLORUS tamen hic noster partem
decorum, quamquam subtimidè &
quâdam religiosâ brevitatè, attingere
ausus est, nec aliâ laborem hunc coro-
nide claudi voluit, quàm laureâ ex au-
gustis

DEDICATIO.

gustis & fragrantissimis Virtutum ac
meritorum TUORUM floribus com-
positâ. At quantumcunque sudavit
Musa, vix tamen toto illo conatu ma-
jus quicquam affecuta videtur, quàm
ut meliùs jam intelligat, quibus rebus
dicendis impar sit. TE nihilominus,
REX SERENISSIME, cujus eximiam
bonitatem, & erga me, veterem Tuum
& hujus Reipublicæ servum, Clemen-
tiam expertus novi, opus hoc nostrum,
quintùm jam recusum, & magno aug-
mento locupletatum, uti & alia, quæ
deinceps in publicum dare molimur,
non bènignè duntaxat suscepturum,
sed & REGIÆ AUTORITATIS
TUÆ CLYPEO adversus iniquorum
jacula validè tuiturum confido. Nun-
quam gens mortalium tam est fortu-
nata, ut de rebus iisdem idem semper
sentiat. Nec qui facta hominum va-
riorum calamo produunt, pariter omni-
bus placere possunt. Sæpè odia &
bella, quæ inter se inimicæ familiæ &

DEDICATIO.

gentes æmulâ obstinatione gesserunt, in historiam derivantur. Et ô quàm rarò fit, ut Veritas æquâ omnium lance trutinetur, aut simili mentium acie pernoscat. Iniqua subinde judicia patitur misera, quia in malos ut plurimum judices, affectus nempe privatos, infensos aut obnoxios, incidit. TE, SAPIENTISSIME REX, decens MAJESTATEM Prudentia ita supra ignorantia umbras, ita & ultra affectuum nubes evexit, ut nemo mortali-um certa â dubiis, falsa â veris dignoscere rectius queat. Unde & hoc Historiæ compendium TUO maximè Divino judicio, TUÆ etiam toto orbe spectatissimæ æquitati se humillimè submittit. Simul verò, qui autor ejus sum, alia pleniora, si fata nos meliora respexerint, daturum me promitto, ubi, si hæc epitome alicubi deficit, aut aberrat, defectus suppleri, errores corrigi poterunt. TIBI, REX SERENISSIME, compendioso nunc voto,

CASI-

DEDICATIO.

CASIMIRI MAGNI felicitatem,
CASIMIRI TERTII sceptrigeram
fecunditatem, SIGISMUNDI PRIMI
longævitatē à DEO OPT. MAX.
animo humillimo precor. Dab Ged.
postridie purificationis Divæ Virginis,
quo festo ante triennium, felix CLY-
PEUS TUUS Cracoviæ, solenni inau-
guratione coronatus est.

Submisso affectu

scribebam

devotissimus Servus

JOACHIMUS de HIRTENBERG
PASTORIUS, Proton. Apoll. Can.
Chelm. Decan. Parochus & Officia-
lis Gedan. & Pomeraniæ generalis,
Præpos. ad S. Albertum, & Maj. Vræ.
Histor. Secret. & Commis.

SARMATIA LAUREATA.

Perillustri Domino Autori

Inter solennes gratulantium plausus
Festivo Divinis. Tutelar. Die

Ab

ALBERTO BARTOCHOWSKI,
Profess. Rhet. in Coll. Gedan. S. J.
consecrata.

NEc Lechicus sterilefcit ager. Tot tela,
tot inter
Fortuna, ferrig₃ minas, Fatig₃ timores,
Luctantesq₃ truci cum tempestate procellas,
Palladius cumulatur Honos: & Laurea, Laurũ
Porrigit, avulsoq₃ uno, non deficit alter
Pindarus, & simili frondescit Lechia Ramo.
Quam benè conveniunt, & in unâ sede
morantur
Sanguineo cum Marte Toga, jurataq₃ Musis
Otia, bellorum nullis concussa procellis.
Miscentur Clypei Tabulis, calamisq₃ mucrones
Et fera Pieris respondent Classica Plectris.
Hinc

SARMATIA LAUREATA.

Hinc Wisniowecia, radiant adamantina*

Cera

*Sidera, Treijcia semper Fatalia Luna,
Inde triumphali Patriam Zamoscius * Hastâ
Sustinet, & Fatis humeros inclinât Atlantes,
Emeritis illustris Avis: quem, conscia tanti
Sidera Depositi, mediis rapuere triumphis,
Et folio admovère Jovis, Patriq; Gradivo.*

*Hinc culto Lechicum calamo Lubinius orbem
Erigit, & Reges mediis interserit Astris,
Seu, cum Sigismunde tuam lachrymatur ad
Urnâ,*

*Cygnêa seu voce canit tua Fata, Polone,
Meriturq; suis ingentia nomina Fastis.*

*Quis cultum Patriæ * Cyneam? quis Ne-
stora dicat?*

*Cujus purpureus pendebat ab ore Senatus,
Attica cum Patriis misceret verba Pyropis,
Attonitasq; suis raptaret vocibus aures.
Te loquor O Lechica Osofolini Gloria Svada,
Quam Tybris attonitis stupuit de littore
Nymphis,*

Et consanguineo laudavit Visula Ponto.

*Hinc calamis, hinc Marte viget Gens Le-
chica: ab ipsis*

*Sumit opes, animiq; Malis. Sub pondere tanto
Jam*

** Dux Wisniowiecius * Zamoscius * Osofolinius.*

SARMATIA

Jam nutare Orbis potuit ; sed Lechia crescit
 Casibus erecta, Occasusq; serenior ipso
 Proficit, epoto bellorum sæpè veneno,
 Et major contra Fatorum fulmina surgit.

Vix Lechum Lucina parit : jam ferrea
 Martis

Signa vocat, vagitq; Puer, nî Martius Horror,
 Nî litui, clypeiq; truces, fera tela ministrent,
 Et teneros recreent horrentia tympana fletus.

Hic lituos vocat, ille tubas, hunc Classica
 Belli,

Hunc Laurus, calamiq; juvant, hic carmine
 cunas

Increpat, & Cyrrhâ patriis lachrymatur in
 ulnis,

Nî teneras siccet lachrymas porrecta papyri
 Spongia, luctantemq; animam data pleetra
 reducant.

Tu mihi testis eris : Lechia facunda vo-
 luptas, (lona,

Cygne Deum, Terræ resonans Philomela Po-
 O Amor! O Kochanowi! * Te sidera norunt
 Cælestis Te novit Olor, novère Planeta.

Seu patrios sine felle Sales, seu Classica Martis,
 Seu cæli stellantis opes, seu Nomina Regum
 Threyciis narras fidibus, soboliq; parentas,

Te

Kochanovius.

LAUREATA.

Te Pueri, innuptaq₃ canunt cum Matre puella,
 Seû cum barbaricas aspersit cana pruinas
 Parrhasis, hybernisq₃ foci risère lucernis,
 Seû cum cœtocolus prospexit ab æthere Vesper,
 Defunctoq₃ faces accendit Cynthia Fratri,
 Et vigiles cœli excubias adamante notavit.

Sarmatico quoties vexabas pectine chordas
 Vidimus, ut toto siluerunt barbita Pindo,
 Et stupuit Pater ipse lyra, dextramq₃, fidesq₃,
 Increpuit, dixitq₃ suis mala nomina pleetris,
 Vidimus Aonium toties jurasse Senatum
 Per tua pleetra, fidesq₃, manumq₃, & gemmea
 doctæ

Fila Chelys, Tibi Gnosfiaca porrexit Olympus
 Serta Nurûs. Eratoq₃ tubas submitit ab astris.

Quis te Sarmatica Decus immortale Ca-

MANE

Twardowi, * taceat? cui pleno Patria Phebo
 Vela tument, acrig₃ tonat Lucanus in ore,
 Seû cum sanguinei memoras decora alta
 Gradivi,

Seû cum Leſzczynia fabricas Capitolia Fame,
 Threijciâ fretus Cytharâ fidibusq₃ canoris.

Non tantum calamis, non tantum Thra-
 cius Heros

Debet Homere tuis; non tantû Troja Maroni;

Quan-

* Twardowius.

SARMATIA LAUREATA.

*Quantū Twardowie Rex Vladislæ, Camene.
Vivis adhuc Lechici Princeps mitissime Sceptri
Vivis in aeterno sacrorum vivis in ore.
Post cineres augusta tui monumenta Gradivi
Twardowium sustentat ebur, latèq; per Orbē
Martia facta refert. Novæ tua nomina*

Maurus,

Novit pastus equo, novit tua tela Gelonus.

*Tenē meæ (Lechici brevior Cromere Gradivi)
Pastori * Cytharæ sileant? Te Balthica Thetys
Attonitis miratur aquis, cultorq; coronat
Picridum sacra turba choro, Tibi nomine*

Regum

*Charta tumet, Mitrisq; Ducum, titulisq; su-
perba.*

*Ipsa tibi cunas niveis stravisse ligustris
Virtus, & Puerum roseo sacrasse Pudori
Dicitur, infantesq; manus, vocemq; sonoram
Pindaricis aptasse lyris, auroq; cedroq;
Inscripsisse suis Pietas Tua Nomina fastis.*

*Dum Balthis, dum Varta fluet, dum Car-
pathus Euros*

*Infraëto excipiet vultu, dum Vistula Lechi
Insano feriet trepidantia littora fluctu,
Scutaq; Threïcia, & pharetras, & fortia
polver*

** Pastorius.*

Corpo-

CYGNUS COELESTIS.

Corpora, sanguineas inter luctantia lymphas;
Semper Honos, Fastig³ Tui Cytharag³ sonabūt.

Cecropia procul ite Togæ, procul ite Car-
mena

Non generat testudo Aquilam, non Noctua
alaudam.

Divitiis opulenta suis Lechaæ Volucris
Externæ nil lucis eget, nil indiga luna,
Sole potens patrio, pariter jurata Gradivo
Corda parit, pariter doctæ devota Minervæ.

Ad Cygnum Coelestem
Vt Flori Sarmatici, Historiogra-
phi, & Poëtæ nobilissimi Nomen, toto
Cælo differat celebrandum.

CYgne, Stellantis modulatore Aulæ,
Cygne curarum facies Serena,
Lactei Syren maris, & Deorum
Prima voluptas.

Alitum Sidus: cui delicata
Ardet argento coma, cui pruinas
Candor insperlit, niveisq; sedit
Bruma lacertis.

Quid juvat tristes renovare Lesos?
Innocens puræ Cytharæde lymphæ,
Quid juvat surdis cecinisse Cygne
Carmina ripis?

L, per

CYGNUS

I, per audaces Phaëtonis orbes,
I, per arduas Jovis officinas,
I, reluctantis preme tortuosa

Colla Draconis,

I, nec irati Clypeus Gradivi,
Nec truci Orion metuendus ense,
Nec Leo, nec te Minor, atq; Major
Terreat Ursa.

I, per effusas Superûm plateas,
Hâc: ubi Primum Lechici Trionis
Sidus effulget: velut inter ignes
Gemma minores.

Hâc, ubi Cracus posito quiescit
Ense; bellorum satur atq; lauri,
Et suos, auctor, placidis penates
Ridet ab astris.

Hâc, ubi Vendæ pudor innocentes
Recreat Stellas, & amica cælo
Castra metatur, numeratq; fuso-
-Ex hoste trophæa.

Hâc, ubi Lechis fabricat beata
Lustra Premislus; clypeosq;, & enses
Ipse Fortunæ faber, in perenne
Mutat obryzum.

Hâc: ubi pulchro vehit axe Piaustus
Patriæ pacem, niveosq; mores:
Et suis, atro sine felle, Lechis
Mella propinat.

Hâc:

CŒLESTIS.

Hâc: ubi Reges Zemovitus inter,
Ponè Miecisos, medius recumbit

Hâc, ubi Lesco Zemomislianam
Prospicit Aulam,

Et Boleslaus redimitus astris
Illa sub plantis sua Regna spectat
Quêis Musurmanni dubias minatur

Cynthia noctes.

Hâc, ubi Scirpus Jagelonidarum
Surgit in culmos, Cereremq; cælo
Auream profert; & opima plenæ
Gaudia messis.

I per augustos, Olor, i per orbes
Quâ Korybuthi, sine nube, Luna
Auream spondet Lechiæ quietem, &
Gemmea lustra.

Differ Arctoi monumenta Flori:
Pange: Non solus Tyberis desertos
Parturit Floros: parit & Polonus
Vistula tantos!

Non Padus magnum facit, aut Athenæ;
Ipsa sed virtus, & anhela doctæ
Indoles laudis, studiisq; vinci
Nescius ardor.

Vidimus, Magno Cicerone natum
Tybridis plenos vacuâsse fluctus:
Nec tamen jussum potuisse bina
Fundere verba.

Perge

CYGNUS CŒLESTIS.

Perge facundi celebrare Nomen
Nestoris: Fastos, Cytharasq;, & acres
Pectinis nervos propera perenni in-
-scribe Cœlo.

Sola, quæ æternis, benè cautus, astris
Credis, hæc nullo moriuntur ævo.
Sola Fatorum pharetras, & iram, &
Fulmina rident.

Non diu ferri patitur lituras
Marmor incisum: pedibus sequentum
Deterit vulnus, pereunt Avitæ
Stigmata laudis.

Fallor? an vasti per aprica cæli,
Echo, Olorinos imitata cantus,
Distinct Soles: & anhela cursu
Sidera ludit?

Jam Tuos dulci canit ore Fastos,
Jam canit dextram Cytharæ potentem,
Flore, Lecheæ brevior Cromere
Flore Lacænæ.

Scriberis, gemmis, adamante, & auro,
Scriberis, Magni Ciceronis heres,
Scriberis: Nestor Lechiæ, Maroq;
Scriberis alter.

Cui domi Phæbus, placidiq; dives
Ingeni cornu, cui viva Ceris
Cyrtha defudat, vitreoq; volvit
Flumine gemmas. PRO-

PROOEMIUM.

Polonorum natio, vetustissimis seculis,
communi Sarmatarum sub nomine co-
gnita, postquam à vastâ horum & non capi-
ente se amplius turbâ discescit, magis etiam,
quàm antea, fortitudine Martiisq; operibus
enituit. Formidata semper vicinis remotisq;
populis, multis insuper sat diu dominata, à
nullo, nec Romano quoque, qui Orbi quon-
dam imperare gloriabatur, subacta. Quin
& ipsi huic, ut expressis multarum virtutum
vestigiiis, sic quâdam etiam Genii similitudine
comparari merita. Quem à primo ortu, ad
bella, & res gerendas ita unicè compositum
habuit, ut, exemplo veteris Romæ, literato
etiam otio non nisi seriùs assuescere potuerit.
Unde factum, ut, quemadmodum triumphos
alienos, & quæ hos comitari solebat, exter-
nam scribentium industriam, felicibus sem-
per armis arcuit: ita ipsa artium diu negli-
gens & experts, res Majorum & suas, non nisi
memoriâ ac narratione familiari sciret tra-
deretq;: externis verò gentibus, victoriis po-
riùs & irruptionibus, quàm libris innotesce-
ret. Equidem ante Jagellonem paucissimos
hic literis eruditos novimus, certe unum tan-
tùm, qui facta suorum posteritati tradere ag-
gressus

PROOEMIUM.

gressus sit, *Vincentium Cadlubcum*; *Virum* Infulatū ob antiquitatem, laboremque à nullo ante tentatū, venerabilem, quanquam aliqui *Romanæ facundie cultu*, *seculi sui vitio*, minus nitescentem. Sed post *Jagellonem*, institutamque ab hoc *Cracoviæ disciplinarum officinam*, nunc quoque, *Viris Excellentibus insignem*, subiit major animorum cultura, & hæc adeo cum renascentium passim literarum luce crevit, ut & superiori sæculo hæc terra tulerit, & nostro etiamnum ferat ingenia, eruditione, inprimis floridā illā, & vitæ rebusque agundis aptiore, ad miraculum usque culta. Nec paucos etiam, qui res patrias decoris laboribus componerent illustrarent, ætas hæc posterior profudit. Præter ceteros, quos silentio hîc veneror, *Martinum Cromerum*, *Varmiensem Antistitem*, dedit, virum ut loco illustrem, ita nulli historicorum sæculi sui secundum, sive peritiâ rerum, sive elegantiam *Romani sermonis spectes*. Quam utramque clarè ostendunt *annales ejus*, magnâ industriâ elaboratum & perpetuâ laude dignissimum opus.

Enimverò quia & extat jam rarius, & diffusâ orationis profluentiâ grandius est, quàm ut ab omnibus parari vel legi possit; incessit
& aliis

PROOEMIUM.

Et aliis ante me, Et mihi post illos studium,
 contrahendi, quæ ille operosius diduxit, in
 compendium, simulque eâdem brevitate, quæ
 post illum in Poloniâ acta essent, attexendi.
 Eam ego operam ante quadriennium, cum
 fortè à lectione meliori, et scriptorum re-
 centior essem, aggressus, ad exitum Sigismun-
 di Augusti, qui ultimus Jagellonidum ma-
 sculorum fuit, deduxi: magis tamen id, quic-
 quid esset, privato usui, quàm luci publicæ
 destinans. Quam revereri ego, ut par est,
 semper solitus sum, Et ut sustinere queat hoc,
 quod jam verecundiæ custodiam effringit,
 maximè metuo. Nimisne formidolosum me
 ingenium aut tenuitatis conscientia faciat,
 nescio: sed multos profectò fore censores,
 multa Et hic jam tunc video censuris oppor-
 tuna: nec temerè forsitan repertura veniam
 apud irhumaniores, Et quibus aliena sugilla-
 re volupe est. Multis non placebit ista, quâ
 maximè placere volui, brevitatis; quod desi-
 derium alicubi legentis non explebit. Sed
 forsitan idem, si suavissem prelixior, brevior
 me voluisset. Ita enim plerumque præsen-
 tia in fastidio: quæ desideramus, in laude
 sunt: nec facile quid mediocri, utut sit, vi-
 detur omnibus. Plures, opinor, brevitatem

PROOEMIUM.

non culpabunt, sed vellent sejunctam à vitiis
 suis, obscuritate nempe, & inconditâ ex re
 unâ in aliam desultatione. Obscuritatis ac-
 cusatoribus quod opponam, non habeo, præ-
 ter difficultatem rei, maximis etiam inge-
 niis agnitam. Rarissimis profectò datum,
 nullo perspicuitatis damno, paucis verbis
 multa complecti posse. Nec pictor facîle par-
 vâ in tabulâ homines sexcentos aequè expres-
 sos & cuiusvis oculo obvios dederit, quàm si sin-
 gulis tabulis singulos depingat. Et quis cre-
 dat nuci inclusum Magni Homeri opus aequè
 facile legi fuisse, quàm aliquot arborum cor-
 ticibus descriptum? Jam compagem scripti,
 si alicubi solutior videbitur, argumenti itidem
 ratio meritò defendet. Si Flori, aliorumque
 exemplo per bella tantùm vel seditiones do-
 mesticas voluisssem decurrere, rem unam u-
 mo capite tradidisset, fuissetque sine salebris
 oratio. Nunc, quia Regum vitam, factaque
 omnia, certe sciri digniora, memorare decre-
 veram, in eadem sæpè paginâ de nuptiis & fu-
 neribus, de comitiis pugnisque agendum, tra-
 jiciendusque subinde à Vistulâ ad Tanaim, à
 Smolensco Cracoviam stylus fuit. Genus di-
 cendi, quod secutus sum, non excusabo hic
 multis: frustra enim fecero, qui scio, suum
 cuique

PROOEMIUM.

enique *Esse, & placere, & prout quodque*
ex alienis ad suum accesserit, ita estimari.
Castitatis quidem Romana, quantum potuit,
ratio habita est. Sicubi asperiusculum quid,
aut insolens occurreret, damnari non prius ve-
lim, quàm Florum, atque inprimis laudatis-
simum historicorum Tacitum consulueris.
Qui noviter tum mihi & cum curâ lectus, sua
subinde aliqua, etiam non querenti, adspersit.
Quod publicè hic profiteor, nè me aliena
pro meis venditare credas, aut procaciùs ali-
qua carpas, tanquam mea. Ceterùm Lati-
nis auribus, ut tantò magis me attempera-
rem, placuit etiam nomina quaedam Polonica
nonnihil ad molliem Romanam desistere.
Quod quia Cromero quoque non rarò facti-
tatum, exemplo hujus laudari, saltem excu-
sari merebitur. Sed præter cætera laceissent
hic, nisi fallor, ungues censorios sententiæ
scripto huic alicubi intextæ. Aliæ frigidis-
usculæ, aliæ & loco alieniore insertæ vide-
buntur. Nec mihi sanè omnes placent, jugu-
lâssæque nonnullas, nisi familiares, quibus
minùs displicuerant, intercessissent. Qui
videm, ut meam in aliis etiam severitatem re-
fringerent, in antiquorum recentiorumque
quibusdam, laudatis alioquin scriptis, non

PROOEMIUM.

*nulla reperiri aiebant, rigidioribus judiciis
 minus satisfactura, nisi pravalida eorum, qui
 scripsissent, autoritas censores timidos, &
 censendorum vel vitia faceret honesta. Præ-
 terea in magnis plerorumque operibus com-
 modior quibuscunque sententiis vel locus, vel
 latebra datur: cum potissimum sermones a-
 liorum identidem referant, qui gemmas ejus-
 modi pronissimè recipiunt, iisdemque lucis
 & dant, & debent non parùm. Nobis in ar-
 dèto magis labor fuit, & si quæ ingenii imbe-
 cillitas commisit notari digna, ea in propatu-
 lo, & ad cuiusvis oculi ictum libelli exilitas
 exponit. Concionem vix unam alteramve
 inferere permisi mihi, nec alia, quæ cæteris
 contigere, habere licuit adminicula, quibus
 se erigeret stylus. Quo majori jure mihi, qui
 laudem ex his non affecto, veniam saltem de-
 beri censeo. Parvum tu istud, quantumcun-
 que est, liberè licet pronuncies. Tale enim
 etiam Autori videtur. Nec diversum de hoc
 credere te jubeat libelli frons, præclaro flori-
 dissimi historicorum nomine superba. Nullâ
 enim æquande gloriæ spe, sed solam ob brevi-
 tatis similitudinem, quæ alios quoque ad
 idem faciendum induxit, titulus hic præscri-
 ptus est. De fide historie, quam alii autores
 in*

POSTERIOR PRÆFATIO.

in frontispiciis librorum præstruere sibi conantur, minus mihi laborandum existimo: apud eos imprimis, qui me nōrunt, hominem ingenio, vitæque instituto, à studiis partium alienissimum: sed & cum religiosè aliorum, quibus fides habetur, vestigia presserim, illorum autoritate, adversus falsi suspensionem tutus, opinor, ero, certè esse mereor. Vale.

Scrib. Anno 1641.

Lugd. Batav.

Ad eundem

LECTOREM

POSTERIOR

PRÆFATIO.

NOVAM libelli istius editionem novum fortassis decere videatur Proæmium. Sed pleraque, quæ olim juvenis lectorem in frontispicio monui, talia sunt, ut nec, hoc ætatis, habeam, cur magnoperè velim mutata. Si timida ætas causam tenelli operis sollicitè dixit, verecundiam illam nunc quoque, vergentibus annis, non improbo. Et nonnulla fortassis jam magis
b 3 requi-

POSTERIOR

requirunt, ægriusque obtinebunt veniam, cum in illo flore juventutis, ipso musteæ ætatis beneficio pronissimam reppererint. Sed mihi relegere alicubi, & augere opus juvenile, non retexere totum libuit. Et adeò impensè, supraque spem meam id hætenus placuit summæ etiam Orchestræ Viris, ut jure verear, nè mutata multum facies scripti fortunam etiam commutet. Quæ jam addita sunt, si forte prioribus non omninò paria videbuntur, eadem, *Lector benigne*, ætatis diversitate excusata habe. Plerumq; non minùs in stylo annorum flexùs cernuntur, quàm in facie aut pilo. Nec in me ætate aut solo hæc varietas apparuerit. Jam olim in summo Historicorum. Cornelio Tacito observata est: cujus Historia aliud, quàm Annales, habet solum dictionis. Illic floridior, tanquam succi-plenæ ætatis; hic succindior senescentis stylus fuit. Ego ut omnibus aliis rebus illo Historicorum Apolline inferior, ita hæc diversus sum, quod faciliùs mihi olim fuit sermonem concidere. Nunc freno magis indiget cælatus, prono impetu in copiam se laxans. Forte quod à copiosis Scriptoribus, quos subinde legere res jubet, aliqua ubertas affuit

PRÆFATIO

fuit legenti: aut quia minus jam otii superpetit ad religiosam curam amputandi ea, quæ videantur abesse posse. Quicquid sit, **QUINQUE REGIBUS** huic editioni annexis percontari iterum libuit vadam iudiciorum publicorum, antequam cætera subijciam, quæ, quò propius ad ævi nostri memoriam accedunt, eò scrupulosiorem legentium curam subitura scio: eò & cautius Scriptori examinanda sunt. Porro in pleniore Historiâ, tum scribendis, quæ pariter pleræque ad Historiam faciunt, cotidie epistolis, aliisque, quæ acervatim incumbunt, negotiis ita occupor, ut pigeat ferè in compendium redigere, quæ iusto opere exequi mallet, aut si omninò ita continuandum sit hoc opusculum, quò suum habeat colophonem, ea, quæ restant, quàm brevissimè, velut Indicis tantum formâ, his, quæ jam accipis, adjungere cuperem, tantisper, dum tandem aliquando curatius pleniusque descripta accipias omnia. Interim recentiora illa, si non perfectæ penitus & limata omnia, at affectu certè habere me non inficio. Sed ea antè non habebis, quàm hæc benignè accepta intellexero. Vale. Scrib. Gedani Non. Febr. Anno M. DC LXXIX.

IN
FLORUM
POLONICUM;

S Lavica dum primis, Pastori, ducis ab
annis,
Et Lechi cineres exuviasque tui;
Et Craci imperium, magni incunabula Regni,
Tanta sub Arctoi sidere nata poli;
Tot formidatos, Bellonæ fulmina, Reges,
Nomina tot, nostris non temeranda modis;
Externum nil Roma legit. Se spectat in illis,
Eloquiumque operis materiemque sui.
Hactenus & solos tantum mirata Quirites,
Fassa sibi est populum se reperisse parem.
Et pariter te, Resque stupet; dumque omnia
laudat,
Omnia Romanae sunt, ait, ista manus.

AP

AD POLONIAM.

Cum

Florus Polonicus Pastorianus

iterum ederetur.

Accipe *Sarmaticum*, Generosa Polonia,
Florum,

Qvem Tibi PASTORI cura secunda dedit.
Prima eqvidem dudum, cupido plaudente
Theatro,

Lectores cepit, tota venusta, suos.
Pectora mirati tantæ fortissima Gentis;
Magnanimos Reges, egregiosque Duces;
Scriptorisque simul Genium, Calamumque:
fatentur,

Omnia Romana protinus esse *Manus*.
Plaude Tuis felix, Invicta Polonia, plaude
Laudibus, & pulchrum tolle beata caput.
LECHEI Cineres, prisci Decora alta PIASTI,
Atque JAGELLONÆ Stemmata sancta
Domus,

Et CASIMIRORUM dignissima Nomina Cedris,
Hac scribi gaudent se potuisse manu.
Jure Tuis igitur grata Hunc quoque *Civibus*
addis,

Qvem magnus decorat *Cæsar* Honore pari:
Resque Tuas docto qui nobilitaverat ore,
Hunc Tuus ex merito nobilitavit amor,
b s . . . O Marti

O Marti pariter, pariter carissima Phoebo,
Judicii salve munere laeta Tui!
Talia quæ scripsit, non inferiora meretur,
Quàm, gerere hæc olim quæ potuere,
Manus.

Ardua quos tollat Virtus, fecunda Virorum
Innumeros quovis tempore Mater habes:
Inclyta viduro qui Facta Volumine con-
dant,
Adspice, quàm raros Secula tota ferunt !

Scrib. Gedani,

III. Cal. Jun. A.C. clobc LXIV,

JOH. PETR. TITIUS,
Eloqv. & Poët. Prof.

In
Florum Polonicum,

Perilluſtris & Admodum Reverendi

DNI. JOACHIMI AB HIRTEN-
BERG PASTORII,

Protonotarii Apoſtol., Canon. Chelm.
Decani, Parochi & Officialis Gedanenſis ac
per Pomeraniam Generalis, nec non Se-
cretarii, Hiſtorici & Commiſſarii Sæ.
Reg. Maj. digniſſimi,

I.

Flora ſuis ſuaves pratis miratur honores,
Semper odorifero gramine gaudet
humi,

Hortos Hesperidum, lati Viridaria Paſti,
Laudat; ſed *Florum* conſpicit atq; ſtupet:
Quid mihi vobiſcum *Flores*? quid lilia
fertis?

En omnis *Florum* gloria veſtra cadit!
Sarmaticus vincit *Florus*, victorq; trium-
phat,

Conjunctim *ſtorens* omnia ſolus habet.
Heroes Lechia loquitur doctiſſimus Heros,
Florentis Flori nomen & omen habet,

II.

Svaviloqvo grandis *Floro* quid, Roma,
superbis?

Define: Sarmaticus jam tibi *Florus* adest,
Grandiloqvus, svavis, niktidus, mireque
disertus,

Qvem Musæ, Charites, Pallas, Apollo
beant.

Cedite Romani Scriptores, cedite Græci,
Florus enim Lechicus continet omne
decus.

III.

PASTORI Aonidum decus immortale Soro-
rum,

Jam quintò *Florum* doctior orbis habet.
Perlege *florentem*, Generosa Polonia,
Florum,

Flosculus haud toto pulchrior orbe datur.
Autoris nomē satis est super æthera notum,
Sidereo *Flori* defluit axe decus.

Frigida Parrhasium bacchatur Bruma per
orbem,

Non metuens frigus *flosculus* iste viret.

GEORGIUS HIRSCHMANN.

THUA-

Ultra Vistulam, qui limes est Germaniæ, Orientem versus latè jacent Sarmatiæ. Europæa prima, deinde Asiatica ad Septentrionem porrectæ, quæ Tanai fluvio & Mæotide palude discriminantur. In Europæâ Poloniæ Regnum situm est, quod etiam citra Vistulam versus occasum ad Oderam seu Viadrum usque protenditur, & Pomeraniam ac Prusiam amplissimas Polonica ditionis beneficiarias provincias, (quanquam & easdem Imperium Germanicum sibi vindicat) Poloniam denique propriè dictam, à quâ toti Regno nomen, inter Vistulam & Oderam amplectitur. Totum igitur Regnum ab Oderâ ad Vistulam, & à Vistulâ ad Borysthenem, hodiè Nieperum dictum, à Ponto Euxino ad mare Balthicum, ab extremis Lithvanorum finibus ad Moscorum & Suecorum usque limites extenditur.

In Europææ Sarmatiæ spatio maximæ ac frequentissimæ regiones moribus ac linguâ differentes, Polonia, Prussia, Masovia, Samogitia, Livonia, Lithvania, Volhinia, Podolia in unum fortissimum Regni corpus coa-luerunt. Polonia, cui à Pole nomen, quod vocabulum planitiem & venationem sonat, eò quod plana majori ex parte provincia, & venationi-

nationibus exercendis oportuna sit, in Major-
rem & Minorem dividitur, & ab occasu Ode-
ram habet, & trans Oderam, Germaniam,
omnium Europæ provinciarum maximam :
à meridie Pannonias : ab ortu Lithvaniam
respicit. Regio ferax, oppidis ac vicis & ca-
stellis frequens, fluviiis crebris irrigua, & ad-
huc generosâ nobilitate abundans ; quæ ar-
morum curam ferè cum literis conjungit. Ita-
que & Regionum visendarum gratiâ, Nobiles
ac primores Adolescentes crebrò Lares pater-
nos deferunt, & magnam secum doctrinæ co-
piam, & optimarum rerum usum non medio-
crem ex peregrinationibus collectum domum
referunt. Slavicâ linguâ utuntur, ut & in
Germaniâ Boëmi, Silesii, & Moravi à Slavis
è Roxolaniâ populis profectâ, qui circa Atti-
la Hunnorum Regis tempora, vacuas Vanda-
lorum sedes occupâsse, & in interiorem Ger-
maniam victricia arma intulisse memoran-
tur. Ab iis, ut genus, sic lingua propagata,
hodiè quàm latissimè per Septentrionem &
Orientem patet : eâque ferè præter eos, quos
dixi, Vindæ, Baltico mari vicina gentes, Po-
merani, Lusatii, Roxolani, Mosci, quorum-
non solum in Europâ, sed etiam in Asiâ latissi-
mum est Imperium, Circassii etiam, Quin-
quemontani ad Pontum habitantes, Raseia-
ni, Mæ-

ni, Mæſſi, Serviani, Bulgari, Boſnæſes in Illyrico, Dalmata, Iſtri, Carniolani, ac deniq; Carinthii utuntur.

SABELLICUS Ennead. 8. lib. 2.

SLAVOS perhibent à Cimmerico Boſphoro, è Sarmatiâ & Ruſſiâ bipartitò egreſſos. Partem unam ad dextram deflexiſſe Septentrionem verſus, ſciſſamque in duos populos, Bobemos & Polonos, cum hos Lechus, illos Cechus fratres ducerent. Alteram tranſmiſſo Iſtro, ſecundum Savum amnem, ad Dalmatiam uſque ſedes tenuiſſe, nihil mutato nomine. Occupârunt autem relictas à Vandalis ſedes Hiſpaniam petentibus.

PRIVILEGIUM

JOANNES III

DEI GRATIA REX POLONIÆ,
MAGNUS DUX LITHVANIÆ, RUSIÆ,
PRUSSIÆ, MASOVIÆ, SAMOGITIÆ,
KIJOWIÆ, VOLHYNIÆ, PODOLIÆ,
PODLACHIÆ, LIVONIÆ, SMOLEN-
SCIÆ, SEVERIÆ, CZERNIE-
CHOVIÆ & C.

Significamus præsentibus Literis
Nostreis, quorum interest Univerſis &
Singulis. Cum Nobis expositum es-
ſet per certos Conſiliarios Nostros, ac in-
primis per Venerabilem fideliter Nobis Di-
lectum JOACHIMUM PASTORIUM, Protono-
tarium Apoſtolicum, Canonic. Chelm. De-
canum & Officiale. Gedanenſem, ac per
Pomeraniam Generalem, Præpoſ. ad S. Al-
bertum, Secretarium & Commiſſarium No-
ſtrum, Spectabilem *Simonem Beckenſtein*,
Civem & Bibliopolam Gedanenſem, Flo-
rum

PRIVILEGIUM.

I
rũ Polonicum quintò correctum & au-
ctum, nec non alia opera Historica, uti &
Palæstram Nobilium cum Panegyricis qui-
busdam & Carminibus, ab eodem Venera-
bili Pastorio concinnatis, propriis sumpti-
bus, typo eleganti in lucem edere velle, ve-
reri autem, ne posteaquàm hæc opera in lu-
cem prodierint, æmuli Typographi, eadem
recudendo in recens, prænominatum Spe-
ctabilem Bibliopolam non solum sperato
fructu, sed etiam sumptuum notabilium
compensatione privent: Supplicatumque
Nobis, ut ejusdem Bibliopolæ libertati &
indemnitati, auctoritate Nostra Regiâ pro-
videre dignaremur: Nos proinde, prout
laudabili instituto supra nominati Venera-
bili Decani & Officialis, ita etiam interces-
sioni ex parte prædicti Bibliopolæ Geda-
nensis factæ, benignè annuentes, eidem fa-
cultatem & libertatem cudendi seu imprim-
mendi specificata supra Opera ac libros, ex
speciali gratia Nostra, ad annorum quinde-
cim à data præsentis computandorum de-
cursum, concedendam & tribuendam esse
duximus, prout concedimus & damus hoc-
cè Privilegio Nostro, ita, ut intra decursum
præfixorum annorum, præter dictum Spe-
ctabilem

PRIVILEGIUM.

Stabilem *Simonem Beckensteinium* & ejus
 hæredes legitimos, nulli Typographorum,
 Bibliopolarum, seu negotiationem librari-
 am alio quovis modo in Regno, Provinciis
 & Civitatibus Regni Nostri & Magno Du-
 catu Lithvaniæ exercentium, licitum sit,
 nominatos libros recudere, recusosve ven-
 dere, tam in toto quàm in parte, sub amis-
 sione exemplarium omnium & pœna du-
 centorum Hungaricalium aureorum, Fisco
 Nostro & accusanti parti per medium ap-
 plicanda. Quod ad notitiam omnium,
 quorum interest, præsertim vero Officio-
 rum ac Magistratum Nostrorum quorum-
 vis, in Civitatibus Regni Nostri & Magno
 Ducatu Lithvaniæ, majoribus & minoribus
 omnibus existentium, deducentes, manda-
 mus, ut sæpè nominatum Spectabilem Bi-
 bliopolam Gedanensem, circa expressam
 speciali hoccè Privilegio libertatem, ad ex-
 pirium præfixorum annorum conservent,
 in invectione & venditione prænominato-
 rum librorum in Dominiis Nostris ac Civi-
 tatibus quibuscunq; non impediunt, nec à
 quibusvis Typographis, aut Bibliopolis im-
 pediri eandem, vel Successores illius per-
 mittant, pro gratia & sub pœnis in Con-
 vulsores

PRIVILEGIUM.

vulsores Privilegiorum Nostrorum Regni
Legibus sancitis. In cujus rei fidem præ-
sentes manu Nostra subscriptas, Sigillo Re-
gni communiri iussimus. Datum Javoro-
viæ die 26. Mensis Septembris Anno Do-
mini M. DC. LXXVIII. Regni Nostri An-
no Quinto.

JOANNES REX.



JOACH.

(23)

Jo

P

Leck
p
co
gr

H
illy

Fol. I.

JOACHIMI AB HIRTENBERG
PASTORI

F L O R I
P O L O N I C I
L I B E R I.

CAP. I.

D E L E C H O.

ANNO CHRISTI 101.

*Lechus primus Princeps. Quis status tum
Principum. mores Polona gentis. Gnesna
condita. gentium Septentrionalium mi-
grationes.*

P R I M U S R e i p u b l i c æ c o n d i t o r a c
P r i n c e p s L e c h u s e x i t i s s e p e r h i b e -
t u r . Q u e m a l i i i n d i g e n a m , a l i i
e x u l t i m i s R u s s i æ r e c e s s i b u s , a l i i e x
I l l y r i c o a d v e n a m f u i s s e t r a d u n t . S u p -
A p e t u n t

petunt argumenta, quibus colligere licuerit, ipsum unà cum Czecho in Illyricum primò, ubi Croatia, progressum ex veteri Lazorum Sarmatarum regione, cui Zechos olim, quà Circassi hodie degunt, vicinos fuisse vel ex Procopii & Agathiae monumentis constat. Cæterum uti Patria Lechi ambigua, sic virtus non alio certiore documento innotuit, quàm quod ductū ejus sequi, audireq; imperium inuasor novæ terræ Populus voluit. Erat tum sine lege Principis potestas, nisi quam ei vel natura poneret, vel genius populi, superba imperia facillime aspernantis. Nec propriis ex agris ille, sed annuo sustentabatur proventu subditorum, securiùs quoque sic parentium Principi, qui sine ipsis vivere non posset. Nummus etiam hætenus in Poloniâ incognitus erat. Opipida rara. Lechus quæ reperit, munivit, & ad nova struenda animum adjecit. Prima operum ejus Gnesna hodieque extat, regia quondam Principis, nunc primi Antistitis sedes. Quam moliendi animum vel dedit vel auxit nidus regnatricis avium Aquilæ, felix nascentis Imperii omen. A nido nomen adepta civitas est;

avis insigne regni mansit. Bella quin aliqua gesserit Lechus, extra dubium est, aut certè perquàm felicem fuisse oportuit, cui novæ terræ occupatio nullo sanguine constiterit. Magnam ejus partem eo tempore à Bulanis, Venedis, aliisq;, quorum Ptolomæus meminit, habitatam, partem quoq; desolatam penè offendisse verisimile est. Incidit enim Lechi ætas in ea tempora, quibus Gothi, Alani, Vandali, Hunni, Italiam, Galliam, Hispaniam, & Africam, inundaverunt; eunte tum Româ in præceps, danteque exitio suo variis Imperiis initia nascendi.

CAP II.

DE PALATINIS XII.

Aristocratia instituta similis Decemvir: Rom. Leges tum condita, non scriptæ. Palatinorum ambitio & discordia. Finitimorum machinationes.

Nondum formam constantem, aut certum veluti vultum duxerat Polonorum Respublica. Facilis mutationi fuit, cum vel Lechus nullam sobolem, aut

non capacem sceptri reliquisset, vel populus libertatis pertinax, uni in omnes dare nollet imperium. Visum ergo est duodecim primarios viros deligere, munia Reipublicæ communi consilio exequenturos: qui cum vernaculo nomine *Wojevoda*, id est belli duces dicti, hodie Latine loquentibus Palatini vocantur. Ac hic magistratus & numero, & factis & fine denique; haud multum absimilis Decemviratus Romanorum est. Nam utrorumque & brevis potestas, & laudabilius initium, quam finis fuit. Præterea, ut illi Romanam, ita Polonam Rempublicam isti, legibus certis devinxerunt. Quæ tum rudi adhuc seculo simplices fuerunt, & quia literarum cultura aberat, non tabulis, sed mentibus inscriptæ, solis in moribus observantium legebantur. Plurimum his institutis ornaverant Rempublicam Palatini; sed hanc iidem mox gravissime afflixerunt. Correpti enim ambitione, discordes agere ac raptare inter se Imperium cœperunt. Quod idem sic domi agrum non omiserunt mox infestare finitimæ gentes, jam pridem, ut fit, surgentem in viciniâ novam potentiam male ferentes.

LIBER I.

5

CAP. III.

DE CRACO.

AD ANN. CHRISTI. 1000.

Cracus inuitus suscipit Principatum, susceptum pacat. Cracoviam condit. Draconem tollit. Sepulchrum illius.

Laborante ita externis civilibusque bellis Poloniâ, publicæ rei intererat, ab uno rursus omnia regi. Aptissimus ad id Cracus vidēbatur, vir opulentus, Vistulæ fluminis accola. Sed is agrè persuaderi potuit, ut susciperet onus, quod per se arduum mala tum publica aggravaverant. Vicit tamē recusantis modestiam pertinacia deferentium. Ille turbatum imperium pacare aggressus, hostes partim foederibus, partim vi mitigavit. Domi ambitionem, & si quæ alia supererant, discordiarum civilium semina sustulit, ac ut porro compositiùs cuncta agerentur, passim per provinciam discепtatores privatarum litium constituit. Inde novam ad Vistulæ ripam excitat urbem, quam de suo dictam nomine Cracoviam, relictâ Gnesnâ, regni caput dedit.

cat. Arcem imponit scopuloso monti Vavelo, qui hinc Vistulæ præterfluenti, inde subjunctæ urbi imminet. Ad ejus radices suspensum rupibus antrum hodieq; conspicitur, quod Draco immane monstrum, & magna circumjectorum locorum calamitas, dicitur habitasse. Quem Cracus objectâ corporum pice ac sulphure effectorum escâ confecit. Moriens in Lassotino monte ultra Vistulam è conspectu Civitatis sito, sepeliri voluit, sublato in collis speciem tumulo, qui hodie etiamnum extans, urbi nobilissimæ memoriam conditoris sui renovat conservatque.

CAP. IV.

DE LECHO II.

Parricidium Lechi. ejusdemque pœnâ exitium.

Cracus duos filios reliquerat. Quorum minor natu Lechus imperium, quod Craco fratri, jure ætatis, primò debebatur, rapere maluit, quàm expectare. Valuitque in tantum ambitio, ut regnandi causâ

causâ nec parricidii scelus admittere dubitaret. Eductum enim in sylvas, specie venandi, fratrem obtruncavit. Mox ut à se suspicionem cædis amoliretur, eundem quasi casu vel fato mortuum, multo luctu & accuratissimo exequiarum honore persequutus est. Sed nempe vindex scelerum Deus non permittit diu latere flagitia, aut fructu eorum gaudere authores. Enotuit Lechi facinus, ac missus in exilium est parricida. Sat grande supplicium ferre videbatur, si eo careret, ob quod parricidii reus esse non timuisset.

CAP. V.

DE VENDA VIRGINE.

AD ANN. CHRISTI MCCCL.

Venda Princeps electa. matrimonium respuit. Ruigeri proci conatus & mors. Venda vitrix se Divis Manibus devover.

EX sobole Craci Venda supererat, ingens animi virgo & supra sexum suum prudens. Inde post infaustos fratrum casus digna Polonis visa est, cui sceptrum paternum daretur. Et hac veluti dote

destinabatur conjugio, per quod Poloni principem, & ex eo prolem acciperent, ne porro successor in dubio foret. Sed Venda princeps esse maluit, quàm principis uxor. Ambiebat eam Ritigerus è vicinâ Germaniâ Princeps, & spretus à pulcherrima virgine, conjugium, quod precibus impetrare non poterat, manu capere decrevit. Progressus ad fines Polonorum cum exercitu, hostilia minabatur, sic tamen, ut in hoste amanti animus emicaret. Processit obviam cum expeditis suorum copiis Virgo, omnia mutua ostentans, præter amorem. Dum legationibus morantur bellum, pudor incescit Ritigeri comitibus pugnare contra castissimam Virginem pro Principis sui libidine. Ergo abutum moluntur. Dux ipse amore Virginis, simul irriti conatus pudore veccors, infelicem sibi manum infert. Venda triumphans Cracoviam ingreditur, nec contenta victimas alias obtulisse, se ipsam Diis Manibus devotam in Vistulam præcipitat, nobili contemptu vitæ, si tam digniori causæ impensa esset, quàm cæco impetu erroreque superstitioso videtur projecta.

LIBER I.

CAP. VI.

DE XII. PALATINIS,
& PREMISLO seu LESCO I.

*Palatini iterum regnant. Premisli fabrica
ejusdem electio in Principem.*

VEndæ castitas Polonis gloriosior,
quàm utilior fuit. Tota enim cum illa
stirps regnatrice, de quâ sola jam supere-
rat, intercidit: revolutaq; est Imperii
moles in Palatinos. Sed favit Fortuna
Polonis, ut cognitus recenti periculo Ma-
gistratus, antequam tempore corruppe-
retur, desineret. Infestabant tum Polo-
niam Pannonæ & Moravi, diu impunè,
donec à Premislo aurifabro, inusitatâ ru-
di illi sæculo arte, multarentur. Fabrefa-
ctas ex corticibus arborum, & felle vel li-
thargyro illitas galeas ad oram sylvæ, in
arbutis truncisq;, castra hostium contrâ,
clam noctu suspenderat. Sole oriente
splendor galearum, exercitûs specie, o-
culis eminus spectantium illudens, exci-
vit quosdam hostium, qui prioribus suc-
cessibus feroces, tanquam ad expositam
prædam accurrerunt. Venientes cum ga-

A 5 leas

¶ **DE FLORI POLONICI**
leas non reperissent (eas enim Poloni interim removerant) fugâ elapsum credunt hostem & ad persequendum se parant. Sequutos in interiora sylvæ derepente ex insidiis circumveniunt Poloni, cæduntque: mox armis eorum indutis, castra quoque hostium invadunt. Machinatore tam felicitis doli Premislum admirati Poloni, Principem fecêre. Regere debere visus est Rempubicam, quam servaverat.

CAP. VII.
DE LESCO II.
AB ANNO MDCLX. AD
ANNUM MDCCIV.

Certamen equestre de Principatu. Dolus Lesei. infelix auctori. alterius Lesci electio. & mores.

¶ **S**ed Premislus seu Lescus iste orbus decessit. Inde nova de Principatu contentio orta est. In quâ cum cætera discordarent, eò consensière voces omnium, ut fortunæ permitteretur electio. Selecti equis versicoloribus procurreretur ad metam, qui primus pervenisset, Princeps foret.

LIBER I. II

foret. Sed repertus est ex competitoribus, qui fortunæ arbitrio dolum interponeret. Is campi, in quo certandum erat, arenas tribulis ferreis clam noctu impedit, relicto sibi tramite integro, equoque etiam in casum soleis ferreis munito. Effusis in cursum omnibus lapsantes cæteri vel tardati, facillè victoriam impostori reliquere. Jamque adstrepì cœptum erat ut victori, ut Principi, cum paulò post fraudis compertus, pro principatu supplicium subiit. Fortè autem cum cæteri equites decurrerent, vir quidam tenuissimæ sortis idem stadium pedes, non sine risu astantium, ingressus fuerat, metamq; etiam post ipsum doli constructorem tetigerat primus, quòd scilicet, antequam alii adessent, cum sodale, ludicro cursu, certamini velut præludens, quà currendum esset, non sine pedum vulnere didicisset. Illum postea fato sibi ostensum rati Poloni, quanquam pauperem, & nec unius equi Dominum, principatu donarunt. Quem ille, dubites majorene felicitate acceperit, an industriâ administrarit. Stimulabat animum ipsa ignobilitas, ut quod stirpi deerat, virtute suppleret. A-

nimum fortem in hostes, in suos beneficium ostendit, habitum verò privati & modestiam mutatâ etiam fortunâ retinuit, ac ne exueret, pannos, quibus ante Principatum usus erat, subinde contemplabatur, sobriæ insuper vitæ inprimis studiosus, ebrietatisque osor acerrimus. Quasi sciret, magnis honoribus tentare fortunam mortalium mores, cautè egit, ne impar inveniretur.

CAP. VIII.

DE LESCO III.

AB ANNO MDCCCIV. AD ANNUM MDCCCX.

Lesci bella cum finitimis. pax cum Carolo magno. filius ejus Provincia distribuit.

GLoriosam Lesci vitam similis mors sequuta est. Fertur enim in prælio contra Carolum Magnum, cognatis Slavorum gentibus, Hunnisque opem ferens, occubuisse. Sed mox in successore filio virtus mortui patris resplenduit. Aspernatæ novitatem ejus finitimæ gentes assiduis bellis exercebant arma fortissimi juvenis, incitabantque ostendere, parum inter-

interesse virtutis, quos numeret majores. Atque istos quidem hostes felicissimè ultus est, provinciis etiam quibusdam patrio regno adjectis. Cum Carolo M. missis muneribus pacem pepigit. Satis speciosum fuit Lescò, à magno illo Occidentis domitore non victum esse. Filios habuit complures, quorù unus Popielus in spem regni educatus: reliquis Marchia, Pomerania, Cassubia iisque confines Provincia distributæ sunt, hoc autoramento, ut Popielo hæreditatem suam integram relinquerent. Felix obiisset Lescus, si tam bonum hunc genuisset, quam bonus genuerat.

CAP. IX.

DE POPIELO MAJORE.

AB ANNO ICCCCX. AD ANN. ICCCCV.

Popielus degener, mutat sedem regiam, citò moritur.

POpielus nihil à Patre præter Principatûs fortunam, accipit. Animus dissimilimus erat, ignavus, & ultra abdominis curas vix assurgens. Nec patria sedes
Cra-

Cracovia diu placuit degeneri. Situs urbis montibus cinctæ & Russorum Pannonumque assultibus opportunæ, persuasit homini, ut campestris Poloniæ plana que habitare mallet. Et quò simul fratribus propior esset, Pomeraniæ dominis, Crusphicia delecta est, Cujaviæ, ut hodiè dicitur, oppidum. Sed frustra vitæ vel securitatem, vel voluptatem hâc mutatione sedis quæsit. Aliquanto enim post repentino fato abreptus est, non bonus sine dubio princeps, nisi pejor filius patrem omnibus desiderabilem fecisset.

CAP. X.

DE POPIELO JUNIORE.

AB ANNO MDCCCXV.

AD AN. MDCCCXXX.

Popielus deterior Patre. deformis. uxor ejus pessima, ipsi imperans. patruos veneno necant. à muribus devorantur.

POpieli filii adolescentia aliquandiu Patruorum Procerumque consiliis cohibita est. Mox non tutorum tantum, sed omnia honestatis fræna excussit. Juvenis in fœdas voluptates totus profluens, regere

ens, regeſe ab ingenio ineptus, & ex dominandi fortunâ nonniſi licentiam uſurpans. Junctâ erat animi ignaviæ corporis deformitas, raro in capite, & facie pilo perabſurda. Inde irriſum vocolasque ſubditorum incurrit, ut vulgari convicio *Chôſtek* appellaretur. Spes adhuc tamen corrigendi juvenis in matrimonio ſupererat. Verùm & hæc ſefellit. Duſta enim è vicinâ Germaniâ uxor ad Principis ſolutiſſimos mores propria inſuper vitia, avaritiam & crudelitatem attulit. Poſtremo quoque ſœmina impotens vecordiam Popieli ita ſubegit, ut hic inania nominis, ipſa vim teneret imperii. Nec ſatis illi erat vivo marito imperare, niſi impoſterum etiam ſibi & filiis, quos duos ex Popielo pepererat, regnum firmaret. Diffidebat autem favori Polonorum, præſentem dominationem abominantium: ſed inprimis Patruorum mariti gratiam in vulgus atq; autoritatem ſuſpectabat. Hos dum amoliri laborat, erupit in ſcelus, in quo fides annalium labore, niſi tot ſeculorum conſenſu niteretur. Perſuadet mulier nefanda marito, ut modeſto æmulorum metu ſe ſuosq; liberos exſoluturus, dolo,

dolo, quem commenta erat, operā commodaret. Ille, jubente ita uxore, morbum simulat, patruisq; advocatis, quasi morti proximus conjugē ac liberos commendat, Ipsā interim, ut fidem morbi periculosi faceret, nulla non adhibente doloris imitamenta. Flexo in vesperam die, Popielus manū, quasi tesseram affectūs sui ultimam, secessuris porrigit, & simul infelix poculum, quo paratum à muliere venenum continebatur. Illi conceptā intra viscera morte abeunt, mox acti in rabiem, post ingentia tormenta exanimantur. Clamat mulier divinā aliquā vi tactos esse, ac recidisse in autores insidias, quas Marito suo struxissent. Mox corpora abjici jubet, odio quasi ipso & sævitiā in nocentes innocentium suam probatura. Et fefellerat fermè homines, sed minimè Deum, qui, si fides annalibus veterum, prodigioso planè & inaudito supplicii genere eos, qui patraverant, reos peregit. Nati quippe è cadaveribus projectorum mures, portentosæ molis, invadunt impium parricidam, uxorem & liberos. Non aqua, non flamma, non claustrorum latebræ, non auxilia mini-
strorum

strorum arcere hos vindictæ Divinæ satellites potuere. Ita tandem liberi Principis Lechus & Popielus, mox conjux, postremo ipse pabulum, murium facti, documentum dedere posteris, non posse à mortalibus tam horrenda committi flagitia, quin horribiliores poenas iratum Numen inveniat.

CAP. XI.

DE PIASTO.

AB ANNO MDCCCXXX. AD ANN. MDCCCXL.

*Comitia sine effectu. turba in Polonia. Pias-
tus pascit miraculosè plurimos. princeps
creatur. bene dinque imperat.*

Calamitates Poloniæ sub Popielo tolleratas auxere post ejusdem exitum, orta de successore dissidia. Indicta Crusviciæ comitia sine effectu diffluunt. Et poscentes regnum filii Patruorū, quos Popielus sustulerat, adversos habebant Polonos. Interim omnia rapinis & latrociniis infesta erant, & mox per interna mala machinationibus finitimorum, nudum Reip. latus objectabatur. Coacti iterum

iterum Proceres, cum diu se variis contentionibus fatigassent, tandem cum eligunt Principem, quem nemo unquam speraverat. Is erat Piaſtus, Crusviciæ oppidanus, modici agelli dominus, sed inter fortunæ angustias, vitæ innocens, & inprimis erga egentes promptus. Hunc narrant scriptores extremis Comitibus, cū magnā annonæ caritatē laboraretur, refecisse omnem eorum, qui ad comitia convenerant, multitudinem. nihil minuentibus inter tot avidas fraentium manus dapibus. eādemque penūs fecunditate olim ab eo exceptum Principem cum universo aulicorum comitatu. Quo prodigio attonitos Polonos Piaſtum nequicquam reluctantem salutasse principem. An à credulā antiquitate hæc falso in miraculum corrupta sint, non habeo dicere: certe non sine fato positum esse Principatu Piaſtum, principatus ipse ostendit, gestus ab illo felicissime, & ad feram posteritatem, ordine non interrupto deductus. Quos enim post illum Duces vel Reges Polonorum ad Ludovicum Ungarū numeramus, illius soboles sunt, & ad eundem nuper extincti Duces Lignicenses

acBregenses, generis sui primordia referebant. Incurſiones hoſtiũ ad initia ſtatim ejus acquieverunt. Latrocinia, diſſidiaq; interna, autoritate magis, quàm ſeveritate Piaſti compreſſa ſunt: comitante eum divini favoris opinione, quã nullum inſtrumentum ad regendam multitudinem potentius Principes habent. Cruſviciam, ſcelere humano, divinæque ultionis piaculo infamem locum, Gneſnâ mutavit, vetuſtiſſimâ Principum ſede. Hic obiit annum agens vicesimum ſupra centeſimum, ætate ſanè principibus viris inuſitatâ. Sed hic quondam Agricola, frugalitatem prioris fortunæ etiam poſtea ſervaverat, gulæ & libidinum abſtinens, per quas plerique vitam præcipitant.

CAP. XII.

DE ZIEMOVITO I.

AB ANNO MDCCCLXI. AD

ANN. MDCCCXCII.

Ziemovitus à Patre conſors imperii adſumitur. diſciplinam militarem condit. bella ejus cum Ungaris. Germanis. Pomeranis.

Piaſto

Plasto Repicha, digna marito conjux, dignum Patre filium Ziemovitum pepererat. Qui à Patre grandævo in consortium curarum jampridem assumptus, illo mortuo, magnis omnium studiis summum regimen accepit. Vir erectæ indolis, inediæ, vigiliæ, alioris patientissimus; penitusque ad rem militarem compositus. Quanquam nec in pace obsolevit, munificus in largiendo, in pœnis lenitati propior. Simulac Patri successerat, gentis suæ fortitudinem ratione temperaturus, disciplinam militarem condidit, creato militiæ magistro, & ordinum ductoribus. Paulò post in Ungaros & Moravos, tandem & Germanos movit, repetiturus provincias, quas illi Popieli nuper ignaviâ & interregni tumultibus usi, Polonis eripuerant. Atque hitum, Ludovico Balbo imperante, discordiis internis attinebantur. Quò facilis Ziemovitus non sua tantum recuperavit, sed latius subinde evagante belli contagione, vicina aliquot loca traxit. Pari felicitate, quæ Prusli occupaverant, recepit. Inde in Pomeranorum, Cassubiorumq; duces vertit, præscum Polonorum

ex

ex Lescō III. sanguinem. Sed hīc ali-
quantū victoriarum ejus cursus substi-
tit, recusante velut fortunā adesse cogna-
tos suos oppugnanti. Hi ergo locorum
inprimis præfidiis tuti, diu bellum susti-
nuērunt, fagitatique etiam tandem, Zie-
moviti post insequuta mors, ac successo-
ris filii impar ætas, respirandi copiam
dedit.

CAP. XIII.

DE LESCO IV.

AB ANNO MDCCXCII. AD

AN. MDCCCXIII.

*Lesci impuber atas. Curatores pacis studi-
um.*

MOriens Ziemovitus, cum XXXII.
regnasset annos, filium impuberem
Lescum reliquit, qui grati in parentis me-
rita Poloni principatum deferunt, datis
puero rectoribus, qui Reipublicæ interim
negotia tractarent. Hi seu incuriā, seu
contemptu gloriæ sub alienis auspiciis
merendæ, neglexere cœpto à patre Lesci
contra Pomeranos bello insistere. Lescō
postea adulto occasio effluxerat. Et erat
mitis

22 FLORI POLONICI

mitis ingenio Princeps, quique pacem
quàm bellum mallet, patrium tueri prin-
cipatum contentus. Ne lenitatem hanc
ignaviam interpretemur, pacis artibus
effecit, in quibus & ipsis habent, ubi se
exerant bona ingenia.

CAP. XIV.

DE ZIEMOMISLO.

AB ANNO MDCCCXIII.

AD ANN. MDCCCLXV.

*Hic quoque pacis amans. sero filium & cæ-
cum suscipit. cui restituta prodigiose lux
majorem Polonia lucem portendit.*

Q uasi Polonorum animos Christianæ
mansuetudini sensim temperare vel-
let fatum; pacis amanti, Lescio similis fi-
lius Ziemomislus successit. Quippe &
hic leni silentio vitam transegit, nullâ re
nobilior, quàm filio. Quem sero partu
mater ediderat, & quasi ne sic quidem sa-
tis elaborasset natura, cæcum. Dubita-
bat penè pater talemne prolem orbitati
præverteret, nescius, quantâ per eam Po-
lonia beanda esset felicitate. Attigerat
annum

annum septimū puer, usitatum tum gentili ritu tondendæ comæ, & nominis imponendi tempus. Instruit Pater convivium, cui præcipui ex proceribus intererant, omnes ambiguo inter gaudium tristitiamque vultu, sed mox durantibus adhuc epulis donata puero repente oculorū lux novā latitiā omnes perfudit. Novo illicò apparatu adornatur epulum: inditurque puero Miecislai nomen, quod nutricum postea blanditiæ in Miesconem detorsere. Interrogati super hanc re Arioli, responderunt, lumen Poloniæ portendi. Quod augurium secuta Christi religio asseruit, sed ut simul aliis omnibus auguribus silentium imperaret.

CAP. XV.

DE MIECISLAO I.

PRINCIPE CHRISTIANO.

AB ANNO MDCCCLXIV. AD

AN. MDCCCXCIX.

*Miecislao plures uxores. nulla proles. Christianam uxorem accipit. simul & fidem.
Bella ejus pauca & infelicia.*


Miecislai

Miecisłai initia non illaudata equidē penitūs, infra tamen expectationem stetere suorum, quos tam insoliti eventūs augurumque vaticinia in spes non mediocres erexerant. Immodicus libidinum, & ignavæ penē quietis juvenis, septem simul habebat uxores, tamen sine prole agebat. Ea occasio primum religioni Christianæ aditum in Poloniā aperuit. Sparsi enim tum fortē per regnum ex vicinis ditionibus Christiani, Principi arreperunt, prolem & felices successus pollicentes, si sacra hætenus usurpata melioribus mutaret. Haud mora. Illectus ille tantarum rerum spe, an potius à numine tactus, uxores barbaras repudiat, & Bolesłai Bohemorum Ducis filiam jam Christianam ducit, nomine Dambrawcam. Eam ad Polonos euntem comitatus est nobilis Bohemus, nomine Perstinis, primariæ in Poloniâ familiæ Lesciniorum autor. Ejus filius Bozuta principem postea in eo Regno pontificatum Gnesnensem rexit. Frater Bozutæ filios & nepotes habuit, quorum alii pariter infulis, alii aliis Dignitatibus cfloruerē. Sed antequam Miecisłaus cum Sponsâ suâ in
manum

manum conveniret, publicè sponsus sacra lymphâ Christianismo initiatur. Mox officii sui ducens acceptam purioris religionis facem subditis etiam suis præferre, Archiepiscopos duos Gnesnensem & Cracoviensem: Episcopos hinc inde aliquot, passim verò sacerdotes, templis conditis, instituit. Juvit pios hos conatus Johannes XIII. eo vocabulo Pontifex: à quo missus Ægidius Cardinalis, Episcopus Tusculanus, conquistis ex Italiâ, Galliâ & Germaniâ sacerdotibus omnia ad Romanæ Ecclesiæ ritum ac leges composuit. Interim nascitur Miecislao filius, cui Pater Avi materni, Boleslai nomen imponit, & adulto deinde, Ungarorum principis Geisæ filiam Juditham jungit: cum priùs Geisæ, mortuâ Judithæ matre, sororem suam Adleidam locasset, cujus curâ prima quoque per Ungariam Evangelii vox insonuit. Bella Miecislæus vix ulla gessit, quasi satis gloriæ haberet, qui tot monstra superstitionum debellasset. Cum Ulodimiro Russorum duce parùm feliciter congressus, Premisliam, Cervenum, aliaque aliquot oppida amisit. Miserat porro Miecislæus Ro-

26 FLORI POLONICI LIB. I.

nam Lambertum Antistitem Cracoviensem, ut à Pontifice pro Polonia Principibus Regii nominis decus atq; insigne impetraret. Sed nondum tum postulato huic annuere Pontifex voluit, desiderans nescio quid in Polonis. Amorem certè susceptæ religionis non potuit, qui vel splendentibus illis gladiis, quos sub Evangelici, ut vocant, textûs prælectionem stringere consuevêre, satis effulsit.



27

FLORI
POLONICI
LIBER II.

CAP. I.

DE BOLES LAO CHROBRI,
AB ANNO 1000XCIX.
AD ANN. C10XXV.

*Boleslaus ab Othone III. Imperatore Regi-
um nomen accipit. Bellum in Bohemos. in
Russos. in Germaniam. iterum in Russos.
pacis artes.*

SUſcepta à Polonis Chriſtiana Reli-
gio magnis mox præmiis remune-
rata eſt ſuſcipientium fervorem. Ne
alia jam memorem, principes eo-
rum ad Regiam dignitatem evexit. Quæ
res ut geſta ſit, pretium videtur altiùs re-
petere. Clarebat tum apud Bohemos
Woiciechus, ſeu, ut ab externis vocatur,
Adalbertus, Pragenſis præſul, vir qui vi-
tæ ſanctitate ſupra ſæculi ſui mores ſe ex-
tulerat. Hic cùm lentiores ad Chriſtiani-
næ Religionis obſequium Bohemos ex-
periretur, ad Ungaros profeſtus, ut ſur-

gentem ibidem divini cultûs lucem fove-
ret, inde tandem ad Polonos venit, ubi
cum aliquandiu munere Archiepiscopali
functus esset, propagandæ religionis er-
gò ad Polonos abiit. Adeò nescit in ta-
libus viris quiescere divini amoris flam-
ma, pluribusq; ut luceat, Solis instar se
perpetuò circumagit. Sed Adalberti no-
vissimum hoc curriculum fuit, præclarum
inprimis gloriosâ martyrii coronide.
Hanc enim dum gentem Christianâ im-
buere pietate nititur, barbara inmanita-
te confossus periit. Ejus postea corpus
Boleslaus Poloniæ princeps Miecislai fi-
lius auro contrâ appensum à barbaris re-
demit. Quod Gnesnæ conditum, & mi-
raculorum famâ nobile, plurimos extero-
rum in sui cultum ipsumque etiam Impe-
ratorem Germanorum Ottonem III. ex-
civit. Hic verò in Poloniâ quæsitissi-
mis honoribus cultus, ut gratum se osten-
deret, diadema Regium Boleslao impo-
suit, remittens insuper, quicquid unquam
juris in Polonos prætendissent Imperato-
res. Adjunxit & affinitatis vinculum,
desponsata Boleslai filia Miecislao tum
adhuc impuberi Rixâ, quam Ehrenfrido

Rheni

Rheni Palatino soror Othonis pepererat. Magnas, ut apparet, in Boleslao virtutes deprehendit Imperator, quas tantis benevolentiae pignoribus coluit.

II. Sed idem, ut ante semper egregius, sic Rex factus dignos fortunâ gessit animos. Primum ejus impetum Bohemi sentire, qui fines Polonorum depradati, primæ tamen vindictam culpæ pace oblata effugerant, ut repetitâ injuriâ acriorem mox experirentur. Boleslaus enim secundum jam irritatus, Bohemiam cum exercitu ingreditur, & oppidorum aliis impetu correptis, aliis expugnatis, Moraviam insuper sibi tributariam facit. Duce[m] ipsum excæcat, ut ad novas machinationes redderet ineptum. Inde reversus cum victore exercitu, in Russos movet, recuperaturus Patri Miecislao erepta, & Stopolci miseratus, qui à fratre Jaroslaio ditione exutus ad Polonos confugerat. Diu multumque Russiæ aperta populatus, occurrentem denique ad Bugum flumen Jaroslaum fundit, Kioviamque florentissimam tum urbem, occupatam Stopolco restituit. Abcuntem jam, tanquam reconfectâ, Regem vertit iterum in se Jaroslaus,

laus, opprimere sperans itineri magis
quàm prælio accinctos. Sed victus denuò
agrè ipse fugâ salutem reperit; exerci-
tus ejus magnam partem cæsus est.

III. His actis, ne otio torpesceret su-
orum virtus, sed exercitio perpetuo velut
cote acueretur, Saxones Boleslaus aggre-
ditur Lesci III., nepotibus, Pomeraniæ
Dominis, infestos gravesque. Sed hi sub-
itâ belli procellâ perculsi, fugam magis
quàm arma circumspexêre. Unde terram
eorum impunè ingressus hostis latè omnia
ferro flammisque vastat, progressusq; ad
Salam usque, toto itinere victorem se o-
stendit, positus in ipso flumine columnis,
quæ Polonicæ virtutis Germanos admo-
nerent. Rediens inde Prutenos corripit,
Adalberti interfectores, qui bello impa-
res pacem supplices petiêrunt. Igitur tri-
butum ipsis imponitur, mittunturque, à
quibus fidem Christianam discerent. Sed
hi nihil tum usque profecêre, hætenus
domitis barbaris, ut meliora docentes
ferre, nondum, ut sequi vellent. Inten-
to his Boleslao, resumpserat interim ani-
mos viresque Jaroslaus, audetq; invadere
Polonos. Rex procedit obviam, vene-
ratque

ratque in conspectum uterque exercitus apud Bugum flumen. Hic lixæ dum fortè equos adaquant, prælio præludunt, quod crescente mox, ad famam tumultûs, utrinq; militum numero, acerrimum commissum est. Profligatis ibi victisq; Russis, itidem, ut Prutenis nuper, tributum imperatur.

IV. Bellicas Boleslai laudes minimè pacistempora detrivêre. Jam primū quia adjutoribus opus est Principi, partem curarum capeffituris, duodecim è Proceribus Poloniæ consiliarios sibi adscivit, viros annis & sapientiâ graves. Magna præterea ei sacrorum cura, magna justitiæ erat. Pauperes, si periculum esset, ne per lites in longum prolatas, vel advocatorum penuriâ, potentioribus obnoxii fierent, opibus suis juvabat. Arces, præfecturas & regni etiam longinqua sedulus obibat. Audita ejus vox: Reip- negotiis invigilantem gallinâ se vesci, quàm deliciis omnibus circumfluum cujusdam ex suis adversa incuriâ transmittere malle. Hisce moribus meruit Boleslaus, ut qui partæ Polonis Regiæ dignitatis autor fuerat, ejusdem benè administratæ absolutum æternumq; habeatur exemplar.

DE MIECISLAO II. REGE.

[AB ANNO CIO XXV. AD

AN. CIO VXXXIV.

*Hic Patri dissimilis. Tributa Bohemorum
& Moraviam amittit. Pomeranos vincit.
postea deterior in dies.*

Boleslao mortuo in filium ejus Miecislauum regnum devolutum est, segni indole virum, imparemque tuendis, quæ pater acquisierat. Primus ejus ac potissimus labor fuit, quo Russos compescuit, audita Boleslai morte rebellantes. Sed hoc quicquid erat gloriæ à Bohemis mox destructum est. Qui excussis tributis Polonorum, Moraviam insuper Polonis tum parentem sibi asseruere. Eam post quidem ingressus est Miecislaus, sed quasi in id tantum, ut illam jam non suam esse palam faceret. Adeò immaniter ea, quæ patebant, vastavit, & mox nulla ferio oppugnatâ urbe militem reduxit. Felicius paulò post cum Pomeranis pugnatum est, Belæ imprimis virtute, stirpe Regiâ, Ungari. Quem proinde generum
Rex

Rex assumpsit, datâ ei in dotem Pomeraniâ, cujus dux in prælio occiderat, & si provixisset, provinciâ tamen privari rebellando meruerat. Post hæc Miecislâus ad solita voluptatum malumque otium reversus, nihil dignum viro agitavit. Extremò denique a mentîâ correptus, nec jam suo, sed uxoris, impotentis fœminæ, ingenio utens, odia & contemptû omnium incurrit. Planè in hoc quoque post tot omnium seculorum exempla fides facta est: Naturam postquam magnos viros produxit, veluti lassam in posteris defecere.

CAP. III.

DE CASIMIRO I.

AB ANNO CIOXXXIV. AD
ANN. CIOXLI.

Rixa regni administratrix aufugit. Casimirus Monachus factus. revocatur. Masovios & Prussos domat.

MOriens Miecislâus unicum reliquit filium Casimirum, sub cujus ortum Polonia magno terræ motu inhorruit. Quod rarum illi terræ, mira fortunæ lumbis

B 5 dibria

dibria nascenti, Polonis ingentia mala portendisse, postea explicantibus se fatis eventus ostendit. Decedente Patre tener admodum erat Casimirus. Dum ergo is adolesceret, Regia potestas penes matrem Rixam relinquebatur. Quâ abusa mulier in Germanos prona, hocque ipso Polonis gravis, cum invisam se sentiret, in Germaniam tandem, expilato fisco Regio & diadematibus ablatis, fugit. Casimirus ad Ungaros, inde ad matrem tendit, à quâ animi excolendi causâ Lutetiam missus, paulò post vitæ Monasticæ se addixit. In Poloniâ interim mira erat rerum perturbatio. Omnia latrociniiis cædibusque mutuis ardebant. Eâq; occasione usus Maslaus Regi nuper à poculis, provinciam regno abstraxit, quæ postea ab eo Masoviæ nomen accepit. Nec ab externis hostibus quies erat; Russis Bohemisque abolendæ priorum cladum infamiæ intentis. Tantis malis pressi Poloni ad Casimirum tandem respexere, Monachum jam, & Cluniaci in Galliâ agentem. Sed vix multis legationibus & precibus ab ipso, ut vellet liberari voto, à Pontifice, ut posset, impetratum est. Ex
câ

câ causâ imposita Polonis annua pensio est, quæ sancti Petri nummus dicta fuit. Et alia quædam diu postea in Papalis beneficii memoriam observata.

II. Exceptus magno suorum plausu Casimirus & Gnesnæ rex salutatus, fessis mox Poloniae rebus manum applicuit. Dissidia inter Proceres oblivione mutua, seu amnestiâ sepulta fuere. Manifesti cædium ac latrociniorum puniti. In cæteros haud anxie quæsitum, *prudenter invenisse bonos, quàm fecisse* videri malebat. Sic illi nec contemptum impunitas scelerum, nec invidiam pariebat cupiditas puniendi. Exin Jaroslaum Russorum Ducem foedere & mox adfinitate sibi jungit Casimirus, ductâ illius sorore Maria, quam pater Ulodomirus ex Anna Basilii & Constantini Imperatorum Constantinopolitanorum sorore susceperat. Postea Dobrogneva dicta est. Firmatis ita domi rebus in Masovios movet, euntē obviam Maslao. Committitur acre prælium, ad-dente pugnantibus animos hinc ira in perduelles isthinc conscientia sceleris, quo veniæ spem absumpserat. Favit Fortuna causæ meliori, victusque tum

Maslaus aufugit, sed ut à clade post major rediret.

III. Habitabant tum Prussiam, quæ Lituaniam jungitur, Jaziges, ferocissimus populus. Ad hos confugiens Maslaus in suo discrimine ipsorum securitatem periclitari facundè demonstrat. Moti illi hominem Masoviam suam restituant. Casimirus properè copias contrà adducit, mox visa multitudinc hostium trepidare penè cœperat. Sed animum labantem somnium crexit: & quasi timiditatis notam. deleturus Rex fortissimè postea pugnat: ita ut suos hortando, hostem feriendo defatigatus ac pene semianimis in castra referretur à gregario, cui postea nobilitatis insignia contulit. Maslaum iterum victum Prussi ipsi, ut eadè perduellis clementiam victoris litarent, in crucem agunt, insultantes, ad alta nisum, ad alta pervenisse. Victoriâ hanc Prussorum deditio & optatissima toto regno quies secuta est: quæ afflictas ante Casimirum Poloniae vires & per bella nondum penitus recreatas blandissime focillavit. Gravior erat Polonis tanta felicitas, quia magno

gno constabat, quippe cujus autorem Regem multis calamitatibus, precibus & laboribus repugnanti velut Numini extor-
sisse videbantur.

CAP. IV.

DE BOLES LA O
A U D A C E.

AB ANNO CLO LIX.

AD ANN CLO LXXXII.

*Bellum Bohemicum. Prussicum. Ungari-
cum. Russicum. Ungaricum alterum.
Russicum alterum. Kiovia luxuriant Po-
loni. Boleslaus degenerat. Stanislaum oc-
cidit. in exilio sua manu perit.*

EX tribus Casimiri filiis, qui Patri su-
perstitites manserant, maximum natu
Boleslaaum Regem Poloni assumunt. Ju-
vepusculus is adhuc erat, sed magnâ indu-
striæ indole, & parem arduis conatibus
ipsum fatum judicavit, cum imperium
capeffenti tot ostendendæ virtutis occasi-
ones aperuit. Undique malè habiti à suis
Principes ad Boleslaum confluxêre, opem
roga-

rogaturi : id quoque providente fortunâ, ut fortissimi juvenis auspiciis speciosam misericordiæ famam circumdaret. Primum Boleslai impetum Bohemorum princeps Premislaus excivit, qui fratrem suum Jaromirum à Polonis receptum dolens, vastatâ immaniter Silesiâ ad Polonorum fines pervaserat. Sed eundem mox velut emissio aculeo fugientem secutus Boleslaus, illatas Polonis injurias in Moravis acerrimè vindicat, magnâ inde prædâ abductâ. Atrociora metuens Bohemus ad pacis consilia vertit, fratremque Jaromirum dato Pragensi & mox Olomucensi Episcopatu, Boleslaum ductâ ejus sorore Suentochnâ mitigat. Qui clemens ingenio non invitus bella ignoscendo transigebat, & tum aliud ad bellum avocabatur.

II. Etenim, dum his intentus agis Boleslaus; Pruteni rebellantes Pomeraniam & Poloniæ oram vastaverant, occupato Grodeco, quod prædam post ventantibus suffugium dabat. Rex cum suis advolans, cum hostem intra dictam arcem sylvarumque porrò ac paludum invia latentem elicere non posset, dolo aggre-

greditur. Simulat fugam, moxque erumpentibus velut ad prædam Prutenis improvisò supervenit, cæditque palantes ac securos: hoc majori suorum virtute ac gloriâ, quòd Ossam flumen tranaturi tegumenta corporis abjecerant. Victorem inde Prutenorum Bela exul, cui amita Boleslai nupta erat, & ex Ungaris multi in Belam proni, in Ungariam traxêre. Cui Rex Ungarorum Andreas præter suorum copias, robora Germanorum Bohemorumque opposuit. Concurritur ad Tibiscum flumen, ambiguo aliquandiu Marte, donec Ungari ad Belam & Boleslaum transeuntes animos abstulere relictis. Plurimi tum ex his cæsi. Princeps Bohemorum Uratislaus captus. Andreas Rex è fuga reprehensus & malè ab Ungaris exceptus periit. In hujus solium cum Belam Boleslaus reposuisset, donatum præmiis exercitum, ipse gloriâ contentus reduxit. Magna sane illius hoc bello & plane ut sibi pugnantis fortitudo eluxit, cum alii victurus esset.

III. Reversus ab Ungariâ Boleslaus matrimonium init, ducta domum Visslava Russorum cujusdam principis filia.

At

At non diu hæsit inter curas nuptiales ;
easque ipsas si non bellum, belli tamen
apparatus interstrepuere. Russi illi in a-
nimo, nec patiebatur excidere Izaslaus
Kioviensium Princeps, qui tum ejectus
à suis cum Boleslao erat. Coëterum in-
choato bello Russi, & qui præcipue pete-
batur Visseslaus haud sustinuerunt ad pu-
gnam consistere. Kiovienses quoque
conscientiâ trepidi magis de venia, quam
tuenda urbe laborabant, venientemque
Izaslaum etiam ambigua spe impunitatis
recipiunt. Ex iis septuaginta, duces nu-
per seditionis vita vel oculis mulcati. Bo-
leslaus dimisso in hyberna exercitu ipse
Kioviâ abiit, ut assiduos belli labores
breui quiete interjungeret. Hyeme exa-
cta eundem nescio quæ causa in Premis-
lienses concitavit. Cui venienti minora
in eo tractu oppida faciliè patuere, Pre-
mislia obsidenda fuit, urbs hinc fluvio
Sano freta, inde vallis & hominum, qui
eo ex agris confugerant, numero. Etiam
cum occupata tandem esset, tamen refu-
gi in arcem obsessi, vix longa demum fa-
me, & quæ hanc comitantur, malis edo-
miti deditere se, vitam prius pacti, &
quod

quod quisque uno onere secum efferre posset.

IV. In Ungaria interim Belam, quem paulo ante ad Regnum evexerat Boleslaus, illabentis forte cameræ ruina graviter afflixerat. Unde secuta mors æmulos ad spem regni erexit. Filii Belæ ad Boleslaum confugiunt, opem & ut beneficium patri datum in filiis tueretur, rogantes. Ille quanquam cœptis in Russiâ bellis ægrè abstrahabatur; cessit tamen obstinatis precibus supplicum. Veniens in Ungariam Boleslaus terruit mox Salomonem, Regis nomen usurpantem, ut Budæ se non credens Mosonum arcem ingrederetur. Interim Episcopi medios se interponunt, armorum incerta utrique parti, Belæ filiis insuper belli patriæ illati infamiam demonstrantes. Initur pax his conditionibus, ut Belæ filii ducum titulo & tertiâ regni parte contenti, summum nomen Salomoni relinquerent.

V. Pacem Ungaris dederat Boleslaus, sed noudam sibi. Russi iterum vocabant, & Izaslaus, quem fratres denuo Kioviâ ejecerant. Venientis impetum primum Volhinia excepit, & in ea Lutzkum, quod
Rex

Rex post sex mensium obsidionem demum expugnavit. Duci illius Igoro seu Gregorio venia data. Inde ad Kiovienses conversus Rex Vussevolodum cum exercitu obvium habuit. Cum ad pugnam venissent, laborare primo coitu dextrum Polonorum cornu coeperat; sed mox misso à Rege subsidio, restitutum est. Unde mutata aciei fortunâ pelluntur in fugam Russi, penè jam victores. Profligato hoc exercitu, Rex ad Kioviam promovet castra, obsessamque aliquandiu expugnat. Cui quanquam iram victoris merenti parcitum tum tamen est, infelici planè clementiâ, & quasi ad id, ut esset, unde corrumpi Regis felicitas posset.

VI. Verè quod Capua olim Annibali, id Boleslao per hyemem habitata Kiovia fuit. Hic ille tot gentibus formidabilis, ille victor exercitus elanguit, otio scilicet hyberno ad malas libidines abusus. Nec stetit intra viros malum. Delata enim velut aurâ pestiferâ in Poloniam harum libidinum fama uxores quoque corrumpit, diu jam maritorum absentiam malè ferentes. Placuit foeminis nefandum vindictæ genus, ut libidinem libidine ulciscerentur.

rentur. Grassabaturque tum passim juvenum licentia, ut difficilis esset etiam pudentioribus castitatis suæ custodia. Unde Margarethæ cujusdam, quæ Nicolai Zemboicii uxor fuit, virtus laudatur; quæ cum duabus sororibus in turri Zemboviensis templi multo tempore latuit, familiâ illis per funem alimenta suppeditante. Cæterum auditis uxorum suarum flagitiis viri indignatione accensi, missionem petebant: hæc non impetratâ, clam, Rege nequicquam prohibente domum dilabuntur. Rex desolatus à suis, metuensque necum tam paucis inter infensos agens, contemptum, ac mox periculum provocaret, sequi cæteros necesse habuit. Reversus fugæ autores capitali supplicio, cæteros publicatione bonorum, aut carcere diuturno multat. Nec à fœminis temperavit. Uberibus adulterarum, si quibus indulgentia maritalis pepercerat, horrendo vindictæ genere abstrahi sobolem, catulosque admoveri jussit. His rudimentis Boleslaus sævitæ iniriatus non destitit postea in innocentes juxta ac noxios grassari: documentum omnino præbens, Exui inter crebra supplicia sanguinis

nis humani reverentiam, invisæque pri-
dem crudelitatis usu tandem venire a-
morem. Mox & exactiõibus insolitis o-
nerare subditos cœpit. Palam denique
adulter, Christina nobili fœminâ, marito
Miecislao abductâ ad fœdas voluptates
abutebatur. Quid multa? in Tyrannum
jam degenerabat, ille nuper optimus
Princeps Boleslaus.

VII. Sed ut morbi, ita vitia nondum
planè adulta sanari possunt, si manum
admittant, præbeantve patientiam reme-
diis. Boleslaus hic ferre penitus non pote-
rat vitæ suæ censores: & Stanislaũ Scze-
panovium, Episcopum Cracoviensem,
virum non minùs sanctitate, quàm gente
nobilem, ulcera ipsius liberius tangentem
pestimè oderat: quærebatque labem ali-
quam famæ viri adspargere: quo autori-
tatem arguentis excusatiùs contemneret.
Comperto tandem, cum diu rimatus ni-
hil aliud reperisset, emptum à Stanislaõ
agrum quendam, emptorem male acqui-
sitæ possessionis per hæredes (nam vendi-
tor, paulò post acceptum pretium, obie-
rat) jubet inquire. Ut innocentiam su-
am probaret Episcopus, mortuum, cujus
ager

ager fuerat, Petricum (ut cum Cromero plerique alii tradunt autores) suscitatur, decantatissimo per Poloniam miraculo. Boleslao nihilominus ad scelera contumaciam addente, pertinax quoque Episcopus fuit in monendo, & fortioribus tandem remediis agendum ratus, Regem à communione sacrorum prohibet. Ille magis etiam iratus, Episcopum sacris tum operantem interficit, inflicto capiti illius tam valide gladio, ut exsiliens cerebrum templi parietes adspargeret. Percussus mox majori ab ipso Pontifice Romano fulmine, annum circiter post eadem exegerat, cum exosum se omnibus sentiens, & conspiratione etiam impetitus in Ungariam cum filio profugit, ubi cum aliquandiu vixisset, conscientiae tormentibus impar & amentiam correptus, finem supplicii manu fertur quaesivisse. Alii alium Boleslai exitum memorant. Sed quisquis fuit, meretur lachrymas degener illius ex optima adolescentia posterior ætas: admonetque mortales fragilitatis suæ, cui adeo ipsa etiam, quam cuncti expetimus, felicitas periculosa est.

FLORI POLONICI
CAP. V.
DE ULADISLAO HER-
MANNO.

AB ANNO CIO LXXXII. AD
ANNUM CIO CIII.

*Fratris vices principis nomine suscipit. bella
ejus cum Pomeranis. cum Imperatore
Henrico. domestici tumultus. Filii ipsius
expeditiones quadam.*

EXacto Boleslao Audace, destitutum
capite Regnum, & Russorum tum in-
super incursionibus vexatum, frater Au-
dacis, Uladislaus, nomine principis in se
suscepit. Regis titulum refugiebat, seu
spe fratris redituri (nam mors ejus seriùs
demum vel sequuta est, vel innotuit) seu
metu Pontificis, qui Poloniæ, ut sacris,
ita Regis creandi potestate interdixerat.
Prima ergo illi cura fuit Pontificis inter-
dicta tollere, misitque in id legatum; qui
tamen nihil amplius quam libertatem sa-
crorum impetrare tum potuit. Post hæc
Uladislaus Miesconem fratris exacti fili-
um egregiâ indole juvenem ex Ungariâ
revocat, miseratione, vel metu, ne Un-
gorum

rorum ope ad Paternum regnum nitetur. Sed hunc sexto à reditu anno seu mors fato propera, seu artes patris inimicorum, ultorem filium timentium, abstulerunt. Uladislao duo erant filii, alter Sbigneus ex matre impare natus, alter Boleslaus à detortis labris *Crivousti* appellatus, quem Juditha mater diu sterilis, nuncupatis ingentibus votis à Deo impetravit.

II. Cæterum Uladislai istius tempora Pomeranorum Prutenorumque maximè incursiones insignierunt. Qui post multas demum expeditiones eò redacti, ut quiescerent. Primum in illos bellum sine sanguine stetit, cum territi fidem & obsequium pollicerentur. Alterâ expeditione res ad prælium devênit: quod tamen æquis manibus patratum videri poterat, nisi nocte, quæ pugnam diremit, fugisset hostis. Tertius impetus circa Naclum consumptus est, quæ arx Pomeranorum post actam prædam fugientium receptaculum erat, nec potuit tum à Polonis expugnari. Postremo denique certamine lassata hostis contumacia, redditis quæ abstulerat, clementiam Uladislai invocavit.

III. Dum hæc in Pomerania geruntur, conflaverat nescio quod fulmen in Polonos Imperator Henricus IV. Uratis-lao enim Bohemorum Principi dum Regiam dignitatem conferret, jus quoque in Poloniam, quod nullum habebat, dederat. Hujus ergo filius Prædislaus, quasi sua sibi vindicaturus, Poloniæ fines invasit, vastavitque. Quem missus à Uladis-lao Secechus Cracoviensis Palatinus, impiger militiâ vir, repulit fortiter, & actis per Moraviam prædis gravissimè ultus est. Ivit tum impetratâ à Patre veniâ Sececho comes principis filius, Boleslaus, novem ferè annorum puer, sed qui annos ingenio præcurrebat. Magnâ industriâ is omnia, quæ in castris gerebantur perlustrans, in futurum post usum seponebat. Idem paulò post latrones, qui ex Pomeraniâ egressi Miedzericum occupaverant, rectore Sececho, repressit. Talibus curis ac facinoribus Boleslaus futuræ magnitudini præludebat.

IV. Hostibus domitis jam pacè floresse Polonia poterat, nisi domesticæ seditiones turbassent. Secechus ille, cujus facinora egregia modò narrabamus, meritis

in Rempubicam & gratiâ principis tumens, potentiam suam, ut ferè fit, oppres-
sione inferiorum ostentare cœperat. In-
de non invidiâ tantum sed odio quoque
civium flagrabat. Multi illo struente e-
versi, multi proscripti, vel proscriptos se-
quuti in Bohemiam erant. Qui opem
pollicente Bohemorum rege, adscitoque
in ducem Sbignei Uladislai notho, quem
Pater monasterio incluserat; denique
pertractô in societatem Uratislaviensium
præfecto Magno comite, arma parant in
Secechum. Uladislaus se per latus mini-
stri petiratus, exercitum conjuratorum,
quibus Pomerani quoque jam recens ac-
cesserant, circa Crusphiciam adoritur,
strageque insigni afficit, Sbigneo ipso,
qui caput omnium erat, capto. Cui non
difficulter tamen mox ignovit Ula-
dislaus, mansitque pater erga hostem etiam
filium.

V. Sed paulò post resuscitatum est hoc
belli civilis incendiû, & Boleslaum quo-
que alterum filium, intactum antea, tra-
xit in partes eorum, qui in Secechum con-
spiraverant. Ægrè adhuc à Sececho di-
velleretur Uladislaus Pater, incertum an

50 FLORI POLONICI

ob virtutem viri, an ex more principum, qui Amicitias proprio fastidio facile omittunt, si excutere coneris, cedendi pudore, ambitiosius plerumque retinent. Noster tamen hic publicæ quietis studio, in exilium clientis, quo illa redimi posse videbatur, consensit. Compositâ seditio- ne domesticâ Boleslaus filius arma à Pa- triæ visceribus in Pomeranos, & mox Russos convertit, repressisque fortiter ut- trisque, regnum patri-securum, sibi per beneficia obnoxium devinctumque ma- gis reddidit.

CAP. VI.

DE BOLESLAO III.

COGNOMINE CRIVOUSTO.

AB ANNO CIOCIII.

AD ANN. CIOCCXXXIX.

Crivousti in Bohemos expeditio. In Pome- ranos. mox iterum in Bohemos. iterum in Pomeranos. Bellum cum Henrico Impe- ratore. bellum in Pomeranos duplex. Fra- tris Sbignei cedes. Palatini Cracoviensis dejectio. Expeditio in Russos. in Ungaros. in Russos diversa expeditiones. extrema infelix.

VLadislao mortuo filius successit Boleslaus, jure naturali hæres, sed quò digniorem, etiam si suffragiis agendum fuerat, nulla electio invenisset. Magna juvenis specimina virtutis ediderat, sed majora mox principatum adeptus, exse-ruit. Bellis sanè exercitatioem virum non habuit Polonia, possetque illa hunc Martis pullum numero conflictum Marcellis Iuliisque Romanorum ferè oppone-re. Sed mihi nunc pugnas illius omnes memorare per propositam animo brevitate non licet; præcipuas, nec has nisi strictim enumerabo. Initia Boleslai invidia Sbignei fratris maxime exercuit. Qui supra assignatæ à patre hæreditatis sortem aspirans, varios subinde in Principem hostes concitavit. Primum quidem Borivojum, Bohemorum ducem. Sed is cum ad fines Polono- rum pervenisset, pudore injustæ causæ à suis desertus, re nullâ effectâ domum rediit. Conatum tamen ejus ulciscendum putavit Boleslaus, misitque copias, quæ duce Zelislao, uno è Proceribus Polonis, omnem Moraviam hostiliter pervagatæ sunt. Mox eodem Sbigneo machinatore

Pomerani insurrexêre. Hos lentius quidem, nec sine discrimine, compefcuit tamen ad tempus Boleslaus, Bialogrodo, Colberga, Cosmino, Veleno, præcipuis tum Pomeranorum oppidis expugnatis.

II. Sed paulo post cum utrâque hâc gente repetenda fuit bellorum tela. In Bohemos incitavit Boleslaum fœdus & affinitas Colomanni Ungarorum regis, quem oppugnans Henricus V. Imperator, Bohemos, ut tributarios tum imperii, secum traxerat. Ingresso Bohemiam Boleslao opposuêre se Vasco & Mutina, delecti à principe suo, qui in Ungariam secutus Imperatorem erat, Duces. Sed hi fusi, Pragamque profugi, quicquid apertum aut imbecillum in Bohemia fuit, prædæ hostis reliquêre. Interim absentia Boleslai audaciores Pomeranos fecerat; & seu impetu, seu proditione arcem Usce occuparant. Huc ergo festinato itinere regressus Boleslaus Velenum obsidet, quod & ipsum ad hostes defecerat. Aderat tum Boleslao Sbigneus, iniquus adhuc fratri, & occulte cum hoste socians consilia. Nocte quadam irrumpere Pomeranos in castra Principis jusserat, omnia prompta polli-

pollicitus. Illis advenientibus commo-
dum erat in excubiis, id quod solenne ha-
bebat Boleslaus, & in re subitâ, cum vires
non poterat, dolum opposuit. Ruentem
enim in castra hostem solus cum paucis
excubitoribus à tergo adoritur, voce, ter-
rendo hosti, suisque, qui in castris erant,
excitandis, altum sublatâ. Pomerani cir-
cumventos se rati, concidunt, & mox ac-
currentibus Polonis plurimis profligan-
tur. Tantum valet Principis in castris
præsentia, & vel dormientes exercitus u-
nius vigilia potest defendere, Cæterum
depulsis ita Pomeranis, Sbignei etiam
perfidia non diu latuit. Cujus publicè
convictus, cum omnium sententiis ad
capitis supplicium addiceretur, exilio
multatus est, moderante sic pœnam fra-
tre, ut nec flagitium inultum, & reus cle-
mentiae exemplum foret.

III. Beilum Bohemicum parvum mo-
le ipsum, sed magni alterius caussa exti-
tit. Henricus enim Imperator, adjutos à
Boleslao Ungaros indignatus, Marchiam
& Silesiam ditiones tum Polonorum in-
vasit, omniaque istic velut torrente cor-
ripuit. Sola Glogovia in obsidii toleran-

tiam obstinata, victori cæterorum moram objecit: animante ad constantiam oppidanos Boleslao, obsessoresque adductis incurſibus laceſſente. Missis fortè post pacis causſa à Boleslao legatis, leges iniquiores proposuit Imperator, theſaurumque suum ostendens, hunc Polonos perdomitutum, dixerat. Ad quod Scarbicus, princeps legationis, ut arrogantiam Cæsaris perſtringeret, demptum digito annulum theſauro injiciens, aurum, inquit, adjiciatur auro: subindicans haud dubiè, frustra auro terreri viros, quibus ferro manus, animus virtute armatus sit. Intellexit quoque scœmma imperator, idque elusus, *habdanck*; inquit; quæ gratias agendi apud Germanos formula est; nomenque Habdanckiorum familiæ dedit, quæ hodieque inter clarissimas Poloniæ habetur. Cæterum cum reversi ad suos legati datas à Cæsare conditiones retulissent, vehementer animi Polonorum accensi commotique sunt. Ita ut qui hucusque subitariis tantum assultationibus Cæsarianos vexassent, tandem prælii tentare aleam decernerent. Locus erat prope Uratislaviam, longâ porrectus planitie,

nitie, & ob id Polonorum aciei commodior. Eo cum ventum utrinque esset, initur prælum, in quo ingens inprimis Boleslai fortitudo emicuit. Quippe & ipse strenuè ciebat pugnam, & cum initio Germani graves esse cœpissent Polonis, cedentes hos occursando animandoque subinde reducebat in hostem; donec vi equitatus legiones Germanorum per rumperentur, inclinaretque ad Polonos victoria. Magna eo prælio utrinque strages edita est: adèd ut insepultorum cadaveribus illecti canes difficilem iter facientibus transitum darent. Unde Campi Canini nomen hodie etiamnum agro, in quo commissa pugna est, manet. Post prælum cum Henricum in Italiam vocarent negotia, & is pacem expeteret magis, quàm palam offerre vellet, profectus ad eum est Boleslaus Padenbergam Franconiae oppidum. Ubi honorifice acceptus non pacem tantùm cum Cæsare, sed & affinitatem inivit; acceptâ in conjugem sorore illius, desponsâque porrò Uladislao filio suo impuberi adhuc filiola Cæsaris itidem parvâ, Christinâ, cujus paulo post sapius fiet mentio.

IV. Pace hac factâ, data est Boleslao sed brevis armorum quies. Nam paulo post & in Pomeranos resumendum bellum fuit, quod tamen intra unius oppidi Nacli expugnationem stetit: & in Bohemos illum misratio Sobieslai impulit, qui à fratre suo Bohemorum Rege ob eadem consilarii cujusdam, earceri inclusus. & mox inde elapsus in exilio agebat. Quo restituto bellum quoque conquievit. At fortuna Sobieslai hujus, Sbigneo, quem itidem à fratre Boleslao in exilium eiectum diximus, spem veniam nanciscendi attulit. Reversus receptusque in gratiam est, sed ut citius periret. Offendit enim mox fastu suo fratrem, aderantque etiam illico proceres quidam, qui privato in Sbigneum odio omnia illius seu bona seu mala in deterius torquentes, stimulabant occultè Principem, ut æmulum, quem nulla beneficia emendarent, amoliretur. Ita missi à Boleslao sunt, qui hominem obtruncarunt, prius eundem conviciis adorti, ut per jurgium privatâ irâ occisus videretur. Sed cessit mox eadem Boleslao in assiduum vitæ tormentum: Perpetuo hoc conscientia ingenio, ut

ut foeditatem criminum suorum, cum peracta sunt, rectius demum introspiciat, mirâque tum exaggeret facundiâ. Paulo interjecto tempore Scarbimirus quoque Palatinus Cracoviensis periit; vir acer ingenio, spectatusque militiâ, sed sua jactantius extollens, idemque palam criminator in Principem. Toleratus aliquandiu, tandem cum potentiâ suâ fiducia, apertè seditiones moliri videretur, Senatu motus, excacatusque in carcere vitam finiit. Atque ut ignominia ejus, aliquod ultra mortem quoque superesset monumentum, constitutum tum est, ut posthac Castellanus Cracoviensis Palatinum loco ac dignitate anteiret. Dum hæc in Poloniâ geruntur, ceperat iterum Pomeranos quietis suæ tædium. Denuo Boleslaum laceßunt, Suentopelco duce, quem paulo ante victis Naclensibus imposuerat Boleslaus. Obsessum ergo rursus à Boleslao Naclum est, expugnatumque Cæteri quoque Pomeranorum ante expugnationem hanc prælio victi, post debellati, cum imperio Polonorum, religionem simul Christianam, quam bis ante acceptatam, bis rejecerant, bonâ jam fide receperunt.

V. Hinc jam tandem Boleslao in eadem fere hactenus arenâ luctanti novum campum Russia aperuit. Fugerat ad Polonos, Patruî Ulodimiri insidias vitans Jaroslaus, affinis Boleslai. Eum reducere Russi quidam Ungarorum & Boleslai ope laborabant. Sed Jaroslaus inter pugnandum confosso equo excussus, & ægre à suis protectus, postquam in tentorium relatus esset, ex vulnere obiit. Cum causa belli, bellum quoque ipsum intercidit. Postea Boleslaus Volodorem Przemisliensium Ducem, arma in Polonos cientem compescuit. Quo facto, ire in Ungariam parabat cognatos suos, Stephani regis exules filios cum matre in regnum repositurus. Jamque ad Scepusium progressus, expertusque etiam prælio cum Alberto Austriæ fuerat, cum cœpto abstrahitur per Russos nova iterum molientes. Hos verò antequam vi tentaret Boleslaus, dolo adoriendos suadebant procures. Unum esse inter ipsos Jaropelcū videbant, à quo cæteri penderent. Ducem hunc tolli, ingens fore belli compendium. Ei conficiendæ rei Petrus Uloſtovicius, Comes Xiansensis se obtulit. Hic consentiente Sena-

Senatu, proficiscitur ad Jaropelcum, læsumque se à Principe suo ac profugum non sine multis conviciis queritur. Credidit homini Jaropelcus, sed paulo post ab eodem, dum forte ruri cum paucissimis ageret, comprehensus ad Boleslaum adducitur. A quo in carcere per annum detentus, post magno ære redemptus ad suos rediit; cum prius amicitiae fidem Boleslao dedisset. Sed is fidem postea, quam vindictam amittere maluit. Fraudem fraude ulturus, mittit in aulam Boleslai, Ungarum quendam, qui captatâ occasione Principem occideret, vel quocunque modo proderet. Hic quâ erat ingenii ac morum versutiâ, Principis amicitiae se insinuat, ac tandem post longæ familiaritatis usum, præfecturam Vislicensem impetrat. Quam cum aliquandiu tenuisset, advocato postea Jaropelco tradit. Ab hoc vero cum pacta forte præmia postularet, lingua oculisque privatus dicitur, solito proditorum fato, ut etiam quibus profuere, invisi sint.

VI. At habent plerumque hoc fraudes, ut cautos reddant, quos deceiverint; raròque iidem eosdem fecellerunt. Bo-

leslaum tamen recens à Russis fraudatum, graviore mox dolo iidem circumvenère. Jaroslaum Haliciensium ducem, principatu à suis dejectum & ad Polonos profugum revocabant quasi pœnitentia mutati Halicienses. Interim tacite reliqui Russorum militem cogunt, Ungaris quibusdam adscitis. Boleslaus exulem ad resipiscences reducturus, minori, quàm in perfidos & hostilia molientes opus erat, exercitu advenit. Cui ad Haliciam Ungarorum turmæ specie gratulandi occurrentes, Polonorum novissimo agmini se jungunt. Idem faciunt Halicienses, omnes amicitiam vultu præferentes; mox circumdatos Polonos invasuri. Suboluit fraus Boleslao, sed cum jam nonnisi præsentis periculo vel dedecore effugi poterat. Consultanti ergo quid facto opus esset, occupare parantes se pugnae Russos visum est. Mox irruens orditur prælium. Secutis pari virtute cæteris, non infelicitè cedere res cœperat, cum aliâ parte fugam orsus Palatinus quidam, plurimis idem faciendi pudorem abstulit. Pauci cum Boleslao saucii fessique restitabant Russis vincentibus; jamque equus sub

Prin-

Principi
ma o
quum
tà fug
Magn
Palatin
na, col
degere
ignom
num v
raret:
se & fu
lamita
mniur

Bellum
Bel

MO
f
jussere
rerum

Principe defecerat, instabantque extrema omnia, cum gregarius alium illi equum suppeditans, perivadet, ut maturata fugâ meliori se fortunæ reservaret. Magnus postea militi honos habitus est. Palatinum missa à Principe pellis leporina, colus & fusus, pudore ad laqueum addegere. Ipse Princeps adeo impatiens ignominia fuit, ut conspectum hominum vitans assiduo se domi luctu mactaret: non inusitata humanis animis in se & fortunam iniquitate; unius ut calamitatis sollicitudine, prosperorum omnium memoriam obliterent.

CAP. VII.

DE ULADISLAO II.

AB ANNO CIOCLXL.

AD ANN. CIOCLXVI.

Bellum Bohemicorum. Petri Dunini casus.

Bellum inter fraïres.

Mortuo Boleslao paternarum possessionum hæreditatem, ita ut pater jusserrat, quatuor filii crevêre. Summum rerum regimen primus natu Uladislaus accepit.

accepit. Sed ut ditiones, ita virtus paterna divisa minorque filiis: hujus verò etiam minimum Uladislao contigit proximo partis successori. Bellum is extra fines Patriæ nullum gessit, præter Bohemicum, quod tamen ultra populationes Silesiæ non processit, ac morte mox Ducis Bohemorum Sobieslai finitum est. Inde inturbidum externis regnum, sed ut eò gravius interna mox ardescerent. Non diu enim fratres inter se concordēs egēre; culpa maximè Uladislai, cujus ambitionem imminuta principatus fors acriter urebat. Accedebat stimulus domesticus, Christina uxor, quæ Casare patre avoque orta, indignabatur nupta esse marito, qui tam anguste imperaret. Nec pudit Uladislauum à Proceribus postulare, ut unum se Patriarum ditionum vellent hæredem. Sed adversos omnes expertus, & acrius mox instigante conjuge, tributa fratribus imperat, postremò quoque conquisito externo milite, quædam eorum oppida invadit. Illi Principis veneratione, seu virium diffidentiâ ad preces confugiunt, fratris fidem Procerumque intercessionem implorantes. Et ex his

quidem

quidem
miser
tegebat
Sendon
nensis
tur, al
flectere
exosus
II. S
fina et
sam in
do cum
in syl
ctum f
stratas
Uladisl
nunc-tr
nensi c
& tua,
autem
elegans
sit ad a
nec ab
Hinc f
Nec m
Jaxa S
à Dobe

quidem non paucos illis causæ æquitas & misericordia conciliavit. Inprimis non tegebant affectum Vuseborius, Palatinus Sendomiriæ, ac Petrus Duninus Scrinensis Comes: quorum ille vim minabatur, alter monendo Principem ad æqua flectere laborabat; uterque ob id aula exosus.

II. Sed in Duninum vehementius Christina efferbuit, pridem illi aliam ob causam infesta. Processerat enim is aliquando cum Principe venatum: cumque nox in sylvis errantes oppressisset, post refectum ferinâ, & aquâ corpus, dormituri in stratas humi penulas procubuerant. Tum Uladislaus jocans ad Petrum: mollius nunc tua, inquit, uxor cum Abbate Scrinensi cubat. Nil moratus alter; fortasse & tua, inquit, cum Dobesso. Vocabatur autem ita Juvenis quidam Nobilis, forma elegans, Christinæ in deliciis. Altè admittit ad animum Uladislaus jocum Dunini, nec abstinuit, quin Christinæ aperiret. Hinc flagrantior jam in hunc offensa. Nec multò post ille nuptiis filiæ, quam Jaxæ Serborum Duci elocabat, occupatus, à Dobesso per insidias capitur, linguaque
& ocu-

& oculis privatus vivere pœnæ suæ super-
stes jubetur : clarissimo documento ;
Cautè jocandum esse cum dominantibus :
quod hi & facillimè offenduntur ; & im-
prudentius jocantium argutiis gladii sæ-
pe promptius, quam ingenii acumen op-
ponunt. Caterùm commissa hac cæde,
magis metus atque odia procerum in
Principem, simul crudelitas Principis in
fratres gliscebant. Quippe accitis in au-
xilium Russorum Ducibus, Henricum fra-
trem Sendomiriâ ; Boleslaum Plosco om-
nique Masovia exiit : fugientesque ad
Miecislaum, qui solus fraternæ potentiae
restitabat, persequitur. Stitit venientem
Posnaniæ obsidio, tandemque evertit.
Forte enim securius aliquando obsessor
exercitus agebat, poculis ludisque indul-
gens, raris nec sobriis excubantibus vigi-
liis. Ubi occasione fratres, qui haut pro-
cul aberant & ipsi exercitu instructi ; so-
lutos ac languidos circumveniunt, & e-
rumpentibus simul ad datum signum op-
pidanis fugant cæduntque. Uladislaus
Cracoviam primum, mox & illinc, præ-
valente fratrum factione expulsus in Ger-
maniam ad Conradum Imper. Christi-
næ so-

na sobri-
xor cu-
ex alien-
non sul-

Bello fr-
post e-
a Pol-

FRatr-
slaus
ante Ul-
in cæter-
cum ex-
de Prin-
ptro rec-
lonos co-
illius su-
tosque
ros. F
ratori,

nae sobrinum confugit. Quo eum mox uxor cum liberis sequuta est. Ibi vivere ex alieno necesse fuit, quibus nuper sua non sufficebant.

CAP. VIII.

DE BOLES LAO
CRISPO.

AB ANNO .CICXLVI.

AD ANN. CIOXXXIV.

Bello fraterno Conradus se interponit. & post eum Fridericus Barbarossa. Silesia à Polonia avulsa.

FRatre exacto, proximus ætate Boleslaus principatum adsequitur, virtute ante Uladislauum imperare meritus. Hic in ceteros fratres benignus ac liberalis, cum exule subinde adhuc luctari habuit de Principatu. Quippe is omnia pro sceptro recuperando tentans, varios in Polonos concitabar hostes. Primus causam illius suscepit Conradus Imperator, legatosque milit, negotium Uladislai acturos. Facile se Boleslaus purgavit Imperatori, cognitâ exulis culpâ æquiori & aliis

liis tum molitionibus intento. Parabat enim bellum in Asiam, in quam tandem cum ob viæ compendium, securitatemve per Poloniam iret, honorificè à Boleslao acceptus ad Pontum Euxinum deducitur, fratris causâ in reditum rejectâ. Reversus deinde ille ab Asiâ, cum finem orandî non facerent Uladislaus & Christina, bellum tandem in Polonos decernit. Ingens erat Cæsaris exercitus. Sed hunc, congregari licet aperte non ausus Boleslaus, ex insidiis assultando, pabulationes infestando intercipiendoque, & quæ alia celeritate Poloni facere consuevêre, mirè fatigabat. Ut cum postea Conradum subiti Germaniæ tumultûs aliò vocarent, facile ad pacem inclinaret. Mitigavit etiam hostis animum Boleslaus in castra ad ipsum profectus & innocentiae suæ probationi, muneribus variè per Aulicos distributis, momenta addens. Quiescente Conrado non quiescebat tamen Uladislaus: cumque ab Imperatore aliquas, quibus exilium toleraret, possessiones nec non copiolas accepisset, lacescebat fines Polonorum, sed eventu semper irritò. Mortuo Conrado suscepit Fridericus

ricus Bo
sam Ul
legatis
greditu
confug
saveran
ad fam
la, red
ut Imp
molien
mittere
lesia.
sa, &
Princip
rum re

II.

erat, c
imperi
sperna
ad Ch
adafti
sponde
ingeni
& face
subitu
servitu
um po

ricus Barbarossa imperium, & simul causam Uladislai. Cum missis ad Polonos legatis nihil profecisset, bello eosdem aggreditur. Qui milite impares, ad artes confugiunt, qui bus ante Conradum lasaverant: ingentemque illum exercitum, ad famem, & quæ hæc comitantur mala, redigunt. Fit iterum pax, eâ lege, ut Imperatori Mediolanensium bellum molienti, trecentos equites hastatos submitterent Poloni, Uladislao daretur Silesia. Quæ à Polonia regno tum avulsa, & à posteris mox Uladislai in varios Principatus divisa, tandem tota Bohemorum regno accessit.

II. Ita belli fraterni procella detonerat, cum Boleslaum Prussi, Polonorum imperia post Crivoulti patris mortem aspernati, in se traxere. A quo victi, & ad Christianæ religionis Sacramentum adacti sunt. Sed, ut nunquam bene respondet coacta Religio, redeunt mox ad ingenium suum Prussi, fræna excutiunt, & sacerdotibus ejectis, se potius extrema subituros minantur, quàm animorum servitutem. Ita cum ad cætera obsequium pollicerentur, patria illis sacra relicta.

eta. Ast ii, quia prima impune cesserant,
 audaciam mox ad majora sumpſere. Eji-
 ciunt Polonorum præſidia, prædas agunt
 per Maſoviaꝝ agros, mox advenientibus
 Polonis in paludum uligines ſylvaſque ſe
 abdunt, data opportunitate, erumpentes.
 Merebant ex ea gente quatuor transfu-
 gæ ſub Polonis, & longâ fide locorum-
 que peritiâ Boleslao ſe commendaverant.
 Hi conſpiratione cum Polonis clam ini-
 tâ, Polonos oſenſâ ſpe ingentis prædæ
 deduxere in locum avium & Pruſſis inſeſ-
 ſum. Quibus erumpentibus circumven-
 ti Poloni, & lubrico paludum lapſantes
 magnâ ſtrage caduntur, periitque illic
 Henricus Boleslai frater, & omne pene
 robur militiæ Polonæ. Henrico caſo,
 Palatinatus Sendomiriensis, qui illi ex
 ſorte paternâ obtigerat, in Caſimirum
 natu minimum devolvitur. Filii Uladi-
 slai, duces jam Sileſiæ partem illius hære-
 ditatis ſibi vindicantes, latâ repulſa, &
 memoriâ veteris injuriæ accendente
 novâ, arma minabantur: multisque de-
 mum perſuaſionibus à Boleslao, & pro-
 ceribus mitigati conquieverunt. Sed
 tum ferme iterum internis ſe motibus
 concuſſit

concuſſit
 Cracov
 Jaxa au
 Caſimi
 ſeu Bo
 Miecis
 ſucceſſi
 turè el
 Caſim
 tò imp
 quò in
 compr

D

Miecij
 gene

F Rat
 non
 Miecis
 valuit.
 tuſſen

concussit Respublica. In tractu enim Cracoviensi equestri ordo Sventoslao & Jaxa autoribus in Boleslaum insurrexit, Casimiro fratri deferens imperium, odio seu Boleslai ob cladem Prussicam, seu Miecislai alterius fratris, cui ætatis jure successuro viam ad principatum, alio maturè electo cupiebant præclusam. Sed Casimirus quantò in vulgus gratior, tantò impensius pro fratre nitebatur, eoque, quò in Principem petebatur, favore ad comprimendam seditionem usus est.

CAP. IX.

DE MIECISLAO SENE.

AB ANNO CIOCLXXIV.

AD ANN. CIOCLXXVIII.

Miecislauus in juventute probus. postea degener. regnum accipit, & mox amittit.

FRatre mortuo ibant in Casimirum minoris Poloniæ suffragia, sed hæc tamè Miecislauus majoris Poloniæ sententiis evaluit. Huic gravis & prudens juvenus Senis nomen conciliaverat, verum decora

70^r FLORI POLONICI

cora juventutis dissimiles sequentium annorum detrivère mores. Principatum ejus imposita nobilibus ac plebejis tributa, & inexperta ante Polonis fisci avaritia, honorum denique nundinationes invisum brevi reddiderunt. Auxère odium ministri ac Præfecti, qui dum emuntionibus populi non Miecislaum tantum, sed suam quoq; aviditatem satiant, unius tamen Principis invidiâ omnes peccabant. Studuit Miecislaum in viam reducere Gedeon, Cracoviensis Antistes, & instructâ viduâ, cujus gregem nutriti à filio canes lacerassent, fabulâ, velut in imagine principem sibi ostenderat. Sed hunc nullæ admonitiones emendabant. Inde idem Gedeon cum Stephano Cracoviensi Palatino ad abrogandû Miecislao, deferendumque fratri ejus Casimiro imperium cæteris præivit.

CAP. X.

DE CASIMIRO.

AB ANNO cⁱl^cclxxviii.AD ANN. cⁱl^ccxcv.

Conarii

Conarii cujusdam petulantia à Casimiro patienter tolerata. Cum Fratre Miecislao bellum. qui a quibusdam in regnum frustra restituitur. Cum Prussis bellum.

Casimiro cum aliæ virtutes, tum unum maximè moderati animi specimen studia Polonorum conciliavit. Quidam ex Aulæ ejus asseclis Joh. Conarius, ab ipso ad alca ludum invitatus, victusque extremo jactu, cui tota fors producti in serum noctis ludi committebatur, ita efferbuerat, ut vincenti Casimiro colaphum duceret. Comprehensum cum omnium sententiæ capitis reum pronunciarent, Casimirus etiam à culpâ absolvit illum, inquit, impatientiâ jacturæ abreptum esse, se verò prostitutæ dignitatis suæ justam pœnam luisse. Sed vota procerum accendebat porro etiam ipsa Casimiri sceptrum fratri præripere abnuentis modestia. Videbatur enim, ut est reverà, benè imperaturi, imperium recusare. Cedenti tandem precibus Polonorum regnumque capeffienti, prima cura fuit impressa Reip. vulnera sanare, vitiaque corrigere, quæ Miecislauum expulerant. Hunc

autem

autem ipsū paternæ hæreditati restituit, supplicem quidem nunc, sed occultas tamen recuperandi imperii spes alentem, intentumque occasionibus. Erupit paulo post cupiditas, cum Masoviam & Cujaviam, quas Casimirus, tutor Lesco Boleslai Crispi filio datus, administrabat, per fraudem occupavit. Unde tamen brevi post excussus est. Bellum Casimirus primum in Halicenses gessit, quibus domitis, sororis suæ filium Miecislaum, ab illis expulsum restituit. Eo paulò post veneno à suis necato, Ungarorum regis filius Andreas, Haliciam occupaverat, Vlodimiro, qui ad opem Ungaricam, Casimirum fugiens se receperat, per fraudem carceri incluso. E quo ille elapsus, hostis nuper sui Casimiri imploratâ clementiâ, impetratoque auxilio Haliciam Ungaris eripit. Inde irritatus rex Ungarorum, fines Polonorum invadit, vicissimque à Polonis incessitur. Sed id bellum, quia nec Ungaris nec Polonis volentibus erat, maturatis primò induciis suspensū, mox firmâ pace compositum est.

II. Hæc agente Casimiro, circumegit se favor Polonorum quorundam, & à
Casimiro

Casimiro
que Cra
ope occ
à Fulco
prohibe
ligendi
rem, in
à Casim
latur.
milites
neribus
Miecisl
vivo ip
Aded n
tudinis
clemen
leslao f
Henric
elicuere
igne fer
cile ira
nulla æ
tot cala
rum Po
runt.
fuit. H
borii S

Casimiro in Miecislaum reflexit. Jamque Cracoviam urbem favitorum suorum ope occupaverat Miecislaus; arce tamen à Fulcone Episcopo, & Nicolao Palatino prohibebatur. Profectus mox idem colligendi militis causa in Poloniam Majorem, in filio, quem Cracoviæ reliquerat, à Casimiro, ope Russorum maximè debellatur. Casimirus filium fratris ejusque milites non modò incolumes, sed & muneribus ornatos dimisit. Quà pietate Miecislaum ceterosque ita permovit, ut vivo ipso nihil hostile moliri sustinerent. Adèd nonnunquam hostem, quem fortitudinis non coerevit metus, admiratio clementiæ subigit. Post hæc cladis Boleslao fratri inflicte memoria, manesque Henrici nuper occisi in Prussos Casimirū elicuere. In hos nequicquam reluctatos igne ferroque ita grassatur, ut in armis facile ira vindictæ appareret. Nulla sexûs, nulla ætatis ratio habita est. Donec fessî tot calamitatibus Prussi pristinae tributorum Polonicorum tolerantia se submiserunt. Ultimum bellorum Casimiri fuit. His temporibus Pomerellia à Samborii Slavonii Ducis filiis ac nepotibus

D

rege-

regebatur. Quorum unus Subislaus ex
 Cassubiorum principibus religionē Chri-
 stianam primus suscepit, circaque annum
 Christi 1170. monasterium Olivense con-
 didit. Coaluit tum quoque ad Vistulam
 fluvium, quā Rodanum & Motlavam a-
 mnes ille recipit, ex tuguriis piscatoriis
 oppidum, vulgò *Danzig*/ postea Latine
 loquentibus *Gedanum* & *Dantiscum* ap-
 pellatum, quod commoditate sitū, ma-
 jorem deinde hominum multitudinem
 concivit, tandemque, faventibus cœli au-
 spiciis, in eam magnitudinem excrevit, ut
 inter præcipuas Europæ Urbes, & empo-
 ria celeberrima iure numeretur.

Casimirus ad pacis artes & religiones
 versus, dum S. Floriani à Pontifice impe-
 tratas reliquias ac memoriam festis epulis
 celebrat, hausto forte poculo repente
 concidit, & brevi post intervallo extin-
 guitur. Suspicio quorundam fuit, me-
 dicamento aliquo infectum fuisse pocu-
 lum à foeminâ, quam deperibat Casimi-
 rus, mulierosior paulò, cætera optimus
 Princeps.

DE LESCO ALBO,
ET MIECISLAO.

AB ANNO cIdcxv.

AD ANN. cIdccxiii.

*Lesci cum patruo Miecislao concertationes
quiter ad regnum emergit, ter dejicitur.*

CAsimiro mortuo post multas Proce-
rum concertationes ad filium tandē
Lescum defertur principatus. Sed quia
is per aetatem nondum par tantis guber-
naculis erat, adjunguntur puero Helena
mater, & Antistes, Palatinusque Cracovi-
ensis. Interim patrum Miecislaum am-
bitio & contemptus sui dolor vecordem
agebant per Poloniam Majorem & Sile-
siam. Collecto mox isthic exercitu Cra-
coviam properat: Cui Palatinus Craco-
viensis, advocatis in auxilium Russis, oc-
currit. Venit res ad prælium, non acre
minùs quàm impium, cum, scissâ in partes
Poloniâ, fratres affinesque adversis è ca-
stris pugnarent. Russi ibi cæduntur. Ro-
manus illorum dux saucius ac semiani-
mis penè prælio excedit. Vulneratus et-
jam

jam tùm Miecislaus est, & filius ejus paulò ante hastà trajectus, oculos penè paternos cruore respererat. Interim Silesii duo duces in auxilium Miecislao superveniunt. Quibus se Govoricus Palatinus Sendomiriensis, qui priori prælio in subfessis fuerat, opponit. Inclinantes tùm capto Govorico Polonos nox adversæ pugnæ exemit. Silesii seu Miecislaum, qui saucius domum vehebatur, sequuti, seu partæ gloriæ nolentes denuò facere periculum, erectis trophæis, domum quoque abeunt. Ita tum quidem irritus fuit Miecislai conatus. Aliquot annis post instaurare idem animum in novæ spem fortunæ cœpit. Cujaviam, Casimiri liberorum patrimonium, occupat. Idque ei impunè fuit per ætatem possessorum, & Palatini Cracoviensis & Sendomiriensis dissidia. Cum sic primus conatus provenisset, ad majora mox fraude in auxilium assumptâ progredi statuit. Helenæ Lesci matri per legatos arreptit, demonstrat mulieri jus suum, idque persequendi vires contra Lesci ætatem teneram, curatorum ejus dissidia, denique petit, patruo potius quam aliis tutelam permetteret Lesci, quem

quem adoptare, destinare successorem, restituta cæteris fratribus Cujaviâ, pollicetur. Impar fuit Miecislai versutiæ Helena, & minis vim ostentantis mota est, ut promissis crederet. Reliqui etiam Proceres, quanquam aliquandiu reluctati, consentiunt tandem in Miecislai restitutionem, eâ tamen lege, ut promissa ille sua jurejurando sanciret. Ita secundum principatupotitur Miecislaus, sed in id, ut amittat iterum.

II. Is enim, quantum paulò ante verbis prolixus, tantum postea re ipsa atque operâ defecit, sermone innuens subinde; fidem servare eorum tantum esse principum, quibus frangere aut non integrum, aut non necessarium esset. Sed Helena quoque, ut ante credula nimis, ita promissorum acris nunc exactrix fuit. Elusa aliquandiu, tandem ad vim proclamavit. Invenit facile fautores simplicitate lapsa mulier, contra Miecislaum imprimis, qui ut clientes suos ornaret, alios quosdam possessionibus suis dejecerat. Ad quas isti novis rebus, mutatoque principatu redituros se sperabant. Conjurat Palatinatus Cracoviensis duce ipso Palatino, occupa-

tur urbs absente tum forte Miecislao, recipiturque Helena cum Lesco filio. Ita vides denuo exortem principatûs Miecislauum. Sed excedit penè fidem, vel fortuna viri hujus, vel Helenæ plusquam muliebris credulitas. Ecce enim hæc iterum mox decipitur, ille iterum regnat. Nescio quas remoras fidei ante non exolutæ caussatus, sanctè jam pollicetur omnia, quæ promississet, præstiturum. Adductæ iterum eò mulieri, ut cederet principatum, persuadet jam porro, ut Palatinum Cracoviensem, Nicolaum amoveret, quasi ducem seditionum, & sub specie egregii publici, privatae utilitati studentem. Ut minus reluctaretur foemina, iuvant alii, Nicolai illius fastigium pridem ægrè ferentes. Ille purgare se Helenæ meritorum suorum ac fidei ostentatione diu nisus, obstinatâ muliere, ad Miecislauum confugit, quanto ante hostem, tanto ambitiosius nunc amicum. Nicolai autoritas traxit plerosque alios. Miecislauus tertium jam princeps frustra promissorum ab Helena admonitus, Vislicienſe porro territorium illi adimit. Eâ constantiâ fuit. Sed paulò post receptum imperium, finem

nem h
inter
ce verſ
dem ex

DE

A

Duo el
mele
cuyſi
citur
eifer

V Ti
int
Poloni
um, qu
dictus
patrem
ſputato
lius toti
In hunc
ſenſere

nem histrionia suæ & vitæ simul fecit, vir inter ornamenta ac dedecora alternâ vice versatus, & eam plerumque fortunæ fidem expertus, qualem aliis præstabat.

CAP. XII.

DE ULADISLAO LASCONO-
GO. ET LESCO ALBO.

AB ANNO MDCCIII. AD
ANN. MDCCXXVII.

Duo eliguntur. quorum alter alteri cedit. Comes. Tartarorum prima in Russiam incursiones. Pomerania Suentopelcus præficiunt. qui deficiens Lescom interimmi, Crutiferi in Prusiam vocantur.

VTi vivo Miecislao, ita mortuo adhuc inter ambiguos dominos vacillavit Polonia. Reliquerat ille filium Uladislaum, qui à gracilitate pedum Lasconogus dictus (nam alter filius Otho, paulò post patrem obierat, relicto filio Uladislaio imputatore:) & Lesco quoque Helenæ filius toties à Miecislao dejectus supererat. In hunc primum sententiæ procerum consensere, uno Nicolao Palatino Cracovi-

ensi, ejusque fratre Episcopo repugnantibus. Et hi tandem patiebantur principatum Lesco deferri, hoc stipulantes, ut Govoricium Palatinum Sendomiriensem, æmulum ipsorum in exilium amandaret. Verùm Lesco displicuit principatus, quem amici injuriâ emendum haberet. Itaque annitente Nicolao, cui hæc tanta Lesci benevolentia in Govoricium tantò formidabilior erat, princeps creatur Lasconogus, vir eò maxime nomine dignus principatu, quod eo postea digniori Lesco libens cessit. Nam cum imperante jam Lasconogo, Lescus feliciter in Romanum Haliciensium ducem, Lublinensis provinciae vastatorem, & jam trajecto Vistulâ, Sendomiriæ imminentem pugnasset, sequutus est fortunam favor Polonorum, & Lasconogo non repugnant, surrogatus Lescus: mortuis jam maximis hujus adversatoribus, Palatino Episcopoque Cracoviensi, quorum huic Vincentius Cadlubcus successit, vir pro seculi sui ingenio eruditus, primusque historiæ Polonicæ conditor. Lescus, quod prælio meruit, pace tenuit imperium, lenis ingenio, ut alios non impeteret, felix, ut non impeteretur

retur. Sub ejus initia Cometes apparuit, minax plerumque imperiis prodigium, tum vero haut dubie Tartaricæ procellæ nuncius, quam eo tempore à mari Caspio & monte Imao Asia in Chersonesum Tauricam primùm, mox in Podoliæ Russiæq; fines effudit, magnam & sequuturis etiam postea seculis ineluctabilem Poloniæ calamitatem. Gens enim justî belli ignara, ferarumque instar pauperiem tantùm vicinis inferre nata, ipsa inopiâ & fugacitate suâ invicta est.

II. Cæterùm Lescio huic frater erat Conradus, cui Masoviam & Cujaviam concessit. Pomeraniæ Suentopelcum præfecit; ea lege, ut jus quidem diceret provinciæ, ea tamen Polonis maneret vestigalis, juraretque in verba principum Poloniæ. Sed utrumque hoc Lesci beneficium malo omine datum est, & alterû Lescio ipsi interitûs, alterum toti Poloniæ magnorum malorum causa extitit. Nam Suentopelcus paulò post fortunâ sua corruptus fræna momordit, Lescumque bellum illi meditantem, & fortè aliquando inter Comitias in balneo lavantem, oppressit interemitque. Aderat tum Lescio

Henricus barbatus Dux Uratislaviensis; sed hic prostratus ab emissariis, quia pro mortuo habebatur, vivus evasit. Ex eo tempore Suentopelcus Ducis sibi Pomeraniae nomen adscivit. At frater Lesçi Conradus, defendendæ à Prutenorum incursibus terræ suæ impar, fratres Theutonicos (quos Cruciferos vocant) è Syria tum à Sarracenis ejectos, in auxiliū contra Pruthenos, data ad tempus terra Culmensi, vocavit, stipulatus vicissim, ut quicquid illi in Prussia occupassent, ex æquo secum partirentur. Ea res magnorum postea ac difficilium bellorum tempestates Poloniae concivit, usitato ferè imperiorum fato, magis uti illis formidabiles fiant, vocati in auxilium populi, quàm fuerant hostes, contra quos vocabantur.

CAP. XIII.

DE BOLES LAO PUDICO.

AB ANNO CIO CCXXVI.

AD ANN. CIO CCLXXVIII.

Pudici pueritia, & sub tutoribus miseria. Ejus castitas. Tartarorum predationes per Poloniam, & Silesiam. Bella intestina. Iazyges. Livanorum incursiones. Turba inter Silesia duces.

Cum Lescus filium Boleslaum, sed adhuc tenerum reliquisset, Henricum Barbatum, & Conradum de tutelâ haredis aliquot annis certantes spectavit sensitque Polonia. Ipse puer inter agnatorum studia variè raptatus, & Conradi etiam carceres expertus, vix tandem post multas difficultates ad regnum eluctatus est. Atque id jam pater ei minutius reliquerat, cum provinciarum aliæ Miecislai Senioris filiis, aliæ Conrado cessissent. Ut ad Boleslaum quidem tum nihil præter Cracoviens. & Sendomir. Palatinatus perveniret. Princeps factus, Cunegundin, Belæ Ungarorum Regis filiam uxorem duxit. Sed cum primis nuptiarum diebus intactam reliquisset, consensum utrinque est postea in perpetuæ virginittis sacramentum. Unde Boleslao Pudici nomen. Hoc principe Tartarorum rabies primò, sed eo multiplici impetu per Poloniam desæviit. Pervagati enim Lublinensem oram, & trajecto Vistulâ Zavihostum usque progressi, graves in Russiam prædas deportârunt. Mox inde post deposita onera revertentibus corporum suorum objectu viam præcludere tenta-

bant Cracovienses & Sandomirienses. Sed hi ad Schidloviam oppidum profligati sunt, immaniusque hinc & velut perruptis obicibus, ferocius se crudelitas sævissimæ gentis diffudit. Non satis in prædam grassanti fuit Polonia, in Sileciam quoque superato Viadro tranavit. Illic circa Ligniciam Ratiboriam & Opoliam Duces, junctis cum Cruciferorum & Majoris Poloniæ exercitu copiis, sumperant animos eundi in barbaros. Sed pariter infelix fuit, quanquam acerrimè pugnantium fortitudo. Cæsi ibi Henricus Pius Uratislaviensium post Henricum patrem dux, Boleslaus Moravorum Ducis filius, Poppo Cruciferorum Magister, alique spectati viri. Jam cæterorum militum tanta multitudo occidit, ut à Tartarīs præcisæ cæsorū singulis singulæ aures novem capacissimos saccos ferantur implēsse. Ut excitet penè nobis hæc tempestas cladis Romanæ apud Cannas memoriam, cum Annibal equitum Romanorum annulos, insignia nobilitatis, Carthagini suæ modiis admensus est. Sed porro ut illic vento, pulvere, sole adverso pugnarūt Romani, ita se hic externa aliqua, & humanā

manâ major vis prælio creditur miscuisse. Tradunt enim authores, concussum inter pugnandum ex signis Tartarorum unum fumi ac nebulæ tanta sparsisse volumina, ut prospectum omnem adversæ aciei eriperet. Quod mirum, non difficile tamen creditu videbitur ei, qui sciverit, Tartarorum gentem veneficiorum minimè rudem esse.

II. Percussa tanta clade Poloniâ, magis etiam misera erat, quod principe carebat. Nam Boleslaus, ubi alterius Tartariæ calamitatis rumor increpuit, in Ungariam cum suis transfugerat. Nec diu postea comparuit. Inde Boleslao Calvo Henrici Pii filio, Principatus decernitur. Quod ægrè ferens Conradus Masovius, vix benè datum Calvo sceptrum sibi vindicavit. Sed hujus quoque impotens dominatus odia mox incurrit, movitque Polonos, ut Pudicum requirerent. Qui reversus, recipit imperium, cum Conrado duplici prælio configit, uno victor, altero victus, usque tamen per fidem procerum quorundam, potestatis supremæ retinens. Mortuo paulò post Conrado, quieta quæ sub Pudico erat, Poloniâ suis-

set,

set, nisi quæ in Majore Polonia inter Miecislai senioris Conradique posteros arseret, & maximè Silesiorum Ducum gravissima inter se certamina, aliquam quoque barbarum contagem vicinæ afflâssent. Inprimis verò in Silesia Boleslaus Calvus, à quo sui defecerant, in tractu Cujavienfi Casimirus Conradi Masovii filius, quietē publicam turbabant.

III. Distinctis ita circa domestica mala Polonis Silesisque, novus iterum mox turbo ab Oriente insouit. Tartarorum enim ingens vis Lublinensem terram vastabat, notisque jam & nupero cruore velut signatis viis progressa, Zavichostum, Sendomiriam, Cracoviam, & quæ ultra hanc, populabatur. Erant in castris Tartarorum duo Russorum duces Leo & Romanus, scelerique fœdorum gentilium ducatum ac potentiam in Christianos Christiani ipsi præbebant. Sed reversis quoque ad sua Tartaris, hi quasi tardiùs satiarentur, repetitis subinde incursionibus, Poloniæ partes, Masoviam inprimis, infestavere, Lithuanis jam quoque succincti & lazygibus, populis ea tum parte positis, quæ hodie Podlassia appellatur.

Sed

Sed po
cessiss
à Boles
reverfi
is se ca
diis rel
bellum
is, qua
Craco
missum
Rusios
quibus
cessera
lio, in
IV.
leslao
burgie
minor
Erat te
Poluce
nandi
Hunc
rorum
ri incl
dici.
piscop
lectio

Sed postremi hi quasi in fatum suum lacerassent Polonos, internecione penè tum à Boleslao excisi sunt. Lithuani domum reversi & ob necem Ducis Mindaci mutuis se cædibus lacerantes, internis discordiis relinquebantur. In Russos sumptum bellum est, Boleslai tamen magis auspiciis, quàm ductu. Nam Petro Palatino Cracoviensi summum belli regimè commissum fuit. Qui in hosticum progressus, Russos Suarnone duce contra venientes, quibus & Tartarorum ingens manus accesserat, commissio eminus cominus prælio, insigni victorià ultus est.

IV. Post hæc major Polonia Duce Boleslao Calissiensis Dynasta cum Brandenburgicis Marchionibus bellum exorsa est: minor intestinis dissidiis laborare cœpit. Erat tum Cracoviensium Antistes Paulus Polucosius, vir avaritiâ, libidinibus, vendendi prurigne muneri suo dedecorus. Hunc operâ duorum juvenum ex Topororum gente captum Lescus Niger carceri incluserat, jussu vel saltem permissu Pudici. Post annitente Gnesnensi Archiepiscopo dimissus, vindictam parat, collectisque, qui fortunæ inopes, moribus turbidi,

turbidi, licentiam scelerum bello civili sperabant, in principem conspirat. Inficit ea labes bonos etiam quosdam vel pridem aliquibus Pudici moribus offensos, vel offensis aliis credulos. Juvitque seditiosorum consilia Boleslai absentia, qui tum cum Bohemo in Silesia de restituendâ Polonis Opavia, agebat. Nec mora. Deferunt Conjurati principatum ad Uladislaum Opoliensem ducem; illoque postulante, ut quotquot se principem vel-
lent, ad se Opoliam venirent; iter ingrediuntur. Euntes & securitate vagos adoritur in vicino tum agens Pudicus, nullo justo milite, sed solo procerum aulicorum quorundam comitatu: Et suffecit ad comprimendos rebelles illa fortunæ regi-
æ moles. Inde in Uladislaum receptorem seditiosorum itum est, & direptæ ejus ditiones. Cruduissentque in iustum bellum odia inter cognatos, nisi Boleslai Calissiensis prudenti opera sopita maturè foret. Tandem restitutâ minori Poloniæ quiete, Masovia, Cujavia, & his adfines provinciæ Lithuanorum & Pruthenorum incursione concussæ sunt. Feruntur tum quadraginta hominum millia abducta.

In

In Siles
Duce
se strin
Bolesla
Uratish
dam S
jam ali
tavit.
vienfes
vocaru
Glacern
utuncu
cum P
Dux, q
vus, di
ciferi
pore M
rimè
psorun
nis, &
ma Lit
caro
gicus,
mites
multit
ratam
pars,

In Silesia verò, si unquam, nunc maxime
Duces cognati ferrum parricidiale inter
se strinxêre. Autor turbarum præcipuus
Boleslaus Calvus fuit, qui cum Henricum
Uratislaviæ Ducem dolo cepisset, quos-
dam Silesiæ Principum, Pudicum et-
iam aliosque Poloniæ Duces in se concitavit.
Tandem quoque in illum Uratislavien-
ses Bohemorum regem Ottocarum
vocarunt, datâ regi ad tempus ditione
Glacensi. Ejus autoritate lis inter duces
utcunque composita est, & præter Henricum
Premislus quoque, Posnaniensium
Dux, quem in prælio nuper ceperat Calvus,
dimissus. Eundem Ottocarum Cruciferi
excivêre in Prussiam, quam eo tempore
Mendocus, Lithuanorum dux, acerrimè
pervastabat; magnis Prussorum ipsorum
copiis, odio Christianæ religionis, & novi
Cruciferorum regiminis, arma Lithuano
sociantibus. Quò Regi Ottocarum Marchiones,
Moravi, & Brandeburgicus, Episcopus item
Olomucensis comites ivêre, magnam omnes
hominum multitudinem Crucis sacramento
auctoratam ducentes. Subacta tum Prussiae
ea pars, quæ Sambia vocatur, & ut eò forti-
ore

ore frano coërceretur in posterum, ex-
 tructæ duæ Arces, quarum altera ad Bre-
 gelam sita, in honorem Regis Ottocari,
Mons Regius, vulgò apud Germanos *Rö-
 nigsberg*/ altera à Brunone, Episcopo O-
 lomucensi, Brunsberga appellata est. Sub
 id tempus movit denuo in Brandeburgi-
 cum Boleslaus Calissiensis, fusoque Otho-
 ne Longo Marchione, latè Marchiam po-
 pulatur. Sed paulò post reversus inde fe-
 bri extinguitur. Quem eodem quoque
 anno Pudicus consequutus est, princeps
 ingenio mitis, vitâ integer, cæterà infe-
 lix, & calamitatibus fere quam rebus ge-
 stis nobilior.

CAP. XIV.

DE LESCO NIGRO.

AB ANNO CIOCCLLXXIX. AD
 ANN. CIOCCCLXXIX.

*Cum Russis bellum. cum Henrico Vratislo-
 viensium Duce cum Lithuanis. Iazygum
 internecio. Sandomiriensium seditio in Ni-
 gram. bis iterata. Cracoviensium fidelitas.*

Boleslaus

Boleslaus Pudicus, cum ob virginitatis votum nullum genuisset, fecit sibi iudicio successorem. Is erat Lescus Niger ex fratre ipsius patruelis ortus. Poloni alii libentes acquiescebant adoptione Boleslai, alii reluctati nonnihil, tandem perstinaciam temporibus Reipublicæ submiserunt. Russi enim tum omnium animos in se adverterant. Qui Tartarorum Lithuanorumque viribus succincti, Duce Leone, immaniter Poloniam vastabant. Hos Varius Castellanus Cracoviensis cum suo & Sendomiriensium Palatino temere aggressus, feliciter tamen ad Goslicium pagum fudit. Eosdem collecto maiore exercitu persequitur Lescus, & ad Leopolin, quæ ab hoc Leone nomen habere videtur, progressus, vicissim se quoque ultione & sanguine explet. Inde in Henricum Uratislaviensem ducem, cognomento Probum, sed tum nomini male respondentem, movet. Causa belli erat Henrici in patruelos suos, cognatos Lesci, impia fraus, quos per speciem colloqui evocatos Bariciam, vinclis oneraverat. Lescus cum multam agris Uratislaviensibus vastitatem attulisset, captos tamen

men haut liberare potuit: ipsi se paulò post concessis, quæ Henricus postulabat, quamquam iniquis, exemere. Eo tempore infudit se denuo in Poloniam gens Lithuanorum, & quicquid adhuc lazygum supererat. Quos contra cum veniret Lescus, recedentes repperit, tardo tamen obprædam agmine. Dubius an hostem persequeretur, somnio animatur, mox eadem fiducia incensos suos vestigia barbarorum legere jubet. Hi fulgentibus ex propinquo Lesci signis, quanquam in re subitâ attoniti, parant se tamen pugnae. Mox incurrentium Polonorum impetum fortiter excipiunt, cum subito eos captivi à tergo adoriuntur; viri arreptis, quæ fors dederat, telis, fœminæ truci ululatu. Fertur & canum, quos secum abduxerat, morsibus impetitus hostis; pulcherrimo spectaculo, cum Polono, numero hominum impari, bestia militarent. Percussos undique & in fugam effusos persequitur cæditque Lescus, donec sylva & oborta nox finem poneret. Acrius cæteris tum lazyges pugnauerant, unde occidione omnes periire. Ut hodiè nonnisi nomen superfit.

II.
civiles
Sendo
qui, au
spino
Craco
tur, sp
ci, se
subitò
minac
fugâ.
tâ &
gratia
git. In
& Pol
usque
iterum
repul
suos,
tos, &
denu
um, &
nerib
cipis
Craco
rum
dona

II, Sed pulcherrimæ victoriæ decus
civiles coorti metûs penè temeraverunt.
Sendomirienses enim jam olim Lescio ini-
qui, autoribus Johanne Palatino & Cri-
spino Castellano, cum quibus & Paulus
Cracoviensis Episcopus trahere se diceba-
tur, spreto Lescio, Conrado Masoviæ du-
ci, se submisere. Verum hunc venientis
subitò Lesci fama in Masoviam repulit,
minace tamen belli & majoris apparatus
fugâ. Lescus procerum primis pruden-
tiâ & comitate reconciliatis, reliquo, ut
gratiam principis sponte quærent, coë-
git. Interim Lithuani vires recollegerant,
& Poloniam ingressi ad Sendomiriensem
usque terram latè omnia vastabant. Hos
iterum fortiter adortus Lescus feliciter
repulit, convincens veluti ingrati animi
suos, & antea ipsum principem asperna-
tos, & mox aspernaturos. Surrexit enim
denuò male obrutum seditionis incendi-
um, & majore flammâ è dolosis velut ci-
neribus erupit. Accivisse barbaros prin-
cipis odio credebatur Paulus Episcopus
Cracoviensis, unde iterum captus & ite-
rum dimissus, magnisque immunitatibus
donatus est à Lescio. Sed ut plerumque
homi-

homines injuriæ quam beneficio malumus vicem exsolvere, adeò non mitigatus est muneribus Lesci Antistes, ut tantò etiam acriùs omnium animos, quàm posset, in principem acueret. Atque ejus nefaria consilia, quod mireris, secuta est pleaque, quæ sub Lescio erat, Polonia. Iterum accitur Conradus, venientique Cracoviensium ac Sandomiriensium proceres obviam procedunt. Sola urbs Cracovia ab illo rebellionis contagio intacta mansit, & quamvis magna præmia polliceretur Conradus, dira quoque minaretur contumacibus, neutro tamen modo in desertionem Fidei corrumpi potuit. Obsessâ à rebellibus urbe, & mox incensâ, cives in arcem se recipiunt spe Lesci se sustentantes, qui sub initium statim motis, ad Uladislaum Ungarum, quærendo opere confugerat. nec multò post adest cum exercitu, cui opponit longè majorem Conradus. Sed voluit bellorum arbiter Deus, ut unde jus, inde victoria staret. Lescus debellatis & veniam orantibus subditis magna facilitate ignovit. Cracoviensium constantiæ gratiæ ingentes habitæ, inprimis Germanorum quorum

quorum
steterat
scus, ha
vorem
III.
suis, ita
set. Sed
diderat
sione,
ni incu
dum.
viam d
satur.
rimos
runt. S
est. Ta
rabili
tum ha
reversi
mirian
viginti
merata
ties im
runt en
missis h
bueran
genera

quorum fide arcis custodia potissimum steterat. His urbis regimen tradidit Lescus, habitu quoque eorum assumpto favorem suum testatus.

III. Felix erat Lescus, si ut subditis suis, ita Conrado benignum se præstitisset. Sed huic implacabilius irascens, reconciderat odium, quod captatâ mox occasione, prompsit. Dobrinum tum Lithuani incurrerant, fratris sui Ziemoviti oppidum. Huic quasi opitulaturus, in Masoviam deflexit, igneque ac ferro latè grassatur. Redeuntes cum prædâ milites plurimos in trajectu fluminis aquæ hausērunt. Sed mox major calamitas sequuta est. Tartari enim iterum magnâ & miserabili diluvie Poloniam inundarunt, Totum homines abducti feruntur, ut cum reversi Barbari in Russiam circa Ulodimiriam recognoscerent prædam, ultra viginti millia innuptarum virginum numerata sint. Nec Russis impunè fuit toties immanissimam gentem juvisse. Ferunt enim à transeuntibus Tartaris immissis humanis cordibus, quæ veneno imbuerant, infectas aquas nova morborum genera peperisse, quorum ut causâ diu

fese-

fefellit medicos, ita soboles hodièque in inexplicabili tricarum contagè, quam Plicam vocant, creditur vulgò superesse. Cæterùm Lesci animum nondum publica mala mitigaverant. Iterum Conradum laceffit, missò in Masoviam Palatino Siradiense. Sed hunc ex Masovia cum prædâ regredientem secutus Conradus, incautum opprimit necatque. Ac miles prædator præda mox Masoviis fuit. Lescus ipse paulò post ex mœrore animi periit, princeps inter laudatos censerì meritis, felices etiam, nisi finis inclinasset, cujus maximè semper meminimus.

CAP. XV.
DE INTERREGNO,
ET
PREMISLO REGE.
AB ANNO. CIOCCCLXXXIX.
AD ANN. CIOCCXCVI.

*Polonia variè discerpta. Premislus emergit
& Regium nomen recipit. mox clam inter-
fiscitur.*

Lescus absque liberis decesserat. Inde regnatarum ab eo ditionum imperium

um var
hume
ensem
frater
Sendon
censem
Princip
Henric
dejectu
co, pau
stante,
scripsit
cem, cu
mento
At hui
biguan
uxor, c
marito
slao Bo
lio tra
Bohem
mis vin
majori
num, i
autorit
tas acc
ducent

um variè prius, quàm certis iterum velut
 humeris federet, agitatum est. Siradi-
 ensem Palatinum Uladislaus Locticus
 frater Lesci obtinuit. Cracovienses &
 Sandomirienses Boleslaum Ducem Plo-
 censem, Conradi Masovii fratrem, ad
 Principatum vocaverunt. Sed hunc mox
 Henricus, Uratislaviensium Dux dejecit;
 dejectus ipse quoque ad tempus à Locti-
 co, paulò post verò restitutus, morte in-
 stante, hæredem harum Provinciarum
 scripsit Premisum, Majoris Poloniae Du-
 cem, cui recens Pomerania quoque testa-
 mento morientis Miesciugi accesserat.
 At huic Henrici quidem hæreditatē am-
 biguam faciebat Gryphina, Lesci Nigri
 uxor, quæ in duos illos Palatinatûs sibi à
 marito donatum, ut ferebat, jus Vence-
 slao Bohemorum Principi sororis suæ fi-
 lio transcripserat. Cessitque Cracovia
 Bohemo. Sandomiriam Locticus sibi ar-
 mis vindicabat. Penes Premisum tamen
 majoris Poloniae & Pomeraniae Domi-
 num, inter tot æmulos, summi Principis
 autoritas mansit, cui mox & regia digni-
 tas accessit. Omissa ea in Polonia fuerat
 ducentis, & ultra annis. A temporibus
 E scilicet.

scilicet Boleslai Audacis, ob quem Pontifex, Regnum quoque ipsum execrationibus devinxerat. Post & hoc relicta subinde à dominantibus numerosa sobole, in tot principes divisum fuit, vix ut horum quisquam regio nomini esset sustinendo. In Premisum hunc quia plures provinciæ felici successione coiverant, dignum sui judicârunt, qui diadema Regium gestaret. Quod ei Gnesnæ solenni ritu Jacobus Swinka, Archiepiscopus imposuit. Rex factus Premislus, coepit curas eo nomine dignas agitare. Sed cas nimium præcox & quasi Poloniæ invadens fatum subitâ morte abruptit. Septimô enim post susceptum regnum mense, dum Bachanalium diebus apud Rogosnum, Marchiæ vicinum locum, securiùs agit, à manu emissariorum, quam Brandeburgici Marchiones sorore Premisli geniti subornasse dicuntur, oppressus perit.

CAP. XVI.

DE ULADISLAO
LOETICO.

AB ANNO CIOCCXCVI.

AD ANNUM CIOCCC.

*Loetici in Silesiam expeditio. qua discordiis
atterebatur. Loeticus degenerat. & regno
dejicitur.*

OCeiso Premislo omnium electus su-
fragiis Uladislaus Loeticus, non ta-
men solenni ritu inauguratus est: nec
Regis, sed hæredis Poloniæ nomē assump-
sit. Incertum quâ de causa, an fatis rem-
ita adgubernantibus, ut facilius cri-
pi indignius se gesturo nondum plenè
datum imperium posset. Prima ejus ex-
peditio in Silesios fuit, favore in Bohe-
mum regni æmulum ipsi adversos. Quo-
rum terram cum exercitu ingressus, lon-
ge latèque populatur. Id eò proclivius
Loetico fuit, quod principes Silesiæ do-
mesticis turbis districti, in commune non
consultabant. Boleslaus enim, Suidni-
censium Dux, in Conradum Glogovien-
sem bellum parabat, Henrici Uratisla-
E 2 vienſis

viensis causâ, quem Conradus fraude captum, teterrimi carceris squallore primo ad iniquissimas conditiones, tandem ad mortem adegerat. Reversus ex Silesiâ Uladislaus otii ac voluptatum saginæ se dedit. Milites quoque rapinis assvetas manûs ne â suis quidem abstinebât, principe non ad hæc tantùm connivente, sed ob libidines privatas omnis jam publicæ rei incurioso. Tandem ita gravis Polonis esse cœpit, ut imperium tribus annis administratum ei abrogarent. Felicem hanc calamitatem Loctico fuisse eventus docuit: quippe quâ velut stimulo admo- to animus, qui inertia penè elanguerat, virtutis suæ admonitus est.

CAP. XVII.

DE VENCESLAO REGE.

AB ANNO CLOCCC.

AD ANN. CLOCCCV.

*Venceslaus è Bohemia accitus Rex inaugu-
ratur. Locticum persequitur. Quis redux
moriens Venceslao restituitur.*

A Moto Loctico, accitur in Poloniam
Venceslaus Bohemorum Rex, cin-
ctusque

Etusque Regio diademate munimentum
suæ, ut exoticæ dominatione petit à con-
jugio, ductâ in uxorem Rixa Premisli Re-
gis filiâ. Inde Loëticum persequitur, ad-
huc tum in Polonia, sed occultè & incer-
tis latebris vagum, mox in Ungariam at-
que inde Romam profugum. Remoto æ-
mulo, ipse in Bohemiam abit, constitu-
tis, penes quos rerum summa esset, præ-
fectis. Venceslao absente, Sendomiri-
ensibus & Cracoviensibus animus inces-
sit, Russos toties Poloniam depopulatos, &
recenti quoque injuriâ exosos, ulciscen-
di. Pugnantibus, quanquam sine Rege,
auspiciis fortunæ non defuit. Fuis-
enim prælio Russis, quibus Tartari quoque
auxilio venerant, Lublinum, quo quin-
quaginta annis Poloni caruere, ereptum
est.

Dum hæc in Polonia aguntur, Loëti-
cus in Ungaria apud Amedeum Palatinum
agens, imminebat adhuc occasionibus
regni recuperandi. Compertoque, domi-
nationem Bohemorum gravem esse Polo-
nis, & Venceslaui filii causa in Ungaros
moliri bellum, collectâ manu Ungarorû
& Amedei hospitis ope adjutus, in Polo-

niam venit, Pelciscam mox, Visliciamque
 & quæ circumjecta loca sunt, occupat.
 Sed luctanti ita inter initiorum veluti ri-
 mas magnum post ostium aperuit, secuta
 sub id tempus mors Venceslai Nam fa-
 to Regis, Bohemis quoque, qui passim ci-
 vitates Poloniae praesidio tenebant, ceci-
 dit animus: & capita urbium, Cracovia
 ac Sendomiria, Loetico facile cedere.
 Ibat tamen manu assertum patrium re-
 gnum Venceslaus junior è Bohemia non
 exiguam manum ducens, ac, si imperium
 detrectetur, bello certaturus. Sed ille dum
 Olomucii fortè sub meridiem somno in-
 dulget, occiditur. Autor cædis in am-
 biguo est, quanquam fuere qui Alberti
 Imperatoris scelus suspectabant. Ex hoc
 tempore Bohemis externi Reges imperi-
 tarunt.

CAP. XVIII.

DE ULADISLAO
LOETICO.

AB ANNO cIccccv.
 AD ANN. cIccccxxxiii.

Loetico

Loctico redditur regnum. Pomerania Marchionibus proditur. contra hos Cruciferi vocantur in auxilium. qui ex sociis mox hostes. Cracoviensium seditio. Silesia Bohemia inuena. De Cruciferis victoria. Amor Gentis Zamosciana.

Morte utriusque Venceslai, Loctico armorum pro recuperatione imperii necessitas remissa est; & diffugientibus passim Bohemorum praesidiis, sponte se illi subdidere Poloni. Soli Posnanienses & Calisiienses, memores vitiorum ejus, fortèque etiam vindictam metuentes, regnum dare ignominia accenso renuebant. Itaque Henricum Glogoviensium Ducem sibi adseiscunt, hoc pejus merentes de Loctico, quod sine illis coronari non posset. Quippe Gnesæ, ditionis ipsorum urbe, Regia diademata asservabantur; & in illis partibus erat Archiepiscopus. Locticus levi incursione correptis adversariorum agris, ad Pomeranos tendit, acceptoque ab omnibus sacramento, Gedanensibus Bogussam judicem, cæteris Premislum & Casimirum duces, Ziemomisli fratris filios, praeficit. Postquam

inde abiisset, cepit prodendæ Marchionibus Brandeburgicis Pomeraniæ consilium Petrus Cancellarius Pomeraniæ, Palatini Gedanensis filius, homo factiosus & tum Loctico, nescio ob quam repulsâ, infensior. Idem tum captus inter primamolimina, mox tamen deprecatione fratrum dimissus, beneficii immemor, ignominiam ulcisci statuit. Ejus ergo fratrumque ope accitis paulò post Marchionibus, pleræque civitates Pomeraniæ traduntur, Gedanum quoque ipsum, solâ arce relictâ, quam Bogussâ tutabatur. Hic, urgente obsidium hoste, adLocticum magnâ celeritate contendit, & de statu rerum edocto, svadet Cruciferos vocare in auxilium, qui jam, amissâ Ptolemaide, spes opesque pene omnes in Prussîâ locare cœperant, sede Magistrorum suorum, Mariæburgum, tum recens exstructum, translata. Annuente Loctico Bogussâ reversus Cruciferos in arcis dimidiæ regimen recipit, hâc lege, ut unius anni defensionem suis impensis tolerarent, hoc elapso, quicquid porro insumeretur, Regi ferrent expensum. Juncta ita cumCruciferis manu, non arx tantum Gedanensis de-

sis defe-
est. Ven-
tim Cr-
in se tra-
te Bogu-
que pot-
re mul-
presen-
bito, in-
que ini-
quam a-
lumque
tum VI-
cum G-
Crucife-
Primo
se plac-
defensi-
Theuto-
Inde De-
gnatus
genio s-
lum, lo-
pleraqu-
II. E-
Polonia
Henric

sis defenſa, ſed urbs quoque recuperata eſt. Verùm repulſo hōſte, inſurgere paulatim Cruciferi, arcis univerſum regimen in ſe trahere cōperunt: fruſtra repugnante Boguſſā, aut cæteris, quorum ut quique potentior aut obſtinatior erat, carcere multabatur. Moniti à Vladislao, & præſentes in conventu apud Cujaviā habito, injuriarum poſtulati, ingentem atque iniquam pecuniæ ſummā poſcebant: quam abnuente Vladislao, ad vim bellumque apertum erupere. Diſtinebatur Vladislaus bello civili contra Henricum Glogoviienſem: quod ſpem dabat Cruciferiſ occupandæ totius Pomeraniæ. Primo impetu adoriri oppidū Gedanenſe placuit, quod aliquandiu à Pomeraniſ deſenſum, tandem civium quorundam Theutonicigeniſ operâ proditum eſt. Inde Derſavia, cui Caſimirus, Loctici cognatus præſidebat, capta, & Suecium ingenio ſitūſ & arte munitiſſimum Caſtellum, longā obſidione expugnatum. Quod pleraque alia ſecuta ſunt.

II. Dum hæc apud Boruſſoſ aguntur, Polonia major pertæſa dominationiſ Henrici, & perpetuarum belli calamita-

tum metuens, Vladislao se deditit, mis-
susque, id ut impediret, ab Henrico Bi-
bersteinius, à Samotulio, Palatinide Po-
snanienſe proſtigatus eſt. Sed rara ſine
mali mixturâ felicitas : plerumque lancis
inſtar, unâ parte attollitur, ut altera de-
ſidat. Sic Vladislao, cum pars Poloniæ
faſces ſubmiſſiſſet, altera cœpit rebellare.
Cracoviennes enim cives, Alberto advo-
cato autore, Boleslao duci Opolienſium
urbem ſuam ſubdiderant, arcemque in
ſocietatem ſagitii trahere certabant.
Sed Boleslaus, miſſis à Loſtico legatis, &
mox vi ingruente percuſus, properè ur-
bem deſeruit, comitantibus cum pleris-
que, qui ſeditioni claſſicum cecinerant.
Victor ante quàm adventaret, Loſticus,
cum venit, ſentire urbem voluit, quid
peccaſſet. Profugorum bona in fiſcum
rèdaſta ſunt; caſi, qui è ducibus rebelli-
onis remanſerant, univerſæ civitati jura
imminuta.

III. Cruciferorum interea ut poten-
tia, ita potentiæ cupido gliſcebat. Pome-
relliam omnem tenebant, & ut jure tene-
re viderentur, primò Loſtico; hoc abnu-
ente, Marchionibus pecuniam offerunt.

Qui

Qui ut
per in
tium h
ipſis vi
tati tot
dicarem
latâ Po
interci
vention
runt. A
tandem
quorum
gravis.
lis eſt,
non pa
Pol
pore fa
ſiam, I
cias co
pulchr
ſuſpen
eſuries
ta, co
Serpſit
dò aër
inſecit

Qui ut vendere jure non poterant, quod per injuriam nuper occuparant, ita pretium libentes acceperere pro eo, quod jam ipsis vi erat extortum. Poloni verò irritati tot injuriis, antequam armis se vindicarent, svasu Episcoporum, quibus ablatâ Pomerelliâ non modici proventus interciderant, Pontificis Romani, qui Avenione tùm agebat, judicium implorârunt. A quo toto quadrienni labore, vix tandem impetratum est, ut deligerentur, quorum arbitrio disceptaretur causa tam gravis. Ab iis secundum Polonos data lis est, jussique Cruciferi satisfacere, cum non parerent, sacro fulmine percussi sunt.

Poloniæ calamitates ingens hoc tempore fames auxit, quæ simul quoq; Prusiam, Lithuaniam, & vicinas his provincias corripuit. Non cadaveribus in sepulchro putrescentibus, non in patibulo suspensis, imò nec liberorum corporibus esuries publica pepercit. Pestis inde orta, confertissimos passim acervos fecit. Serpsit malum, & communi quodammodo aëre corrupto, totam fere Europam infecit; adeò ut tertia propè hominum

pars tum penuriâ Victûs, tum contagione, his annis feratur absumpta.

I V. Eâ quoque tempestate Duces Silesiorum, hætenus liberos fœderatosque Polonorum, vitia sua, & Johannis Luxemburgici Bohemiæ Regis artes, alieno subegere regno. Cum enim ex Ducibus alii armis se invicem incesserent, singulis suos casses aptans Johannes; illos dato pretio, ditionibus suis exuebat, hos occultis stimulis in mutuam armabat perniciem. Dum tandem omnes luxu vel discordiis attritos, sub Bohemorum imperium adegit. Idem Johannes, nescio, quod sibi jus ob antecessorem Venceslaum in Polonos vendicans, vocatusque à Cruciferis in auxilium contra Loëticum, seriò tandem Pomeraniam recuperare molientem, Masoviam ingreditur. Ab eodem Cruciferi, ut jus suum in Pomeraniam magis etiam stabilirent, prece & pretio impetrant, ut illam provinciam ipsis donaret, jure scilicet in Polonorum ditiones Regio, quod Johanni homines ridiculi, ut accipere possent, dabant.

V. Nec vero diu se intra Pomerelliam continuit Cruciferorum avaritia. Poloniæ

niz ipsi
duis in
ro eor
lonia
rat cu
tanto
sus, ca
batur.
tabat
profug
atque
fectur
lium
amore
explor
gressus
prælii
id op
tione
suadet
tu age
& qua
ad dep
cœper
ercitur
visior
iret. Il

niæ ipsius primùm oras, mox viscera assidu-
is incursionibus tentabant. Certè altero
eorum impetu vix ullum Majoris Poloniæ
oppidum intactum mansit. Aderat cum
exercitu Vladislaus, sed impar tanto
hosti, & congregari apertè non ausus,
casuum tantùm opportuna speculabatur.
Brevique potitus est voto. Militabat
tum in castris hostium Szamotulius,
profugus à patriâ, ob similitudines cum Rege,
atque imprimis ob prælatum sibi in præfecturâ
Majoris Poloniæ Casimirum, filium Regis.
Hic pœnitentiâ & patriæ amore mollitus,
captato tempore, specie exploratoris,
in castra Polonorum transgressus deprecatur
Regem, simul hortans, prælii ut tentaret
fortunam, suamque ad id operam promittens.
Redux, trepidatione Polonorum falso
memorata, persuadet Cruciferianis, ut
securè & sine metu agerent. Illi prædæ
suæ incubantes, & quasi victo hoste
lati, reditum parare ad deponenda
spolia, partiriq; exercitum cœperant.
Interim admovet Loëticus exercitum,
nebulæ beneficio usus, ut improvisior
hostibus veniret, famamq; sui anteviret.
Illis tamen strepitum propinquantium
admo-

admonitis, subitòq; arma corripientibus cum ad Radoviam venisset, sistit nonnihil suos, & ad hunc modum affatur: Si quantam ore habi uque præferunt hostes, tantam moribus ac factis ostenderent numinis curam: bellum, milites, aut nullum cum illis, aut omnino iniustum gereremus. Nec enim intra sacra miluitæ consistentes munia, violentam in nostra injicerent manum: & sua servantes improbè à nobis oppugnarentur. Sed nimirum malè respondent illi instituti sui legibus, turpiterque ex propugnatoribus Christiana religionis, in magistros avaritiæ & immanitatis, in Cruces turbatoresq; vicinorum principum degenerarunt. Alia eorum facinora ne memorem, in nos patriamque nostram, quæ illos insana impiæque habendi cupiditas armavit? Profugos olim & seditibus suis exutos, cognati principes nostri in partem belli quidem, sed & terra simul sua vocarunt. Hic afflicta prioris fortune allevationem, hic nova hæc, quæ videtis, incrementa cepere. Expectanda nobis erat gratia; illi vim inferunt, illi focos, in quibus nefarii scilicet aspides recalvère, diripiunt, atque etiam, si liceat, ereptum nobis eunt. Pomeraniam jamdudum est, quod sibi usurpant, magna etiam Cujavia parti incubant. Et
his

his tam
tia, ut
nostra
modum
hodie,
commil
ablatur
biti ab
à sacri
simula
tur vine
prelium
degener
quia ma
quanti
atque o
denti pa
cit, vel
tes repa
ensariu
citias, i
debella
dies tot
tes, quæ
hacten
mero ac
lum ar
tatis in

his tamen adeò non satiatur illorum avaritia, ut velut irritata magis, inintima patria nostra viscera unguis promittat. Verum modum his, quem sibi ponere nesciunt, ponet hodiè, spero, numinis vindicta, & nostra, commilitones, virtus. Quam jampridem ablatarum provinciarum injuria, malè habitì ab illis agri subditique nostri, profanata à sacris nempe militibus templa, ita acruer stimulant; ut vix difficilins jam fore videatur vincere hostem, quàm fuit hactenus, in prælium vos ruentes tenere. Nec ullo sanè degeneri metu ardorem vestrum inhibui; sed quia malis bonisque rebus meis edoctus scio, quantum possint in bello momenta temporum atque occasioneum. Has profecto qui prudemi patientiâ speculari novi, securus vincit, vel, si fortuna omnino rectè etiam consultes repugnet, vincitur saltem seriùs atque excusatiùs. Sape parvis copiis magni exercitiùs, iniquo vel loco vel tempore deprehensi, debellantur. Sed nobis milites, hodiernus dies tot offerens benè gerenda rei opportunitates, grande morarum omnium, quas tulistis hactenus, pretium ostendat. Huc usque numero adeo prevaluit hostis, ut & superare illum arduum foret, & superatis nobis temeritatis insuper expectanda esset nota. Nunc
flos

flos exercitus illorum ad subigenda Cujavia
 ulteriora missus est. Sic universos ante
 cum discrimine aggressuri, divisos jam abs-
 que negotio proteremus. Sed ut multitudine
 etiamnum pares vel superiores sint, animis
 tamen nos non aquant: quos exigua mercede
 autoratos, caterva undique collecta, & pra-
 dandi quam preliandi gnarior, pares profe-
 ctò afferre non potest nostris, quos pro patriâ
 dimicantes, præter nobilitatem ingentem.
 summa bellinon aquitas tantum, sed necessi-
 tas acuit. Ac clamor illorum dissonus, quo
 omnia jam istic perstrepunt, nonne pavorem
 & festinatione se suâ implicantem trepidati-
 onem arguit? scilicet cautionem nostram i-
 gnaviâ forsan hætenus interpretati, quia
 non provocavimus, nunquam provocaturos
 credidèrunt: aut fecialem, puto, expectârunt,
 qui ad prælium paratos esse juberet. Discant
 age nunc exitio suo, non essetum pugnandum,
 cum cupit hostis; & periisse rerum agenda-
 rum occasiones, cum utrinque sciuntur. Ca-
 terum quos perculsos ita anxiosque audimus;
 major mox, milites, occupabit dejicietque con-
 sternatio; cum Samotulium, nostratæ olim
 Palatinum, illorum hætenus castra pravo
 consilio sequutum, mutato animo, in illos pro
 nobis arma stringere videbunt. Id quidem
 facturum

factum
 esse de
 exitum
 egregio
 bet. L
 ia att
 viso ve
 scat; &
 dam v
 fia ad

Hæc
 terim
 rem fo
 ter se q
 exempl
 esset, h
 Nec C
 Szamo
 Tum r
 misère
 quæ Br
 pia, in
 Polono
 stitang
 & illi p
 bantur
 norum

facturum se recipit, nec, nisi penitus Polonus esse desit, enisurum dubito, ut iras civiles in exitium hostibus versas, crimenque perfidia egregio decore expiatum nobis patriaque probet. Sed & vos, commilitones, certus sum, ita acturos, ut & civis resipiscentis studium viso vestro pro patria pugnandi ardore crescat; & opera ejus à nobis ad communicandam victoria gloriam admissa, minimè requisita ad obinendam videatur.

Hæc fato Duce, discussaque etiam interim nebulâ, initur prælium. Agunt rem fortiter Poloni, certantibus velut inter se quoque Loëtico & militibus, illo, ne exemplum, vel vocis incentivum suis deesset, his, ut utrumque superfluum esset. Nec Cruciferianis virtus deerat, donec Szamotulius terga eorum, iñcessere cœpit. Tum respectantes & re subita attoniti, remisere animos. Subvenientes quoq; iis, quæ Bræstiam pridie præmissæ erant, copiæ, in id tantum venere, ut victoriam Polonorum augerent. Nam & acrius institanquam pro parto decore pugnabant, & illi pavore fugientium suorum auferebantur. Viginti millia tum Cruciferianorum feruntur periisse, ex Polonis quingenti

genti tantum. Quanquam in numero castrorum, omnique hujus praelii historiâ multum dissentire video scriptores, quâdam æmulatione decus Polonorum minuere conante, ut dedecus Cruciferorum minuatur. Post praelium inter faucios, vir quidam equestris ordinis Florianus Szari jacebat, effluentia abdomine illa manu cohibens. Ejus cruciatum Rex fortè præteriens cum Comitibus, miserabatur. Cum ille: acrior, ô Rex, inquit, dolor ejus est, qui in eodem pago malum vicinum habet, qualem ego expertus sum. Miratus est Rex hominis inter mortis discrimen ejusmodi cogitationibus vacantis responsum; sublatoque & arte chirurgorum curato pagum dedit, quem solus & absque vicino possideret. Stemma ejus, quod trium hastarum erat, inde Jellitorum, i. e. ilium nomen accepit, estque insigne Zamoscianæ familiae, e qua magnum illud non Polonia tantum, sed seculi decus Johannes Zamoscus effulsit. Caterum, ut Vladislao Regi victoria hæc gloriosa fuit: ita fructum ejus Bohemi ferme & Silesii intervertère; bello majori Po-

ri Poloniæ intentato, necessitatem Regi
Cruciferos omittendi, his respirandi mo-
ram facientes. Qui &, dum in novum
hostem movent Poloni, Brestiam & Gnieuw-
coviam impunè abstulerunt. Paulò post
pactus cum Cruciferis inducias Vladis-
laus, munitiones aliquot Bohemorum Si-
lesiorumque cepit aut incendit. Inde re-
versus, post brevissimi temporis morbum,
moritur, princeps corpore exiguus, ma-
gnus animo, comitate in suos, fortitudi-
ne in hostes egregius, à secundâ fortu-
nâ penè deceptus, adversa pulchrè tole-
rans semper, plerumque victor.

CAP. XIX.

DE CASIMIRO
MAGNO.

AB ANNO CCCCXXXVIII.

AD ANN. CCCCCLXX.

Casimirus pacem init cum Cruciferis. Successorem designat Carolum. Russos Polonia subdit. Leges instituit. Ius Magdeburgicum introducit Ludovicum Ungarum post Carolum successorem nominat. Pater Plebejorum dictus. Valachi dolo Polonos vincunt. pestis & fames per Poloniam. Casimirus cognatam Carolo IV. Imperatori locat. Hospites Regios consul Cracoviensis splendide excipit. Casimiri ex equo lapsus & mors.

VLadislao Loctico filius Casimirus succedit. Qui mitis ingenio; & quietis quàm armorum appetentior, pacem cum Cruciferis init, parùm decoram nomini Polonico. Eam aspernati Proceres, & simul tamen bellorum pertasi, Pontificem iterum in arbitrium malè compositæ litis sollicitant. Ab hoc missi arbitri infes-

sam

sam à Crucigeris Pomerelliam, Cujaviam, Dobrinum, & reliqua Poloniæ propiora Polonis adjudicant, Cruciferis insuper prægrandem mulctam irrogantes. Sed hi nec decreta Pontificia, nec execrationes morati, occupata retinuere.

Cæterum Casimirus, ut vagus libidinum, ita prole orbus erat. Unde maturè successorem circumspicere cœpit. Placuitque eligenti Carolus, Ungariæ rex, sorore illius genitus, spretis cum indigenis principibus, tum Silesiis alieno jam imperio additis. Exin in Russiam expeditio suscipitur, sæpe jam olim victam à Polonis, nunquam ad constantem obsequii fidem subactam. Casimiri felicitati cessit, & tum primùm in Provinciam redacta, æquo inde jure cum Polonis gaudet. Paulò post tentavit Poloniam Johannes Bohemiæ Rex, qui abstractâ Silesia ferocior atque avidior factus, unicum senectutis atque etiam mortis solatium habiturum se dixerat, si manu muros Cracoviæ attigisset. Sed is à Polonis fortiter repulsus, aliquantò post in Galliâ interiit. Post hæc Casimirus quanquam in luxuriam solutior, & segni in Crucigeros indulgentiâ non nihil

nonnihil invisus, domi tamen conditis legibus, constitutis judiciis, & arcibus structis, Reipublicæ multum profuit. Ab eo jus Teutonicum in Poloniam inductum, quod Magdeburgicum vocant. Condita item Cracoviana urbis ea pars, quæ hodieque Casimiria, accepto à conditore vocabulo, appellatur.

Dum hæc in Poloniâ geruntur, interim in Ungariâ Carolus haud pridem Casimiro successor nuncupatus, decedit. Ejus igitur in locum Ludovicus filius adoptatur. A quo Poloniæ ordines immunitatem tributorum atque onerum, quæ hætenus principibus dependi consueverant, paciscuntur: præcipuo hoc plerumque, quod ex regnatricium familiarum interitu sperari potest, commodo: quod successores, ut regnum accipiant, leges prius accipere cogantur. Eodem anno latæ multæ res Casimiro contigere. Primum enim Russiam perpacavit: pulsus, qui turbas isthic dare ceperant, Lithuanis, Duceque eorum Lubarto capto. Paulò post Malòvia corpori Reipublicæ Polonæ accessit, submittente se Regi ejusque posteris Ziemomislao, iis legibus, quibus

Vasalli,

Vasalli, quos vocant, solent obstringi. Exciti tum denique Regis clementiâ Germani quamplurimi migravêre in Poloniam, quorum posteritas etiamnum subiectos Carpatho monti colles (quos *Podgorze* vulgo vocamus) colit. Atque ab istâ in Germanos aliosque vilioris sortis homines benignitate, Casimirus patris Plebejorum vel rusticorum nomen accepit. Dignû sanè quod alii Principes ambiant similiter, iis præcipue majestatis suæ præsidium commodando, quos paupertas potentiorum injuriis facit opportunos.

III. Post hæc felicitatis Casimirianæ cursus improspéro cum Valachis prælio aliquantùm interpellatus est. Mortuo istorum Palatino Stephano, cum certantium de principatu filiorum uni auxiliarentur Poloni, miro ab adversa parte stratagemate circumventi sunt. Inciderant scilicet Valachi in sylva, per quam eundum erat, ultra medium arborum plurimas. Hinc cum, subeuntibus Polonis, quæ in ora essent positæ, à doli structoribus impellerentur, aliæ mox post alias ruina proximarum provolutæ, magnam partem exercitus obriverunt. Reliqui seu faucii

saucii seu attoniti inopinâ clade, capiebantur; paucissimi effugere. Ne sola hæc esset calamitas, immanis mox pestilentia per Poloniam sequuta est. Accessitque etiam annonæ sævitia. Quam tamen utcunque solatus est Casimirus, apertis horreis, quæ priorum annorum ubertas, quasi in futuros usûs locupletissimè instruxerat. Frumentum petentibus, si ære destituerentur, opera in muniendis arcibus injungebatur. Ditiorum pecuniæ thesaurum Regium augebant. Cujus opibus Casimirus anno sequenti, nuptias cognatæ suæ splendidissimas paravit, quàm Boguslao Pomeraniæ duce genitam Carolus IV. Imperator, paratio Pontifice, in matrimonium accipiebat, Adfruere nuptiarum solennibus Ludovicus Ungarorum, Sigismundus Danorum, item Petrus Cypriorum Rex, cum principibus aliis non paucis. Nihil ibi ad magnificentiam vel luxum omissum. Sed Regiâ opulentiam diu non sine admiratione excepti hospites, magis mox ad privati hominis divitias stupuerunt. Gerebat Cracoviæ Consulatam Veringus quidam, gente Germanus, caritate apud Principem præcipuus

capie-
la hæc
ilentia
ssitque
en ut
s hor-
s, qua-
struxer-
e desti-
rcibus
heslau-
ppibus
logna-
m Bo-
Caro-
ce, in
re nu-
rgaro-
Petrus
s alii
centi-
a opu-
except
omini
covia
gente
a præ-
puus
cipuus. Is cum precibus & gratiâ apud
hospites Regios exambisset, ut domi ipsi-
us epulari vellent, parentes illos non cu-
ratissimis tantum dapibus excipit, sed
muneribus etiam ingentibus prosequitur:
gestiente Casimiro, cujus gloriæ milita-
bat subditi sui opulentia, pace Domini in
tantū audia. Casimiro verò istiusmodi jam
amicitiis firmatus, majore in dies & am-
bitu pressabatur à vicinis. & terrore su-
spiciebatur ab hostibus. Nam & Belzen-
sium dux ante infestus semper Polonorū
Principibus, supplex huic fieri sustinuit,
quò dignitatem & ditionem retineret:
& in Borussiam venienti Crucigeri cun-
cta venerantium officia exhibuere. Sed
illum paulò post inter fortunæ obsequia
luxuriantem repentina nec simplex mors
abstulit. Inter venandum enim dum in-
cautiùs cervum insectatur, equo forte
prolapso, solo affligitur, casu ob corporis
obesitatem lethali, cum æger præterim
gulæ plus, quàm medicorum præceptis
daret. Antequam extingueretur, condi-
to testamento largiter multa Ecclesiis do-
navit: Princeps, si libidines excipias, in

F

quas

122 FLORI POLONICI
quas fuit effusior, domi magnus, foris
fortunâ quàm virtute melior.

CAP. XX.

LUDOVICUS UNGARUS..

AB ANNO cDCCCLXX.

AD ANN. cDCCXLXXXII..

*Piaſti poſteris deficientibus Ludovicus Un-
garus ſuccedit. non æquo Polonorum af-
fectu. Majores Poloni deficiunt. Ma-
ter regia Polonia adminiſtrationem deſe-
rit, recipitque. Lithuani vincuntur; &
Ruſſi rebelles.*

IN Caſimiro defecit tandem illa Piaſti
progenies, quæ, tot ſeculis, ordine vix
unquam interrupto, Poloniæ clavum re-
xit. Inde Regnum ad Ludovicum Un-
garum devênit, quem à Carolo genitum
Caſimirus pridem ſucceſſorem ſibi deſti-
naverat. Erat in Ungaria Ludovicus, cum
nuncium de morte avunculi acciperet:
cunctabaturque etiam venire ad Polonos,
dubius de horum erga ſe animis, nec in-
gnarus difficultatum, quibus duplicis illa
regni adminiſtratio foret obnoxia. Ve-
nit tamen tandem, ab Ungariſ præcipuè
ſuis

foris
—
S.
Un-
af-
Mi-
de-
; &
iafi
vix
n re-
ga-
tum
elti-
cum
ret:
nos,
ec i-
illa
Ve-
puè
uis

fuus perſuaſus. Cum regni ſolennia acce-
piſſet, prima illi curarum fuit, avunculo
iuſta perſolvere. In quibus cum penitus
voluntates Procerum introſpexiſſet, co-
gnovit, deſleri deſunctū ob id vehemen-
tius, quod ſine maſcula prole obiſſet.
Quod ille in diminutionē ſui accipiens,
ſimul veritus, ne aliqua filiarum Caſimi-
ri, ſtudio populari accincta, occaſionem
novis rebus præberet, projectas in Hun-
gariam illas, nothas adeoque incapaces
hæreditatis paternæ proclamari juſſit.
Paulò poſt ipſe in Ungariam redit, reli-
ctâ penes matrem Elizabetham, Poloniæ ad-
miniſtratione. Prole & ipſe maſculâ ca-
rebat, filias habebat duas. Alteram Si-
giſmundus Caſaris filius duxerat, alteram
ſceptro Polonico deſtinabat. Quam ad-
rem ut conſenſum Nobilitatis impetra-
ret, libertates ante conceſſas novo ſacra-
mento ſancire atque etiam augere neces-
ſe habuit.

II. Compoſuiſſe ita ſibi utcumque res
ſuas videbatur Ludovicus, cum Majores
Poloniæ proceres quidam, externum de-
dignati Regem, Vladislaum Ducem Cu-
javienſem ex Vladislai Loſtici fratre ori-

undum, principem sibi constituunt. Is mente imbecillior & ditionibus suis præesse impotens, hisperditis, Divione in Burgundia, vitæ Monasticæ se dedicaverat. Inde reductus in Poloniâ, cum nihil non tentasset pro dominatu, tandem, nequicquam omnia experiuntibus fautoribus ejus, à Subinio aliisque Proceribus, qui pro Ludovico nitebantur, vincitur, missusque ad Regem ab illo Abbatia donatur. Quâ spretâ, cum Divionem, priscam otii sui sedem reverti vellet, in itinere morte præcoci intercipitur.

III. Mater interim Ludovici, motum Polonicorum, quibus par non erat, pertasa, in Ungariam, ætatem illic transigendi animo, secesserat. Sed illa (ut facile redit humano animo etiam fastiditæ potentæ cupido, nec facile in æquo manent, qui in fastigio esse assuevere) mutato paulo post consilio ad relictam stationem remeavit. Reversam verò ut Proceres Poloni, ita varii mox hostiles motus excepérunt. Lithuani enim Duces quidam cum prædatore exercitu irruere, & intima Poloniæ scrutati depeculatique, magnam vim prædæ & hominum abduxe-

abduxerant. Inter Ungaros quoque & Polonos intestinæ gliscebant offensiones, subinde etiam in apertos tumultus exardescentes. Sed hi tamen utcumque auctoritate regiâ repressi sunt. In Lithuanos, & qui se his contra Polonos junxerant, Belzenses, bellum decretum est. Venitque ipse ob eam rem ex Ungariâ Ludovicus foris Ungarorum manu instructus. Quibus cum Polonici exercitus accessissent, fracti animo Lithuani, pacem implorârunt. Nec Rusli rebelles diu potentiam Regis sustinere. Chelma cum aliis vicinis oppidis intra octavum diem se dedit. Quam post & Belzum sequutum est.

IV. Cæterum peragranti victoriâ Russiam Ludovico arrisit terræ illius generis, & feracissima frugum ubertas. Unde Ungariæ eam adjicere agitans, Ungaros ei præfectos imponit, & ut omnia isthuc sibi obnoxia haberet, Archiepiscopatum Haliciæ (quam olim tenuerant Ungari) instituit. Qui postea Leopolin translatus, penes eam urbem hodieque manet. Non effugit tum Ludovicus suspicax populi silentium, & voces quorundam liberiores. Imò & universum ordi-

nem equestrem in Comitibus tumultu quodam, duce Granovio, adversus praesens regimen insurrexisse, ac Senatorum nonnullorum, quos libertati publica indignatio subito immolaverat, cadaveribus Regem terruisse, fama tenet, quanquam nulla annalium, quos viderim, fide nixa. Id equidem omnium autorum consensu certum est, ingens tum odium Polonorum in Ungaros fuisse: & asperavit id Vladislaus, Opoliensium Princeps, qui creatus à Rege Russiae gubernator, Ducis Russiae titulum sumpterat. Eidem & Poloniae administrationem detulit postea Ludovicus, cum, matre in Ungariam tandem ferio reversa, licentia passim nullis coercita legibus valesceret, & ordines Ludovicum subinde ad se vocarent. Verum missum, quem diximus, vicarium, Proceres respuerunt: indictisque postea Budae Comitibus, cura Reipublicae tribus Senatoribus commissa est. Hi erant Zavissa Cracoviensis Antistes, Dobeslaus Castellanus Cracoviensis Zavissae frater, Sendivojus Szubinius Calissiensis Palatinus. Ipse Ludovicus, cum languidum se aetate & morbis insuper fatigari sentiret.

Comitiis

Comitiis in Scepusio habitis, generum suum Sigismundum Marchionem Brandeburgicum sibi successorem adsciscit. Nec multo post extinguitur. Vir benigni satis ingenii, atque in eruditos perliberalis, inprimis astrologos. Inter cætera morū hoc quoque habuit, quod identidem dissimulato habitu vicos & oppida perlustrabat, inquirens in magistratuum vitam, simul & suam, quò, si quid reprehenderent judicare periti, corrigeret, sin placuisset, famā sui frueretur. Eodem quo Ludovicus, tempore, Ordinis Teutonici in Prusliā magister Vinricus Cniperodius vitā excessit, anno potentiae trigesimo primo: Vir magni inter suos nominis, quia & Lithuanos aliosque infideles feliciter profligavit, & prudente rectoque regimine potentiam ordinis in id fastigium extulit, ultra quod postea progredi nequit, instante jam illo flexu fortunæ, quo ad summa proVecti, citiùs descendere coguntur, quàm ante adscenderant.

AB ANNO CIOCCCLXXXII.

AD ANN. CIOCCCLXXXVI.

Sigismundus Marchio successione regni exclusus. Ziemovius Masovius electus à Regina repudiatur. Iagello Lubrianus & Vilielmus Austriacus de sponsa certant.

DEstitutum iterum rectore regnum, multorum mox Principum vota ac studia in se arrexit. Proximus ei videbatur Sigismundus Marchio, vivo etiam nū Ludovico successor destinatus. Sed is negato per fasum Polonis ad epulas suas aditu, & quod Demaratum majoris Poloniæ præfectū nobilitati invisum impensius foveret, odia plurimorum incurerat. Hinc cœprum à Polonis deliberari, an darent imperium, quod habere jam ille sibi videbatur. Comitibus Radomiz indictis concluditur, ut Ludovici quidem filia haberetur ratio, sed cujus maritus nulli alii regno implicitus, solis Polonis imperaturus esset, quā sententiā non obscurè excludebatur Sigismundus, Ungarico quoque sceptro inhians. Illo deinde nescio qua ex causā in Ungariam profecto, voluntates procerum quorundam

rundam in Ziemovitum Masovia Ducem
vertère, hac lege, ut Hedvigin, alteram
Ludovici filiam duceret. Nec cunctatus
ille ad tam optabilem conditionem se
Regē venditare cœptabat. Sed aspernata
generū hunc Elizabetha, Hedwigis ma-
ter, filiam mittere negabat in conjugii
talis conditionem, quin pro filiâ manum
ingentem mittit in Poloniam, qui cona-
tus Ziemoviti retunderent. Victo illo,
cunctabatur tamen etiamnum Elizabetha
mittere Hedvigini unice expetitam Polo-
nis, vario jam illi maritos circumspici-
entibus. Tandem hæc Sendivoi Szubi-
nii indurata facundiaque à matre exora-
ta in Poloniam venit, comitata Demetrio
Cardinali, & Archiepiscopo Strigoniense, ali-
is que Ungarorum Primoribus, & paulò
post à Bozenta Archiepiscopo Gnesnense
diademate Regio evincitur. Multum de-
lectabantur Poloni Reginae decentissimis
moribus, quibus species quoque corporis
multam gratiæ addebat. Quo intentius
vestigare cœperunt dignum tali puellæ
conjugem. Et pridem illi oculos adjece-
rat Vindelmus Austriacus, simul omnia cum
ipsâ, & quodammodò in spem talis con-
jugii,

jugii, in aulâ Ludovici (qui puellæ pater) educatus. Sed ille diu amiciores virginem, quàm Polonos expertus est. Et denique spem ipsius, quâ adhuc se sustentaverat, Iagello Lithuanix Princeps omnem interverrit. Petebat hic Hedvig in matrimonium, se & Lithuaniam ad Christiana sacra, & hanc simul ad societatem Reipublicæ Polonicæ offerens. Nec displicebat Polonis tali cum fortunâ Regni sui proculus, sed expectabatur adhuc matris Reginx consensus. Quem cum impetrassent, expugnabant suasionibus Hedwigis quoque animum, pertinaciùs Austriaco hærentem. Qui amore vecors, & puellaris benevolentix fiduciâ Cracoviam venerat. Sed arce prohibitus, cum adversos Polonorum animos cognovisset, quibus & Hedvigis tandem affectum suum gratificatura videbatur, salutatâ in cœnobio Franciscano puellâ, voto irritus abiit. Ad eò scilicet, quicquid etiam contra niterentur humana destinata, impediri non poterat divini voluntas consilii, quod in his Hedvigis nuptiis, aliud novum Lithuania cum Poloniâ conjugium moliebatur.

LIBER III.

51

FLORI
POLONICI

LIBER III.

CAP. I.

VLADISLAUS JAGELLO.

AB ANNO MDCCCLXXXVI.

AD ANN. MDCCCXXXIV.

*Jagello Baptismum & coronam suscipit.
Lithuanos ad Christianismum convertit.
Ejus cum conjuge dissidium. cum Violdo
& Skirgellone fratribus. Academia Cra-
coviensis instituitur. Bellum cum Crucife-
ris. de iis victoria insignis. Borussiae
urbium mutata subinde dominatio. Bo-
hemicum regnum Jagello repudiat. Vi-
oldo ferme Polonicum cedit, & Suidrigel-
loni Lithuaniae facilitate haud cordata pa-
catis Cruciferis Rex moritur.*

VENIENS in Poloniam Jagello, pri-
mò omnium Gentilismum ejurat, &
cum novâ religione novum Vladislai no-
men suscipit. Inde celebratis cum Hed-
wige nuptiarum solennib9, Regio diade-
mate à Bozenta Antistite consecratur.

Mox compositis rebus per Poloniam, majorem in primis, quæ procerum quorundam culpâ tum discors agebat, in Lithuaniam proficiscitur: ibique sacerdotis magis, quàm Principis munere functus, Lithuanos suos gentili adhuc impietate imbutos, ad sacra meliora manu ducit, ipse (cum adducti è Polonia Episcopi linguæ rudes essent) prima fidei rudimenta illis præiens. Sic per annum repurgata ab Ethnicâ superstitione illa regio est. Si quæ supererant emendanda, Episcoporum ibi manentium industriæ relinquebantur. Abiens inde fratrem Skirgellonem summæ rerum in Lithuaniam præficit. quæ res Vitoldum patruelem, gravi amulatione accendit, querentemque, ubi odium suum tutius atq; efficacius effunderet, primum in Masoviam ad cognatos, mox in Prussiam ad Cruciferos egit. Eo intellecto, Rex Nicolaus Moscorovium Regni Procancellarium cum manu militari in Lithuaniam mittit, componendæ, si posset, cognatorum discordiæ, sin minus, pro securitate saltem Reipublicæ excubiturum. Interea Regi ipsi domesticum cum conjuge suâ

suâ natum dissidium est, illudque tam acre, ut in divortium penè eruperit. Ei fomitem dedêre quidam pudicitia Reginae obrectatores, probrosam illi cum Vilhelmo Austriaco, proco olim suo consuetudinem obiectantes. Sed innocentiam Reginae ipsa juramento primum, mox delator publicâ ac solenni mendacii professione vindicavit. Quod poenae genus apud Polonos hodieque inter probrosissima habetur.

II. His domi compositis Rex in Vitoldum vertit, Cruciferorum fiduciâ aperte jam hostilia molientem. Is Grodni obsessus, clam aliquâ effugerat, & variis sic inde cladibus ope Teutonicâ Lithuanos afficiebat. Donec illum Rex reconciliaret tibi, & Lithuanis denique præfectum imponeret. Motus loco Skirgello, non mitius amissa dignitate, quàm nuper Vitoldus non impetratâ infremuit. Ejusq; iidem odiis Cruciferi ad Lithuaniae perniciem usi, hanc infestâ denuò manu invadunt. Deliberantem de sumendâ in illos vindictâ Regem multa attinuere. Inprimis Poloni ipsi haud temerè lacescendam rati gentem, magnam Germaniae partem

partem secum in arma tracturam. Rex quoque ipse cum Duce Opoliensium prius experiendum sibi arbitrabatur, pridem multarum in Polonos injuriarum reo. Sed cum hoc, oppidis quibusdam captis, in gratiam mox rediit. Secuta paulò post Reginae mors domestico eoque gravissimo vulnere Regem perculit. Præclara fuit hac virtute foemina, dum viveret, sed moriens quoque auxit gloriam. Multa in pauperum usûs legavit, plurima in Academiam, quam à Casimiro inchoatam, absolvi, inter ultima vota habuit. Rei dignitas & conjugis morientis desiderium moverunt Regem, ne omitteret piissimam curam aut differret. Duas ergo in Musarum sedem, domos, Cracoviae extruit, & Pragâ varios evocat doctores, qui Juventutem bonis artibus erudirent.

Togatis autem his curis intento, non desinebant alibi ferrum ostentare Cruciferi. Qui domi forisque jam superbi, non ampliùs fratres, ut antehac, sed Domini Crucis, vulgò *Creusherren* (id enim vocabulum hoc demum tempore, Ulrico Zôlnero Ordinis magistro, eoque frustra repugnante fastui suorum, innotuit) appellari

pellari voluere: graviores indies suis, & vicinis magis magisque insultantes. Eos tamen Rex insitâ lenitate adhuc etiam tulit, sæpeque ab illis ad colloquium invitatus falsâ sibi specie pacis illudi passus est. Tandem cum Samogitiam olim ereptam Lithuanis, & vix demum per Vitoldum recuperatam contumacius repeterent, ac legatis Regis superbè appellatis, Dobrinensem vicinasque terras lacefferent, bellum in illos decernitur. Nequicquam ad amicam compositionem offerente se Bohemorum Rege, aut ad eam invitato Ungaro: quorum ille stolidus judicio, & affectu palam iniquus in Polonos: hic accepta à Cruciferis pecunia Vladislai amicum se simulans, per occulta & magis fida inclinabat in corruptores.

III. Nullum in bellum hactenus consideratius aut mole majori descenderant Poloni. Primum missis in omnes partes regis literis (quæ quod resti obligatæ circumferrentur, restium nomen etiamnum retinent,) velut communi classico cuncta nobilitas convocabatur. Domi curam rerum Antistiti Gnesnensi Rex committebat,

rebat, belli regimen cum Zindramo Ma-
 scovicio, Ensifero Cracoviensi partieba-
 tur. Ingresso dein castra Vladislao, pri-
 mò omnium disciplinæ militaris instau-
 ratio curæ fuit. Meritò sane, & ad ma-
 ximorum Imperatorum exemplum, qui
 nunquam felicem bellorum speravêre e-
 xitum, nisi inde fecissent initium. Scili-
 cet, quod in corpore anima, in navi cla-
 vus, id in militiâ disciplina est: vincu-
 lum, quò & intra obsequii fines contine-
 tur militum ferocia, & magnæ exercitus
 um moles ad subita necessitatum dexter-
 rimè circumaguntur. Sed tunc, dum in
 prædatores ultor gladius stringeretur,
 comprehensi inter alios duo Lithuani
 sunt, qui sacramenti, ut vocant, adicu-
 lam abtulerant. Illi patrio ritu crucem
 sibi erigere iussi, & suis se manibꝯ suspen-
 dere, parvè alacres, & quasi sævis ali-
 quid à principe expectarent, & mors ta-
 lis beneficium esset, moras suas nuncò ca-
 stigantes. Ante prælium Rex humi stratus
 in preces se effudit, quibus& innocen-
 tiam suam testabatur, & perversitatem ho-
 stium, pacis omnes condiciones asper-
 nantem. Nam & paulò ante prælium,
 arrogans

arrogans Ordinis magister Conradus à Tungingen duos enses sanguine imbutos Regi miserat, testandæ pugnandi, sanguinisque fundendi libidini. Rex oblatos gladios ut omina victoriæ secuturæ accipit, quia victoribus victi arma sua tradere soleant. Exin dato Lithuanis, qui Vitoldo parebant, dextro cornu, Polonis sinistro, canere signa cœpère. Concurritur utrinque magna vi, ambigua fere per horam fortuna, donec dextrum Polonæ aciei cornu laborare cœpit, in quo Lithvani cum Rullis Tartarique erant. Hi primo cedentes, telis tamen subinde fatigabant insequutos, mox penitus effusi in fugam, magnam hostium partem abstrahunt à reliquo exercitu. Soli Smolenci dextro cornu se adjugebant, quod Poloni fortunâ sociorum nihil territi strenue tuebantur. Venerat autem forte in hostium manus signum, quod Martinus Vrocimovicius, Aquilifer Cracoviensis gestabat. Id ut recuperarent connisi Poloni, omnem aciei fortunam convertunt. Inclinare hostes cœpère, moxque acrius instante Polonorum exercitu, in fugam aguntur cadunturque. Nec sistere labantem

tem aciem poterant, qui Lithuanos insequuti, fessi & sine ordine redibant. Ita illo die Poloni magnâ & memorabili victoriâ potiti sunt. Centum & quadraginta millia à Cruciferis in aciem deducta, & ex iis quinquaginta desiderata, perhibent idonei authores. Perijt ibi ipse Ordinis Magister, debito superbiæ exitio; periêre simul potiora Cruciferorum capita. Inter Captivos, quorû quatuordecim millia fuisse memorant, eminuêre duo duces, Silesius unus, alter Pomernus, Venceslaus item Burggravius de *Dohna*.

IV. Victoriâ hanc, quam inter *Grunwaldum* & *Tannebergam* congressi Poloni obtinuêre, sequuta est præcipuarum Borussiae urbium deditio. Debellatumque fortè tum fuerat, nî una arx Mariæburgensis ingenio situs & arte firmior, victoribus se opposuisset. Cujus præses Plavenius ad Regem admissus meditatâ oratione veniâ Cruciferorum nomine petit, Borussia ut Magistris suis relinqueretur, quam à Barbaris suo sanguine vindicassent, orans. Cum nihil profecisset,

set, indignabundus redit ad suos, eosdemque ad constantiam hortatur. Atque interim Livonum quoque Magister advenerat, sociis suis, si vi nequiret, dolo opitulaturus. Vitoldo per secretum colloquium Samogitiam ostentat, hereditario jure possidendam, si Regias partes deseruisset. Mox permissu Regis in arcem admissus, memoratâ Vitoldi defectione obsessos animat. Tum senex etiam quidam Sacerdos imparem se ferendis obsidii ærumnis causatus, arce egreditur, clam inter supellectilem triginta aureorum millia secum efferens, quibus passim novus miles conscriptus est. Accedebat rumor, venire Sigismundum Casarem Cruciferis auxilio, & jam finibus Poloniæ imminere. Movere hæc regem, ut solutâ obsidione, relictoque in Borussia cum aliquâ manu Andrea Brochocio reditum pararet, multum reluctantibus, sed frustra plerisque Procerum, atque imprimis Nicolao Tramba, Procancellario. Datus sic Cruciferis locus est respirandi, qui nec defuere sibi, collectisque undique viribus recuperare sua annitebantur, Nec, licet etiam post magnam illam cladem semel

mael iterumque infelicius pugnassent, fracti sunt. Gedanum denique, & mox Thorunium, sensimque reliquas urbes ceperunt.

Nec vanæ fuerunt Caesaris minæ paulò ante memoratæ. Misit enim Sciborium, Transylvaniæ principem, qui submontanam Poloniæ oram invasit. Conventu ergo cum Cruciferis habito, Rex in inducias primum, mox & in perpetuæ pacis fœdus concessit, factum eâ lege, ut quisque habita antiquitus retineret, Samogitiam Vitoldus & Rex, dum viverent, Dobrinum verò Poloniæ Reges perpetuò possiderent. Paulò post etiam Sigismundus Cæsar, accitante Zavillio Nigro, in utriusque aulâ gratiose, Vladislao reconciliatus, ab hoc insuper octoginta millia florenorum Pragensium mutuò accipit, datis in pignus Scepusii urbibus, quæ hodièque Polonis subîunt.

V. Verùm pax cum Cruciferis non diu rata mansit. Hi enim coniecto in carcerem Plavenio, quasi Polonis plusculum dedito, & Regis, nescio, quas in se machinationes causati, expilationibus mox mercatorum, prædisque per Dobrinen-

sem

sem terram actis, necessitatem fecere Regi arma in ipsos resumendi. Cum bellum aliquandiu tractum veriùs, quàm gestum esset, persuasit Regi Pontificis legatus, ut causam cum Cruciferis suam Concilio, quod tum Constantiæ, sectæ Hussiticæ causa, habebatur, disceptandam submitteret. Paruit Rex, veneruntque ad componendum negotium à Pontifice legati. Sed ii iniquo in Polonos iudicio suspicionem incurrere acceptæ à Cruciferis pecuniæ. Æquiora pollicebatur vocatus ad arbitrium ejusdem causæ Sigismundus Cæsar. At ne is quidem controversiam finire potuit; inducias tamen duùm annorum Polonis, subinde adhuc ad arma provocantibus, persuasit. Sub idem tempus magnum aliquid Vladislao fortuna videbatur parare. Bohemi enim ob religionem Sigismundo Cæsari discordes, regnum nostro oblatum ibant. Ambiguo primum responso dimissos, cum redirent, officii in Dominum suum Rex admonuit, negans insuper, cordi sibi esse offendere Cæsarem, ut hæreticis imparet.

VI. Vix à bellis Borullicis aliquantulum requieverat Rex, cum novis illuminationibus primùm patruelis, mox frater fatigare cœpère. Vitoldum patruelem super insitam animo ambitionem, Cæsar regium illi diadema pollicitus, in Regem stimulabat. Nec Cruciferi decrant impellere dubitantem, opemq; promittere. Et ex Polonis quoque pauci consiliis Vitoldi primùm reclamavêre, mox publica autoritate missi sunt, qui regnum illi deferrent. Gravissimis negotiis semper à Rege adhibitus Vitoldus, & ipse magnus omnium, quæ ageret, calidusque ostentator, munificus simul in Proceres, magnam animis plerorumque reverentiam sui iniecerat. Ita data Vitoldo à Rege ætate decrepito autoritas, suam Regi destruebat, notabili Principibus documento : Neminem, ut eo loci evehant, unde, qui evehitur, despicere evehantis fastigium possit. Sed Rex porro tam mitis facilisque fuit, ut sceptrum Vitoldo deferri non abnueret. Nec ulla jam mora erat, nisi in Vitoldo, qui seu fato prohibitus, seu aperti facinoris invidiam metuens, non decorum modestiæ suæ fo-

re respondit, Regem patruelem solio deturbare. Dimissis ita legatis nihilò tamen pacatiùs egit, plane ut composito ad speciem pudore, magis suppressa, quam penitus edomita in illo ambitio videretur. Nam non multò post, quasi pœnitens prioris modestiæ, prompsit malè sopitum desiderium; Regique in Lithuaniani blanditiis evocato persuadere conatus est, ut regni honorem sibi permitteret. Sed Rex interim stabilito sibi perdata privilegia plurima regno, id quoque impetraverat, ut filiorum alter patri successor destinaretur. Et tum in Lithuaniam cum Rege iuerant, curantibus Polonis, Proceres quidam, ac inter alios Sbingneus Olefnicus, Cracoviensis Præsul, præcipuus semper consiliorum Vitoldi impugnator. Hi facilitatem Regis custodivere, nimis alioqui fraudi alienæ opportunam. Sed & brevi insequuta Vitoldi mors omnia ambitionis consilia abruptæ.

VII. Defuncto Vitoldo, Lithuaniam Suidrigello frater Regis sibi vendicabat. Nec contentus hæc, Podoliam quoque sibi voluit adjungi, potitusque erat voti à fratre

fratre nimium suis dedito, tumque etiam libertatis experte negandi. Capto enim similis in Lithuania detinebatur. Moniti ea de re à comitibus Regiis Poloni, habitis Comitibus, per legatos Suidrigellonem hortantur, ut Podoliam redderet, & Lithuaniam etiam prius peteret, quam occuparet. Ferox ille ad hæc, missumque post alterum legatum, fas gentium non moratus, violat. Mox & cum bellum imminere sibi à Polonis sentiret, quò par esset tanto hosti, Cruciferorum se fœdere succingit. Ubi ad vim ventum est, fusus prostratusque aliquoties est, nec adhuc tamen remittebat spiritus, donec tandem Lithuanis quoque crudelitate factus inuisus, principatu dejicitur, surrogato in ejus locum Sigismundo Vitoldi fratre; qui beneficio hoc Regi ac Reipublicæ innexus, facilè in leges ab illis præscriptas consensit. Omnia pro recuperando dominatu tentabat Suidrigello, sed frustra; excubantibus pro Sigismundo Polonis, ut beneficium suum tuerentur. Cum Cruciferis dein, post leves utrinque habitas velitationes, induciæ in annos duodecim pactæ sunt. Composito ita regno, correptus

ptus fe
annos
genii
onis v
tia g
tanto
expial

A
Vlad
reg
gus
ben
ror
lore
cre
mos
pen

FAt
tu
vix an
tamen
regnu

otus febre Vladislaus moritur cum XLVIII
 annos regnasset. Princeps mitissimi in-
 genii & liberalitatis penè profusæ, religi-
 onis verò studio ita ardens, ut adolescen-
 tiæ gentili impietate transactæ errores
 tanto majori post pietate jure credatur
 expialse.

CAP II.

VLADISLAUS III.

AB ANNO CIOCCCCXXXIV.

AD ANN. CIOCCCCXLV.

*Vladislai, patre moriente, pueritia ut impar
 regno à multis rejecta, a potioribus ad re-
 gnum consecratur. Illius fratrem Bo-
 hemi Regem eligunt, sed frustra. Tarta-
 rorum incurso. Vlodeci constantia in do-
 lore vulneris. Vladislaus ab Ungaris Rex
 creatur. cum Turcis pugna felices. &
 mox inducia. quas Vladislaus rumpens,
 poenas suâ & Christianorum strage luit.*

Fatis concedente Vladislao, major na-
 tu filius, patri cognominis, nonum
 vix annum excefferat. Nec dubitavêre
 tamen majoris Poloniæ ordines, puero
 regnum decernere. Cæteros seu ætas Vla-
 dislaj,

dislai, seu quod alteri his insciis Regem creaverant, æmulatio ipsa stimulavit, ut contradicerent acrius. Sed hi rationibus tandem & numero victi conquievissent videbantur, resque in eo erat, ut diadema Vladislao imponeretur, cum denuò in Comitibus ipsis coorti, cœptæ Regis inaugurationi intercedere cœperunt. Graveſcenti deinde diſſidio regni Mareſchalcus Johannes Oleſnicius finem impoſuit, juſſit, qui pro Vſadislao nitebantur, ad dextram concedere, reliquos ad ſiniſtrâ. Dextram elegere plerique etiam ex turbidis: cæteri ſociorum diſceſſione deſolati, vel ſponte cedebant, vel paucitate ſuâ contemnebantur. Ita Regia quidem inſignia Vladislao tum delata, juramenti tamen ætatis teneritudini gratia facta eſt: ſpondentibus Sophia matre & procerum nonnullis, juraturum, ſimul ut per ætatem capeſſendo Imperio foret idoneus. Nam tum quidem ſpecies nomenque Principatûs penes Vladislaum, viſ apud Satrapas erat, qui ſinguli ſingulis Palatinatibus præſecti, proviſorum nomine, publica Regni negotia tractabant. Sed hæc dignitas adultiore paulò Rege exolevit,

vit, contumacibus Polonis ad imperia eorum, quos nil superiores cæteris fors nascendi fecisset.

II. Primò omnium auspiciis Vladislai adhuc adolescentis sedata lis est, quæ inter sacerdotes & Ordinem equestrem diu agitata, tum vehementius exarserat. Inde publicæ etiam securitati consultum, pacto fœdere cum Cruciferis, perpetuò adhuc hætenus Poloniæ infestis. Cæterum pax ista civiles mox Prussis discordias, Ordini ingens periculum, propè & exitium attraxit. Civitates utique inità cum Nobilibus societate, seu ut vulgò appellari solet, Unione, superba dominantium imperia refranare cœpère. Inde exacerbatis magis magisque animis, àd illam tandem secessionem deventum est, quâ bonæ Prussiæ pars, excusso Cruciferosum jugo, Regis Poloniæ Casimiri III. patrociniū & regimen amplexa est.

His pacatis, bello prope alii Regem Bohemi involvère. Qui mortuo Sigismundo, Rege suo, in partes secesserant, aliis Catimirum Vladislai nostri fratrem, aliis Albertum Austriacum, quem generum & successorem sibi ut in Imperio, sic

in Bohemico Ungaricoque Regno Sigismundus voluerat, in Regem petentibus, Persuasere è Polonis quidam Casimiro, ut oblatum regnum acceptaret; ibantque assertum illud Sendivojus Ostrorogius, & Johannes Tencinius, ille Posnaniensis; hic Sendomiriensis, Palatini. Sed Albertus, Pragâ celeriter occupatâ, conatus æmuli sui prævertendo intervertit.

Sub idem tempus cum Tartaris quoque infelicitè pugnatum est. Qui Podoliam ingressi nobilitatem ad arma concitâ, & loco iniquo deprehensam magnâ strage ceciderunt, duce ipso Bucacio interfecto. Inter cæsos jacuisse tum fertur Johannes Vlodecus vulnere invalidus, vivens tamen & tam inexpugnabili ad doloris sensum constantiâ, ut barbarus faucio digitum cum annulo auferret, vivere tamen ipsum non sentiret,

III. Negaverat fratri Regis Bohemiæ fortuna. Eadem in Regem ipsum tanto liberalior, Ungarico eum sceptro auxit. Orbem hoc erat rectore post mortem Alberti Imperatoris, terrebarumque circumsonantibus undique Turcarum armis. Sed qui regnum illud Vladislao delatum

latum ibant, non illico ut speraverant, promptum hunc repperere. Unius clavi tractatione didicerat jam, quàm arduum foret binos regendi onus. Nec ignorabat instare Turcam Ungaris, simulq; cum purpurâ sagum induendum fore. Versanti hæc secum, affertur, Elizabetham Reginam posthumum ex Alberto peperisse. Hoc magis cunctabatur. Tandem post longas deliberationes, legatorum precibus evictus itineri se accingit, ingressusque magno ac splendido comitatu Ungariam, Budam occupat. Interim verò alibi Ladislaum (hoc enim nomen posthumo illi inditum) ambitiosa pro filio quadrimestri mater, regio insigni curaverat redimiri. Quod audiens Vladislaus gravi sermone Ungaros alloquitur, invitis se ac discordibus imperaturum negans, nec videri velle alii præripuisse Regnum, cui in universum excusari maluerit. Jubet illos consulere sibi, se paratum redire ad suos. Magis etiam accendit hæc Regis moderatio studia procerum, qui vocandi ejus authores fuerant. Itaq; demonstratâ innocentia suâ, cui foemineus ambitus fraudi esse non debe-

at, persuadent Vladislao, ut detractum de calvaria S. Stephani diadema (quia alterum Regina præripperat) imponi sibi pateretur. Latis, ut ferme fit, ad nova imperia Ungaris, Rex ipse nunquam securè egit, superstitè æmulà Elizabethà, cum quâ magna Ungariæ pars in ipsum conspiraverat. Nec ab armis temperatum est, abutente illà arcium quarundam præsidio ad laceßendum Regem : hoc, Hunniade ministro, & accitis è Polonia auxiliis aliquoties se non sine clade adversæ partis vindicante. Insignem his temporibus operam Regi navavit Nicolaus Lasocki, Cardinalis & Episcopus Uladislaviensis, qui Slavoniam, Croatiam, Dalmatiamq; in verba Vladislai ad egit, & in sedandis Ungariæ motibus summâ industriâ ac dexteritate versatus est, vir magnus, & multis legationibus ad summos Principes, atque ad ipsum etiam Concilium Basileense, clarus. Cæterum in Ungaria pax tandem, interponente se simul legato Pontificis Juliano, inter illos coitura videbatur, nisi subsequuta Elizabethæ mors continuandum negotiũ reliquisset iis, qui Ladislai amorem præferentes,

ferentes, alendo dissidio, suum negotium agebant.

I V. Interim Amurates etiam, Turcarum Imperator, Ungarorum usus discordiis, Belogradum premere obsidione coeperat. Nec mitigatus legatione regis, tributum insuper imperare Ungaris audebat. Ita decretum in Turcas bellum. Ad quod Poloni quoque manus suas obtulerunt. Primum prælum ad Moravam flumen commissum est. In quo Turcæ ab Hunniade intempestâ nocte oppressi profligatique ad triginta hominum millia feruntur desiderasse. Sub hoc tempus Georgius Castriotus Epiri & Albanie hæres, puer olim Amurathi à Patre Joanne obles datus, & tum post visa acerrimæ indolis specimina Scanderbegus, hoc est, Alexander Dominus appellatus, cum, patre mortuo, ditiones paternas nullis fortitudinis meritis ab Amurathe obtinere posset, dolo tandem Crojam munitissimâ majorum suorum sedem, & dein totam Epirum insigni successu recuperat, atque adversus universam Turcarum potentiam fraudesque virtute admirabili defendit, princeps robustissimi & juxta agilli-

mi corporis, animo ultra terræ suæ angustias longè eminens, & maxima quæque pro re Christianâ gesturus, si pares animo vires & exercitûs habuisset, Sed ad Vladislaum redeo, qui ad Macedoniæ fines cum Carambejo, Asiæ præfecto congressus, ipsum Carambejum cepit, exercitumque ejus in montes compulit. Regi hæc victoria tanto gloriosior fuit, quod non citra proprium ipsi sanguinem constiterrat. Distulit sine morâ per orbem Christianum victorias istas fama; & mox undique confluebant à Principibus, ipsoque etiam Constantinopolitano Imperatore, Johanne Palæologo & Pontifice legati, qui fortunam Vladislao gratulati, ad similia eundem adhortarentur.

At sincerissimè omnium Poloni Regis sui Triumphis lætabantur, missisque legatis, qui gaudium testarentur, simul orabant, ut parceret in posterum se Remque publicam in casum dare: meminissetque tandem revisere aliquando Poloniam, malè jam pridem desiderium ipsius ferentem. Inter tot festas gratulantium voces venêre etiam ab Amurathe Oratores, specie Carambeji redimendî, revera pacem

pacem petitori. Perterruerant enim Tyrannum concurrentium ad arma passim Christianorum Principum minæ. Sed tum tamen in pacem perpetuam conveniri non potuit. Induciæ decem annorum pactæ sunt.

V. Solutus Europæorum Principum metu Amurathes potentiam omnem suam in Carmanos, populum Asiaticum verterat, Quâ occasione crecti Veneti, Imperatorque ipse Constantinopolitanus, missis nunciis ad resumendum in Turcas bellum, Vladislaum hortantur. Aderat & à Pontifice legatus, qui religione datæ Amurathi fidei cunctantē solveret. Non diu tantis persuasionibus repugnavit Vladislaus, juvenili adhuc impetu calens, nec fortunæ mores edoctus, quæ adulatrix sæpius, quam verè amica, spe magnarum rerum illectos mortales, in exitium subinde præcipitat.

Contractis igitur undique, quos habebat, vel colligere raptim poterat, exercitibus medio Septembri, Segedino movet, Danubiumque trajicit. Nicopolin Bulgariæ metropolim ingressus, Dracula Palatinus Moldaviæ Transalpinæ occurrit,

annisusque Regem à proposito demovere; cum obstinatum sentiret, IV. millia militum offert, Duce filio suo, gloriae Regis militatura. Interim Amurathen quoque instantis ab Ungaris belli fama ex Asia revocaverat, octoginta millium exercitu, teste Iovio, instructum: ventumque erat utrinque ad Varnam oppidum, obscurum tum, hodiè clade Regis, simul & suà nominatissimum. Ibi Hunniades, Rege ex ulcere ciuris laborante, aciem instruit: datumque dextrum cornu Transalpinis, Juliano Pontificis legato, & Bobricio Polono equiti, viro fortissimo, & recenti tum facinore claro, quod paulò ante Petressi oppidi hostilis muros primus ascenderat. Sinistrum ipse sibi Hunniades sumpsit, Rege cum suis medium aciei occupante. Progressi sic ad II. millia passuum Regii hostem per tres horas praestolantur. Interim morâ torpescere animi coeperant, & coortâ etiam fortè tempestate signa turbine atque imbre raptari: Cum veniens tandem hostis in dextrum cornu Regii exercitus invehitur. Nec id diu resistit, equis ad aspectum odoremque Camelorum territis, &

tis, & mox fugam strage, nque latè spargentibus. Feliciùs partes suas Rex & Hunniades tuebantur, repulsoque hinc hoste, cum ad sublevandos alibi suos procurrissent, ibi quoque simili fortunâ utebantur. Jamque fusus erat omnis pene Turcarum equitatus. Janizeri supererant, robur hostilis exercitûs, quibus & Amurathis ipsius præsentia animum addebat. In hos incautiùs invecus Vladislaus fortunam priorum successuum omnem corripit. Quippe repente illic flos victoris exercitûs velut voragine absumptus perit. Ipse Vladislaus circumventus undique ab hostibus & mox equo suffosso delapsus, priusquam occumberet, magnam circa se stragem edidit, idem ut vitæ prodigus, ita mortis suæ vindex. Tali exitu perpetratum est prælium toto orbe decantatissimum, & tum cæsorû utrinq; numero (nam Regiorum ad IX. Turearum XXX. millia cecidisse feruntur) tum principis laudatissimi cæde luctuosum. Ad quam, ut Christianus olim orbis ingenuit, ita moveri hodièq; Principes debent, ut servare fidem meminerint, cuiuscunque data fuerit, etiam infideli.

CAP. III.

CASIMIRUS. TERTIUS.

Casimirus Regnum recusat. Lithuani turbidi Prusii se dedunt. Cum Cruciferis praelium adversum. bellum cum eisdem continuatum. libertas Ruthenii in censendo Rege. Pax cum Cruciferis. Nuntii nobilitatis instituti, qui quasi Tribuni. Bohemorum turba ob religionem & successorem regni. Cum Mathia Ungaria Rege bellum. Cruciferorum conatus sopiti. Bellum inter filios Casimiri de regno Ungarico.

A Pud Polonos dubia de morte Regis fama eligendi successoris consilia aliquandiu suspendit. Sed ubi Ungaros alium sibi Regem creasse intellexerant, frustra se quoque Vladislaum opperiri credidere. Itaque fratri hujus Casimiro, Lithuaniae tum Duci, regnum deferunt. At is pertinaci fastidio atq; arroganti quâdam modestiâ oblatum honorem diu respuit. Dum tandem versis in Boleslaum Masovium Procerum studiis, amula-

emulatione ad poenitentiam motus, imputari sibi passus est regnum, quod nuper spreverat. Ac quas alias recusandi causas habuerit, in ambiguo est; à Lithuanis inprimis retentum esse opinio fuit, & satis postea odia horum ostendêre, postquam sceptrum ille susceperat, in apertum producta. Invitati aliquoties ad Comitia, vel negarunt venire, metum insidiarum causati; vel leges attulêre minus honores Polonis. Corrigi fœdera volebant, olim sub Jagellone pacta; Podoliam præterea & Voliniam requirebât, tanquam membra antiqua sui principatûs. Faciebat audaces occulta in illos Regis inclinatio: quæ contra apud Polonos isti non parùm invidiæ constabat: adeò, ut aliquandiu velut in partibus essent Rex & Respublica. Donec tandem deposito à Rege jurejurando, quod multoties hætenus à Polonis flagitatum distulerat, placata nobilitas, quæ plura alia desideraverat, publicæ concordix remisit.

II. Conciliatis utcunque suorum animis, novo se mox fœdere Casimirus succinxit, ductâ in uxorem Alberti Imperatoris filiâ Elizabetâ. Ac vix dum nuptiarum.

ptiarum solennia peregerat, cum Prutenorum legati adveniunt, opem orantes adversus Cruciferos, quorum pleræque urbes jugum excusserant. Nec cunctatus diu Rex in fidem recipere populum antiquitus subiectum Poloniae, postquam secessisset, nullis hactenus armis ad obedientiam flexum. Missus igitur Regni Cancellarius, Johanues Conjecpolius cū aliis nonnullis, qui iuramentum ab iis acciperent. Quod & veniente paulò post in Prussiam Rege ipso iteratum. Ubi vicissim illis Rex multa ad libertatem stipularus est. E quibus hæc præcipua: ut pars Regni essent, liberos ad honores aditūs haberent, suo jure Culmensi seu quocunque alio vellent, uterentur, à teloniis portorisque immunes, nulli præfecto nisi indigenæ parituri. Privatim etiam Gedanensibus septingentarum, quas vocant, marcarum census remissus est, additumque iisdem pro bis mille aureis, quicquid emolumenti rediret ex moletrinis urbanis, ex vicinioribus item agris, qui quod Vistulâ interluuntur inundanturque subinde, Insulæ minoris nomen accepere. Imperatum vicissim, quotannis

his ut Regem advenientem omnemque comitatum Regium per quatrimum suo sumptu exciperent, pro arce, quam diruissent, Palatium Regi, granariumque intra urbem exstruerent.

Interim autem Cruciferi Bohemiæ Regem, mox & Pontificem Imperatoremque permoverant, ut mitterent legatos, qui repetundarum Polonos agerent. Sed hi cum in Poloniam venissent, lentas istic ad postulata sua reperere aures. Nec desistebat Rex missa in Prussiam militum manu Mariæburgum ac Stumam oppugnare, perseverantes tum usque in obsequio Cruciferorum urbes. Atque hi quoque satagentes rerum suarum, non spernendum jam per Germaniam Bohemiamque contraxerant exercitum, & catervatim subinde Choiniciâ oppido effusi, lacescebant Polonos. Movit in illos jam ferio magis Casimirus, præmissis eodem Nicolao Sarleio, Inovladislaviensi Palatino. Mox & intellectâ hostium multitudinem prævalidâ, ne impar omninò esset exercitus regius, copiarum quædam è Majori Polonia subito in auxilium evocata sunt. Rudes illæ magnam partem belli,

belli, præferoces tamen & depeculandis
fociis inprimis licentiosæ. Has tales
cum Rex in aciem duxisset, improspere
pugnavit. Nam & castra ab hoste oc-
cupata, & ex Proceribus plurimi cæsi ca-
ptive. Ipse penè Rex in potestatem ho-
stis venerat, nisi illum cura proximorum
prælio subduxisset. Culpam infelicitis
pugnæ alii in Duces rejiciunt, qui mili-
tiæ inexerti plerique, nec præmisissent
pro more equitem rumpendæ hostium a-
ciei, sed & locum prælio delegissent ar-
ctiorem, quàm ut explicare se turmæ po-
tuerint. Sed hæc omnia ex contemptu
ferè hostis orta, quem ante prælium qui-
dam flagellis aurigarum fugaturos se ja-
ctaverant. Usque adeo nec in bello cui-
quam benè cedit arrogantia, & vel mi-
nimus hostis tum maximè contemnendus
esse desinit, cum contemnitur.

III. Cladis illius ignominiam ut abo-
leret, nihil non egit Casimirus. Primùm
ne sumptus ad bellum deessent, constitu-
tum in Comitibus Petricoviensibus est, ut
Nobilitas universa dimidium annorum
censuum in publicum conferret. Eidem
oneri nec sacer ordo exemptus, & Rex
quoque

quoque ipse se ultrò subjecit. Hoc tam insolente tributo mercenarius miles conscriptus, redemptumque Mariæburgum est, pretio dato militi hostili, qui id oppidum in dilata mercedis pignus à Dominis suis obtinuerant.

Exin aliquot annis continuò, & vix sumptis semel ad respirandum induciis, in Prussià pugnatum est, Marte perambiguo. Eosdem subinde in iisdem ferè campis victos victoresque reperio; eadem loca amissa recuperataque. Choinicia sanè, Sueca, Meva, Morangum, Mariæburgum denique ipsum sæpè reciprocòs hos belli æstus sensère. Thorunium, Gedanumque, quamvis à belli calamitatibus non immunes urbes, prodicionibus quoque insuper tentarentur, magnà fide & constantià Regias partes tutatæ sunt.

Sed bello huic non ita assiduo præsens incubuit Casimirus, quin Poloniam subinde videret, & constituendis ibidem rebus Comitia haberet. Imprimis autem, quæ Anno cccccclix. Petricoviæ indixerat, clara ac memoranda extitere libertate Johannis Rithvanii Sendomiriensis Præfecti, qui ministrorum regionum non coër-

coërcitam licentiam, monetam adulteratam, insolentiam vectigalium, effusio-
rem ejus in Lithuanos beneficentiam pro-
lixâ oratione Regi publicè exprobravit.
Is tamen auditus patienter est mirâ Regis
modestîâ; seu hanc ipsi inseruerat natu-
ra, seu ratio temporum svaserat. Minus
certè ei litare potuit Jacobus Sieninius,
Dobeslao Palatino Sendomiriensi, Sbi-
gnei Cardinalis fratre genitus. Qui nu-
per ad Pontificem summum legatus, &
ab eodem Episcopatu Cracoviensi præ-
fectus, præter cæteros, qui alii hanc di-
gnitatem delatam mallent, Casimirum
quoque ipsum tam adversum habuit, ut
in arcem Pinczoviensem & mox, immi-
nente ibi obsidione, in Melstinensem re-
ceptus, cum duobus Dlugossis clientibus,
ægerrimè vim regiam effugerit. Horum
alter Johannes, Canonicus Cracovien-
sis, autor est historiæ patriæ, cujus pars
Venetis inscripta extat; reliquæ hæc-
tenus premuntur. Is verò post Regi re-
conciliatus, liberisque Regiis moderator
studiorum additus, postremò Archiepi-
scopatum Leopoliensem adepturus fue-
rat, nisi mors intervenisset.

IV. Prutheni belli diuturni malis fessi frustra diu pacem petebant, pertinacibus ad persequenda destinata non minus Polonis, quàm Cruciferis. Nec legatus Pontificis, qui arbitrium causæ sibi poposcerat, auditus est. Nimis inclinatus in Cruciferos videbatur, & Siemini, de quo ante dictum. patrocínio odium Regis incurrerat. Tandem cum ad Osiecum, & mox ad Choiniciam fusi Cruciferi essent, magis seriò utrinque de pace cogitare cœptum est; Polonis etiam, licet aliquoties jam victoribus, fortuita reputantibus belli, nec continuanda arma ratis, cum decorè peni possent. Et interim alius à Pontifice legatus advenerat minùs, quàm alter fuerat, obnoxius partibus. Hoc annitente bellum magnis odiis, eventu vario, tot annis gestum, Torunii in has leges compositum est: Rex Pomeraniam, Culmensensem & Michaloviensem terram, Mariæburgum porrò, Stumam, Elbingam cum sex pagis, qui ad arcem Hollandiæ pertinebāt, teneret. reliqua Cruciferis relinquerentur, eorumque Magister sub fide & Clie-

entelâ Regis pro principe & Senatore Regni haberetur.

V. Sub id tempus cum de solvendis militi stipendiis ageretur, & Polonia minoris cives sine cæteris, qui aberant, sciscere quicquam nollent, constitutum, ut è singulis Palatinatibus legati ad comitia mitterentur, qui cum Rege de Reipublicæ negotiis civium suorum nomine deliberarent. Quod tum primùm fieri cœptum posterioribus temporibus ita inolevit, ut citra legatos ejusmodi (Nuncios terrestres vulgò vocant) nulla comitia legitima habeantur. Similem fere hî potestatem habent cum Tribunis plebis, illis olim Romanæ libertatis acerrimis custodibus: qui postea, cum Roma, ex utâ æqualitate, unius jussu Principis aspectaret, exolevere.

VI. Sed idem, qui pacem Prussicam conciliaverat, legatus Pontificis, Casimirum mox in Bohemorum Regem Georgium, tanquam Hussiticæ sectæ obnoxium, & ob id Pontifici invisum, stimulabat. Habebat & inter Bohemos suos Georgius multos sibi infensos: qui tum misere ad Casimirum Oratores, regnum
ipfi

ipsi vel alterutri ex filiis offerentes. Cunctante Casimiro, Matthias Ungarorum Rex, gener Georgii, regnum ejus ultrò appetit, susceptusque est à non paucis pridem ipsi addictis. Quæ res Georgium permovit, ut missis legatis Vladislaum Casimiri filium successorem sibi destinaret, promissa etiam illi in uxorem filiâ Ludmilâ. Diu à Polonis seu dubitatione, seu neglectu suspensum responsum est; seròque vix demum missi legati, qui, ut vivus Georgius filio Regio cederet regnum, postularent. Sed hic interim cunctatione, mox & responso Polonorum offensus, vel potius necessitate ita jubente, in Matthiam factus erat propensior, quod ab illo & propior vis immineret, & beneficium accepisset, restituto in libertatem filio suo Victorino; promissum denique haberet retinendi regni, dum viveret, certo interim successionis mansuetorq; Matthiâ.

Paulò post secuta Georgii mors agitata ab ipso tot annis necdùm finitam de successore curam solis Bohemis reliquit. Qui prius quidem in partes abiêre, plerisque filium Casimiri Vladislaum, Matthi-

Matthiam aliis, non paucis Casarem; quibusdam denique extincti filium, præferentibus. Sed prævaluit illa pars quæ Vladislaum elegerat. Qui & properè accitus, non sine valido comitatu in Bohemiam venit, ac jurejurando præstito simul acceptoque, regni possessionem adiit, non impediente Matthiâ, qui, coortis in Ungariâ seditionibus, proprio de regno periclitabatur. Nam præcipui Ungarorum pridem illi occulte infesti, & à Bohemis contemptum apertius jam spernentes, missis legatis alterum Casimiri filium patri cognominem, ad regnum vocabant. Minus jam quàm nuper cunctatus Rex mittit filium, sed improspere eventu. Vix enim venerat in Ungariam Casimirus, cum admoto properè à Matthiâ, cui impar esset, exercitu, ad subita fugæ consilia coactus est: secuturusque æmulum tum statim ad Poloniæ oras videbatur Matthias, nisi iratum pater Casimirus, missis qui se interponerent, legatis mitigasset. Nihilominus ille postea injuriæ memor, captato tempore, subiectam Carpathiis montibus Poloniam (submontanam vocant) deprædando, vindictæ

vindictæ litavit. Ne hîc quidem stetit indignatio. Saganensium Ducem in Polonos concitat, ut Fraustadium finitimû Silesiæ oppidum, invaderet, latèque circumjecta popularetur. Denique etiam in apertum bellum erupit, missò in Vladislaum Bohemiæ Regem exercitu, qui Poloniam simul infestaret. Ivère in illum Pater & filius, ille Polonos, hic Bohemos suos defensurus, extractumque quidem longo sat tempore bellum est, majore tamen fragore, quàm partium damno detonuit. Tandem postquam utrinque populationibus & prælio uno, Ungaro quam Polonis feliciore, exsatiata odia essent, in pacem his legibus descendit: ut Matthias Regis Bohemiæ titulum usurparet; Bohemiæ autem ipsius administratio penes Vladislaum Casimiri filium, Silesia & Lusatia penes Matthiam, dum viveret, maneret.

VII. Eâdem pactione sopiti sunt motûs, qui nuper in Prussîa, machinatore eodem Matthiâ, coorti erant. Concitaverat enim is occultè Cruciferorum Magistrum ad excutiendum Polonorum fœdus. Qui venire aliquoties ad regni comi-

comitia aspernatus, tandem arma etiam sumere in Casimirum coëptaverat, jungente se illi Nicolao Tungeno, qui Varmienli olim episcopatu dejectus, eundem invito sibi rege vindicatum ibat. Sed hî misso à Rege exercitu coërciti, mox vim majorem experturi fuerant, nisi Matthias illos pactionibus suis comprehendî voluisset.

Sub idem tempus Muldavi à Rege, ipso imperii initio, in fidem suscepti, & ex eo tempore strenuè se subinde adversum Turcarum vires tutati, jusjurandum iterant, Stephano tum illis imperante. Idem quoque tum fœdus cum Bajazete Turcarum Imperatore, operâ imprimis Nicolai Firlei, qui postea Castellanus Cracoviensis factus, supremum simul exercituum regimen summâ laude gessit. Tartaros verò perpetuis incursionibus Poloniæ infestos, & tum quoque recenti populatione grassatos, filius Regis Joh. Albertus magnâ strage ultus, egregiam sibi fortitudinis ac prudentiæ famam circumdedit. Quæ paulò post Ungaros per Matthiæ mortem Rege orbos movit, ut eum in Regem poscerent.

VIII. Sed ex eadem gente, alii fratrem Alberti Bohemorum Regem malebant. Quæ res bello inter propinquos ac fratres materiam præbuit; Malo adeò potente in animis hominum Ambitione, ut sanctissimarum quantumvis amicitiarum, ipsaque naturæ parentis vincula nullo negotio abrumpat. Ingresso ergo cū exercitū Ungariā Joh. Albertus, fratrem ibidem repperit, incubantem jam Budæ, quæ Regni caput, cæterasque urbes ad se pellebantem, artibus præcipuè Beatricis Regina, quam spes novi matrimonii illi conciliaverat. Nec segnior Joh. Albertus altera parte Sobinoviam Eperiassumque occupat: at Cassoviā, quam eodem impetu opprimere speraverat, excluditur, Et interim Vladislai se exercitus admovebat. Antequam tamen res ad manus veniret, sæpè de pace laboratum est, velut trepidantibus adhuc nonnihil principum animis inter belli scelus & fraternæ pietatis affectum. Joh. Albertus Patrem consulit in Lithuaniam tum agentem compescendorum Severicendum causâ, qui nescio quæ janitoris Regii fastidia concoquere impotes, re sane exiguâ moti, ad

Moscum defecerant. Patre ad cœpta
urgenda hortante, animus Alberto redit;
sed is viribus deferebatur, dilapsis ad Cas-
soviâ jam magnam partem, tadio obli-
dii, militibus. Contra Vladislao ingen-
erat exercitus. Nihilominus educit Al-
bertus in aciem suos, qui fortiter in ho-
stem inveci, sed prægravante multitudine
repressi victique, satis ostendere viro
sibi magis quàm virtutem deesse. Ipse
Albertus tres equos in ardore prælii ami-
sit, gladioque, quem pugnando fregerat
carens, penè in duorum manus Bohemo-
rum venerat, nisi eques quidam Crupin-
alium periclitanti subministrasset: Quod
ille deinde hostem utrumque assequutus
ira suæ immolavit. Post prælium ferun-
Vladislaum de salute magis fratris, quàm
de victoria latatum, incertum à simulate
affectu, an, ut fieri solet in animo non
degeneri, misericordia extinxerat odi-
um, & quem timere desierat, cœpit ama-
re. Concessit illi quidem Silesiæ oppi-
da quædam, & si improlis moreretur, suc-
cessorem sibi eundem in Regno Ungari-
co destinavit. Non multò post Calimi-
rus, pactis cum Mosco induciis, & Mu-
chá

châ, agresti homine, qui ex Valachis Rus-
sisque latronibus contracto decem milli-
um exercitu, multum turbarum per Rus-
siam dederat, represso captoque, moritur,
postquam XLV. annis regnasset. Ante
mortem ejus tres in aëre Soles conspecti,
& duobus pene mensibus Cometes arsit:
velut approbante ita magnitudinem Ca-
simiri caelo, quod vulgarium principum
mortes sine motu præterit, magnorum
in fatis laborat.

CAP. IV.

JOHANNES ALBERTUS.

AB ANNO MDCCCXCIII.

AD ANN. MDLII.

*Competitores regni. Venetorum Legatio.
Cum Turcis pax. Callimachi mors. In
Muldavos bellum non necessarium. Eo-
rum stratagema. Et mox cum Turcis
ac Tartaris irruptio. Turcis infelix ob-
surgus insulatum. Pax deinde per Polo-
niam. Mors prematura Regis.*

CAsimirus moriens filios quatuor reli-
querat, quæ res ancipitem Polonis cu-
ram attulit, quem ex iis regno præfice-
rent.

rent. Augebatque difficultatem Johannes Masovia Dux, cujus ambitioni subditi sui arma ad regnum, & ex Polonis quidam suffragia commodabant. Evicit tamen Johannes Albertus, fratribus cæteris sponte ei cedentibus, Reginâq; matre armatum mittente suffragium, ad quod Masoviorum audacia facile refedit. Cum diadema Johannes Albertus suscepisset, illico advenêre Venetorum, simulque Turcarum legati, gratulandi specie, reverà aliis de causis. Illi scilicet, ut Regem in Turcas stimularent, hî ut idem bellum deprecarentur. Impediti enim tum Ungaricis expeditionibus tenebantur. Ac horum legatum quasi deliberabundus Rex toto anno detinuit, quò elapso demum in triennii inducias consensit. Interim Tartari, quibuscum nunquam vel iustum bellum Polonis, vel fida pax est, Voliniam incurrunt, quam deprædati, stragem quoque æulici comitatûs, quem obviam Rex miserat, circa Vîsnoveciuræ sat magnam edidêre.

Anno sequenti mortuus est Janussius, Plocensium Dux. Inde tractum Plocensem Johannes Albertus jure fædi, quod
vocat,

vocant, ad se devolutum regno adjunxit. Reliquam Masoviam frater ejus Conradus retinuit, postquam certis legibus fidem Reip. dedisset.

Obiit quoque tum sapientiæ studiis clarus vir Callimachus, qui gente Tusco, cum odium Pauli II. Pontificis incurrisset, in Poloniam fugerat, ubi benignè exceptus à Casimiro, & juventæ Regionum liberum præfectus fuit. Post mortem Casimiri Albertum filium sequutus, & gratiâ apud hunc validus, invidiam apud cæteros non effugit, umbram scilicet, seu fumum potius, ardentes Regum amicitias, velut ignes perpetuò comitantem.

II. Cæterum cupidus gloriæ Joh. Albertus proferendique imperii, bello non necessario Poloniam implicuit Valachiam petebat Stephano Palatino tum parentem, perpetuòque hætenus inter Turcarum & Polonas opes infidâ. Quæ ut incauta opprimeretur, expeditio in Turcas obtentui sumpta est. Quanquam alii velint seriò tum conflatum in Turcas fulmen, casu in Valachis deflagrasse. Causamque irarum fuisse, quod Stephanus transeunti Regis militi pabulum negasset.

gasset. Quicquid sit, illud constat, legatos à Stephano missos sciscitatū, quem peteret Rex, violatos captosque. Mox & post legationem Socisavia obsidione septa est. Sed eam incolæ animosè tatabantur, & Stephanus ad bellum apertum impar (habebat enim Rex LXXX milia hominum) per insidias carpebat obsessores. Pudor tandem tediumque incessit hærenti ad unum oppidum tanto exercitui; turbabatque insuper annona deficiens. Religiosiores etiam omina terrebant, quæ in egressu observasse videbantur. Consuetudine hæc plerumq; vulgi, quæ in pace forti vel naturæ tribuissent, rebus creperis rapiendi in omen futuri eventūs. Cum ergo ipse Stephanus dubium an fraudem meditans, quæ post sequuta est, pacem peteret, facile Rex, qui tum insuper morbo attinebatur, permotus est, ut roganti inducias annueret, per quas securiūs de pace ageretur. Parabant reditum Poloni, sed alio, quam quò veniant, itinere. Id ubi acceperat Stephanus, monet Regem, ut usurpatam ante viam potius relegeret; occulta saltuum & ardua montium pratexens, infesta

fla latronibus, à quib9 securitatem trans-
euntibus non possit polliceri. Obtem-
perat Rex, nihil altius suspicatus, quàm
cavere Stephanum, ne militum nu-
pero transitu intacta, proindeque di-
tior Provinciæ pars prædæ exponeretur.
Sed aliud machinabatur Stephanus. Syl-
va erat ad Bucoviam vicum densa fagis,
aviis incerta. Hanc ingressus Rex co-
pias in IV. agmina partitur. Primi in-
columnes trajiciunt. Secundanos, penes
quos impedimenta Regia, mediam syl-
vam ingressos, assultant ex insidlis agre-
stes Valachi, succisilque arboribus viam
impediunt, ne regredi primi, vel progredi
extremi possent. Hosque iterum to-
ta vi equitum peditumque Stephanus in-
vadit. Turbati ad rem improvisam Po-
loni per oppositos undique obices ad-
stra, quæ modò deseruerant, eluctantur;
Sed hic quoque urgente Stephano labo-
rare cœperant, periissentque, nisi succur-
rens Aulicus Regis equitatus sono tu-
barum, & armorum fulgore in se hostem
vertisset. Restaurata ita pugna est, fu-
gatique Valachi Regiis victoriam con-
celsere. Cautius postea incedebant Po-

loni. Nihilominus denuo Ioc. Masovii (quos Conradus ex fœdere in auxilium miserat Regi) circumventi & internecione deleti sunt.

III. Defunctus his malis quasi rem benè egisset, in malum otium ac luxuriam discingebatur Joh. Albertus: cum repente illum Poloniamque omnem novus ab eodem Moldavo terror perculit. Nec jam solus hic veniebat, sed Turcis Tartarisque comitatus. Latè omnia ad Canciugam usque & Vislocum amnem populatus, Premisliam, Jaroslaviam & plura alia oppida diripuit incenditque. Sed leve hoc. Supra C. millia omnis generis hominum abduxit, adeo ut Thracia, Scythia, atque Asia penè tota Russicis mancipiis impleretur.

Revertente ad suos Moldavo, Turcæ prædâ nondum contenti, soli se denuò in Russiæ agros effudère. Verum eos, torpescantibus ad resistendum hominibus, aut fugâ dilapsis, ira Numinis insigniter ulta est. Repente enim prædatoribus gelu tam intensum, nivesque tam largas immisit, ut ad XL. hominum millia (ut est illa gens frigoris impatiens) obriguisset
perilij-

periisseque ferantur. Reperti, qu in ex-
enteratis equorum ventribus calorem tu-
endæ vitæ quæsierant. Multi etiam, qui
inclementiam aëris effugerant, à Molda-
vis ipsis, habitum Polonorum mentitis,
trucidati sunt. Ita ex Lxx. millium nu-
mero vix x. evasisse; & ex his plerique
dum abirent, confessi traduntur, Polo-
nos à Deo defendi.

I V. Hæc ubi procella desævierat, su-
dum tandem aliquod pacis velut ad re-
spirandum, Poloniæ illuxit. Primum
cum fratribus, Vladislao Ungariæ Rege
& Alexandro Lithuaniae Duce, quorum
ille Moldavos juvisse hætenus, alter non
avocasse, cum posset, visus erat, in grati-
am Rex rediit, pacto in fortunæ deinceps
utriusque consortium fœdere. Minimum
verò natu fratrem Sigismundum Vlada-
slaus Ungarus Glogoviensi & Opaviensi
ditionibus donavit, cæteræque insuper
Silesiæ & mox Lusatiæ præfectum impo-
suit. Hinc cum externis Principibus in-
imicitia compositæ. Nam & Stephano
culpam deprecanti, illatarumque injuri-
arum paciscenti oblivionem pax data est:
& cum Bajazethe, quicquid etiam recla-

maret legatus Pontificis, foedus initum. Postremo nec cum Tartaris Zavolgensibus societatem belli contra Mahumetki-ckium Pracopiensium Ducem Rex recusavit. Sed cum illis auxilium promissum, consulto moratus est, ut mutuis caedibus barbaros permitteret, amicitiae fallaces, & mox, simul occasio in Poloniam offensâ fuerit, ad hostilia redituros. Post hæc in Prussiam Rex contendit, Magistrū Cruciferorum (is erat Fridericus Saxoniae Dux) juramentum præstare abnuentem suasa vel armis ad officium redacturus. Sed Torunium cum pervenisset, corripissetque jam per legatos cum Magistro agere, repentino tactus morbo obiit, magni animi Princeps, sed ferè semper infelix: destituente in eo primùm vitam fortunâ, tandem & amiciores fortunam vitâ.

CAP. V.

ALEXANDER.

AB. ANNO. cldioi.

AD ANN. cldiovi.

Dissensiones de successore. Alexander Rex creatus in Lithuaniam abiit, cum Moscho bellum & mox pax. Tartarorum irruptio. Moldavi Pocium invadunt, non retinent. Glinscius auctor urbium in Lithuania. Tartarorum strages.

Rerum publicarum Principes sibi per suffragia creantium solenne est, multos destinare, donec unus eligatur. Præcipue in Poloniâ regnat hæc libertas, grandis felicitatis ejus pars, nisi quod quandoque in discordias luxuriat. Post Joh. Albertum, aliqua quidem ordinum de successore dissensio fuit, sed ut rationibus, non odiis aut ambitu dissidentium. Tres erant filii Casimiri, inter quos anceps quodammodo trepidabat Electio. Primus natu Vladislaus, Ungarorum jam Bohemorumque Rex, placebat nonnullis, velut ornamento ac patrocinio labo-

ranti Reipublicæ futurus. Contra alii dedignabantur externi fieri regni accessio, præferebantque Sigismundum Glogoviensium & Opavienfium Ducem. Plurimi tamen Alexandro M. Lithuaniae Duci magis favebant, cum ipsius causa, tum Lithuanorum, quos novo vinculo Poloniae illigari, publicæ rei interesset. Commodum supervenire à Lithuanis legati non Regem quidem, sed fœderis antiqui renovationem offerentes. Illico sublata dubitatio est, & Alexander Rex proclamatus paulò post Cracoviæ insigne regium à Friderico fratre, Præsule Gnesnensi & simul Cardinali. accepit. Conjugi Helenæ diadema negatum est, quod Græcanicis addicta sacris Romanæ Ecclesiæ instituta nollet amplecti.

Vix aliquot mensibus Cracoviæ fuerat Alexander, cum in Lithuaniam avocatur, cui vis à Moscho imminebat. Jamque Smolenscum oppugnare is cœperat: sed, obniscâ ad primos impetus urbe, cum insuper Alexander cum exercitu adventare diceretur, territus, inducias cum Rege genero (Moschi enim filia erat Regina) in sex annos pepigit. Enimverò dum

hæret

hæret in Lithuania Alexander, Tartari Tauricani Poloniam invadunt, tramissâ-
que Vistulâ ad Pacinoviam, Cracoviensis
provincia oppidum, usque prædas agunt :
serò nec nisi cum tempus effugerat, in il-
los movente Friderico Cardinali, cui Rei-
publicæ curam Rex, dum abesset, man-
daverat. Nec multo post moritur Fri-
dericus iste, vir aspectu ac munere vene-
rabilis, vitâ dissolutior.

II. Stephanus dein Moldaviæ Palati-
nus Poloniam lacessivit, occupatâ terrâ,
quæ inter Tyram amnem & Sarmaticos
montes procurrens, Pocucia vulgo ap-
pellatur. Sed hanc non diu tenuit, fa-
tigantibz illum & Polonis, & domi mor-
bo, quo non multo post etiam interiit,
vir belli artibus inter seculi sui primos.
Ejus postea filius Bogdanus patri succe-
dens Alexandri sororem in conjugium
petiit; dilatusque ptimùm, mox spretus,
ut contemptum sui vindicaret, Pocuciam
armis repetiit, occupavitque. Verum,
ut proclivius semper est rapere aliena,
quàm retinere, ita ille properè expulsus
provincia, ægrè ab ipsius Moldaviæ li-
mitibus vim Polonorum propulsavit. Illo
bello

bello periêre inter alios duo Struffi fratres, cum longius à cætero exercitu pro-
vecti in globum hostium incidissent. Al-
ter inter pugnandum occubuit, alter cap-
tus ac capite multatus est. Illis verò
postero mox die magnâ Muldavorû stra-
ge atque in primis præfecti Chocinensis,
parentavêre Poloni, Postea de fœdere
tractari cœptum, conveneratque in cer-
tas conditiones: Sed hæc, ne tum pro ra-
tis haberentur, aliud quid intercessit.

III. Ea tempestate dederat penè in
Lithuania turbarum aliquid Michaël Glin-
scius, ex Ducibus Russis ortus, vir manu
strenuus, spectatuique hinc apud princi-
pem, sed criminator idem in Proceres,
quibus superbiam suam senserat exosam.
Forte præfecturam quandam Lithuano e-
quiti adeptam, Glinscii cognato Rex
dederat, Lithuanorum proceribus impe-
rans, ut in possessionem donatæ præfectu-
ræ hominem mitterent. Cum differrent,
illi rem ad adventum Regium, Glinscii
facundâ calliditate accensus Rex ita ex-
arsit, ut Brestam evocatos tollere agita-
verit, cum non venissent, quosdam sum-
mis muneribus functos gradu honoris
moverit.

moverit. Non sine indignatione aut minaci silentio hæc Lithuanis tolerata, ac forsan exuissent patientiam quidam, nisi externum repente periculū increpuisset. Nam Tartari Tauricani reportatā noviter à Zavolgensibus victoriā feroces, cum creberrimis incursionibus Poloniam vastassent; novissimè Lithuaniam quoque ingressi sunt. Vilnæ tum Rex valetudini operam dabat. Cæteris seu metus seu privata dissensiones curam publicæ rei eximerant. Ita aliquandiu impunè barbarus grassari potuit. Tandem extremâ necessitate ad defensionis consilia Lithuani exsurrexere: narratque Miechovius Regem quanquam ægrum, delatū in castra, ut suis ad extremum usque adesset. Sed ubi periculum à Tartaris, simul & valetudo in dies gravesceret, Vilnam reductum. Interim Glinſcius Regis exercitui præfectus, hostem incautum prædæque cupidine vagum adortus, partim cecidit, partim in paludes egit, quæ plurimi absorpti. Attulit verò tum ad victoriā non parum momenti Sendivojus Ciarncovi-
us, Palatini Pofnanienſis filius, qui cum trecentis equitibus Vilnâ accurrens, cum
e pro-

è proximo colle pugnantes cum Tartaris Polonos vidisset, late diductâ turmâ & strepitu tubarum magni specie exercitûs præbitâ hostem terruit, suos erexit. His actis tacite sc̃ in stativa recipiunt victores, dum reliqui hostium, cladis suorum inscii, cum prædâ reverterentur. Mox ut quique venerant, cæduntur. Periisse tum feruntur ad viginti millia hominum. Captivorum certe Christianorum ingens vis liberata est. Victoriæ nuncium qui Regi ferebant, proximum fato reppererunt. Nihilominus sublatis in cœlum manibus ac nutu (nam linguæ usum vis morbi ademerat) lætitiā testatus est, nec multò post expiravit, anno ætatis quinto supra quadragesimū, imperii vix quinto. Mors ejus tam præcox & cæteroquin non spernendi Principis multis tempeſtiva exiſtimata est, ob prodigalitatem, quâ exhausturus, si proviſiſſet, Rempubliſcam fuiſſe videbatur.

SIGISMUNDUS I.

AB ANNO cIoIo VI

AD ANN. cIoIo XLVIII.

*Sigismundi cura togata. Glinscii in Lithua-
nia seditio & bellum cum Moschis. cum
Valachis. Legationes ad Sigismundum.
Moschicum bellum secundum. Regis ad
Maximilianum Casarem iter. Secunda
nuptia cum Bona Zfortia. Bellum Prus-
sicum. Comitua Taruniensia. Dantiscana
plebis seditio ob religionem. Alberti Bran-
denburgici cum Rege de Prussia transacti-
o. Solimanni in Ungaria victoria. De
Muldavis. Tarnovii victoria insignis.
Moschicum bellum tertium. In Mulda-
vos indicta expeditio publica. Seditio No-
bilitatis. Status Muldavia mutatus, item-
que Ungaria. Concilium Tridentinum.
Mors Sigismundi. Virtutes animi & cor-
poris robur.*

FX Casimiri filiis duo adhuc supere-
rant, Vladislaus ac Sigismundus, quo-
rum ille Ungariæ & Bohemiæ imperabat;
hic Glogoviensium & Opaviensium, nu-
perque etiam Lithuanie Dux creatus, spes
volun-

voluntatesque Polonorum pridem in se
erexerat. Quo facilius, Alexandro mor-
tuo, ad regnum emerfit, Vladislao, quem
multi æmulum fratri minori foie metue-
rant, non impediante, sed insuper etiam
commendante proceribus candidatum.
Rex nominatus Sigismundus, vulneribus
illico Reipublicæ sanandis manum salu-
tarem applicuit. Ac primum quia pro-
fusione Alexandri ærarium elanguerat,
Regiæque facultates privatis quibusdam
cesserant pignori, iis recuperandis curam
intendit, juvante Regem Johanne Bone-
ro, prudente viro & quod ad rem pluri-
mum valebat, prædivate. Inde consen-
tiente in tributi pensionem ordine eque-
stri pecuniæ coactæ; scriptusque inde mi-
les extremis Poloniæ finibus pro Repu-
blicâ perpetim excubiturus.

Sed dum in his est Sigismundus, Lith-
vania turbare cœpit, excitatâ à Glinfcio,
quem ante sæpius nominavimus, seditio-
ne, & armis insuper à Basilio Moschorum
Duce ingruentibus tumens. Glinfcus
enim coalitâ Alexandri perpetuò favore
& rebus non infeliciter gestis audaciâ,
supra civilia assurgens, Lithuanix princi-
patum

patum agitabat. Ambitionem verò oculere studens, Zabrezinium Lithuaniae Mareſchallum, alioſque conſilia ejus curioſius ſpeculantes prodentefq; hoſtiliter inceſſabat. Tandem cum ſuſpectum ſe Rezi ſenſiſſet, metu ad deſperationem verſus, Moſchum clam miſſis legatis ad partiendam ſecum Lithuaniam invitat. Qui jam nuper terram illam ultro laceſcere cœperat, ſed tendentibus contra Polonis congregari non auſus repulſuſq;, oblatam jam a Glinſcio conditionem lubens accepit. Glinſcius ubi in procinctu eſſe Moſcum intellexit, palam obſequium Regis exiit, Zabrezinium verò incautum intra penates ipſius obruncat. Rex cognitis machinationibus illico Nicolaum Firlejum Palatinum Lublinenſem, ſummum tum belli Ducem cum exercitu in Lithuaniam præmittit, ipſeque etiam ſequitur, majeſtatem Regiam deſectotibus oppoſiturus. Venienti Lithuani ſe jungunt, multique etiam ex iis, quos vel error vel prævalida neceſſitas in partes hoſtis abduxerat. Territi mox ad præſentiam Regis Moſchici Duces, loca, quæ impetu inopiæ defenſorum occupaverant,

rant, deseruere, praelium inprimis cautiſſimâ prudentiâ evitantes. Vix ſemel in trajectu fluminis cujuſdam reſtiterant, magnâ ſuâ clade, futurâ tamen majori, niſi nox interceſſiſſet. Poſthac apertiore etiam conſternatione exercitum per avia paludum nemorumque reducunt. Rex cedentes totâ exercitûs mole ſequi haud conſultum ratus, Stanislaum Kiſcâ ad Reſinam Moſchorum arcem mittit. Qui latè omnia populatus, ſed uiverſæ hoſtis potentiæ impar, pares ſubinde aliquas attrivit, quodam etiam die, ſi accitûs in auxilium Firlejus tempeſtivè veniſſet, de ſummâ decertaturus. Sed is ſeriûs ſe per ignotas in ſylvis vias expediebat. Interim tamen cum globo quodam hoſtium feliciter congreſſus Kiſcâ, reliquum exercitum terrore fudit, cûm qui primo ex conflictu eſſugerant, ſeu errore (ut eſt credulus pavor,) ſeu ne paucis ceſſiſſe viderentur, numerum Polonorum in majus auxiſſent. Qui fortunæ luſus poſtea alio certamine ipſum quoque victorem fermè decepit. Sed paulò poſt, cum parûm proficeretur armis, flexis utrinque ad mitiora animis, primûm inducias

ducias Rex petenti Moscho, mox pacem perpetuam annuit.

II. Caterum data sic Moschis respirandi potestas fuit, non item Polonis. Hos enim Bogdonus Valachꝝ valido cum exercitu Russiam ingressus, ad novū bellum vocabat, quod tamen brevi procella defœvit. Quippe priusquam Rex veniret, primum fiegerant impetum Valachi, frustra, nec impune Camieneciam Leopolinque, munitissimas Russiæ urbes adorti. Sic Regem in procinctu jam stantem haud præstolati, cum late omnia ferro flammisque miscuissent, ad sua rediēre. Sequi illos iussus Nicolaus Camienecius, Cracoviensis Palatinus, terrā hostilem pari sævitiâ involavit diripuitq; Sed expletâ vindictâ cum reditum pararet, ad Tyram flumen subitò à Valachis, qui hætenus intra saltuum latebras occulti expectaverant occasiones, invaditur. Tumultuariâ primum pugnâ nutavit victoria, donec majore numero ordinatiusque congressus Polonorum equitatus, cohortes hostiles perrupit. Cæsi ibi plurimi, capti non pauciores, quos omnes Camienecius gladio pereuti iussit,

fit, manibus parentans Polonorum, in quos nuper barbarus, præter belli jus patri supplicio favierat. Rex lætus victoriâ suorum, cum victis pacem iniit; unam pactus conditionem, ut sacram suppellectilem de templis raptam, & quicquid captivorum prædæq; memorabilioris superesset, restituerent. Mitissimum tum experti victorem, pœnas mox, quas majores meruerant, Tartaris dedere, qui iteratis aliquoties incursionibus ad incitamine plane infidam gentem redegerunt.

III. Post hæc Sigismundus variis externorum Regum ac Principum legationibus cultus est. Inprimis à Pontificæ Romano Achilles Grassius, Episcopus Modicensis, adfuit, ut Regem ad jungendam cum Ungaro contra Turcas arma incitaret. Nec adversatus consilium Rex moram tantum postulavit. Paulo post secuta est celebris de Tartaris ad Lepusnam victoria, Constantino Ostrogio Lithuanicarum, Nicolao Camieniecio Polonicarum copiarum ducibus. De viginti & quinque millibus barbarorum longè minima pars tum evasisse dicitur.

IV. Vi-

IV. Victoriā hanc Moschicum bellum exceperit. Moschus enim etiam post pacem iniquis infensusque Polonis, cum ingentem tormentorum vim per Germaniam conflāset, Smolenscum tandem adortus, desertumque semel tadio moræ, mox majore vi aggressus, cum nihil proficeret, machinatore Glinſcio, præfectum arci Tribunum pretio ad deditionem emercatus fuerat. Post deditum Smolenscum Glinſcius resipiscens, & opera Vladislai Ungariæ Regi, Sigismundo reconciliatus, facinus creptæ urbis in Regiæ pretium gratiæ vertit, nec hanc tantum urbem, sed complures alias traditurum se Polonis promittit. Caruit tamen successu consilium, quod secretorum inter-nuncius Trepka nobilis juvenis in manibus hostis venit. Qui subiectus tormentis magnum & memorabile constantiæ specimen dedit. Nullis enim quantumvis exquisitissimis cruciatibus ad proditi-onem secretorum subigi potuit.

Interim ingressus Lithuaniam Rex ad Borislovum pervenerat. Ibi cum delectis subsistens exercitum ad Orsam, ubi hostis, præmittit, summa rerum Ostro-gio

gio & Suircovio demandata. Cognito, Moschos prælio paratos, Poloni priores in hostem irruunt, mox prout incubuerat ille, urgentes cedentesque. Animabat hos Ostrogii exemplum, non minùs militem quàm Ducem se gerentis. Juuabatque etiam locus modicè in tumultum assurgens, in quo disposita tormenta multum noxæ hostium novissimis dabant. Qui hinc consternati fugamq; capeffentes; proximos unà traxère. Primi adhuc strenuè rem agebant, donec & his, cognita sociorum fortuna & assultantes improvisò ex vicino nemore Poloni oëtingenti, fregèrunt animum. Instant palantibus Regii. Multos ad paludem delatos, cum transire niterentur, instabilis ad gradum uligo hausit. Interiisse hoc prælio triginta millia Moschorum feruntur. Capti ex illustribus duo. Satraparum decem & septem. de plebe nobilium duo millia, totidem gregariorum. Ex Regio exercitu non plures quadringentis desiderati, plures faucii fuerunt. Cærum (quod de Annibale olim dictum) vincere tum scivère Poloni, non aquè uti victoriâ. Smolenscum, urbem sine mora

mora adoriri debuerant, capi haud dubiè facilem, cunctis recenti terrore percussis. Dum circa alia se occupant victores, novo milite, novis machinis permunita est. Interim bruma subit, oportuitque adeò reduci militem in hyberna. Petenti ergò iterum hosti in quinquennium pax concessa est.

V. Moschis ad hoc bellum præter cæteros stimulo adjumentoque Maximilianus Cæsar haud dubiè fuerat; pridem Iagellonicæ genti infensus ob Ungariam, quam bini ex eâ familia Vladislai Austriaci præripuisse videbantur. Accesserat recens offensa in Sigismundum, ob ductam in matrimonium Barbaram, sororem Johannis Comitis Scepusii, qui Sigismundi adeò affinitate ad nuptias Annæ, Vladislao Ungaro genitæ, & porrò ad Ungariæ Regnum adspirare credebatur. Conciliare igitur sibi Maximilianum cupiens Sigismundus, cum aliquandiu dubitasset, per legatosne id, an præsens ipse tentaret, posterius tandem elegit: minus vigente tum inter principes insidiarum, & qui non minùs hodie visendi se mutuò cupidinem plerisque exi-

mit, vano comparationis metu. Iter ergò ingressus, Posonium Ungariæ urbem venit, ubi à fratre Vladislao liberisque ejus proluxâ comitate exceptus, obvium mox habuit Cæsaris legatum, Cardinalem Gurcensem. Quicum de negotiis, quorum causa Rex venerat, agi coeptum. Interim Cæsar ipse Augustâ Viennam venerat, quem sine morâ Reges honorâ legatione venerantur. Ille dimissis humaniter legatis suos mox mittit, qui Reges Viennam invitarent. Sed primùm in Ungariæ Austriæque confinio lectus locus est, quo Cæsar Viennâ, Reges Posonio venientes coivêre. Inde Viennam itum, ubi quatuordecim circiter diebus, per ferria suetasque aulis voluptates exactis, initum est æternum inter Reges fœdus, & ut arctius id esset, neptim suam Mariam Ludovico, Ungariæ hæredi, Cæsar locabat, ipse vicissim sibi vel nepotum suorum alteri, Annam Ludovici sororem destinans. His actis, inter mutua propensissimæ voluntatis testimonia atque etiam lachrymas discessêre.

VI. Reducem Regem adversa quædam excepêrunt. Nam & Barbara Regina,

ob pudicitiam Esthera vulgo dicta, obiit paulo post, & Opociam Moschorum arcem infeliciter tentaverunt Poloni. Utrumque tamen dolorem ducta dein Bona Zfortia, Johannis Galeatii Ducis Mediolanensis filia, & mox prosperior Polonorum ad Polociam pugna utcumque solata fuerat, cum Tartari ad Vistulam usque latè omnia populati, tandem & ad Socalam Regios temerè atque invito Duce Ostrogio congressos, memorabili strage fuderunt. Mille ducenti tum cecidèrunt ex Polonis. Ex Tartaris quater mille, ut caro empta victoria dici posset, nisi barbari sanguinis copia major nobilitate alterius æquaretur.

VII. Subsequentum est Prussicum bellum mole atrox, tempore non adeò diuturnum, nec infelix exitu. Qui Cruciferis tum præerat, Albertus Marchio Brandeburgicus, Sigisimundi Sorore genitus, jurare in verba Regis abnuens, hostilia meditabatur. Eum contra missus Nicolaus Firlejus, Palatinus Sendomiriensis subito impetu oppida aliquot arcesque rapit, Hollandiam aliquandiu obsessam expugnat. Territus Albertus primum cum

Firlejo colloquium expetit, ab eo ad Regem Thoruniam deductus, omnia Regis causâ velle testatus est. Coiissetque tum foedus, nisi nuncius adventantium auxilio Hafnia quatuor millium militum, & jam ad portum Regiomontanum appulsorum, novos Marchioni animos addidisset. Inde relapsi ad arma Poloni Brunsbergam; Cruciferiani Heilsbergam obsident. Non multò post intellecto, novum è Germania ad Albertum ire exercitum, publicâ expeditione indictâ, univrsum ordinem equestrem Rex ad arma evocat. Germani, antequam Alberto se jungerent, Mezireciam, finitimum Silesiæ Marchiæque oppidum expugnant. inde, Poloniæ ingredi interiora prohibiti, in Prutliam contendunt. Schonbergius iis præerat, cui memorabili aliquo facinore clarescere cupido, audacia incensit Dantiscum obsidendi. Sed urbem ad defensionem sui paratam expertus, cum insuper Firlejus occupatâ Stargardiâ & Derfaviâ appropinquaret, fugienti similis in Pomeraniam recessit. Insecutus eum Zarembo, præsidii apud Dantiscum præfectus, & mox Firleji equitatus magnâ

gnâ clade novissimos affecere. Ipse Fir-
sejus cum reliquo exercitu Châdiniciam
interim oppugnat expugnatque. Alibi
Sencignovius assiduis populationibus
terram Cruciferorum afflicta, incensis
quam plurimis pagis, Passenheimum oc-
cupat. Cruciferiani autem Elbingam
interim insidiis tentant, parumque abfu-
it, quin obtinerent. Suggesti clam,
portam jam unam perfregerant, dum cla-
thros objectos moliantur, à civibus saxa,
calcem ac cineres desuper ingerentibus,
amisso præfecto, & militibus non paucis
repelluntur. Frustratus ita ad Elbingam
nec alibi felicior Albertus ad pacem fle-
xit: misitque Lignicensi Duce, & mox
fratre Georgio Brandenburgico, cum con-
venire in amicitia perpetua foedus non
possent partes, arma in quadriennium su-
spensa sunt.

VIII. In iisdem, quibus inducia con-
stitutæ, comitiis Thoruniensibus, con-
troversia Prussorum quædam audita dis-
cussæque sunt. Habebant illi antiquo
privilegio proprium tribunal, quo lites
ab indigenis solis, præside Rege, decide-
bantur. Hunc morem Rex violare no-

lens, nequicquam contra sentientibus Polonis, solus Prussico senatus interfuit. Postulantibus verò iisdem Prussis, ut munia dignitatesque ipsorum non nisi indigenis darentur, querentibusque concessam Raphaëli Lescinio præfecturam Slocho-
vientem, factum quidem impofterum servare hoc ipsorum jus promissit, beneficium tamen Lescinio datum adimere non sustinuit: Majestatis credo tuenda causa, quam lædi Reges existimant, si fecisse, quod non debuerint, factorum mutatione cogantur ostendere.

Compositis ita Prussiae rebus Rex aliquot annis tranquille egit, non nisi Tartarorum incursums identidem laceratus, & Ludovici Ungarorum Regis, cui Patruus erat, malis sollicitus. Hunc quippe adolescentem magnus ille Europæ terror Solimannus armis jam tum adoriri coeperat. Ac in auxilium quidem illi Johannes Tarnovius, vir belli præclarus, cum sex millium exercitu missus est: Sed ne sic quidem impediri Tyrannus potuit, quin Belgradum arcemque Sabacensem occuparet.

IX. Ver-

IX. Vergebant ad finem induciæ cum Cruciferis initæ, cum plebs Dantiscana Martini Lutheri gliscentibus tum passim dogmatis assensa in seditionem exarsit. Magistratibus obluētari ausis surrogantur ex civibus alii, occupata templa, ritūs Ecclesiastici novati. Mox & scriptis literis oratus Rex, libertatem ut sacrorum, quæ ut meliora amplexi essent, manentibus ceterà in obsequio confirmaret. Nec refragari quidem precibus tum visus est Rex: ceterum ejus anno sequenti ingressus in urbem, sumptumque severa lege de autoribus seditionis supplicium satis docuit tempori datam priorem indulgentiam, veritumque Regem, ne inimici responso dimissos, metuens pœnæ conscientia ad Cruciferos adigeret, brevi jam induciis elapsis arma resumpturos.

Verum inducias quoq; istas non, quod timebatur, bellum, sed pax æterna singulari numinis favore excepit. Quippe delectis utrinque arbitriis, Carolo Imperatore, & Ludovico Ungariæ Bohemiæque Rege, & mox, cum hi vel segniùs, vel saltem, ut longè positi, tardiùs agere viderentur, sequestris Georgio Brandeburgico

gico Marchione, & Friderico Lignicensium Duce, post sat longas disceptationes, his tandem conditionibus inter Regem & Marchionem transactum est; ut Rex quidem Orientalē Prussiam Marchioni perpetuò & hæreditario jure concedat: Marchio contra vasalli obsequium Regi juret, eidemq; centum cum hastatis equitibus, intra Prussiam, suò, extra hanc, Regiò stipendiò militet. Ita excisa est tandem illa materies bellorum, quibus à primò fere Cruciferorum in Prussiam adventu, Polonia variò eventu conflictata, ac sæpe immaniter concussa fuit.

Paulò post susceptum in feudi leges Marchionem aliò quoque insigni auxilio Polonia ditata est. Quippe mortui intra breve intervallum bini fratres Masovix Duces, Janussius & Stanislaus Masoviam regno Polonico, à quo per quadringentos ferè annos diremptum, propriis Ducibus paruerat, adjunxere.

X. Sub hoc tempus commissum est famosum illud Ungarorum ad Mohacum cum Solimanno prælium, cujus infelix eventus & Ludovicum Regem cum flore Ungaricæ nobilitatis absumpsit, & Ungariæ

gariæ partem nobilissimam imperio Turcico subdidit; Ferdinando denique Austriaco, qui ob ductam Ludovici sororem sceptrum sibi Ungaricum vindicabat, origo fuit belli cum Johanne Scepusio idem sceptrum ambiente, denique cum Solimanno ipso pro honore, uti præferebat, illius Scepusii, veriùs pro gloriâ suâ proferendisq; finibus pugnante, ac plerumque heu! victore. Buda sanè tum occupata, Viennaque ipsa obsessa ac ægrè de manibus Tyranni erepta fuit. Liberatæ urbis laus, secundum Deum, binis præcipuè principibus Palatinis tribuitur: quorum alter Philippus fortiter sustinuit; alter Fridericus, admoto extùs exercitu, abstraxit terruitque obsessores. In Poloniâ interim Rex filium Sigismundum Augustum, Lithuanix primùm principatui, mox regno inaugurat, posthumam curam velut præcipiens fato, ut capeßendis imperii curis maturè successorem asuefaceret.

XI. Porro intentam his Poloniam præclarâ de Muldavis ad Obertinum virtute imprimis Tarnovii reportata victoria exhilaravit. Fuerat Muldavo viginti
I 5 duùm

duum millium exercitus, Tarnovio mil-
 lium vix quatuor. Ad manus cum manē
 ventum est, non aliō unquam insigniori
 argumento patuit, ut corpora, ita exerci-
 tūs, non eos semper vincere, qui majores.
 In praelio verò ipso ut miraculo fu-
 erat Polonorum virtus, ita in eventu e-
 jus fortuna lusit. Tot enim omninō il-
 linc cecidisse reperti sunt, quot hinc pu-
 gnaverant. Sed præter casos capti fu-
 ère quadringenti, porrōque machinæ
 quadraginta octo ademptæ, Regiq; mis-
 sæ Cracoviam. In cujus ubi ade præ-
 cipuā extat hodieque pugnae hujus peni-
 cillo expressa imago. Rex verò alio et-
 jam honore colendam Tarnovii fortitu-
 dinem duxit. Etenim indictā contri-
 butione publicā binos de singulis jüge-
 ris grossos pendendi victori jussit. Felix di-
 cere Sigismundianum dicere possis secu-
 lum, quod tam inusitata virtutis & ex-
 empla tulit, & præmia.

XII. Praeliō hoc infractæ nonnihil vi-
 res, nondum animus erat Muldavi. Sub
 inde adhuc hostilia minabatur, donec ip-
 se ei Turcarum Dominus quietem impe-
 ravit. Cui mandato cum Ungariæ etiam
 Regi

Regi
 duci
 taris
 cum
 man
 mire
 Lithu
 villic
 lateq
 prin
 exci
 ne al
 aver
 enti
 duob
 atqu
 laver
 tiffir
 nent
 erat
 letit
 dus,
 Bran
 X
 Pol
 ut e
 nob

Regis Johannis autoritas accessisset, induciæ cum Muldavo initæ sunt. A Tartaris quoque quietem Poloniae dedere cum ipsorum inter se dissidia, tum Solimanni jussu, qui amicitiam Sigismundi mirè premebat, bellis Ungaricis intentus. Lithuaniam Moschus turbavit denuò, savissimâ illam hyeme ingressus & longè lateque depopulatus. Illi tumultuaria primum manus opponitur, mox justo exercitu juncti Lithuanis Poloni à vastatione alienorum ad sua defendenda hostem avertêrunt, expugnatæ etiam in Severiensi provinciâ arcibus, Holmiâ & Starodubo, captisque ex præsidio non paucis, atque ipso etiam, qui Starodubum defensus fuerat, Oucynâ. Gesta hæc ductu potissimum Nicolai Radzivillii, Palatini Vilenensis; Belli verò summæ Tarnovig præerat. Nuncius victoriæ multum auxit lætitiâ nuptiarum, quas tum Sigismundus, filiæ Hedwigi, Joachimi Electoris Brandenburgici sponsæ, adornabat.

XIII. Paulò post Muldavius arma in Polonos repetiit, tantò quidem ardore, ut contra cum Rex vires Regni intimas nobilitatemque omnem ad bellum cien-

dam putaverit. Ea ad Leopolin coacta, penè in seditionem adversum Regem & Senatores efferbuit, leges nescio quas violatas caussata, & arma induere negàs, nisi illæ affirmarentur. Asperavit commotos Senatoris cujusdam in minorum gentium nobiles, qui ob paupertatem pedites venerant, arrogans cavillum. Jamque videbatur in scelus eruptura multitudo, nisi orta cœlitus tempestas turbidos, & numero fidentes in diversa egisset; subeunte post etiam animis formidine cœlestis iræ, ut sit apud rudiores animos, quibus movendis pacandisve potentissima religio est vel superstitio. Verum composito etiam tum utcunque tumultu, dilapsus tamen Rege non adeò impedi-ente, exercitus, irritaque reddita est expeditio. Relicta tantum ad propulsandû hostem duo millia sub imperio Andreæ Tencinii & Nicolai Sienavii. Qui discordes inter se, & hinc rerum suarum minùs satagentes, commissâ imprudenter cum hoste longè prævalido pugnà, sexaginta plus minus nobiles viros & octingentos insuper gregarios perdidere.

Sed

Sed brevi post intervallo mutatus est dominatus in Muldaviâ. Stephanus Petri Palatini frater, ob suspicionem affectu domini exul, quæsitis criminandi occasionibus, Palatinum Solimanno exosum reddiderat. Ita quidem, ut is vim moliretur in Palatinum, hic vero imparem se sentiens, tentatis infelicitè fugæ consiliis, Sicaviæ arci se includeret. Ita in locum ejus Stephanus frater à Solimanno surrogatus; ipse obsessus captusq; est à Johanne Ungariæ Rege, qui hæc velut mercede Turcæ gratiam, offensis aliquibus infuscatam redimebat.

XIV. Non multò post infecta hujus ipsius Johannis mors novis turbis Ungariam implicuit: vindicante sibi regnum Ferdinando, sanguinis jure, ut agebat, atque insuper compactò sibi debitum; assente contra idem viduæ Reginae filioque ejus impuberi Solimanno, vel potius, ut eventus docuit, sibi rapiente. Postquam enim infando illò ad Budam prælio Christianos profligasset, evocato ex urbe, per speciem amoris, Reginae filiolo, dum comites hujus benignè à Turcis fraudem molientibus excepti, hilariter epulantur;

Interim

Interim milites mittit, qui gubernacula occuparent urbis, quasi defendendæ contra Austriacum, cui Regina impar esset. Patuit mox dolus, cum ingressus ipse urbem, Reginam nequicquam datæ fidei sacramentum obtestantē, abire cum puero in Transylvaniam iussit. Ex hoc tempore servit fœdissimam Turcis servitutem Buda, & reliquæ Ungaricarum civitatū flos, grandi vincto, Christiani, dedecore, qui sanguinem, quem his recuperandis gloriose impendere poteratis, mutuis pudendisq; inter vos armis insanè, tot annis, prodigitis!

XV. Agitabat eā tempestate orbis Christianus instinctu inprimis Caroli Imperatoris Concilium, quod à loco postea Tridentinum appellatum est. Ad id invitatus à Carolo Sigismundus, omnia pacandæ Reipublicæ Christianæ causâ vellem respondit, legatumque etiam ad concilium mittere recepit. Ac missus est postea ad Comitæ Augustæ habitæ Stanislaus Lascus Palatinus Sendomiriensis, qui gravi oratione jus Poloniæ Regum in Prussiam ostendens, Cruciferorum in Albertum Poloniæ vasallum conatus liber-

rime

time perfrinxit. Respondit huic Wolfgangus, Ordinis Theutonici Magister; constitutique liti dirimendæ arbitri, à quibus ferè contra Albertum lata sententia est, sed executio ejus Carolo Cæsari remissa, exitum nunquam habuit.

Sigismundo verò anno sequenti fatalis meta venit, principi sane immortalitate dignissimo; quique virtutibus suis à nobili historico poni meruit inter tres * Heroas illos, qui nisi simul imperassent, singuli digni fuerint, qui toti orbi imperarent. Præter sapientiam, moderationem, aliasque animi dotes admirabilis in illo fuit corporis fortitudo. Ferunt ætate florenti soleas ferreas, quales equis suppingi solent, frangere, funesque cannabinos rumpere solitum. Vix pertinet corpus ad virorum laudes, sed in Sigismundo memorari dignum fuit, quod robore ac firmitate sua nobilissimæ animæ tanto diuturnius hospitium præbuit. Vixit enim Sigismundus annos octoginta duos: quorum exacte dimidium in regni administratione consumpsit.

* *Hi sunt Carolus Quintus Cæsar, Franciscus I Gall. Rex, & hic Sigismundus*

CAP.

FLORI POLONICI
CAP. VII.
SIGISMUNDUS
AUGUSTUS.

AB ANNO CLOIDXLVIII
AD ANN. CLOLXXVI.

*Animi multorum in Augustum iniquiores ob
matrimonium cum Radziuilla. Scho-
lasticorum Cracoviensium tumultus. De
legibus antiquis & novis disceptatio in co-
muniis. Cum Episcopis lites, occasione O-
richovii Canonici, qui calibatum oppu-
gnabat. Regis Gedanum iter, & periculum
Regiomoni aditum. Nuptia secunda.
Bona in Italiam abitus. post mortem ejus
lites de hereditate. In Livoniâ bella in-
terna, mox externa cum Mosco. Lisonia
cum Poloniâ conjunctio. Inde belli Mo-
schici communio. item Suecici. Iohannis
Finlandia Ducis captivitas. de Moschis
victoria. Lithuania cum Poloniâ conjun-
ctio confirmata. In Dantisanos ira Regis
& ultio. Magni Holsatiae Ducis in Live-
nia machinationes & cum Moscho socie-
tas. Hujus crudelitas insignita, ejusdem-
que exempla nonnulla. Mutatus domina-
tus in Muldavia, quam Bogdano princi-
pi ejecto fortiter, tamen frustra restituere
Poloni*

*Poloni conantur. Duella bina cum Tur-
cis. Herburti periculum. Augusti mors
& encomium.*

Sigismundus Augustus patre quiden
vivo Rex nominatus, à regni tamen
curis, volentibus ita Polonis, hæcenus
abstinuerat. Nec, mortuo parente, ali-
quandiu voluntates procerum multorum
tam secundas expertus est, quàm vel pa-
ter vel ipse spe præceperat. Offendit i-
stos Augusti post fastiditam, & paulò post
mortuam Elizabetham Austriacam, solu-
tior vita. Magis etiam initum postea
cum Radzivillia Stanislai Gastoldi Pala-
tini Polonis viqua matrimonium. Nec
intra silentium aut occultas voces steterè
offensa. Publicè in Comitibus traductum
est factum Regium; aliis tolerandum jam
consentibus, postquam consummatum es-
set, aliis antiquandum ambitiosâ liber-
tate ac facundiâ contendentibus. Qui
à nonnullis ut loquentes pro legum tute-
lâ, quæ conjugia Regia consensu Reip.
circumscribunt, pronis auribus auditi:
aliis privatâ magis stimulatione, quàm
decoris publici cura loqui visi sunt. In-
terre-

terregnum nempe inducere voluisse credebantur, ostentandæ ita diutius auctoritati, & ut tanto enixius liberaliusque à Rege prensarentur. Horum antesignanus Petrus Kmitha Palatinus Cracoviensis fuit: uti contra, Regem tuebatur Johannes Tarnovius, princeps post Antistites Senator, cui pridem Kmitha alias obcausas infensus, tantò jam obstinatior erat, ut diversus esset ab æmulo. His contentionibus transacta comitia citra transactionem rerum magis feriarum disfluxere. Rex verò dimissis ad Senatum atque equitum præcipuos literis, de contumaciâ quorundam questus, suum erga Rempubl. affectum prolixè declaravit. Quæ res sanè profuit illi non parùm ad pignerandos multorum animos; paratiore, ut fit plerumque, privatim apud singulos gratiâ, quam apud universos, quibus ipsa multitudo ut metum ostensæ, ita spem fructumque beneficii minuit.

II. Æstum comitiorum excepit juventutis, quæ Cracoviæ studiis operabatur, tumultus, qui visus initio multis compressu facilior, quam qui in proverbio est, pulvis scholasticus, atrocem tamen subito

subito vastitatem Academiae attulit. Le-
 na quaedam foeminam corpore merentem
 familiaribus Andreae Karnkovii, qui tum
 forte Cracoviae agebat, ducens, in studio-
 sos inciderat, atque ab iisdem habita erat
 contumeliosus. Illa injurias quæsta a-
 pud Aulicos, ad quos tendebat, facile eos
 in vindictam impulit, effecitque ut facto
 in studiosos inermes impetu, alios mise-
 ris modis exciperent, alios trucidarent.
 Illi postridie arcem agminatim ingressi,
 inconditis clamoribus Regias aures pul-
 sant, vindictam postulantes, & ut mos
 tumultuantibus, Reis vel subdere vel jun-
 gere innoxios, ipsum arguentes Karnko-
 vium. Rex increptos de nimio ardore
 quiescere jussit, saltem dum destinaren-
 tur judices, rem prout gesta esset, cogni-
 ruri. Illi furore vecordes nec Anrinitis
 Cracoviensis, ad quem postea ablegati e-
 rant, sententiâ acquiescentes, abire Aca-
 demiâ minantur. Quod & cum susque
 deque haberi se viderent, fecêre. Exi-
 vit mœnibus triste ac miserabile agmen,
 sacra illa verba, *Ita in orbem universum*,
 &c. ingeminans, v. lut præsaga eorum,
 quæ post contigerunt. Pars etenim ad
 parentes

parentes domum, cæteri in Germaniam, Prussiam ac Bohemiam dilapsi, hausta istius Lutheranorum dogmatum semina per Poloniam postea sparsere.

III. Sequentis anni Comitia pari fere eventu, quo priora, finita sunt. In iis Antistes Gnesnensis Regias literas, quas ad proceres missas diximus, perstrinxit. Post actum de legibus, quarum alii antiquas, alii eas, quæ Johanne Alberto & Alexandro Regibus rogatæ essent, exerceri volebant, prout scilicet quisque has vel illas in rem suam fore viderat. Postiores accendebat quoque invidia in Johannem Tarnovium & Maciejovium, quorum hic, contra leges sub proximis Regibus latas, Cancellarius simul & Antistes Cracoviensis: ille Castellanus Cracoviensis præfectusque juxta Sendomiriæ esse arguebatur. Regi pro his & antiquis legibus stare viso, ne causam obtineret, per Johannem Tencinium Palatinum Sendomiriensem intercessum est. Qui sella ob senium illatus in curiam, acri oratione leges ad usum præsentem flectendas suadebat. Movitque ætas & autoritas viri, ut ampliandum saltem Senatus judicaret.

Inde

Inde cum Episcopis actum, quorum potentiam ut iniquè pridem ordo equestris aspiciebat; ita apertis sententiis tum invadere coepit: præbita per Orichovium ansâ, qui Canonicus Premisliensis cum esset, ab Episcopo oppugnati calibatus causâ, munere & ditione motus fuerat. Is igitur & affinitatibus potens, & gratus apud alios tacitè eadem molientes, publicâ aurâ privatæ causæ tum velificabatur. Nihil tamen in eâ re his comitiis ob discordiam procerû concludi potuit. Ille audentior factus matrimonii sacerdotum modò assertor, mox exemplum fuit, ductâ in uxorem Chelmsciâ. Nec Antistites remittebant odia, sed strictis subinde in hunc Orichovium gravioribus sententiis, mox in Oleśnicios quoque, Stadnicios, Ostrorogios, Lallövicios, aliosque hæreseos damnatos, insurgebant. His Rex tertiis comitiis Petricoviæ habitis accesserat; sed & Regio decreto ab ordine nobilium tam pertinaciter reclamatum est, nullus ut Episcoporum exercere potestatem suam sustineret.

Posthæc Gedanum Rex abiit, componendis ibi rebꝯ, quæ in tumultum eodem reli-

r lligionis stabello exarsura videbantur. Et ingressio etiam urbem Rege, diu plebs
 tin ebat timebaturque, & parum sapere a
 seditione abtuerat, nisi Regis moderatio
 ac benignitas dissidentium metus sustu
 lisset. His ita humanitate mitigatis, Re
 giomontum Rex proficiscitur, viraq; hic
 prope periculum adiit. Dum enim te
 standæ sub ingressum lætitiæ tormenta
 exploderentur, errore magistri tormen
 tarii pila emissâ ferè tetigerat Regem, ut
 quæ fortuitâ solum equi declinatione
 prætervolans, ponè sequenti Vîsnio vecio
 caput abstulit. Frementes Polonos in
 Albertum Brandeburgicum, qui hospitium
 excepturus aderat, Rex cohibuit, Foxii
 mathematici, qui eo die perituum Re
 gem prædixerat, augurium, mirabili ar
 tis & falsi confinio, se salvo expletum, hi
 lari voce exclamans. Magistrum quoq;
 qui erraverat, indignationi Alberti, sol
 licitius irascentis, quò se magis absolue
 ret, eripuit.

I V. Viduus Rex erat, mortuâ non ita
 pridem Radzivillâ, postquam diadema
 Regium, accurante marito, proceribus
 conniventibus, suscepisset. Novum et

go conjugium suasu Senatorum ambien-
ti, Catharina Cracoviam adducitur, Au-
striaca stirpe, olim Francisco Mantua Du-
ci nupta. Cum hac in Lithuaniam, quam
unice adamabat, aliquot annos inturbi-
dos habuit, nisi si quas interdum nebulas
interspergebant religionum turbæ, quas
pridem gliscentes veniens à Pontifice Le-
gatus, extinguere non potuit, sectis vari-
is ab ipsâ gentilitia libertate vires sumen-
tibus, quibus nec Aula fortiter satis contra-
ibat. Non nihil etiam Regem turbabat ma-
ter Bona Zfortia, quæ postquam XL an-
nis vixisset in Polonia, tandem obtentu
valetudinis curandæ in Italiam ad suos (e-
rat enim Duce Mediolanensi genita) pro-
ficiscendi animum cepit. Non decorum
sibi Rex putabat matris discessum, ave-
ctura in super alienam in terram debitos
Filio thesauros. Illa adversum Regem
sentiens, tanto acrius institit, acuate in-
stitutum pridem abscondi desiderium, filio
cedendi verecundiâ. Mox dolum ad-
dens contumaciæ, donis suffragia proce-
rum quorundam, quibus obnoxium prin-
cipem noverat, emercatur. Interposuit
quoque pro matre preces Isabella Un-
gar

riæ Regina Augusti soror. Ita dimissa vi bel
vix annum in patrio solo exegerat, cum aliq
extincta est, dubium an quæsitâ morte. tos, q
Plurimi Laurentii Papagodæ dolum su- incen
spectabant, grassatum credentes & vene- digni
no in principem, cum reditûs cupidam successe
cerneret, & testamento ficto in Ducatum Ace
Barensem, quem Augusto debitum Philip- ba, cu
pus Hispaniæ Rex ut complementum re- ante ha
gni Neapolitani sibi vindicavit, elusis sa- tempu
tis superbe legatis, quos Augustus subin- tanden
de repetundarum causâ mittebat. per M
pto. L

V. Livoniam Lithuanix Prussixque pares a
confinem provinciam agitabant ea tem- unum
pestate super Moschorum prævalida arma, Reval
domi nata inter Archiepiscopum Ri- dunt,
gensensem & Magistrum ordinis Theutoni- gistro
ci dissidia. Augustus
Quibus initium assumptus ab Archiepiscopo Brandenburgico Prince- Augu
pe Coadjutor, ut vocant, Christophorus men n
Dux Mechelburgicus, præbuit. yaniæ
Eoque crevère, ut Archiepiscopum quidem ad- uratis
versarii in vincula datum indignè habe- etati e
rent. Ea res Augustum movit, ut illi, is telo
quippe consanguineo suo, auxilium ferre re subj
moliretur. Contracto mox ingente ex- cho in
ercitu Livoniam ingressurus erat, nisi no- utrinq
vi belli

vi belli fama exciti Imperator, Rex Daniæ
aliique Principes misissent properè lega-
tos, qui lite compositâ, orienti materiam
incendio præciderunt. Restitutus ita
dignitati suæ Archiepiscopus, eidemque
successor designatus Mechelburgicus.

Acquieverant utcunq; domesticæ tur-
bæ, cum Moschus majore, quam unquam
antehac, impetu insurgit. Intra breve
tempus Narvam, Neuhausium, Derpatû,
tandemque Felinum occupat, ipso insu-
per Magistro Livoniæ Furstenbergio ca-
pto. Livones suæ sibi defensionî jam im-
pares ad externa auxilia respiciunt. Non
unum tamen omnium perfugium fuit:
Revalienses Erico Suecorum Regi se de-
dunt; Archiepiscopus Rigensis cum Ma-
gistro Livoniæ, & subiectâ nobilitate ad
Augustum Regem se recipiunt. Qui ta-
men nisi se suaq; omnia Poloniæ ac Lith-
vaniæ regimini subicientibus & fidem
juratis patrociniû polliceri noluit. Cun-
ctati equidem illi, sed urgente necessita-
tis telo, satius tandem judicant imputa-
re subjectionis leges Polonis, quam à Mo-
scho irato accipere. Dato discutiendis
utrinque conditionibus tempore aliquo,

tandem Magister ordinis Gothofredus Ketlerus, solenniter magisterio se ordinis abdicat, arcemque Rigenſem, in qua hæc agebantur, atque ipsam etiam urbem Nicolao Radzivillio Palatino Vilnensi, qui Regis nomine aderat, tradit. Ipse vicissim à Radzivillio Curlandiæ & Semigalliæ Dux, postridie verò Prorex gubernatorque Livoniæ proclamatur.

VI. Novæ ita Provinciæ accessione aucta Polonia, bellis quoque novi implicata est. Nam & in Moschum magnæ Livoniæ parti incubantem, & tum Tartaro adeptis Astracano Casanoque regnis, insolentioſiorem, arma sumenda erant, nec cum Erico Sueciæ Rege, cui Revalia se dediderat, diu pax culta est. At contra illum quidem primò ad Nevelam non infeliciter pugnatum est, Ducum inprimis virtute, inter quos Stanislaus Zamoſcius & Johannes Zborovius eminuere.

Sed paulò post circumagente se fortunâ obsessa ab hoste Polocia ampla urbs, & tandem crebris tormentorum, quæ plurima & raræ molis adduxerat, arietationibus expugnata est: magnò Regis dolore, quem auxit nuncius occupatæ à Re-

valienſi

valiensi praefecto Parnavia, oppidi ob faciles appulsis commerciis peropportuni. Conspiraverat quoque cum Suecis Christophorus Mechelburgicus, Archiepiscopi Rigensis adjutor, quo mortuo locum ejus invitis etiam Polonis occupare tendebat. Sed à Duce Curlandiae & Ernesto Vejero in arce Dolensi captus, missusque in Poloniam quinquennii integri vinculis defectionis suae & simul patratae cadis (nam Vansovicium quendam ad mensum pugione transfixerat) poenas luit. Idem fatum in Suecia Johannes Finlandiae Dux subiit, quem Augusto ob duellam sororem affinitate innexum, hucque adeò inclinatiores animo creditum, Ericus frater Suecorum Rex carceri inclusit.

Tristitia haec reportata paulò post illustris in Lithuania de Moschis victoria pensavit. Duplici illos agmine in Lithuaniam effusos eadem utrosque fortuna deprehendit. Namque alteros quidem Nicolaus Radzivillius & Georgius Chodkievicius Duces exercituum aggressi ita occidere, ut supra viginti millia ferantur occubuisse. Ducem eorum Suiscium præ-

lio elapsum agrestis quidam obtruncavit. Cæteros Stanislaus Pacius, Dapifer Lithvanix memorabili itidem strage profligavit, tormentis insuper eorum potitus. Interjecto aliquo intervallo Parnovia, quam paulò ante occupatam à Suecis diximus, recuperata est, proditione maximè Germanorum, quorum aliquot turmas Suecus exautoraverat. Pars illorum maxima excedit urbe, tanquam ad Curlandum itura, alii nescio quæ negotia prætexentes manent. Convenerat autem inter ipsos, ut hi illos noctu portis apertis in urbem admitterent. Quod & factum. Ingressi enim tanquam valedicturi domum Senatoris, penes quem claves urbis, cupulisque instructis commessantes hospitem ipsum vino deponunt. Ita clavibus potiti, nocte serà commilitones pridie egres sos intromittunt: Fit impetus in Suecos, Germanis qui Sueco usque merebant, si quiescerent, promittitur impunitas. Occupatâ urbe arx adhuc restabat. Sed & hanc Sueci post toleratum sesquimen sis obsidium dedidêre.

VII. Sub hæc tempora rediit in Poloniam Adamus Konaricius aureorum ali-

quot

quot millia Neapoli ab Hispaniæ Rege
ferens Augusto. Id fœnus erat pecunia-
rum, quas Bona nuper mutuò dederat Hi-
spano. Sed Regem non ita allata exhi-
laravit pecunia, quantum prærepta Du-
catûs Barenfis hæreditas offenderat. Sa-
nè quovis modo ob id Austriacis ægre fa-
cere laborans, Catharinæ uxori repudium
denunciare machinabatur, obtentui sum-
ptâ mulieris sterilitate. Quanquam nec
ex cæteris uxoribus prolem Augustus un-
quam susceperat.

Quâ orbitate credo motus seriò agita-
re cœpit, ut provincias Lithuaniam, per
Casimirum Regesque proximos averfas,
regno redderet uniretque, dudum id ur-
gentibus Polonis. Hactenus tamen Pro-
ceres Lithuaniam obstitant consilio, atq;
inprimis Nicolaus Radzivillius. Sed is
recens obierat, vir maximis in Lithuaniam
muneribus perfunctus, aliis forsan eo no-
mine invisus, quod primus Vilmæ, homi-
nibus Calvinî nomine exosis aulam in-
dulsit, in quâ sacris suis operarentur; Bib-
liorumque in vernaculum translationem
procuravit. Eo mortuo, priscum illud

K3 Lithua-

Lithuaniam cum Polonia regno foedus renovatum sancitumque est.

Paulò post & Albertus Prussiae Dux, mortuo patre, obsequium fidemque Regi ac Regno juravit. Cui vicissim Rex privilegia vetera stabilivit, additâ insuper Augustanae, quam vocant, confessionis libertate, appellandique ad tribunal Regium necessitate remissa. Diverſa ab hoc Gedanensium fortuna fuit, qui magistratui suo discordes, cumque peculatus reum agentes movêre Regem, ut mitteret iudices causâ inter partes arbitrarios. Illos metuens magistratus agrè nec nisi certas condiciones stipulatus, in urbem admittit. Quod indignè ferens Rex, poenae loco, nova onera reluctanti jam non audentibus imponit, portorii, quo solus ante Senatus fruebatur, partem aratio Regio addicens, porroque injungens, causâ ut ipsorum, quae hactenus Prussiae limites non egrediebantur, in foro Polonorum disceptarentur. Usque adeò magno plerumque constant civitatibus discordiâ!

VIII. Livonia lacerabatur adhuc inter variorum dominorum manûs. Arcem

cem Revaliensem Sueci proditione equitum quorundam auctore Nicolao Cursellio amissam, mox eodem penè mense proditione recepêrunt. Eandem paulò post Magnus Holfatiæ Dux & Ofsiliæ (quæ insula Livoniæ opposita jacet) pridem Dominus, nuperque à Moscho Rex Livoniæ renunciatus, aggreditur. Sed Revalienses, nec suadâ, quâ ut Germanum principem Germani Suecis Polonisve præferrent, monebat, nec exercitu, quo à Moscho instructus, urbem circumvenerat, moti, constantiâ suâ obsessores Moschos ad fastidium cœpti obsidii egêre. Qui conceptam apud Revaliam bilem in Finlandiam Suecorum provinciam evomunt. Ubi tam improbè crudeliterque multa patrârunt, ut odium sui Germanis injicerent, quantumvis sub signis ipsorum merentibus. Inter hos Rosa equitum præfectus, Derpatum invadere decreverat, ut à Moschis liberaret. Vicisset misera urbs, si vinci tum potuisset. Sed re ab illo minus cautè administratâ; nec ab oppidanis, quippe ignaris consilii, adjunctâ, nihil aliud effectum est, quam ut in mîseros cives Tyranni Moschici Johan-

nis Basilidis tanto atrocius sæviret immanitas. Nec satiare se hic tam paucis scilicet victimis potuit. Redux domum, in captivos, quos quadringentos ex Livoniâ abduxerat, quicquid audere Tyrannis potest, exercuit. Parum fuit, totos greges non virorum tantum, sed & puellarum puerorumque simul enecare. Ingenium advocari oportuit ad excogitanda suppliciorû genera, quæ aliquid morte gravius haberent. Plenum furcis crucibusque forum fuit, passim etiam athena aquis bullientibus, in quas vivi homines conjiciebantur, fumabant. Sed inprimis memorabilis est, quam in puellis quibusdã germanis liberalissimæ formæ exseruit, impietas: Redimere has aliqui numerato argento nitebantur. Ipsæque pro incolumitate sua omnia tentabant: cum obstinatum viderent Tyrannum, libertate velut ultimùm usuræ, immanitatem ei acerbè exprobrant, vindictam etiam cœli imprecantes. Ille virulentior factus, primum alios captivos coram ipsis aquis suffocari, vel dissecari gladiis jubet. Ipsas dein alligatas asseribus carnifices miserimè excipiunt, ungues etiam manibz effodien-

fodientes. Extractis ita, quo diutius morti velut suæ superessent, supplicii cruciatibus, cum atrocissimis questibus cœlum implerent, tandem exsectis linguis suffiguntur verubus, flammisq; suppositis in cineres rediguntur. Non referam hîc, quâ crudelitate Cancellarium suum mutilandum discerpendumque curaverit, non alia, quibus ante me totos libros implevere autores. Mihi compendium scribenti satis est unum exposuisse facinus, ad monstrandam immanitatem hominis, qui Christianum nomen præferens, Phalaridas omnes anteivit.

IX. Eodem tempore apud Valachos simili ferme impotentia dominatum Iuonia exercebat. Qui Stephani Valachorum Principis è concubinâ filius, nuper Johannis Firleji aulæ tum Regiæ præfæti (Mareschalcum vulgò vocant) famulatus fuerat. Post ad Turcarum Imperatorem delatus, Valachis Bogdanum principem ob Polonorum inprimis familiaritatem spernentibus, dignus imperio visus est. Nec minuit illi amorem crudelitas apud subditos, gentem & ipsam immanem, & sic quasi suos mores in ali-

o non averſantem. Certè etiam poſt plurima ſævitie exempla Iuoniam omni ope defendêrunt adverſus Bogdanum, nullâ ipsis cognitum injuriâ. Cæterum hunc conantem amiſſam dignitatem repetere, adjutum proceres quidam Poloni ivêre. Inter quos eminebant Nicolaus Mielecius, Sienvius, Herburtus, Johannes Jordanus, Stanislaus Lanſkoronius. Sed hi terram hoſtilem ingreſſi, potentiam hoſtis, Turcarum viribus ſuccincti majorem ſenſere, quam ut ſubigi poſſet manu privatâ. Velitationibus tamen nec non duellis quibuſdam ſatis palam fecêrunt, invictos Turcis Polonos eſſe, cum pares paribus congregiuntur. Primam aleam Stanislaus Viſſempus ſubiit, parvus corpore, magnus animo, utroque ita firmatus, ut proſilientem provocantemque Turcam uno venabuli ictu tranſverberaret. Paucis poſt diebus alius è Turcis evolat, ad certamen ciens Stanislaum Ciolcum, armis habituque fulgidum, adeoque præ cæteris oculos hoſtis ferientem. Qui promptus animo, & clareſcere properus, illico à Palatino Podoliae Mielecio copiam petit congregi-

end i

endi. Hoc pertinaciter abnuente, ali-
cui saltem ex suis id ut permittatur, orat.
Id cum impetrasset, deposcit sibi certamē
Paulus Chanzovius, præsentemq; Turcam
hasta adoritur, irrito tamen, quem alte
paraverat ictu. Post districto ense fron-
ti adversarii vulnus figit, extrahentemq;
hærens ferrum brachiis implicat. Elapsus
tamen nescio quomodo Turca, vulnere,
quod lethale acceperat, movet socios, ut
ad vindictam prorucent. Jamque in-
terim ad Polonum etiam duo alii accur-
rerant. Quibus mox magno hostium nu-
mero circumfusus Herbertus & Volscius
subveniunt; secutique eos alii insuper
justi pene prælii specimen dedere. Nam
& hostis omni vi contraibat. Sed ardo-
re impetuque instantium Polonorum, ad
ipsa usq; stativa Valachica compulsus est.

Nec verò postea quoque desit rever-
tentes Chocimum Polonos lacessere,
quamvis magno subinde detrimento suo.
Fuit, cum a Johannis Jordani hastatis, ve-
litibusque Herburni, ita acceptus est, ut
pilei s caterisque impedimentorum ob-
jectis, præpedire celeritatem insequenti-

um Polonorum conaretur. Sed hi firmato adversus prædam animo ita strenue fugientibus insliterunt, ut longius etiam, quam par foret, provec̃ti, cum in alios sexcentos Turcas incidissent, magna virtute iterum pugnaverint. Herburtus tum præfens vitæ periculū incurrit. Procul enim à suis inter Turcas ignaros vagans, cum hostem se, inflicto uni ex illis vulnere prodidisset, à duobus Turcis ex utroque latere invaditur: Unius sarissa prope equo illum ejecerat, nisi altera parte irruens simili telo hostis defluentem restituisset. Ita miro fati velut ludibrio, stimulati impetu equi ad suos pervasit.

Reversis per tot discrimina Polonis, gratias quidem Bogdanus habuit, sortitamen suæ, cui erigendæ tanta virtus non suffecisset, diffusus, in Moscoviam contendit, ubi & exilii molestias matura morte finivit. Poloniam verò tum pestis populabatur, quâ & effectum est, ut nec comitia Varisaviæ indicta haberi potuerint, & Rex ipse ab infecta urbe ire Knischinum coactus sit. Ubi assecuta eum mors,

non illo quidem contagioso, sed lento
 pridemque concepto morbo confecit.
 Principem moderatum, alicubi remissum,
 bonarum artium, imprimis secretiorum,
 amantissimum, nec bellis degenerem,
 quæ tamen plura autoritate amo-
 vit, quàm armis pa-
 travit.



Anno Mundi servati

M D LXXIV.

Breviarium.

Mascula Jagellonidum stirps extincta. Unde multorum arrecta studia. Candidati erant Austriacus, Dux Andegavensis, Rex Suecia, Dux Moscorum. Aliqui etiam Indigenae. Sed hi statim rejecti. Pro Ernesto Austriaco oratio Episcopi Plo-censis. Pro Henrico Valcho Karnkovii oratio progius accepta. Moscorum factio sprete, Nec qui pro Joanne Saccie Rege nitebantur, auditi. Consuetudinis novum dissidentiam munimentum. Pro diuina Electione tandem sopita, Et in Henricum Andegavensem consensus. Desiderati in Galliam Legati. Qui de conditionibus transgêre. Henricus in Poloniam venit.

Coro-

Coronatur Cracovia. Samuel Zborovius Andream Vapovium non procul à palatio Regis lethaliter sanciat. Carolus IX. Rex Gall. moritur anno 1574. in April. Henricus, in Galliam properans clam Cracoviâ discedit. Aliqui procures insequuntur. Sed Regem à cœpio itinere revocare nequeunt. Mittuntur Legati in Galliam Regem reposcentes. Cum frustra diu expectatus esset Rex, interregnum proclamatur, & electi duo. Stephanus Bathoreus ante veniens sceptrum adipiscitur.

INTERREGNUM.

Cum Sigismundo Augusto regnatricis in Poloniâ Lithuaniâque Domus masculinum genus extinctum est. Nullam enim is prolem, Sorores verò duas, Catharinam & Annam, reliquerat. Illa Joanni Finlandiæ Duci, post & Sueciæ Regi nupta, Sigismundi III. Regi, Poloniæ & Sueciæ mater fuit. Altera diu cœlebs, postea provectâ ætate, Stephano Regi juncta, sine sobole decessit. Post Augustum igitur Polonia, quæ duobus amplius seculis ex stirpe Jagelloniâ Principes sumere consueverat, hæreditas esse desinit.

Et

Et eò vehementiore tum curâ ordinum
Poloniæ animi, juxtaque exterorum Prin-
cipum studia exarsêre. Multi enim eorû
aut ambierunt ipsi Regnum, aut ambi-
entes commendatione & ope juverunt.
Inter candidatos professi sunt nomina
sua Ernestus Austriacus Cæsaris Filius, Jo-
annes Succia Rex, Magnus Dux Mosco-
viæ, Henricus Andînus Caroli IX. Galli-
arum Regis frater. Et singuli isti repe-
rerunt hîc, aut conciliarunt sibi fauto-
res. Sed nec desuêre, qui Indigenam ex-
teris præferendum judicarent. Et pluri-
mi ex præcipuæ notæ Senatoribus, stimu-
latione diversa nominati sunt, qui-
dam ut digni hoc honore, alii, ut auge-
sciente talium numero, eò magis hæsita-
ret electio, & tantò facilius in externum
inclinaretur. Nempe decorum quidem
Poloniæ videbatur, produxisse tot sceptri
patrii capaces viros: sed gloriæ præhabi-
ta est cura libertatis. Quæ ut æquali Ci-
vium jure maximè efflorescit: ita inter fa-
milias regnatrices, facilè exolesceret: e-
gressuris civilitatis modum non modò il-
lis, qui ad Regium fastigium pervenissent,
sed & omnibus, qui affinitate eos attin-
gerent.

gerent. Quam ob rem etſi Reſpubl. Piaſtos quidem aliquos (ſic enim hîc indigenas ejuſmodi candidatos appellare moris eſt) educaſſe viſa eſt, jamdudum tamē nullum præficere ſibi ſuſtinuit : minus ſibi ab externo principe, quam domeſtico ambitu periculum eſſe arbitrata. Et nunc obſectum de ejuſmodi Piaſto molimen ludibrio primū cefſit, cum inter alios magnos Viros, in quibus Koſtka Caſtellanus Gedanenſis plura cæteris ſuffragia tuliſſe viſuſ eſt, juxta nominaretur homo quidam nominis & virtutis obſcuræ. Sed eodē quoque Joannis Zamoſcii Præſecti tum Belzenſis ſagacitas profuit, cum publicè rogavit, ut Indigenæ illi vel candidati eſſe deſinerent, vel campo Electioni dicato decederent : quò liberius proferre poſſet, quid in quoque vel laudet, vel deſideret Reſpubl. Suſceptum id magno applauſu, ſed ſimul id quoque effectum, ut mox ultrò quiſque Elector regnaturi, quam Regni candidato eſſe mallet; quia in tanto competitorum numero ſpes ſceptri adipiſcendi incerta erat, offeſa ab illo, qui præpotuiſſet, velut in æmulum certiffima. Eò proniore tandem

via ad externos tranſiit eligentium cura.
 Ac primum pro Erneste Aulſiaco Petrus
 Myſicovius Plocentis Episcopuſ, ad-
 ſtantibus earundem partium anteſigna-
 nis Fabiano Cema Palatino Mariæ-
 burgenſi & Stauislao Slupecio Lubli-
 neniſi Caſtellano, in hunc mo-
 dum peroravit: *Erneſti Archi-Ducis de-*
cora memora. uro modus verborum citius,
quam copia rerum deſuerit. Nam primū
Domo, e qua natus eſt, nulla in Orbe illuſtri-
or atque anguſtior eſt. Quippe qua & Ger-
maniam & multa ſtorentiſſima Regna diſio-
ne ſua complexa, nec minus virtutem, quam
Imperii ſedes eſt. Sed & magnitudinem ejus
eſi invidia obnoxia, niliſſimam tamen ſen-
tiri Chriſtianuſ orbis, cujuſ illa adverſuſ Tur-
cicam potentiam preſidium eſt ac munimen-
tum. Eo ipſo in Polonia communione bello-
rum jam dudum juncta, ita affinitate ſan-
guinis Principibuſ Jagelloniſ proxima. Ita
ut Erneſtuſ Archi-Dux non ex peregrina
Polonia, ſed gentilitia quodammodo ſtirpe
progenituſ videri poſſit. Avia quippe ejus
Vladislao Jagellonide Ungaria & Bohemia
Rege, Caſimiri III. filio, Sigifmundi I. fra-
tre genita eſt. Et tanti hujus familie affini-
 tas à

tas à Senatu Polono habita fuit, ut is defuncto proxime Regi Sigismundo Augusto ex Domo Caesaris Conjugem ducendam suaserit. Quam cum ille ob sterilitatem postea repudiaverit, dedit potens illa Domus grande moderationis specimen, cum aut pro injuriâ non habuit repudium, aut Polonorum amicitia id remisit. Eo præterea commendabilis hæc familia est, quod Principes ingenitâ quâdam nobilitate bonos producit, & quos genuit, magnâ & curâ & quasi sanctitate educat. Ex tali stirpe & disciplinâ offertur jam Nobis augustus sanguis, filius Casareus. Quem uti & fratrem ejus Rudolphum Philippus II. Hispaniarum Rex, Caesaris patruelis & gener, liberali severitate, procul à maternis & voluptatum blanditiis, habitum, ad omne virtutum genus exercuit. Et feliciter cessit educationis rursusque : cum prior avo Rudolphus non ita dudum ad Ungaricum Regnum evehi, alter hic Polonici candidatus esse meruerit. Optime & tot Heroum sanguine dignissima indolis est. Linguas Principibus utiles callet : nec Sclavonica nostræ ignarus, cum Bohemica assueverit. Etate porro ejusmodi est, quâ & discere quæ desunt, & ad mores nostros flecti facillimè possit. Adeoque inter nos adolescendo, eò arctius nobiscum coalescet.

scet. Jam commoda, qua illo electo ad Rem-
publ. nostram redundabunt, quis non videt?
Nam totius profectò Austriaca Domus, quæ
tam latè regnat, amicitia magno nobis & de-
cori & presidio esse potest. Quippe qua novo
hoc vinculo nobis innexa, & Ungaros & Bo-
hemos, & Alcmannos omnes, & Belgas, ad-
de & Italos & Hispanos Reipubl. nostræ va-
lidissimè illigabit: Eiusque beneficio ad tot
ditissimarum gentium societatem, commerci-
umque, maximo nostro compendio, admitte-
mur. Et in aliquibus vectigalium immuni-
tatem promittit nobis Cesar. In Ungariâ
præcipuè, ubi Vini in Poloniam importati præ-
mium, vectigalia hæctenus usitata multum in-
tendère. Porro autem nos tanto amicitia Au-
striaca accessu formidabiles erimus hostibus
nostris. Moschus qui de Livoniâ tot jam an-
nis cum Regno nostro dimicat, provinciam il-
lam potius omittere volet, quam veterem cum
Cesare necessitudinem exuere. Si quid etiam
super Prussiâ difficultatum cum imperio su-
perest, id, sub tali Rege, exolecet. Turcæ
quantoperè hac ingrata sit conjunctio, satis
ipse significat, quando tanto molimine impe-
dire eam, adeoque animos nostros in Galliam
sibi amicam deflectere conatur. At hoc i-
psum cò magis stimulare nos debet, ut noli-
mus,

mus, quod cupit hostis : & utilia nobis futura credamus, qua ille pestifera sibi fore sentit. Utinam verò tandem illucescat illa dies, quâ arctissimis fœderib9, contra communē Christi ani nominis hostē gentes conspirent, quarū ille discordiis hactenus tam vastam potentia molem extruxit. Neque verò est, cur ipsam etiam Domus Casarea magnitudinem metuamus. Tot illa amulis, tot hostibus velut circumcumsiderur, ut nisi pietate, justitiâ & clementiâ, firmet res suas, multis maximis periculis sit obnoxia. Sed, stetit hactenus Deo & virtute nixa. Longam ibi seriem optimorum principum numeramus, Tyrannum non vident, nec legimus. Sumpta aliquando de rebellibus supplicia, in Bohemiâ imprimis, sed justissima; & intra paucos constiterunt. Tributa ibidem non magis Princeps, quam necessitas imperat, bellis Turcicis perpetuò ferè baurientibus erarium. Neque tamen quicquam immodicum exigi, vel ex Iescinio Radoviensi Præfecto intelligimus, qui bona Casareis terris vicina, aliqua & obnoxia habet. Ne in Religione quidem qui à nobis dissident, habent quod metuant. Innumeri enim sub Casare diversorum sacrorum homines vivunt non tutò modò, sed in luce etiam honorum. Cujus rei vel Collegam meum Episcopum

pum Cracoviensem & Lucam Podoscium Canonicum Cracoviensem habeo testes. Tanta libertas cum ibi sit, ubi major potestas est dominantis, cur nobis chimeras servitutis fingimus, qui non Casari, sed filio ejus nos subjiciemus & ita subjiciemus, ut & ipse prius legibus se nostris subjiciat? Hæc Episcopus Plocensis, penè consona iis, quæ antehac Legatus Cæsareus Gulielmus Rosenberghus collegæ Venceslao Persteinio comitatus, dixerat, cum in consessum Ordinum sub initia conventus illius fuerat admissus. Et ejusdem argumenti tum fuerat oratio Legatorum, quos Electores Imperii miserant. Expensa fuerunt, quæ isti omnes pro filio Cæsaris attulère. Sed plerisque ætas principis displicebat, nondum matura regimini gentis, quæ quo liberior, eò difficilior gubernatu foret. Huc requiri plenum robur judicii, & verfatam in negotiis experientiam, corpus ad laborem firmum, animum inter tot liberè intercedentium voces moderatum & multæ patientiæ. Educto verò in Domo regnatrice juveni patrium potius regendi morem placitum; nec defutura exterorum secreta consilia, volentium
potius,

potius, ut libertas principi, quam princeps se libertati attemperet: Externam porro regnantis potentiam alibi fortassis ferri, quia respui non possit. Polonis intolerabilem esse, quorum Rex quantum satis, possit, sed nihil sine Polonis posse debeat. Nonnulli & usitata inter accolae populos odia objiciebant, acerbiora hæc fore asserentes, ubi a mularum gentium una præesse, altera subesse videretur: adeoque, unde vincula amoris sperentur, alimenta potius irarum metuenda. Inter hæc privatim publiceque diversis studiis jactata, crescebant eo magis animi pro Duce Andino pugnantiū. Quibus jam dudum Joannes Monlucius Episcopus Valentinus præluferat, Vir agilis ingenii, & jam ante hunc conventū dexterritate, gratiæque morum, & facundiæ, aliisque potentibus agendi modis illapsus in animos plurimorum. Sed apertissimè omnium causam Gallicam amplexi fuerant Stanislaus Karnkovius Episcopus Vladislaviensis, Petrus Sborovius Palatinus Sendomiriæ, & Joannes Kostka Castellanus Gedanensis: Orsus prior Episcopus ita disseruit. *Cæteri candi-*

candidati Polonia Regnum propter se ipsos, Andinus propter Polonos expetit. Nobis qui hanc quasi viduam quam optimè elocare contendimus, non id spectandum est, quis ei loci vicinitate aut ambitu proximus instet, sed quis opis indigam optimè defendere possit. Ego vivente etiamnum Augusto Rege, futura Civili libertate prospiciens de multis mecum rebus, quæ è re publicâ forent, disputavi. Primum quidem cum nullum huic Regno periculum majus, quàm à Turcico Imperio immineat, dispiciendum quam maximè existimavi, uter ab illo periculo vindicare nos facilius possit, an qui Turcæ amicus nos ejusdem amicitia fœdere complexurus, an qui hostis illius perpetuus, nos iisdem secum bellis intricaturus sit. Priorem mihi placuisse fateor, neque dubito, aliis rerum gnaris & patria amantibus pariter præ altero placiturum. Deinde, cum Rex Dania belli Livonici occasione littoribus Prussicis infestus, Gedanensium nostrorum merces abstulerit, cogitandum credidi, quis rectius adversus potentem maris Regem juvare nos possit, illene qui terris maria ditione suâ junxerit; an qui in mediterraneo terrarum positis nec portum nec classem in mari habeat, neque ad eò instruere possit. Quid denuò mecum eâ in re definierim, vel me

me tacente quisque prudens intelligit, & haud
dubie necum sentit. Praeterea reputandum
credidi, Rempubl. nostrā nullo unquam tem-
pore de sanandis morbis suis agere commodi-
us posse, quam cum sibi relicta, liberè & ma-
la sua eloquitur, & remedia circumspicit.
Certum enim est, optimas legum nostrarum,
nos Interregis debere. Nec libertati meli-
us prospici posse, quā dum sine Rege sumus.
Neque enim unquam huic vidua proci desunt:
à quorum certaminibus inter se studus nihil non
quod in rem sit nostram, impetrari possit. E-
ligimus Dominum, sed quem libertati nostra
minimè gravem fore credimus. Ecquem au-
tem apertorem nobis iudicamus? an vicinum
dignitate familiae, atque opibus praevalidum,
unde adeo periculum sit, ne nos ceterorum
Regnorum seu prosperis, seu adversis obru-
at. An non potius longius petitum, & bonam
copiam ad beneficia Reipubl. praestanda ha-
biturum, nullam ad injurias. Quippe cui
quasi peregrino nulla potentia admiracula ni-
si a nobis, nostrumque adeo obsequium eò gra-
tius futurum sit, quia amor necessarius? Ta-
lis est Andinus Princeps, Christianissimi Re-
gis. Caroli IX. frater: amplitudine generis
nulli impar, etate & virtute par voto no-
stro & multis magnisque auctoramentis amo-
rem

rem nostrum prensans. Quod si de fide promissorum dubitare audemus, est in potestate nostrâ nexus quam validissimos dispicere, quibus eam nobis firmemus. Utique qua fide Regiâ illino spondentur, ejusmodi sunt, ut Rempubl. nostram non modo servare, sed & florentissimam reddere possint. Et promittuntur ab eo, qui malam fidem atate inidonea nunquam excusare poterit: promittuntur denique sponse fratre Rege, cui religio erit non prestare ea, qua tanto Regi non sunt praestitum difficilia. Nec beneficia hac viscata, aut à gente emulâ nobis gravia erunt. Potius vero à natione, qua vividâ & latâ indole, comi & prompto sermone ad nostram proximè accedit: expers lentoris, quem nec res, nec mores nostri ferunt. Et vel inde tacitâ quâdam inclinatione plurimum inter nos animos in studia Gallica ire video. Mihiq; non jam dubium penè est, hunc fato destinari Polonia Regem, qui nobis singulari quodam natura fortunæq; consensu monstratur. Episcorationem disertam & suavem, simili suffragio, sed majore, & in Austriacos acriore spiritu firmavit Zborovius Sendomiriæ Palatinus, Vir sanguinis opumque splendore & clientelis præpotens. Pothremò & Castellanus Godanensis scito admo-

admodum sermone ea quæ Gallo objectabantur, confutavit. Facta sub initium hujus Conventus aliqua mentio fuerat Ducis Moscorum; ostensumque à nonnullis, eo electo ingens, & Turcis ipsis formidabile Imperii Sarmatici corpus effici posse. Eo modo Lithuaniam Poloniæ Regno, & societati Ecclesiæ Romanæ innexam. Sed plerisq; aliis infinitæ potestati assuetus Dominator, libertati Poloniæ; gentisque barbaræ communio, politioni Reipubl. haud convenire visus est. Neque magnum ab inconditâ illâ & ad servitium natâ multitudine subsidium Poloniæ, potius verò inter tam diversos genios ac mores perpetuum certamen expectandum. Unde adeò nec diu, neque magno aliquo studio de Duce illo actum est. Longè acrior pro Joanne Suecorum Rege contentio fuit. Sed qui pro eo nitebantur, non sine multo obstrepentium tumultu, ut pro diversæ Religionis principe peroraturi, audientiam impetravêre. Horum præcipui erant Joannes Firlejus Palatinus Cracoviensis idemque Regni Marschallus, Nicolaus Mielecius Podolia, Anselmus Gostomscius Ravensis Pa-

latinus. Præivit Firlejus, virtutesq; Joannis meditationis elogiis edisseruit. *Iustitiam imprimis ac pietatis studium, animum constantem & rebus bonis malisque ad prudentiam exercitum, sed simul quoque favorem Dei singularem utrobique experiri.* Quippe qui ab iniquo fratre quinquennali carcere detentus, mira deinde vice fortuna, fratri victo eadem vincula injecerit. Victorius item ejus de Danis & Moschis reportatas. Proxima item cum defuncto Rege affirmatis jura, cuius cum sororem Catharinam duxerit Joannes, habendum & in ipso & in liberis ejus honorem sanguinis Jagellonis, cuius in hanc Rempubl. tanta merita essent. Non indecorem Polonis futurum Sigismundi I generum; qui & aetate, & virutibus maturis, lingue item commercio, & intus imprimis affectus nexu ceteros omnes Regni candidatos antecet.

Eadem ingeminabant Podoliæ Ravæque Palatini, sed hi omnes mirè votis suis adversos plerosque Polonorum sensere. Et Samogitiæ imprimis Præfectus Joannes Chockievicius multa dixit, quibus animi à Sueciæ Rege longius sunt averfi; præcipuo etiam propugnatore ejus Firlejo ideo plurimis, præsertim sacri ordinis, minus grato, quod magnis animis diffi-

centi-

dentium causam toto hoc conventu egerat: autorque habebatur consiliorum, quæ cœtu segrege, in pago Grochoviano, habebantur à quinque Palatinis, & Castellanis non paucis, inter quos & Comites Gorcani erant, & plurimi ex ordine equestrium. Horum maximè connisu effectum quoque postea est, ut dissidentium libertati novâ lege, quæ Confœderationis nomine hodieque celebris est, caveretur, etsi multum obnitentibus Antistitum plerisque; qui cum impedire non possent, quin diversa per Poloniam dogmata spargerentur, iis securitatem lege publica dari indignabantur. Neque nomen subscripsere, nisi additâ à plerisque cautelâ, ne ea res antiquitus receptis Ecclesiæ sacris fraudi esset. Cæterum habitæ de candidatis orationes distraxere quidam usque judicia ordinum, sed in Austriacum favor nec ad eò magnus initid fuit, & qui fuit, citò refrixit, non aliâ magis ex causâ, quàm quod Domus illa magnitudine suâ libertati Polonæ formidabilis videretur. Duæ ergò, maximæ factiones supererant, quarum altera Gallo addicta à Ciarnkovio & Sboroviis, altera

à Firlejo, Mielecio, & Gorcanis fratribus fovebatur. Neutra pertrahere ad se alteram, neutra etiam sciscere quicquam sola poterat. Et eò denique consensio efferbuit, ut cum utraque diu satis seorsim consilia sua agitasset, tandem & ad arma se accingeret. Et sic diu mutuis minis vis utcunque, non item metus arcebatur. Tandem ex castris majoribus, ubi in Andinum consensum jam erat, Joannes Sieracovius Lenciciæ Palatinus, Hieronymus Ossolinus Sendomiriensis, & Joannes Kostka Gedanensis Castellani, in pagum Grochovianum mittuntur, ut segreges illos inde ad communẽ consiliorum campum concordiamque invitarent. Hi suam suffragandi libertatem strepitu & signis strophio datis obturbatam questi, persuadente Ossolinio, miserunt denique & ipsi duos Castellanos Miedziericensẽ Andreã Comitem Gorcanum, tum Biecentsẽ Stanislaum Szafranecium, Nicolaum item Firlejum Casimiriensẽ Præfectũ, Nicolaum Senniciũ Succamerarium Chelmensem, qui significarent, se potiori suffragiorum numero non adversaturos. Cæterũ in le-

ges prins conveniendum, quibus futuri Regis potestas ex communi Civium consensu circumscriberetur. Intellectum facile est, legem, quâ religionis libertati cautum volebant dissidentes, desiderari. Illa itaque tandem approbata: seorsim tamen exhibita atque obsignata est.

Et mox verba concepta jurisjurandi, quod primùm Legati futuri Regis, & deinde Rex ipse præstiturus esset: scriptæq; juxta conditiones, Regi in posterum servandæ.

Quæ deinde advocatis in campum Legatis Gallicis exhibitæ sunt. Nonnullæ earû asperiusculæ videbantur Viris astrictiori Regum imperio innutritis. Sed quod ambiebatur, obtineri non poterat nisi pleno ad omnia consensu. Itaque conceptis verbis non tantum Henrici Ducis Andini, sed & Caroli IX Galliarum Regis nomine juravêre, utrumque Principem universas has conditiones à Senatu & Ordine Equestri propositas acceptaturum, jurejurando confirmaturum, & re ipsa præstiturum esse. Post juramentum deducti Varfaviam Legati, ibique XVIII Maji in templo post peracta sacra,

voce Firleji, tanquam primi in Regno Mareschalli, Henricus Rex Poloniae renunciatus est.

II. Finitis solennibus designati sunt ex utroque ordine Viri primarii, qui in Galliam irent, Regem inde in Poloniam deducturi. Princeps legationis Adamus Conarscius Episcopus Posnanientis fuit: cui adjuncti Albertus Lascius Palatinus Siradiensis, Joannes Baptista Tencinius Voinicensis, Joannes Tomicius Gnesnensis, Joannes Herburtus Sanocensis, Andreas Comes Gorcanus Miedziericensis, Stanislaus Kriscius Racianensis Castellani; Nicolaus Christophorus Dux Radzivilus Lithuaniae Mareschallus. Ex Nobilium ordine Joannes Zborovius Odolanoviensis, Nicolaus Firlejus Casimiriensis, Joannes Zamoscus Belzensis, Alexander Dux Prunscius Palatinides Kioviensis, Nicolaus Tomicius, alii. Sed ex his aliqui iter per Germaniam difficile & malè securum caussati, alii & reapse experti, praeproperè ad suos redièrunt. Reliqui in Gallia magnificè accepti, destinatum Henrico Regnum Poloniae obtulerunt. Simulque mox de conditioni-

tionibus utrinque actum: quarum hæ potissimum fuere: *Henrico possessionum, quas in Galliâ habere redius in Poloniâ inferendos; Nomina Sigismundi Augusti æ Gallico dissolvenda; Juvenes centum in Aulâ Gallicâ; alios insuper quinquaginta aliis locis alendos; classẽ instruendam in mari Baltico, fœdere & ope Gallorum bellum Moschicum conficiendum.* Aliquid etiam de matrimonio cum Anna Sigismundi Augusti Sorore injectum, quod non respuit quidem Andinus; attamen ad suam in Poloniâ præsentiam proferendum id negotium duxit. Cætera servaturum se jurejurando promisit. In nonnullis Carolus frater, Galliarum Rex, fidem suam juratus pariter interposuit. His ritẽ splendideque peractis præmissus in Poloniâ Joannes Zborovius, qui Regis adventum Ordinibus indicaret, ut tantò rectius apparerentur, quæ ad Inaugurationis solennia viderentur necessaria.

III. Rex ipse IV. Calend. Octobr. egressus Lutetiâ, comitante magno Procerum Gallicorum numero, per Lotharingiam, & Germaniæ ditiones, certante, quacunque transirer, Urbium Princi-

pumque hospitalitate; Poloniae Majoris fines 8 Calend. Febr. * attigit. Ubi à Stanislao Karnkøvio Episcopo Vladislavienſi & Pomeraniae, ſplendidâ oratione exceptus eſt. Poſnaniâ ingreſſuro occurrit Albertus Sandivogius Czarncovi-
us Majoris Poloniae Praefectus; Andreas Comes Gorcanus; Medzericenſis Caſtel-
lanus, Stanislauſ Przymius, Stephanus Grudzinius, Joannes Oſtorogus multiq;
alii ex proceribus. In Urbe Regem Viri quidam ex ordine Equeſtri primarii adi-
êre. Quorum agmen ducens Abrahamus Zbonſcius ſermone multû generoſo
& diſerto, eorum, quæ Regnum adituro ſcitu utilia eſſent, admonuit, multa etiam
in deſuncti Regis ſolutiorem vitam & ad-
miſſa in regimine errata liberrimè locu-
tus. Auditus patienter à Rege, atque ut
orationem ſcriptam exhiberet, per Nico-
laum Firlejum Praefectum Caſimirienſem,
nomine Regio monitus eſt. Quod & fe-
cit Zbonſcius. * Ex majore dein Poloniâ
Cracoviam deductus, ibidemq; die, Mat-
thiae Apoſtolo ſacrâ, celebri & auguſtâ
ſolenni-

* 1574.

* Anno Chriſti 1574. 21 Februar.

Solennitate inauguratus est. Festivitatem tamen publicam inauspicatus fœdavit casus. Andream quippe Vapovium, Castellanium Premisliensem, qui Joannem Tenczynium Castellanium Voinicensem supremum cubiculi Regii Præfectum in arcem comitabatur, in ipso Arcis Cracoviensis ingressu, Samuel Sborovius, primariæ Vir gentis, sed præfervidi Spiritus, Tenczynio autem infensissimus, & hunc omninò petens, clavâ rostratâ percussit. Quod facinus non procul à Palatio Principis, & in ipsis Inaugurationis Regiæ & Comitiorum auspiciis perpetratum, aulam omnem & Nobilitatem, inter duarum Principum familiarum factiones, mirè tum divisam, non mediocriter conturbavit: aliis eadem extenuantibus, ut errore factam, aliis contrà in immensum exaggerantibus. Sed Sborovius ubi gravius, quàm credidisset, percussus Vapovium de vitâ periclitari cognovisset, tempestivâ fugâ se subduxit: & paulò post Regio decreto perpetuò patriâ exesse jussus est, sic tamen ut infamiæ labe careret exilium. Quæ cautio à Fabro Pibracio, Regio Oratore, in promulga-

tione decreti addita, non parum invidiæ Regi, apud Sborovii æmulos, conflavit. Quam magis etiam postea asperavit Fratri ejus Petro Sborovio data Palatini Cracoviensis dignitas; postquam vacuâ hanc fecerat mors Joannis Firleji, qui seu amore religionis Genevensis, quâ Henricus in obfessâ Rupellâ persecutus videbatur, seu aliis ex causis electioni ejus diu intercesserat, & postquam in eam denique consensit, inauspicatum ejus eventum fore auguratus est.

I V. Senis istius præsagium paulò post subito Henrici Regis à Poloniâ abitu approbatum est. Quarto enim post inaugurationem mense, cum nunciû de morte Caroli Galliarum Regis accepisset Henricus, citra cunctationem in patriam redire statuit. Et quia verebatur, ne à Polonis attineretur, ipsis insciis adornandum sibi iter putavit. Decimâ igitur octavâ Junii, noctu, quò facilius omnes falleret, citatis equis viam ingressus Byczynam primum, vicinæ Silesiæ Oppidum, pervenit. Posterâ luce Regii discessû fama, atque inde dolor omnium & indignatio, tota Urbe bacchatur. Præcipuè

cipue vocibus cunctorum Karnkovius Episcopus Vladislaviensis, Joannes Tenczynius Cubiculi Regii Magister, Petrus Sborovius, Palatinus nuper Cracoviensis creatus vapulavit, ut Regi præ cæteris obnoxii dilectique, ac proinde scire consilia Regia potuisset, & impedire debuisset crediti. Pars quoque invidiæ in Joannem Demetrium Solikovium, Regi à Secretis, Karnkovii clientem, redundabat. Regem sequi cogitat Karnkovius, sed cum illum intra decimum lapidem non assequeretur, Cracoviam redit. Eundem verò assequuntur Joannes Tenczynius & Zebrzidovius; orantque, ut existimationi suæ & Regni, mutato tam inhonori discelsus cæpto, consulat. Fore deinceps in Galliam eundi, si aliter res non ferat, modum honestiorem. Rex imnotus ad hæc, & Galliæ Regnum sibi perituum, nisi ambiguas illuc res adventu proprio composuerit, obtendens; his constitutis, rediturum se in Poloniam promittit, & cum dicto simul detractum digito anulum Tenczynio tradit, alia ad Senatum referenda, literis in lecto suo relictis, ait, contineri, & plura additurum

Dan-

Danſæum, Aulæ ſuæ familiarem, quem excuſando diſceſſui ſuo in Regno reliquerit. Ita fruſtra diſſuadentibus Polonis, in Galliam ſuam tendit Henricus, idque, quâ rectiſſimum iter erat, per Imperatoris ditiones.

V. In Poloniâ interim Ordines, Conventu habito, Hieronymum Rozdrazevium Secretarium Majorem, & Joannem Thomam Droihovium in Galliam deſtinant Legatos, cûm literis, diſceſſum Regium acerbîus perſtringentibus. Eòdem, ſponte, conſcio tamen Karnkovio & Tenczynio, contendit Solikovius, aſſiduus deinceps Regi de promiſſo in Poloniam reditu monitor. Sed illi Principi objectæ in Galliâ difficultates plurimæ, curam repetendæ Poloniæ eximebant. Tandem tamen cûm ſeriò undique nuncii & literæ monerent, Poloniæ Ordines longiorem abſentiam diu non laturos, legatos & ipſe ſuos Bellegardium & Pibracium in Poloniam mittit. Sed illum per Italiam iter molientem conquirendæ pro Rege pecuniæ cura diu nimis attinuit, donec nuncium denique acciperet, alium jam Regem diſpicere Polonos, adeoque irritum

irritum iter suum fore. Pibracius verò in via spoliatus, cum nihilominus in Poloniam perrexisset, nullum hinc pariter itineris pretium reperit, quàm hoc ingratum, ut factam publicè Henrici Regis exautorationem ipse in Poloniâ præsens spectaret. Etenim postquam Poloni, præsertim, quotquot Henrico addictiores erant, se aliquandiu spe properi redditus Regii sustentavissent; hâc dein vanescente, de alio Capite eligendo deliberandum sibi putavêre. Et primus quidem conventus Stenficîæ habitus per suffragia dissona sine effectu disfluxit, aliis adhuc nitentibus pro Rege, aliis Pïastum aliquem seu domesticum Principem, aliis Cæsarem Maximilianum malentibus.

Sed non multò post Regni primas Uchanscius Henrico jam iniquior, denuò Ordines Varsaviam convocat, ubi publicato interregno, novæ Electioni IV. dies Novembr. designatur. Congregati istic cum Ordine Equestri Proceres in diversa iterum abeunt. Pars, exteros usque Principes aspernans, ex indigenis legi volebat Regem, eamque in rem præ aliis duò placuere, Joannes Kostka Palatinus Sendomiri-

domirienſis, & Andreas Tenczynius Bel-
zenſis Palatinus. Alii, in quibus Regni
Primas, Craſinius Epifcopus Cracovien-
ſis, Stanislaus Czarnkovius, Melecius item
Palatinus Podoliae erant, Maximilianum
Caſarem praëptantes, hunc ipſum No-
bilitati, quæ alio loco ſeparatim conſilia
agitabat ſua, miſſis internunciis, com-
mendare velle viſi ſunt. Cæterùm, nec
reditu internunciorum, nec conſenſu Or-
dinis Equeſtris expectato, Regem paulò
poſt Maximilianum nominavêre. Quæ
re offenſi Nobiles, tanto proniùs Maxi-
miliani adverſatoribus acceſſere. Itaq;
Annam Auguſti Sororem, Principem Po-
loniae inaugurant, eique Stephanum Ba-
thorem maritum, ſibi Regem deſtinant.
Diviſis ita in contraria ſtudia animis,
mittuntur ab Archi-Epiſcopo, & qui cum
eo faciebant, ad Caſarem Legati; mittun-
tur alii à parte adverſâ ad Stephanum.
Solutoque inter diſſidia conventu, qui
Stephanum elegerant, Andrejoviae ite-
rum; qui Caſarem, Lovicii confluunt.
Sed horum autoritatem alteri frequentia
vicêre, & multum iis momenti addidit
Karnkovii Epifcopi Vladislaviensis, acris
ingenio

ingenio & potentis facundiâ clientelisq;
 Viri, præsentia. Itaque dum Cæsar du-
 bitat, & suorum in Poloniâ clientum a-
 nimos in niâ cunctatione suspendit, Ste-
 phanus festinato per Valachiam Russiam-
 que itinere caput rerum Cracoviam pe-
 tens, æmulum suorum conatûs ante-
 vertendo evertit: favente ei, ut non ni-
 mis potenti, libertate Polonâ, & ut cali-
 bi, stirpe, quæ supererat, Augusteâ: ma-
 ximè omnium fortunâ ipsâ, quæ, cum
 magna offert, grato & alacri animo ac-
 ceptari amat, cunctantes, quasi spreta, pa-
 ri tandem dedignatione transit.

STEPHANUS BATOREUS.

AB ANNO CHRISTI M D LXXIV.

AD ANNUM M D LXXXVI.

Breviarium.

*Stephanus spera Regni ab exule Sborovio ac-
 cipit. A Karnkovio inauguratur Craco-
 via anno 1576. Suspiciones de Religione
 diluit. Lithuanos sibi conciliat per Chod-
 kevicium Sboroviorum affinem. Cæsa-*

rem placare conantur Regnicolæ, misso
 Crotovio Palatinide, & Solikovio. Quibus multa difficultates obijciuntur: Casaris morte illæ extinguuntur. Comitia
 Thoranii habita sine effectu disfluunt. Rex
 in Gedanenses movet. Res componitur.
 Paratur bellum in Moscos. Judiciis forensibus novum Tribunal à Rege, accurate Samoscio, instituitur. Zamoscio
 datur munus Cancellarii. Non sine invidia multorum, potissimum Sboroviorum.
 Livoniam interim Moscus occupaverat, & crudeliter habebat. Stephanus movet
 in Moscum. Podkova Muldovus ob
 seditiones punitur. Polotia deditur Regi.
 Arx item Sokolensis à Melecio Duce militum Polonæ occupatur, invidentibus ei
 gloriam Ungaris. Torus denique Palatinatus Polotensis recuperatur. Posthac Comitia habita, suspensiones & offensa quorundam discusse. Inprimis lis de peregrinis. Rex frustra alii bellum demandare
 rogatur. Finni deleti. Vielisa & Vsvovia
 oppida Moscorum capiuntur. Deinde
 major Urbs Wielkoluca. Alibi etiam Nevela & Iezeriscia, & postea Zavolocia.
 Moscus Legatos mittit de pace acturos.
 Castellanus Trocensis Radivilius Dux in
 inte-

interiora Moscovia mittitur. Riga princeps Livonia Urbs dedit se Regi. Rex Livoniam reliquam extorquere nititur Mosco. Novis exercitiis supplementis tributa sciscuntur. Itur Plefcoviam. Sed hæc validè defenditur à Mosco. Narvam Rex Suecia intercipit, Moscus reddit Regi Livoniam, sua recuperat. Pax confirmatur in Comitibus. Ad Livonia res componendas mittuntur à Rege viri idonei. Inter alios Solikovius, qui postea fit Archiepiscopus Leopoliensis. In Poloniâ multa sinistre in Aulam Voces. Inprimis propter Successoris electionem, quam Rex visus est querere. Zamoscus Regem purgans nec ipse effugit offensas. Rex iudiciis vacat securus suspicionum populi Comitibus frastenta. Zamoscus Batoream ducit. Eò magis suspectatur. Sborovius inprimis in eum ubique obliqui. Eorum unus Samuel à Zamoscio capitis pœnâ plectitur. Duo ejus fratres citantur ad Comitibus. Tertius Johannes, Castellanus Gnesnensis frustra se interponit. Christophorus Sboronius Regno abit. Rex Cosacos in ordinem redigit. In Livoniâ tumultuatur Riga, ortâ ex Calendario occasione. Dux Curlandia componit discordiam. Rex Turcicum bellum instinctu

instinctu Principum Christianorum moliens subito moritur.

IN Transylvaniâ, paulò ante Sigismundi Augusti excessum, Joannem Sigismundum, Sorore Augusti genitum, seu fato seu veneno properata mors abstulerat. Post hunc ad Principatum illum, Stephanus Batoreus, nullo sanguinis jure, sed virtutis famâ, & favore militum, quos tum frater ejus Christophorus regebat, evasit. Ubi cum Samuelem Sborovium ob eadem Vapovii Patriâ suâ exilem benignè habuisset, ab eo in spem Regni Polonici crectus est. Et postquam faventem hic Annam Augusti Sororem, majoremque partem Procerum & Nobilitatis reperisset, ostensum à deliberante fortunâ sceptrum, animo intrepido & admirabili celeritate, Maximiliano Austriaco, potentissimo æmulo, præripuit. Cracoviam 18 April. * ingressus, Regni insignia de manibus Karnkovii Vladislaviensis Episcopi suscepit. Nam Uchanscius Regni Primas, cui alioquin Regis inauguratio compete-
bat, Casareanarum partium us-
que

que pertinax, Cracoviam venire abnue-
rat. Eiusdem Karnkovii studio dubia
de Religione Stephani opinio extincta
est. Nam quod cum hominibus, à Ro-
manâ Ecclesiâ discordib9 hætenus vixis-
set, taliumque potissimum operâ ad Re-
gnum provectus foret, dubitare quidam
de Principis Religione cœperant. Sed
submissus à Karnkovio Demetrius Soliko-
vius mentem illius penitus exploravit,
additusque mox eidem sacrorum arbiter,
dubitantium scrupulos discussit. Non
minùs tamen dissidentibus quoque po-
stea satisfactum, quando libertati eorum
juramento Rex cavit.

II. Is jam porrò de sceptri, non sine
multorum dissensu impetrati, securitate
solicitus, discordes Regni Cives in suas
partes pertrahere nitebatur. Inter quos
primi omnium Lithuani ad obsequium
Regis venêre, prævio cæteris Joanne
Chodkievicio Samogitiæ Præfecto, simul-
que Lithuaniae Mareschallo, qui cum Pe-
tri Sborovii Palatini Cracoviensis affinis
esset, hujus curâ in ipsâ Electione novo
Regi fuerat conciliatus. Et promissa il-
lis jurium privilegiorumque integritas
tum

tum contra Moschum, jam tunc bellum
minantem, auxilium, animos caterorum
Provincialium tanto proniores ei reddi-
dit. Arduum magis cum Cæsare nego-
tium fuit. Qui lentè quidem, non minùs
tamen seriò res suas agere, oblatumque
multorum consensu Regnum Poloniæ
manu vindicaturus credebatur. Multo-
rumque judicio utilis rei Christianæ fore
videbatur Poloniæ cum aliis vicinis Re-
gnis sub unum idemque caput consocia-
tio. Sed Poloni suum jam Regem ha-
bentes, instantia Cæsaris arma, antequam
aliis modis arcerent, legatione avertenda
sibi duxêre. Delecti eam in rem Joan-
nes Crostius Palatinides Inovladislavi-
ensis & Joannes Demetrius Solikovius,
Secretarii Regii. His & iter & mune-
ris suscepti administratio multis difficul-
tatibus ac periculis constitit. Per inte-
stam sibi Silesiam, primò Pragam, inde
Ratisbonam, ubi Comitia Cæsar agita-
bat, profecti, reperiabant ubique, qui li-
quidum Cæsaris jus in Poloniam esse cre-
derent, asseverarentque. Ratisbonæ So-
likovius oratione publicâ ostendit, Con-
sensionem plurimum in Regno, promptum
que

que Stephani adventum Cæsari cunctanti dempsisse, quicquid ei juris ex paucorum à cæteris dissensu fuisse visum sit: simulque diluit, quæ Polonis ab adversâ parte objicerentur: inprimis de Transylvaniâ, quæ Turcarum Imperatori obnoxia, Stephanum quoque aliquo nexu, Christianorum hosti illigare videatur. Diu nullum responsum à Cæsare acceperunt Legati, ac multum interim ipsis negotii Albertus Lascius & Christophorus Sborovius, continui tum in Aulâ Cæsaris, gratiosique facessivêre. Adcò ut in duellum quoque alterum Legatorum Crotosium provocaverit Sborovius. Tandem verò à Cæsare comprehensum scripto responsum adepti, dum ad suos redire moliuntur, non procul à Ratisbonâ attinentur, Linciumque deducti, traduntur custodiæ. Causa obtendebatur, quod Kurbachius, missus à Cæsare ad Gedanenses Orator, ab Ernesto Vejero, in itinere, multis vulneribus affectus, jam morti, quàm vitæ propior diceretur. Eam juris publici violationem meruisse offensam. Cæterum dum hæc aguntur, Cæsaris morbus & brevi secuta mors impetendæ armis Poloniæ

loniæ consilia in filium deponit: qui naturâ benignus, & imperii tuendi, quàm proferendi, cupidior, pacem cum Polonis, quàm bellum maluit, & Kurbachium vivum in Poloniâ detineri intelligēs, datâ mutuae securitatis sponsione, captivos Regis Secretarios dimittit.

III. Illi Regem Thorunii Comitii agendis occupatum reperiunt. * In quibus cum relictas dissidiorum radices tollere Rex cuperet, non omnino parem voto sensit eventum. Hungarorum in Aula prapollentium mores, Polonis ingrati; tum præsidii ex illa gente conflati rapacitas, tardior denique conditionum quarundam executio, animorum erga Regem benevolentiam nonnihil jam refrigeraverat. Solenne præterea liberæ nationis genio est, in Comitiiis ostendere, non multum esse, quod Reges sine studiis Nobilitatis possint. Inde adeò languidius tractata negotia, & cum destinatum Comitiiis sex hebdomadam tempus per altercationum inania defluxisset, re infecta discessum est. Graviter id & in diminutionem sui Rex accipiens, dolo-

rem

rem suum publica Oratione testatum fecit per Joannem Zamoscium, Virum facundum; quemque Rex ob mirificas animi dotes intimis Consiliis immixtum, Vice-Cancellarii jam munere, non sine multâ aliorum, præsertim Sboroviorum, invidiâ, honoraverat.

I V. In iisdem Comitibus agi cœpit negotium, quod Regi cum Gedanensibus intercedebat. At id tamen, quia mitioribus nunc modis componi non potuit, armis postea transactum est. Partes illi Cæsaris, juxta cum Prussis reliquis, amplexi, tardius cæteris, fortunæ Stephani cesserant. Juramentum ab iis frustra aliquandiu postularat Rex, tandem autem factione Cæsaris, unâ cum ipso, extinctâ, præstare id receperant: sed eâ tamen lege, ut prius juriû suorum integritati, atque inprimis Augustanæ Confessionis libertati solenniter caveretur. Tum onera quædam, atque inprimis dimidii Portorii exactionem, Augusto ad finem vitæ ejus concessam, remitti sibi petebant. In nonnullis sine morâ illis satisfacere Rex promisit: alia graviora ad Comitibus Regni differri voluit. Quod forum cum

M

abnue-

abnueret tum Civitas, quæ se non Proce-
rum Regni, sed Regis potestati subjectam
diceret, severa in cives omnes & incolas
pronunciata sententia est, ut pro rebelli-
bus haberentur. Gedanenses scripto in-
nocentiam suam Orbi ostendere aggres-
si, nihilo segniùs etiam arma armis repel-
lere statuere. Conscribunt copias, iisq;
Joannem Colonium vulgò à Kòllen præ-
ficiunt, virum militiâ & inprimis Mag-
deburgo nuper strenuè defenso, satis spe-
ctatum. Rex cum antecursore exerci-
tu Joannem Sborovium in Prussiam
præmittit. Quem ad Dersaviam castra
metatum, longiùs à finibus suis repulsuri
Gedanenses, obviam procedunt, incon-
sulto sanè impetu & hinc infelice. Ad
lacum enim Lubissoviensè, qui non pro-
cul Dersaviâ abest, non sine tumidâ vi-
ctoriæ spe progressi, impari animis for-
tunam sensere. Celeritate quippe ex-
ercitus Polonici, cujus exiguo numero
generosi Ducis virtus multum addidit,
oppressi, plurimis in impare pugna amis-
sis captisque, ægrè, nec nisi sparsim, ad
mœnia Urbis evasere. Interim majore
cum exercitu suggestus Rex, montem E-
piscopa-

piscopalem (ita enim montium Urbi impendentium altissimus vocatur, quia major ejus pars Vladislaviensis & Pomerelliae Episcopi dominio subest) occupat; unde pronus in Urbem despectus, & eò certior globorum ex machinis jact9 erat. Parte aliâ propugnaculum, Vistulae ostio adsitum, ab Ernesto Veihero, equitum Germanicorum Praefecto oppugnabatur. Sed hic prosperior praesidiariorum in propulsandis obsessores successus fuit. Nam & pugnando non pauci Regiorum cecidère, & per navis onerariae Gedano submissae incursum, pons perruptus est, cujus ruina plurimum noxae obsidentibus dedit. Interim Elector Saxoniae & Brandenburgicus, nec non Hassiae Landgravius Legatos mittunt, animum Regis adversum Civitatem mitigaturos. Atq; hunc non inpromptum reperere, praesertim cum propositas ante bellum condiciones Urbs recipere jam vellet, & imminens Lithuaniae Moschus, Livoniae, & porro Smolenscensis Severiensisque Provinciae spoliis superbus, vires Polonicas aliò vocaret. Itaque Rex irrogatâ obsessis non modicâ multâ, nonnullorum onerum

vero, quæ tolli petierant, moderatione ad Comitiam remissâ, obsidio & proscriptione solutam Civitatem antiquo jure & libertate frui jussit. Onera porro alia, imprimis quæ ad portorium pertinebant, postea non Regni tantum, sed Comitiorum etiam autoritate sublata sunt.

V: Bellum Moschoviticum ardui moliminis, nec nisi rebus omnib9 recte comparatis, aggrediendum Regi videbatur. * Itaque Comitibus indictis, Ordines Regni convocat. A quibus & jussum bellum, & mox belli sumptibus tolerandis nuncupata tributa non modica, adeò, ut & Cracoviensis, Sandomiriensis & Siradiensis Palatinus consentire in ea nollet, ægrè demum à Rege ad commune ferendum onus, missis singulatim nunciis, postea adducti. His iisdem Comitibus Nobilitati Polonæ novum & insigne libertatis auctarium ac decus, instituto novo Justitiæ Tribunali, accessit. Hactenus à singulorum Palatinatum subcellis, in quibus causæ Nobiliū agitabantur, non nisi ad Regem patuerat provocatio. Unde creber ad Aulam decursus, & morandi

necessi-

neccitas multas molestias, sumptus, & tædia faceſſebat litigantibus. Ut plurimum enim cognitiones cauſarum lentè procedebant, Rege aliis identidem occupationibus diſtracto. Mutationem itaque in his jam dudum poſtulaverat Nobilitas, ſed Auguſtū deſiderio ſuo adverſum experta, ſuccedentibus poſtea interregnis, novam judiciorum formam, Regni Candidatis, inter conditiones & pacta injunxit. Tantò facilius jam Rex conſenſit, ut ex ſingulis Palatinatibus delecti Judices, hybernis menſibus, Petricoviæ, Majoris Poloniæ & adjacentium ditionum cauſas; cæteras Lublini, æſtivo tempore, cognoscerent, judicarentque ſine provocatione. Nihilominus aliqua ſummi momenti judicia Comitiorum auctoritati, quæcunq; autem ad bona Regia & fiſcum pertinerent, Regis cognitioni reſervata ſunt. In cauſis Sacris placuit, ut ſenis Judicibus Tribunalitiis Politicis totidem Eccleſiaſtici adjungerentur: Si Sententiarum Paritas rem indeſinitam reliquiſſet, ea, datâ ampliatiōe, ad Regem & Comitia rejiceretur. Omnia hæc potiffimum Joannis Zamoſcii conſilio & ductu

constituta. Quem his ipsis Comitibus magnū Cancellarium Rex creavit, Volscio, qui post Valentinum Dembinscium, eo munere, aliquot annis, functus fuerat, ad Episcopatum Plocensem evecto. Ullit iterum non modicè Sborovios ista tam luculenta Regii in Zamoscium favoris significatio. Hi enim suæ potissimum operæ sceptrum à Rege deberi existimantes, indignè ferebant, sibi alios præhaberi. Sed nimirum hi non pensi habebant, grata primum Regibus, sed mox gravia esse beneficia ab inferioribus profecta, præsertim si pervicaciter imputantur.

VI. Dum belli pacisque negotiis domi attineretur Stephanus, Moschus universam penè Livoniam occupaverat: nonnullis se istic Oppidis Magno Holsatiæ Duci, Moschi genero, sponte, & nimirum spe majoris sub Principe Germano libertatis, deditibus. Sed & hi propè omnes postea, à Moscho, nihil amplius generum morante (barbaries enim ista merè commodò suo metitur amicitias) vi ad obsequium redacti. Nihilque adeò præter Rigam, Revaliam & paucissima Castella, ab hoste intactum istic mansit.

Et

Et ubique ferè is, Vendæ potissimum & Ascheroti, horrendam in imbellem etiam sexum exercuerat crudelitatem. Vendæ fœmina reperta est, quæ hostem pudori prius, quàm vitæ aut fortunis imminere sentiens, pugione se transfodit. Altera, injecto in pulverem tormentarium igne, ædes cum fœminis, Virginibus, pueris, ut hostis libidini eriperentur, in aërem displosit. Sed Virginum una igne isto vecta potius, quàm læsa est: quippe non procul ab arce postea viva & incolumis reperta. Aliqua tamen Oppida Joannis Chodkevicii militares Præfecti, qui insolentiori ante regimine tedium sui Livonis, adeoque Magni Hollati desiderium conciverant, antequam Rex Livoniam ingrederetur, per insidias recuperavere. Et eodem tempore Moschos apud Vendam aggressus Andreas Sapieha, Korsio, Platero, Buringio comitatus, egregiam de hoste retulit victoriam. Sub ista venêre ad Regem à Duce Moscoviæ Legati. Sed quia is missos ante Polonos, inter quos Stanislaus Kriscius Palatinus Masoviæ fuit, contumeliosè exceperat, non habitus quoque Legatis ipsius usitatus ho-

nor est. Neque enim Rex assurgens, ut fieri aliàs consueverat antea, sed per Interpretem Valovicium Vice-Cancellarium Lithuaniae de valetudine Ducis Moschorum Legatos interrogavit. Quod illi probrosum Principi suo ducentes, tam obstinatum sibi silentium mox indixere, ut nullus eorum verbum amplius proloqueretur. Rex tali eorum offensâ haud minùs offensus, aliorum dein Principum Legatos audit, inprimis Saxonici & Brandeburgici Ducis, quorum uterque ad bellum Mōscho inferendum strenuè hortabatur. Postea rebus ubique rectè ordinandis, ut in longinqui belli apparatu necesse erat, intentus, Cracoviâ Varsaviam Rex movit. Grodnam cum venisset, habito Senatorum Conventu, non tantùm omnium propensas voluntates, sed & in copiis ad bellum submittendis magnam promptitudinem expertus est. De summo belli regimine cum deliberatio incidisset, id Nicolao Mielecio Podoliae Palatino committere visum est. Quamquam is, valetudine obtentâ, onus istud deprecabatur; quod haud dubiè solito difficilior fore Vir prudens senserat, quia in

in plures imperium armorum Rex diuise-
 rat. Lithuanis enim Nicolaum Radzi-
 villum, Ungaris Bekeßium (ut nunc ali-
 os mittamus) præfectum esse videns, ob
 multitudinem regentium, sine regimine
 & disciplinâ exercitum fore conjectabat.
 Sub id tempus Joannes Podkowa ad Re-
 gem adductus est, quem Joannes Zbara-
 scius Palatinus Braclaviensis, à Nicolao
 Sieniawio adjutus, ceperat. Muldauus
 is erat, tanto robore corporis ut ferreas
 equorum soleas manibus confringeret.
 Unde & nomen ei sedit. Cæterum
 parem corpori animum gerens, collectâ
 ex Nisoviis Cosacis manu, Alexandro fra-
 tre ministrante, Petrum Moldaviæ Pala-
 tinum exturbârat Principatu suo. In
 cujus postea locum quidam Jancula, ho-
 mo ex Saxonibus Transylvanis oriundus,
 corruptis auro Bassis Turcicis, successit.
 Podkova autem, quod concitâ multitudi-
 ne, circa Regni cum Turcis confinia,
 pacem publicam laceßere ausus esset, præ-
 sente Internuncio Turcico, qui ab Amu-
 rathe Imperatore missus punitam homi-
 nis audaciam aliis ostentui esse cupiebat,

M § multis

multis frustra pro eo deprecantibus, capite plexus est.

VII. Apud Moschos suarum sibi injuriarum, quas Poloniae & Lithuaniae intulissent, dudum conscios, armorum Regiorum apparatus strepitusque citò percerebuit. Attamen ut eo magis justum piumque bellum esset, legitime id illis per Basilium Lopatinseium Rex indicit, causamque denunciat, quod, offensâ Polonis specie pacis, Livoniam interim ceperint devastarintque, Regiosque porro Legatos alios deluserint verbis inanibus, alios ignominiose insuper habuerint. Ipse Rex cum exercitu, exeunte Junio, Vilnâ movet, lustratasque apud Suirum copias versus Polociam, Urbem Dunæ fluvio, quâ is Polottam amnem recipit, adsitam ducit: præmisso illuc duce Nicolao Radzivillio, Palatino Vilnensi, quem eodem filius Christophorus, cum expeditis Lithuanorum agminibus, comitabatur. Qui locum tenebant præsidiarii, cùm castra Regia in propinquo, & mox aggeres vineasque admoveri vidissent, non diu vim majorem morati, relictis propugnaculis, mox & Oppido ipso, in Arcem se recipi-

recipiunt. Cujus oppugnatio tantò difficilior reddita Regiis est, quod locus ingenio situs & arte benè munitus, magno jam insuper propugnatorum numero defendebatur. Præterea solum per se madidum, tum verò assiduitate pluviarum ad gradum prorsus instabile, mirè impediebat operas oppugnantium. Moschus denique Plešcoviâ copias, Duce Szeremeto, submiserat. Quæ Polociam tamen tendere non ausæ, apud Sokolum substitère, Interim excursibus earum impeditæ pabulationes annonam incenderunt in castris Regiis. Unde inopia ut omnes, sic potissimum Germanos, quos Rozrazevius Comes, & Ernestus Veiherus adduxerant, affligere cœpit. Quippe hi inter frequentes urbes agere ac bellare assueti, minus sibi de alimentis prospexerant, & cum locum in castris tenebant, ad quem commeatus nonnisi postremò perferebatur. Faciebat jam fames & juxta tempestatum atrocitas metum, ne deferere obsidium Rex cogeretur: cum 29 Augusti post aliquot foedos imbribus dies serenus illuxit. Quo usus Rex supra consuetam tela, tædis ardentibus armatos

subire propugnacula & mœnia jubet. His succensis, alii vi irrumperere certant. Sed flammæ vis tam Regiis quam obsessis infesta, propiorem suggestum prohibuit. Postero tamen die etiam remissius agere viderentur oppugnatores, deditionem tamen obtulere obsessi, & mox receptui canere Rex iussit; dimissâque quod vellent, cum singulis vestimentis præsidiariorum turbâ, arx occupata est; Palatinus loci, nec non Episcopus, qui in Sophiæ ædem refugerant, ægre inde revulsi, atque ad Regem adducti sunt. Annonæ in urbe reperta locuples copia famelicos abundè refecit; præda cætera non satisfacit expectationi militum, frendentium insuper, quod Rex deditos sine noxâ dimitteret. Crudeliter illi in Polonos, si quos dederat fors, grassati, vicem meruisse videbantur. Sed Rex datam fidem servari voluit, nec è re suâ esse putabat, cæteros hostes præcisâ spe veniæ, ad extrema compellere, quæ desperatis virtutem, vincentibus laborem periculumque augment.

VIII, Polotiâ captâ, & Dorostaiscii curæ commissâ, ad Arcem Sokolensem Mielecius cum parte exercitus contendit. Ex
quâ

quâ Szeremetus florem Moschici militis
secum habens, non parum noxæ dederat
Polonis. Nunc propius admotas Miele-
cii cohortes non diu sustinuit. Germa-
ni inprimis, quod Polotiæ occupatæ glo-
riam aliis celsisse dolerent, nullum hic
detrectarunt periculum, omni vi inter
medios ignes obsessis incumbentes, donec
in potestatem arx veniret. Quam Miele-
cius quidem servare integram volebat;
sed flamma in mole lignea subitò vi tan-
tâ invaluit, ut nulli extinguentium dili-
gentiæ cederet. Szeremetus, & qui cum
eo erant Palatini, ad Regem deducti sunt.
Alios spectatiores captivos peditibus do-
navit Mielecius, in agnitæ virtutis mo-
numentum. Reliqui in Lithuaniam di-
missi. Mielecius etsi victoriam fortunæ
Regis tribueret, invidiam tamen non ef-
fugit, Ungaris permolestè ferentibus,
quod ipsis absentibus rem ad eò præclaram
Poloni Germanique gessissent. Bekiellius
inprimis dudum in Mielecium obli-
quus, nunc & rogatu Lithuanorum pro
Indigenâ Regni receptus, eò audentius
favore Regio adversus Viri auctoritatem
abutebatur, Zamoscio etsi affine Mielecii,

ne Regem offenderet, connivente. Cæterum Sokoliensium fortunâ territa alia in vicino oppida, Jaroslavia, Sussa & Turowla sponte Regi sese dedidêre: totusq; adeò Polociensis Palatinatus latissime fanè patens, ex Moschorum potestate, sub quâ totos septendecim annos fuerat, recuperatus est.

IX. Non deferenda videbatur fortuna, quæ talibus initiis adeò propitiam se Regi Regnoque ostendebat. Attamen ne diuturnâ absentîâ cæteris Regni necessitatibus Rex deesset, aut bellum sine consensu Ordinum protraheretur, hyemem Martiis operibus incommodam, togæ rebus, præsertim Comitibus habendis dare placuit. In quibus primò quidem aliquæ quorundam adversus Regem voluntates, multis sinistris sermonibus in apertum erupêre. Quippe quod in beneficiis honoribusve posthabiti, alienam felicitatem suam vocarent injuriam, hanc aliter ulcisci nequibant, quàm Regis dicta & facta, etiam optima malignius, coram multitudine, per se in Dominantes suspicace interpretando. Sed in tantâ ingenuorum & affectuum diversitate semper quoque

quoque principum causa reperit fautores. Itaque his illisque in contrarium certantibus, plerumque inter autoritatis Regiæ patrociniū, & immodicā cæterorum in dicendo licentiam, tutior in medio relinquitur libertas gentis. Nunc falsa suspitionum res & tempus ipsum apud saniores extinxit. Alia in speciem magis valida Joannes Zamolscius Regni Cancellarius disertissimā Orarione refellit, simulque, ut in belli continuationem consentirent Ordines, persuasit. Actum quoque de milite externo, tum de honoribus, quibus peregrini à Rege extollerentur. Quod à quibusdam reprehensum, ab aliis ex usu Reip. esse demonstrabatur. *Neminēquidem Polono fraudi esse, exterorum potius, quàm Civium sanguinem iuendis vel proferendis Reip. finibus impendi. Maximum ubique robur imperiis accessisse, ubi quorumvis Viri in campis pauerint. Et in ipso hoc Regno multas Principes familias ab ex. eris primordia & auctores suos arcescere. Porro à Rege si qui foveantur exteri, eos hætenus privatis magis ministeriis, quàm publicis Regni muneribus adhibuit. Nec ullum peregrinum tamâ gratiâ provectum,*
quin

quin longè infra Indigenarum fastigium subsistat. Si ii, qui novi nunc sint, decorum seriem ad longam olim posteritatem deducere & uerustis stemmatis inserere possint, id uirtutis & iuxta felicitatis fore, quam non nisi mali inuidere bonis soleant.

Non desuere quoque, qui bellum quidem cum Moschis continuandum statuerent, sed regimen ejus praefectis Militiae, Viris prudentia & rerum gestarum gloria spectatis, committendum. Non enim in casum toties dandum Regni supremum Caput, & ejus in Regno necessariam esse praesentiam. Verum Rex & sibi honestius & Reipubl. utilius judicabat, ad castra redire, nec fortunam tam benignè se haecenus praebentem, destituere. Alacrius Procerum Nobiliumque alios exemplum Regis secuturos, & Lithuanorum cum Polonis amulationes, absente Rege, cujus auctoritas omnes praesumbrare ac coercere posset, noxias fore Reipublicae. Talia diu ultrò citroque vario animorum motu agitata, antequam in belli sumptus tributum scisceretur. Consensum tamen denique est, ut idem, quod anno superiore datum esset, denuò penderetur.

X. * Im-

X. * Impetrato in Comitibus tributo, delectus per Poloniam, Zamoscio inprimis curatore, habiti sunt. Et quia peditatu majore opus erat, Hungaros iterum à Fratре Christophoro Transylvania Duce mitti sibi Rex jubet. Ex Regiarum quoque in Republ. possessionum adscriptiis vicesimus quique ad militiam evocatur, utili utique instituto, ne ex solis exteris robur militiae, quod in peditatu esse solet, constaret. Dum pedester miles colligitur armaturque, Rex interim primo Vere egressus, lentis itineribus in Lithuaniam revertitur. Et cum omnia ad bellum parata haberet, quò primos impetus verteret, deliberat. Livoniam aliqui ostentabant, sed ea Castellis frequēs, nimias moras datura videbatur Regi, Moschis ad pugnas in campo aperto ignavis, munitiones obstinatè plerumque defendentibus. Itaque Vielkolucam primò aggredi visum est; quòd Urbem commercii copiosam non deserturus hostis, adeoque in plana camporum progressurus sperabatur.

In

* 1580.

In itinere duo Oppida, ne à tergo relicta pabulationes Regionum infestas redderent, intercepta sunt, Vielisa & Usviata. Quorum illud in citeriori Dunæ fluvii ripâ situm Zamoscus, præfidiariis aliquot dierum oppugnatione ad deditiorem coactis, occupavit. Alterum Mielescio cessit. Capti utrobique præfecti, cæteris, quò vellent, abeundi potestas data est. Ad Vielkolucam denique per vias uliginosas & nemoribus obsitas, Rex cum exercitu, 27 Augusti, pervenit. Quam Civitatem fluvio Lovat, paludumque latè circumstagnantium ambitu, vallo denique munitam, septies mille præfidiariorum, præter oppidanos, insederant. Zamoscio mox datum negotium, ut trajecto flumine, ex ripâ adversâ oppugnaret arcem. Ex altera parte Rex munito sibi aditu, suggestus, arcis mœnia, roboreis trabibus compacta, & vallo suffulta, globorum majorum ictibus quatiebat. Cum parùm his efficeretur, ductis cuniculis via ad propugnaculorum unum structa est: quod pulvere nitrato repletum, ubi ignem conceperat, latè fudit incendium terroremque.

Et

Et eodem tempore subjectæ alibi faces sulphuræ, vento iussante, ardere & proxima mox corripere cœpère. Succensâ ita undique arce auxilii præsidarii, partim igne, partim manu Regiorum, postquam ignem fugientes proruperant, perièrè. Minima eorum pars servata. Qui arci præfuerat Iwan Vojesko, cum à Zamoscianis, nomen ejus fortè ingeminantibus, ad eadem se quæri existimaret, ad Georgium Farenzbachium Tribunum Regium, olim sibi notum, confugit. Sed Hungarus elabi hominem velle ratus, gladio obtruncat. Ex Polonis circiter ducenti hic perièrè: interque eos vir strenuissimus Petrus Kloczevius, Castellanus Zavichostensis.

XI. Arcem Vielkolucanam, ut rebus suis necessariam, magno opere restaurari Rex curat, adhibito in id Dominico Camerino, celebri architecto Italo. Mox misso ad Toropeciam Barbelio Ungaro & eum majore manu opus esse cognitum foret, Januszio Sbarascio Palatino Braclaviensi, Farenzbachio, Alberto Kiralio, Stanislao Sebocio, cum quater mille Moschi obviam venissent, ex his cæsi quingenti,

genti, ducenti capti sunt, inter quos Joannes Nalczokinus, & Damianus, Czremessinus, ex intimis Moschorum Ducis, fuere. Hinc ad Nevelam itum est, oppidum ingenio loci prævalidum. Quod Nicolaus Dorostaiscius Palatinus Polotien-
 sis oppugnare cœpit. Cum acrius resisterent præsidarii, submissus Joannes Bornemissa cum peditibus Ungaris & tormentis majoribus. Qui compulsis intra munitiones Moschis, tam inexpectatâ celeritate ad mœnia venit, ut hostes eodem tempore ipsum, & juxta ignem in mœnibus lucentem conspicerent. Unde concito terrore præsidarii, præfectis ne quicquam renitentibus, vitæ incolumitatem pacti, arcem deditere. Paulo post & Jezerisciam Palatinus Vilnensis Radzivil-
 lus cepit. Plus laboris circa Zavolociam insumptum est. Quæ aquis undiq; instar Insulæ circumfusa, nullâ parte accessum præbebat obsessoris. Itaque pontem struere oportuit, quem ratibus junctis compactum, ægrè nec sine multo suorum discrimine, ad alteram ripam perduxit Zamoscus. Periiitque istic inter alios Christophorus Rozrazevius Præfectus

Stus Lenciciensis Vir magnanimus atque à puero bellis Gallicis Germanicisque innutritus. Et Rex difficultate cœpti conspectâ, penê ab oppugnatione abstisti & aliò abduci copias jusserrat. Sed constantiâ Zamoscii & Regiis spes melior, & formido tandem hostibus injecta est. Cum hi inprimis, altero insuper ponte structo, copias Polonicas jam confertim undique trajecturas animadvertissent, Itaq; milites, invitis etiam ductorib9 suis, iisdemque in captivitatem dein traditis, vitam & reditum ad suos pacti, locum Zamoisio tradidêre.

XII. His Polonorum successib9 jamdudum perculsus Moschorum Dux Legatos identidem ad Regem mittebat, pacem tractare cupiens. Quos cùm Rex ambiguis responsis diu detineret, ille, augescente metu, Pontificem denique Romanum sollicitat, ut pacis velit esse arbiter. Ea res Pontifici spem præbuit Principem Schismaticum ad Ecclesiæ Romanæ obsequium pertrahendi. Itaque Antonium Possevinū S. I. in Moscoviam ablegat, quæ in rem istam facerent, diligenter acturum. Quem Moschi bonæ in Religionem

onem inclinationis ostentamentis, magis magisque impulere, ut Stephanum Regem ab effundendo ulterius Christianæ Gentis sanguine, assiduis literis dehortaretur. Gloriosum Regi erat, arma sua, hosti formidata, præter famam & admirationem ubique partam, nova etiam Religioni augmenta polliceri. Interim minus adhuc hosti fidens, Nicolaum Radzivilium Castellatum Trocensem in interiore Moschoviam mittit, qui latè istic terrorem vassitatemque sparsit. Ipse vero ad Comitiam habenda Varsaviam tendit.

* In quibus inter alios gloriæ bellicæ fructus, hunc habuit, quòd Riga jam dudum famam Regionum successuum permota, Poloniae se denuò adjunxit. Igitur missus auctoritate Regis & Comitiorum Joannes Demetrius Solikovius & Venceslaus Agrippa Lithuanus, uterque Regius Secretarius, qui Urbem in fidem Regis, Regni & Lithuaniae, juramento præstito, accepere: eâ inter alias conditione, ut Portorii maritimi duas partes Regi Civitas daret, tertiam sibi in portus reficiendi sumptum reservatâ. Hinc de tributis, præcipuo

præcipuo Comitiorum istorum scopo, actum. Nam, pace cum Moschis adhuc ambigua, bello alendo sumptum dispici Rex volebat. Itaque in duplex quidem tributum publicè consensum est. Secreto autem Marechalculus Nobilitatis Stanislaus Przyemscius Regem Ordinis Equestris nomine rogavit, ut belli honestè finiendi rationes non aspernaretur. Ita enim exhaustos Nobilium subditos esse, ut conferendis ulterius pecuniis non sufficerent. Rex, simulatque ad reddendam Livoniam Moschum adduxerit, quod brevi futurum speraret, pacis consilia lubenter amplexurum se pollicetur. Quia autem exactionibus publicis lentius pecuniam confici non ignorabat, ab Electore Saxoniae & Brandenburgico nec non Duce Prussiae Georgio Friderico non modicam argenti summam accepit, sed quæ paulò post, ubi tributorum exactores comportassent pecuniam, reddita est: egregio tum amoris in Rempubl. documento, cuius causa Rex nomina facere non recusavit, tum fidei, quod facta tam citò exsolvit.

XIII. Finitis Comitibus, Zamoscio novorum delectuum cura data est, exercitui supplendo, quem tot obsidiorum labores & morborum contagia imminuerant. Atque ad famam tanti Regis pronus mox & copiosus undiq; militum erat concursus. Tantaque Nobilium etiam ad bellum istud alacritas fuit, ut plurimi, quod hactenus nunquam facere sueverant, pedites, Ductore Urovecio, mereri non abnuerent, & ex Prussia, Silesia, multi splendidae fortunae Viri Regiae militiae dederrunt nomina. Inter quos Fabianus de Dohna & Melchior Rhederus eminuerunt. Exercitu iustum ad modum aucto Rex, quod arma primum flecteret, deliberavit. Cum tria loca proponerentur, Plefcovia, Novogardia, Derpatum, Plefcoviam caeteris praeferre visum. Sed ad eam nulla expeditior, quam per Ostroviam, Oppidum flumine Vielika undique circumdatum, via patebat. Illud igitur triplici agmine adortus est miles Regius. At cum dissoni eam clamores tubarumque cantus & tormentorum ictus creberrime undiquaque subito circumsonarent, terribiti praesidarii arcem deseruere. Ignovit
Rex

Rex trepidis, & ipsam arcem salvam esse voluit. Hinc rectâ ad Plešcoviam itum, Urbem magnitudine & munimentis inter præcipuas Moschoviæ. Tantoque adeò eam acriùs sibi defenderdam hostis putavit. Et nulla utique tantùm negotii successivit Regi. Septa fortissimis Polonorum, Lithuanorum, Germanorum, Hungarorum turmis ac legionibus, & omnibus quâdam Virtutis amulatione inter se certantibus, non perrumpere quidem aut abigere obsessores potuit: sed excursibus tamen subindè & obstinatâ patientiâ multum fatigavit. Fuit, cùm admotis undique tormentis diu frustra detonatû esset, put audaciore consilio scandere muros, & scalis admotis, Urbem ingredi tentaret obsessor miles. Sed & hic conatus, quantumvis operose instructus, improperè cecidit. Nam magno omnibus periculo constitit regressus, & ex Polonis plusquâ quadraginta, ex Hungaris multò plures periêre, inque iis Gabriel Bekeſius Frater Casparis, Regi multum carus desideratusque. Neque ductis Cuniculis quicquam effectum est, quia alii propter objectam rupem perducì, quò debent

ban, non potuere, alii ab hoste citius, quam oportuit observati, ductis obviam aliis, intercepti sunt. Ingruebat, præterea in Castris Polonicis pulveris pyrii defectus. Hiems denique appetebat, quæ sub frigido illo cælo, plus noxæ, quam hostis ipse, datura videbatur obsidentibus. Tædium inde plerisque cepit, & occultæ primum voces, mox publici fremitus, in Zamoscium belli Ducem exarsere. Cum præsertim de novis habendis Comitibus increbesceret fama. Ad quæ iturus putabatur Zamoscius, ut Regni Cancellarius, & nova tributa perorando (ita loquebantur infensi) emuncturus, exercitu interim inter cæli hostiumque injurias in viëtimam relicto. Sub idem tempus Rex Sueciæ Joannes, duce Ponto de la Garde, Narvam in Livoniæ Moschoviæque confinio situm oppidum idemque commerciis peropportunum occupat: invito quidem Stephano Rege, qui Livoniam universam in belli hujus pretium, Poloniæ, cujus pars dudum fuerit, destinaret. Sed queri tum magis injuriam, quam ulcisci tempora permittebant. Suecus verò non malè se de Poloniâ meritum agebat,

ajebat, quòd in gratiam Stephani, affinis
sui, Moscho hostis esse sustineret. Et po-
stea, cum quæ in Livonia obtinuisset, à
Rege repeterentur, missis in id Aleman-
nio, Christophoro Varsevicio, Laurentio
Goslicio, Stanislao denique Kucinscio,
dotem is, & à morte Augusti, cujus Soro-
rem duxerat, hæreditatem, tum & æs ei-
dem Regi mutuo datum, obtendebat: oc-
cupata, ut minabatur, non redditurus,
nisi de istis pr.üs satisfactum sibi foret.

XIV. Inter hæc ab Exercitu Plescoviam
obsidente Rex discedit, relicto illic Za-
moscio, ut sustineret Regis vices. Ei con-
siliorum laborumque comites præter Ra-
dzivillios Duces, erant Stanislaus Tarno-
vius Radomienfis, Stephanus Grudzini-
us Naclensis Castellani, Ernestus Vejerus,
Stanislaus Zolkievius Palatinides Belzen-
fis, Joannes Kretkovius, Martinus Kaza-
novius, Joannes Lesnovolscius, Sigis-
mundus Rosnius, Jordanus, Farensbachius,
Butlerus. Quorum præsentia auxili-
oque miles in officio retentus, & ad fe-
rendas belli diuturni ærumnas intentissi-
mamque frigoris Moschovitici v. olenti-
am animatus est. Interim Moschus pacis

jamdudum cupidus, tum per suos Legatos sæpius missos, tum per Possevinum de voluntate suâ constare volebat Regi. Et hic, quid Nobilitati in Comitibus promississet, memor, tum Plešcoviam ex pactione potius honestâ, quam necessitate deferere cupiens, non jam alienum se à pacis consiliis ostendit: dummodò Livoniam reddere Regno sponderet hostis. Possevino itaque tanquam Pontificis R. legato utrinque animos magis magisque temperante, tandem 15 Januarii Anno 1582. * in decennium arma suspensa sunt, hæc præcipuâ conditione, ut Rex Oppidis hætenus occupatis Moscho, Livoniâ contra universâ Moschus Regi cederet. Missique postea in Moschoviam Legati, Januszus Zbaraski Palatinus Braclaviensis, Nicolaus Talvossius Castellanus Samogitiæ, Michaël Haraburda: quibus præsentibus Dux Moscoviæ pacta jurejurando confirmavit. Quod idem in primis mox Comitibus factum est à Rege coram Moschicis Legatis.

XV. Bello cum Moschis finito pax successit, nullis jam amplius armis sub

hoc

hoc Rege interpellata, sed turbata intesti-
nis subinde discordiis, nihil fermè meli-
oribus bello, Primum autem post arma
deposita, Livoniam recens à Moscho re-
cuperatam Regi visum est componere.

* Itaque Rigam profectus, Civium preci-
bus multa dedit, inter alia aream in Urbe,
quæ olim Archiepiscopi Rigenfis fuerat,
Ecclesiam item Cathedralem; potestaté
denique munimenta Urbis Arcis mœni-
bus æquandi. Sed vicissim etiam Religi-
oni Romanæ templa aliquot assignata
sunt, & Patribus Jesuitis datum domicili-
um, cum censibus quibusdam ædiû, quæ
olim fuerant Canoniorum. Institutus
item Vendæ novus Episcopatus. Deni-
que cùm gravissima quæque composita
Rex putaret, usus ea in re Nicolao Firle-
jo Castellano Biecenfè, Solikovio, &
Ducis Curlandiæ Consiliariis: reliqua
ordinanda Georgio Radzivillo Olicæ
Duci, Episcopo Vilnensi, post & Cardi-
nali, ut totius Livoniæ Gubernatori, re-
linquit. Cui Ernestus Veiherus militiæ
curam habiturus, Solikovius item, Vir re-
rum factarum humanarumque prudens,
adjunguntur. Qui tamen ultra annum

* 1582.

N 3: 1582. istic

istic non mansêre, nam & ille in Prussiam revocatus, & hic, mortuo Joanne Siennenio, Archiepiscopus Leopoliensis, à Rege absens nominatus, in Russiam abire coactus est.

XVI. Interim Rex Comitibus iterum habendis, Varsoviam profectus fuit. * Quæ præter opinionem admodum turbulenta fuêre. Quippe Rege ad fines Regni bellicis laboribus intento, domi interea plurimorum animi per factiones Regi contrarias vehementer exasperati erant. Hungarorum in Polonia multitudo & auctoritas apud Regem, collataque iis præmia, plerosque adhuc irritabant. Mielecium certè, Podoliæ Palatinum, jamdudum hæc adeò offenderant, ut & militiæ præfecturâ spontè abiret. Quam cum Rex Zamoscio tribuisset, eademque porro Magni Cancellarii dignitatem addidisset, ignis igni addi visus est, quò magis urerentur æmuli. Sed jam promendis odiis alia seu data seu accepta occasio est. Inter Consultationum Capita, quæ more solito Nobilitati in Palatinatum Conventibus discutienda proposue-

posuerat Rex, de Regis in futurum successoris electione deliberari voluerat. Quia enim duo superiora interregna, per suffragiorum factionumque in Rege eligendo discordiam, Regnum magno periculo objecerant, non jam Regi tantum, sed & ipsis etiam Ordinibus ex usu publico esse visum erat, certioribus quasi legibus Electionem circumscribere. Nunc verò, animis magis magisque adversus aulam ægrescentibus, quod ante salutare Regno habitum erat, pro scopulo publicæ libertatis acceptum est. Suspicio enim incessit plerisque, propositione istâ hoc querere Regem, ut unum ex Batoreis, Fratrem ipsius genitis, successorem sibi designaret. Et eo fine Varsoviam, ante Comitia, Regni Primas Karnkovius vocatus, cumque is non venisset, Lovicii à Rege & Zamoscio visitatus credebatur. Purgavit postea publicè Regem accurato sermone Zamoscus, simul verò ad Concordiam Ordines, perstrictis obiter Petiliis, Rempubl. turbantibus, hortatus est; & Livoniæ porro statu, tum Tartarorum Cosacorumque minis expositis, in exsolvendis militi stipendiis finiit. Multa in

oratione displicuêrenunciorum nonnullis. Neque his Suentoslaus Orzelski, Præfectus Radeoviensis, Ordinis Equestris in his Comitibus Director, quòd Regi, pro laboribus susceptis, gratias agens, blandiùs quædam dixisse videretur, iatisfecit. Dum variis inter se disceptationibus nuncii tempus extrahunt, Rex interea judiciis vacat. In quibus severè in quosdam magnorum facinorum reos animadversum est. Inter alios Castellanus quidam, qui Grajovium in frustra concidi jusserat, ad capitis supplicium damnatus: laudabili justitiæ rigore, & ad effrænem inter nobiles cædium licentiam apprimè necessario. Hinc Stanislai Czarnkovii cognita caussa est. Quem Primas Regni ob vendicatam sibi Znini Oppidi Archiepiscopalis possessionem, tum ob alia quædam in jus vocaverat. Sed Czarnkovius populari favore fretus, ejusmodi ad Regiam evocationes publico Comitiorum decreto irritas reddere conabatur. Euntibus in contrarium aliis, ita incaluêre animi, ut subinde res non multum à tumultu abesset. Mutuisque altercationibus, absumptum Comitiorum

tiorum tempus, alia à Rege proposita & magis ardua exclusit.

XVII. Dilapsa ex Comitibus malè solutis Nobilitas faces & semina discordiarum secum detulit domum. Zamosci-um verò post ingestos tot summos in Re- publ. honores, novo adhuc vinculo Rex illigavit sibi, datà ei post Radzivilliam defunctam, Griselide Batoreà, Fratre Re- gio genità. Et nuptiæ magnà Senato- rum frequentia sumptuque & pompà ad- modum splendidà Cracoviæ celebratæ sunt, nulla formidine invidiæ, quàm non ad- eò placare, sed vincere, Vir suà virtute & Regio favore nixus, laborabat. Atque ea quidem non modicè jam aucta est. Nam quò arctius innecteretur Regi Vir tantus, hoc iniquioribus oculis potenti- am ejus adspiciebant ceteri. Inter quos cum maximè emincerent atq; odia etiam apertius promerent Sborovii, iram Regi- am atque hinc perniciem primi incurrè- re. Ex iis post Petrum Palatinum Cra- coviensem, non ad- eò dudum fato extin- ctum, quatuor adhuc fratres supererant, Viri omnes opulenti & splendidi. Mul- tis præterea affinitatibus pollebant, & à

Nobilitate, splendore ac beneficiis illæ-
tâ, eò jam impensius fovebantur, quò
graviùs ab Aulâ premi viderentur: non
inufitato hîc inter Regiam & populi au-
toritatem certamine. Unus iftorum Chri-
ftophorus, Maximiliani olim partes fe-
cutus, cùm ab Aulâ Cæfareâ rediiffet, fti-
pendium annuum, antè alii cuidam nu-
merari folitum, per Cancellarium à Rege
petierat. Cum non nifi partem ejus Rex
obtuliiffet, in contumeliam rapta ifta pa-
rtio, tanquam Regem & Sborovium pa-
rùm decens, malè feputas in homine fi-
multates refuscitavit. Itaque liberius
multa in Regem dicere cœpit. Et acer-
bæ ejus literæ, quas ad Samuelem Fratrem
deftinaverat, famulo feu fponçe profugo,
feu fpe præmii corrupto, ad Regem funt
delatæ. Non mitiùs quoque Samuel,
frater ipfius agebat, familiaris olim in
Transylvaniâ Regi, & eidem Regni ac-
cepti propemodum autor; fed ob cædem
Vapovii, ab infamiâ nondum liber; quia
Vapoviorum defensores Tencinii, faci-
nus nonnifi Capite autoris expiatum vo-
lebant. Itaque nullo legum præfidio tu-
tus, modèfte tamen latitando in Patriâ,
vitam

vitam tueri potuisset. Verùm affinitatibus & clientelis suorum fretus, liberius circumcursare, & ferocibus porrò verbis annulos atque inprimis Zamoscium lacerare audebat. Neque cognatis à Cracoviensi territorio, cujus Zamoscium Præfectus esset, abstinere monentibus, paruit. Irritatus itaque, & in tam illustri Capite autoritatis suæ specimen dare volens Zamoscium, corripere illum & non multo post capite plecti iussit. Famâ rei tantæ non Sboroviana tantum gens, sed Stadnicii omnes, & Palatinus Posnaniæ, Comes Gorcanus, plurimique in Regno alii vehementer commoti sunt. Rex verò, convocatis Lublinum Senatoribus, post publica quædam absoluta, initæ à Sboroviis adversus dignitatem & salutem Regiam conspirationis consilia coram intimis aperit; nominato etiam, à quo de iis admonitus sit, Regni Primate Karnkovio. Dolorem omnes, uti oportebat, contestati, in acerbiora tamen, quæ Rex meditari videbatur, plerique non consentiebant. Præcipuè Archiepiscopus Leopoliensis, Solikovius, curatâ oratione clementiam Regi suasit, adductis clarissimorum Principum

cipum exemplis, & demonstratâ conditi-
one Regni, in quo Regibus moderata
magis lenitas, quàm rigor nimius con-
ducat. Sed prævaluit severitas Regia,
statimque Andreas Regni Mareschalcus
& Christophorus Sborovius mandatis
publicis per Regni Instigatorem Rzeczi-
cium ad Comitiam citati sunt.

XVIII. * Comitii indictis, commoti
passim animi, nonnullis in Palatinatibus,
penè in tumultum efferbuere, & solito
frequentior tum Procerum, tum Nobili-
tatis numerus Varsoviam concurrat. Ve-
nere eodem Sborovii, nihil in exagge-
randis Aulæ injuriis, & pro securitate
suâ omittentes. Contrà quoque Rex,
cum suarum partium Senatoribus, autho-
ritatem supremam, & si opus esset, vim
opponere parabat. Itaque armis undi-
que strepebant Comitiam. Cum dies co-
gnoscentiæ Sboroviorum causæ venisset,
universi Nobilitatis nuncii interesse ju-
dicio voluere. Oggestum, judicia Capi-
talia ad ipsos non pertinere. Ne tamen
de judicii Regii æquitate ambigeretur,
omnes denique Rex admitti jussit. Sbo-
rovii

rovii eorumque amici favori populi ita fidebant, ut Regiam tamen severitatem non minùs revererentur. Itaque minis preces miscebant. Motusque gravitate causæ, tum misericordiâ uterque Archiepiscopus usque Regem ad clementiam flectere laborabat. Et Rex de rigore remissurus videbatur, si facinus confiteri ac deprecari Sborovii voluissent. Ex his tum simul aderat Joannes, Castellanus Gnesnensis, germanus reorum frater. Qui suis in Rempubl. meritis & gratiâ olim apud Regem validus, veniam fratribus suis publicè exorare orsus est.

Familie sue, ajebat, erga antecessores Regis & Rempubl. merita, sed & simul fortunam in aperto esse. Ad paucos illam jam redactam, in his saltem reliquiis non obruendam. Si quid peccatum à Fratribus esset, non malignitati, sed ætatis tribuendum imprudentiæ. Nulliusquam Sborovio sublestiorem in Rempubl. fidem objectam. Nec gentis Polonæ candorem ullis unquam malarum in Principem machinationum criminibus adspersum. Si frater fratri, dolorem ex Aulâ conceptum privatis aliquando literis promat, non id illi- cò conspirationis aut perduellii instar puniendum

endum esse. Adesse jam accusatos, misericordiam Regis, & favorem querere, conventionem cum Principe deprecari. Satis jam poenarum familiae suae inflictum. Vix dum refraxisse sanguinem fratris sui, nuper in Urbe Principe gladio Carnifici, effusum. Cujus delictum sibi quidem non excusandum; verum cognitionem tamen delicti, & tam severam poenam non privato, sed Comitiorum potius judicio subjiciendam fuisse videri. Caterum quia quod factum esset, corrigi jam nequeat, intra istum saltem sanguinem stare debere severitatem, neque recens familiae vulnus aliis accumularis vulnerebus rescindendi m esse

Movit Senatui & Nobilitati lachrymas praelustris Viri Oratio. Sed Rex & hujus Verbis, & fletu ceterorum suboffensus, judicio causam & reos sisti jussit. Pro quibus deinde Stanislaus Czarnkovius & Jacobus Niemojovius, Viri populari facundia validi, publice peroravere. Zamoscium verò Stanislaus Czikovius jam ante ad mitiora flectere coeperat. Nec minus apud Regem Principum Senatorum aliqui preces adhuc interponebant. Rege in sententiam persistente, nec securitatis fidem, eam formulam, quam Sborovii petebant, facere

facere volente, Christophorus Sborovius, vitæ suæ metuens, cui à Regiis inevitabile periculum imminere quidam amici monebant, Varsaviâ non sine minis discessit. Absens mox læsæ Majestatis reus, adeoque infamis proclamatus est, amicis jam aut languidius, aut frustra rem ejus agentibus. Ex nunciis tamen Nobilitatis octo, inter quos Sbigneus Ossolinius, postea Polonus Sendomiriensis, decreto Regio reclamavere. Cumq; Rex ista minùs motus, ad alia deliberanda hortaretur ordines, infectis rebus discessum est.

XIX. Solutis ita Comitibus, Rex ortas intra Regnum turbas tempori, cujus in talibus molliendis magna vis est, relinquens, extremis Regni provinciis componendis incubuit. Ac quia à Tartaris primum, & postea, cum sedes eorum Taurica per domestica dissidia ab Amurathe in provinciam redacta esset, à Turcis ipsis immineret periculum, cò exercitum in omnia excubiturum mittere visum fuit. Illâ occasione Cosacorum quoque militia in Ordinem redacta est, Techtimiroviâ, cum fundis adjacentibus, in sedem illis,

illis, & bellicorum apparatusum receptaculum, assignatâ. Nam hætenus illi prædonum, quàm militum turba similes, sine Duce certo, nullâque lege ac disciplinâ, arma tumultuariè tractaverant: Tartaris subinde infesti, & hinc odii, bellorumque inter hos & Polonos materiem, quoties occasio & spes prædæ invitabat, præbentes. Livonia verò nuper admodum à Moschorum Dominatione vindicata, multum usque negotii & sibi & Regi concivit. Inprimis Riga, Caput provinciæ; in quâ ob novam temporum rationem, prout ea à Gregorio XIII. correctâ & jam multis locis recepta erat, vehementer tumultuatum est. Cùm enim nonnulli Natalem Domini, secundum vetus Calendarium, Magistratu nequicquam prohibente, celebrare optassent: Ludimoderator, qui solennibus cantilenis, cœtui Scholastico & plebi, contra voluntatem Senatus præiverat, Burggrabii Regii jussu, in carcerem conjectus est, Cujus dimissionem cum collega ejus multique oppidanorum frustra urgerent, excitato ab infimâ plebe tumultu, carcer de nocte effringitur, simulque

que ædes Parochi, nec non Burggrabii
& Syndici diripiuntur. Neque hîc ma-
lum itetit. Coorta mox Duce Martino
Gisio, universa pene Civium multitudo
odium in Religionem Romanam ejus-
demq; præcipuos in Urbe propagatores
Jesuitas promptis, aliaque quæ publicam
Civium libertatem luxare hætenus viden-
rentur, movere cœpit. Et multa tum
Senatui extorta sunt à plebe armatâ. Por-
roque in carcerem ducti, & post tormen-
ta adhibita ad supplicium rapti sunt, Jo-
annes Taltius prætor, & Gothardus Vell-
lingus Urbis Syndicus, qui hætenus ne-
gotia Civitatis in Aulâ Regiâ egerant.
Rex primis turbarum acceptis nunciis,
Grodnam evocavit magistratûs plebisq;
Capita; &, Joanne Brinckio, Martino
item Gisio, ut seditionis auctoribus pro-
scriptis, aliis, qui alieno magis exemplo,
quàm suo ingenio peccaverant, ignovit.
Sed deinde, ubi Taltium & Vellingium
ita crudeliter acceptos audivisset, gravi-
ora remedia circumspicere cœpit. Urbs
iratum Regem, & ne ob paucorum licen-
tiam omnium libertas accideretur, me-
tuens, compositionem quærit. Arbiter
itaque

itaque constituitur Gothardus Curlandiæ Dux. Sed cum re ad Regem relatâ, mitius quam flagitii magnitudo requireret, actum videretur, irrita pronunciata est illa reconciliatio. Et jam anxiiis animis aliam severiorem à Rege sententiam expectabant Cives. Verum aliquandiu res dilata est, Regem in alia vocantibus tum Regni negotiis, tum orbis Christiani votis. Quippe cum ad novum bellum magno non Poloniæ tantum, sed omnium vicinorum bono gerendum stimulabat Pontifex R. aliique Principes. Et hæc inter alias causâ impulsus, Comitia Rex 13 Decembris Anno 1586. * indixerat. In quibus sumptum belli quærere, & porro fratris sui Filiis, Andreæ, paulò ante Cardinali creato, simulque alteri Balthasaro Indigenatum Poloniæ impetrare cupiebat. Quâ re iisdem ad majora posthac strui videbatur aditus. Sed ista agitantem vita anno ætatis quinquagesimo quarto, Regni decimo, præter omnium expectationem, destituit; Principem Sapientiâ, Justitiâ, fugâ voluptatum, deliciarumque, laboribus contrâ decoris,

decoris, artibusque bellicis præclarum. Formidini is inde hostibus, Principibus amicis admirationi erat. A suis comitate & facili accessu amari meruerat: Sed ob severitatem justitiæ, & immotam animi morumque constantiam, magis suspiciebatur. Nonnullis etiam autoritate suâ jam gravis esse libertati Polonæ, certe, si provixisset, periculosus fore visus est.

Liceat hic adjicere Elogium Stephani, quod in Manuscripto quodâ reperi, nusquam, quod sciam, hætenus editum.

ELOGIUM

MAGNI STEPHANI I.

Poloniæ Regis, qui Grodnæ, multis rebus præclare gestis, paceque publicâ relicta mortuus est Anno Domini 1586

Die 12 Decembris.

In templo plus quàm Sacerdos.

In Rep. plus quàm Rex.

In Sententiâ dicendâ plus quàm Senator.

In judicio plus quàm Juris Consultus.

In Exercitu plus quàm Imperator.

In acie plus quàm miles.

In

In adversis perferendis, injuriisq; condonandis, plus quàm Vir.

In publicâ libertate tuendâ plus quàm Civis.

In amicitia tuendâ plus quàm amicus.

In convictu plus quàm familiaris.

In venatione ferisq; domandis plus quàm Leo

In totâ reliquâ vitâ plus quàm Philosophus.

Lubet & alterum subjicere incerti pariter Autoris.

STEPHANUS

REX POLONIÆ.

Stephano Palatino, sub Joanne Rege, Transylvaniæ, Matre Anna Thelegdi Anno S. clō lxxxiii. Die DD. Cosmæ & Damiani natus. In pueritiâ bonarum literarum studia domesticæ studio attigit, Adolescentiam, in Aula Ferdinandi Imperatoris, ejusdemque Ungariæ Regis: Maturiorem ætatem, in Bellis Ungariæ civilibus egit. In quibus & candentes globos, novum incendiorum genus, aliis omnibus incendiis præsentius, primus invenit instituitque. A Joanne Principe Transylvaniæ primo ad Ferdinandum &

Maxi-

Maximilianum solum Legatus missus, in secundâ legatione, ob turbatas eo absente conditiones pacis captus, ultraque biennium in custodiâ habitus, totum id tempus optimarum artium studiis, antiquorumque omnis generis Authorum lectionibus transmissit. Post mortem Joannis Principis Transylvaniae, Joannes Regis Filii, Caspari Bekesio, quem Joannes Princeps successorem sibi destinarat, Popularium studiis praelatus, ad honorem eum evocatus fuit. Bekesium res novastentantem, ejecit: Iterumque à Maximiliano Imperatore, ad quem profugerat, profectum, ac praesidiis, ex Arcibus Ungariae ditionis Caesareae deductis Transylvaniam invadentem fudit, fugavitque. Non multo deinde tempore interjecto, majorum rerum materiam fortunâ struente, ab Ordinibus Regni Poloniae in duas partes divisus, alteris Maximilianum Imperatorem eligentibus, ab alteris ipse in Regnum vocatus fuit. Quod mox ut delatum erat, ingressus, celeritate ex incerto certum sibi fecit: Maximarum discordiarum semina primo adventu

ventu oppressit: Remque publicam ex turbatissima tranquillissimam reddidit. Præsidium adversæ partis ex Landskorona arce dejecit: Gedanenses in partibus obstinatus persistentes primùm prælio Dersaviensi, tum aliquot mensium obsidione ad officium reduxit. Comitibus inde Varæviam indictis judicia à Nobilitate Interregnorum tempore sine certo ordine ac ratione usurpata firmavit: Consilio ac prudentia certisque legibus circumscripsit. Iisdem Comitibus bellum contra Joannem Basilii F. Magnum Moschoviæ Ducem ab ordinibus decretum suscepit: perque triennium ita gessit, ut primo anno Polotia, Sokola, Sussa, Krasna, Usviata, Sitna, Jesceriscia, Kossiano, Nescerda totoque Ducatu Plotiensi; altero Lukis, Nevela, Zavolotia, Agroque Lucano universo hostem exueret: Tercio, Ostrovia primùm capta, Plescoviam per iniquissimum Anni tempus eò usque obsideret, dum ad Pacem petendam cedendamque Livoniam universam, Ducatum Polotiensem, ac Territorium Velislianum, hostem adigeret, quæque ille tri-
ginta

LIBER IV. 31

ginta ferè annorum spatio maximâ cum
sanguinis & laboris impensâ vix pepe-
rerat, ipse triennali bello recuperaret.
Omnium in hunc usque diem, cum ex-
ternorum, tum domesticorum hosti-
um, partim armis, partim cle-
mentia ac justitia
victor.

Prima partis Flori Polonici

FINIS.



*Qui Sigismundi III, annos viginti quinque
completebatur.*

ORta sub Stephano dissensiones. illo mortuo, ceu obice rupto, violentius erupere. Periisse jam Zamoscio summum columen videbatur, eoque enixius in depressionem ejus amulorum conspiratio incubuit. In primo itaque conventu, quem à morte Regiæ, Varsaviæ, convocatore Regni Primate Karnkovio; Ordines celebravere, post sancitam confœderatione usitatâ, sed non sine protestationibus, pacem Religionis, machinatoribus Sboroviis, eorumque fautoribus, imprimis Conite de Gorca, Palatino tum Posnaniensi, qui gibbo deformis, at opibus ac populari gratiâ præpotens erat, decretum est, ut militis scribendi potestas, tum finium Russicorum custodia, non

non à Zamoscio, cui ut Duci exercitus ea cura competere videbatur, sed à consensu Ordinum congregatorum dependeret. Et jam illicò istæ imperii militaris partes inter Nicolaum Herburtum & Jaslovecium divisæ sunt. Zamoscus inter hos æmulationum æstus sibi constans, silentium inpræsens & in agendis, quæ è Republ. esse judicabat, immotum tenorem opponebat. Designato deinde novi Regis electioni die, discessere otdines. At mox magnis passim apparatibus universa Polonia perstrepuìt: longæ felicitatis opulentia non splendori solum, quo generosa natio gaudet, sed & animis altiùs attollendis, alendisq; factionibus uberes copias præbente. Tempore præfinito Proceres præcipui non magnis clientum duntaxat, sed & militum agminibus comitati accessere. Sola Sboroviorum & Gorcarum factio prope decem millia armatorum adduxit. Minor numerus Zamoscio erat, non minor tamen roboris fiducia, quia Veteranos omnes & longa decora præferentes habebat. Cum quibus, non procùl à Comitio, ubi legendus Rex erat, castris ex disciplina militari positis,

fitis, & vallo fossâq; circumdatis, confedit. Qui extra partes erant, Regni primores, amicâ compositione, Zamoscii & Sboroviorum discordiam, ut maximum consiliorum & quietis publicæ turba-
mentum, tollere nitebantur, sed inani ferè conatu. Neque quod mutuo partium consensu steterat, ut alternatim, & sine bellicis instrumentis Comitium accederent, diu servatum est. Et paulò post, cùm, quæ in priori conventu, contra Zamoscium decreta erant, plerisque nunc agnitâ viri innocentia, displicere viderentur, tumultu factò à Sborovianis, libertatem Nobilium opprimi querentibus, & universalem conjurationem inclamantibus, aliò secessum est. Seorsim quoque Lithuani adhuc stabant, integrâ sibi libertatem, cæteris discordantibus, servaturi. Quanquam istic Radzivillii & Chodkievicii, partim sacrorum communium, partim sanguinis vinculis in-
nexi Sboroviis, in partes Zamoscio contrarias videbantur inclinare. Divisâ sic in partes Republicâ, non modicum periculum erat, ne factiones diversos sibi Reges quærerent. Neque enim facile in e-

undem

undem Principem consensuri videbantur, qui privatim adeò inter se infensi, non tam patriæ Rectorem, quàm suæ parti patronum vindicemq; credebantur dispicere. Et quasi in perniciem Poloniæ conspirasset fatum, solito plures Regni jam offerebantur candidati. Nam & Maximilianus Archi-Dux, Rudolphi Imperatoris Frater, & Sigismundus, Joannis Sueciæ Regis filius, & Moschorum Dux Theodorus Odonovicius adspirabant ad sceptrum Poloniæ. Bathorei præterea, etsi id petere apertè non auderent, datum tamen minimè recusaturos, manifestum erat. Non parvus quoq; numerus erat expetentium Indigenam. Qui & non deesse Poloniæ viros scepro dignos, neq; tanta invidiæ, æqualem dedignantis, quàm discordiæ, Regnum tories scindentis, incommoda fore, diserebant. Maximilianum, præter Legatum Caesaris, Pavlovium, Episcopum Olomucensem, impensè commendabat Annibal de Capua Pontificis nuncius, & easdem partes obnixo studio tuebantur Sboroviani: etsi primâ fronte proponerent Moschum, ut speciosa tam magni Ducatus accessione

ostentatâ, facilius Sigismundum excluderent. Sed his præcipuè omnium auctoritas Zamoscii summis de Rep. meritis coalita obstabat, cui tantò prouius Ecclesiasticorum plerique accedebant, quod in parte adversâ, plurimi diversorum sacrorum essent. Et multis Nobilium suspecta tum usq; erat Austriacorum potentia, quæ Germaniæ Imperio, potentiâ Hispanicâ, Ungarico insuper Boëmicoq; Sceptro subnixâ, periculum minari videbatur Polonorum libertati.

II. Cæterum pro Sigismundo nitebatur cum magno Zamoscio Anna Regina Poloniæ, Stephano marito nuper viduata. Cujus sorore Catharinâ, Succiæ Regi nuptâ, natus erat Sigismundus. Reginam & Zamoscium clientum ingens numerus, sed Jagelloniæ in primis domûs reverentia oblataq; militi aduersus competitorum potentiam, pecunia multum iuvabat. Et super hæc, qui à Rege Succiæ aderant Legati, magnifica ac speciosa pollicebantur Ordinibus Poloniæ. Postquam ergò diu admodum, acriterq; concertatum esset sententiis, consensusq; uniuersorum frustra amplius quæri expectariq;

stariq; cerneretur, à majore parte Sigismundus, praeunte Archiepiscopo, renunciatus est: designatiq; statim Martinus Lesniowski Castellanus Podlachiae & Joannes Bojanowski, qui Principem electum è Sueciâ adducerent in Poloniam. In adversâ Zborovianorum concione torpidius agebatur res, quia convivorum istic ut plurimum festivitate, illiciendis retinendisq; clientibus, tempus extrahebatur. At simul ut intelligant, ceteros, nullâ ipsorum habitâ ratione, Regem nominare ausos, extemplo non contradicere tantum istis incipiunt, sed & ipsi candidatum suum Maximilianum prævio Jacobo Voronecio Episcopo Kioviensi, promulgant: inq; templo Bernardinorum, sacra faciente Radzivillio Cardinale, solemnem hymnum canunt. Mox & Legati ad Archi-Ducem electum designantur, Episcopus Kioviensis, Joannes Sborovius Castellanus Gnesnensis, & Alexander Prunscius. Erat jam in viciniâ Maximilianus. Quippe Olomucii in Moraviâ agebat, eventum speculans Electionis. Sigismundus verò ultra mare, & iniquo navigationibus autumnò,

quærendus erat. Eò intentiùs, qui hunc elegerant, Zamoscio Cracoviæ adversus Austriacos muniendæ curam, demandât. Qui sine morâ per medias adversariorum stationes, quarum excubitores somno ex crapulâ graves, exprobrandæ ignaviæ, flagris excipi jussit, domum primùm, inde Cracoviam properat, ubi jam interea amici ejus, Andreas Tenczynius Palatinus, & Nicolaus Zebrzydovius Arcis præfectus, avertendis Archi-Ducis conatibus diligenter invigilabant. Dum autem Zamoscius oppido suo, quod recens conditum, cognomine suo & Academiâ, multisq; aliis ornamentis celebre effecerat, egrederetur, pubes Academica, forte tum in campo proximo ludicra exercens, Aquilani cepit, vivi serpentis implexam spiris. Quod in omen Aquilæ Polonæ de serpentibus triumphaturæ ratum est.

Sigismundus à patre, multa adhuc causante, tardiusculè dimissus, cum denique exeunte Septembri, * in Portum Gedanensem appulisset, istic ab Hieronymo Rozrazewio Vladislaviensi, Alberto Ba-

rano-

ranovio Premisliensi Episcopo, eodemq;
juxta Regni Vice-Cancellario aliisq; plu-
rimis Senatoribus exceptus est. Eidem
ipsis Calend. Octobr., in verba, ab Or-
dinibus præscripta, juranti, Electionis
diploma, in Monasterii Olivenfis tem-
plo, traditum. Inde Cracoviam pro-
peratum. Quam tum jam cum exercitu
suggressus Maximilianus, omni vi op-
pugnare cœperat, non sine labore & peri-
culo insultus ejus sustinente Zamoscio,
qui castris ad Clepardiam positis Urbem
tutabatur. Dolo aliquando in suburbii
partem, cûi Coriariorum frequentia no-
men fecit, subrepsit hostis, corruptis,
qui istic habitabant, Germanis. Sed
fraude intellectâ, Zamoscus subire pas-
sus est militem hostilem, mox locum suo
milite & simul igne accenso circumde-
dit, quo unâ cum doli structoribus sub-
urbium universum, atq; in eo Carmeli-
tarum Monasterium deslagavit. Postea
prælio experiri visum est Maximiliano,
* idq; antequam Sigismundi adventu no-
vum robur & animus major Zamoscia-
nis accederet. Sed primâ mox hastato-

O 4

rum

* 25 Novembr.

rum acie Cataphractis submotis, reliquæ Germanorum copię, relictis impedimentis, amissisq; signis compluribus, cessere campo. Paucis post diebus Sigismundus inter victrices Polonorum Aquilas & triumphorum solennia, Cracoviam jam liberam ab hoste, ingressus est. Ubi illum primò Laurentius Goslicius Episcopus Cameneensis, eruditæ eloquentiæ vir, cum procerum Nobiliumque turbâ, in alterâ verò Urbis parte Zamoscus Dux copiarum excepit. Consummatis primæ lætitiæ festivitatibus, in feria mox, atq; etiam dissidia deventum est. Nam cum de conditionibus agi cœptum foret, Estonia, provincia Livoniæ contermina, multæ altercationis dedit materiem. Illam quippe ex pacto sibi à Suecis restitui volebant Poloni: id contrà à Rege suo promissum negabant Legati Suecici, quorum Princeps erat Ericus Sparre Pro-Cancellarius. Eoque erupit disceptatio, ut ipsam Electionem Sigismundi prope irritam redderet, irritamq; se eam malle diceret Sigismundus, quàm tali lege Regnum suscipere. At tandem metu Maximiliani, in proximo adhuc agentis, &

occaf-

occasionibus intenti, rem hanc integram tantisper relinquere visum est, donec Sigismundus, rerum aliquando in Sueciâ, post Patrem, potius, de Estoniâ quoque liberius posset statuere. Re hâc pro necessitate magis temporis, quàm ex voto Polonorum compositâ, solenniter demum ab Archiepiscopo Karnkovio * inauguratus est Sigismundus. Eiq; postea Sacramentum dixit Senatus universus: nec non die sequenti Magistratus Cracoviensis.!

IV. Sed donec in Poloniâ Maximilianus esset, non sceptri accepti Rex, nec dati Polonia secura esse poterat. Illius itaq; propulsandi cura demandatur Zamoscio. * Qui Sborovios æmulos suos, in Archi-Duce persecuturus; tantò alacrius suscipiebat provinciam. Et auxerant ei animum novæ trium millium Equitum suppetiæ, recens à Balthasaro Batoreo affine suo ex Ungariâ adductæ. Sine morâ itaq; movet in hostem. Quem ubi in Silesiam interim recessisse intelligeret, istuc quoq; sequi statuit. Hic verò

O 5

securi-

* 27 Decembr. Anno 1587.

* 1588.

securiùs jam agebat Archi-Dux, quod & in suo solo esset, & copiis, bellicoq; instrumento longè superare videretur Zamoscium, ausumq; hunc fines Silesiæ ingredi, non arcebat, quo potuisset, transitu, eò illustriorem scilicet de tam temerariis Polonis victoriam sibi pollicens. Tandem, 25 Jan. ad Byczynam, olim ob Episcopalem sedem, antequam ea Uratislaviam deferretur, celebre oppidum Silesiæ, educto utrinq; exercitu, concursus est. Ubi initio prælii Cosacorum turmae, quas in Germanos Cataphractos emiserrat Zamoscius, repulsæ sunt: & Stanislaus Stadnicus in dextrum Zamosciani exercitus cornu inductus, strenuè rem agere coepit. Tandem tamen hic à Stanislao Zolkievio, cum suis fortiter obsistente, repressus fuit. In sinistro quoque cornu non leviter aliquandiu laboratum est: donec Stanislaus Penkoslavius Sendomiriensis, & Alexander Koniecpolscius Wieluniae Præfectus gemino hastatorum suorum incurfu, Germanorum legiones perurpere. Hinc cum ad gladios deventum esset, iis promptior longè miles Polonicus non parvam stragem in exercitu hostili

filii edidit. Unde orta confusio, ut nulla jam Ducum imperia audirentur. Quod eminus videntes Ungari, quos Maximilianus conduxerat, fugam & ipsi caperunt circumspicere. Maximilianus praelii ex propinquo spectator & ex tali exercitus fortunâ, incolumitati suæ metuens, cum elabendi alia non pateret via, Byczynam refugit. Quò cum Zamoseium sequi videret, misso caduceatore, eum violatè tali accessu & provinciæ & amicitia Cæsareanæ minaciter admonet. Sed nihil hæc moratus Zamoseius, & ne tridui quidem inducias petenti permittens, machinis bellicis, quas post praelium Archiduci eripuerat, admotis, quaterre cœpit Oppidi mœnia, atrocissima quæq; se non deditibus interminatus. Missis itaq; Consiliariis de libertate suâ pacisci orditur Archi-Dux, aut si ea negaretur, ut Byczynæ saltem custodiretur, postulat. Verùm nusquam securiùs tantum hoste, quàm in Poloniâ se habiturum Zamoseius putabat. Tandem itaq; post multas cunctationes, spontè exeuntem honorâ oratione veneratus, in tentorium suum manu duxit. Capti tum simul sunt Vo-

O 6

rone-

ronecins Episcopus Kioviensis, Andreas Sborovius Mareschalcus Curiae, Comes Gorcanus, Alexander Dux Prunski, & alii non pauci. Captivos Cracoviae noluit ostentari Zamoscii, verecundiae Archiducis consulens. Itaque hunc, flexo alio itinere, Crasnostaviam, Lublino non procul distans Oppidum, deduxit; Polos, quos simul ceperat, ad sua dimissis. Difficilis quippe tantorum virorum inter tot eorum cognatos & clientes, Zamoscii verò inimicos, custodia fuisset. Et quod ratio flagitabat, malebat gratiae datum videri. Varia mox liberandi Archiducis consilia inita sunt. Nam & Sboroviani, effracto arcis, in quâ custodiebatur, pariete, noctu illum educere studuerunt, & Caesar per Hyppolitum Aldobrandinum Pontificis Legatum, bonis conditionibus Regis Procerumque animos sollicitabat. Sed Sborovianorum dolū magni Viri Marci Sobiescii, qui Regni vexillifer & custodiae capti Principis praefectus erat, vigilantia elusit: Aldobrandini sollicitationes in futura Regni Comitia dilatae nunt.

V. Incunte Anno millesimo quinquasimo octogesimo nono, Comitia Varsaviae habita sunt. * In quibus jam non Pontificis tantum, sed Imperatoris, aliorumq; Principum Legatis connitentibus, dimissio Archi-Ducis, simulq; injuriarum inter Austriacos & Polonos oblivio, nec non antiquorum foederum redintegratio sancita est: paratiâ utrinq; utilitate amicitiam suadente. Sed jam porro Proceribus quoq; & Nobilibus Polonis, Archi-Ducem securis, veniam Rex dedit, novi sceptri in populo, severitatis impatiente, egregio stabilimento. Uni Andrea Sborovio Mareschalci adempta dignitas, & Stanislae Przyemscio data est. Maximilianum verò, postquam à Rege Crasnostaviam profecto, comiter visitatus esset, tandem Goslicius Episcopus Camenecensis & Nicolaus Zebrzydovius Praefectus Cracoviensis in fines Silesiae deduxere. Ubi à Melchiore Redero copiarum Casareanarum Duce exceptus, in implendis quibusdam conditionibus difficiliorem se praeiuit Polonis. Sed Rudolphus Imperator fidem, quam pro captivo

ptivo Fratre juratus interposuerat, amicitiamq; Polonorum intemeratam servavit, nec eam à Fratre, etsi ad servanda promissa tardiore, violari passus est. In iisdem Comitibus allata belli à Tartaris & Turcis imminenti fama fidem non reperit, atq; inde nec in tributa, belli nervum, consensit Ordo Nobilium. Eò gravius mox ab utroq; eo hoste periculum fuit imparatis. Nam non Tartari tantum Russiæ fines longè latèq; depopulati sunt, sed & Bassa, Rumeliæ Præfectus, Imperatoris sui jussu, Tyræ ripis insidens, grande bellum minabatur Poloniæ. Zamoscius magis nominis sui magnitudine, quàm exercitu, quem minus habebat, sed simul quoq; paciscendo, hostem detinuit, cumq; Cosacos ab invasione ditionum Turcicarum abstinere, & mox Legatum Polonicum, pacis causâ, apud Imperatorem fore recepisset, rediit ad suos Bassa.

VI. Sigismundus interim Revaliam abierat, à Johanne Patre istuc invitatus ad colloquium. Quod quia secretius subinde habebatur, Polonis sollicitis plerumq; libertatis suæ custodibus variarum suspicio-

fusp
alp
sece
dem
ded
ced
litu
cum
jura
am
insu
cis a
du
ror
ptur
Livo
gen
dem
Hæc
non
cici
nop
Impe
le, re
dici
pecu

suspicionum occasionem peperit. Quas
asperavit postea Patris, filium in Sueciam
secum vehere volentis obstinatio, ægrè
demum maximis Procerum, qui Regem
deduxerant, obtestationibus evicta, ut
cederet. Mussabat illicò fama, id mo-
litum Sueciæ Regem, ut, ubi filium se-
cum abduxisset, à nutu & arbitrio ipsius
jura è Sueciâ peterent Poloni: ac, eti-
am si maneret in Poloniâ Sigismundus,
insuper tamen occultum cum Austria-
cis agitari fœdus. Quippe Austriacam
ducturum Regem, hujusq; vicissim So-
rorem Annam Ernesto Archi-Duci nu-
pturam. Deniq; vectigalia Prussiæ &
Livoniæ, nec non argenti Summam in-
gentem sibi pactum Sigismundum, ci-
dem Ernesto Regnum velle addicere.
Hæc suspicionum sermonumq; sinistra,
non extinxit, sed interpellavit belli Tur-
cici metus. Quippe redux Constanti-
nopoli Nicolaus Cizevius, Turcicum
Imperatorem pacem cum Polonis nol-
le, retulerat. Itaq; Comitia iterum in-
dici placuit. * In quibus cum ingens
pecuniæ summa in tantum bellum neces-
saria

* 1590.

saria iudicata, adeoq; præter usitatas agrarias, in singula capita census constitutus esset, insolentiam tributum agrè alii ferentes, nova moliri cœpère. Zamoscii præcipuè amuli, malè sopitum odium subinde iterum promentes, ab illo Turcici belli rumores spargi, & in privata potius quàm publicæ potentie stabilimentum, tantas pecunias corradî, passim in congressibus vociferantur minabundi. Atq; his ipse etiam Regni Primas Karnkovius accessit, nuper Gorcano Comiti reconciliatus, & Zamoscii auctoritati civilem modum egredi visâ, novos cum aliis obices ponere quærens. Nunc itaq; acuendis popularibus odiis, ex tributis, re in vulgus exosâ, arripitur occasio. Et eo illicio plurimos præceram Nobiliumq; ad Conventum, Rege absente, pertraxit Primas, quem in oppido Kolo, auctoritate Archiepiscopali habuit. In eo de circumscribenda Ducis exercituum auctoritate multa deliberata. Inter alia visum inprimis utile, ut is in posterum ad Regni fines excubet cum exercitu, Electioni Regum ne adsit, aut si vocetur, ut absq; Comitatu militari veniat, summum

triginta

triginta familiaribus comitatus. Legatos quoq; nec mittat ad externos, nec missos recipiat. Etiam manubiarum facta mentio: quas Zamoscus ex Byczynensi victoria sibi retinuerit, cum Regi & Reip. deberentur. Jactantius hæc inter æmulos Zamoscii, absente ipso, agitata & accepta vim tamen non habuere, virtute Zamoscii discutiente omnes invidiæ nebulas. Jure virum hunc Scipioni Africano contuleris, quem similibus ferè criminationibus olim iniquitas æmulorum invasit. Sed ille silentio & voluntario secessu ultus est adversarios. Hic causam innocentiae suæ minimè deferens ad confessionem injuriæ inimicos coëgit. Nam & ille ipse conventus, in quo fama viri vapulaverat, pro illegitimo pronunciatus, & quicquid in eo actum, accedente Zamoscio, evanuit.

VII. Sub finem autem anni indicta sunt auctoritate Regia Varsoviæ Comitia, quæ tam Ordinum Polonicorum frequentia, quam exterorum Principum Legatis multum celebria fuere. A Rudolpho Imperatore Episcopus Vratislaviensis adfuit, qui abdicationem Maximiliani,

tan-

tanquam severa nimis lege & Austriacis
inhonorâ factam, mitigari postulavit.
Reginæ Anglicæ Legatus, Mercatorum
suæ gentis societati sedem, quam Elbin-
gæ figere decrevissent, autoritate publicâ
firmari ac ratam haberi quæsit. Nec
difficiles reperit Ordines, quia & res ipsa
non ingrata, & Regina benè merita vi-
debatur de Poloniâ: quippe cujus Orator
nuper Constantinopoli, in pace cum Tur-
cis stabiliendâ, Legatos Polonicos gna-
viter juvisset. Unde ut bellî, ita tribu-
torum quæ adeò immodica nuper
postulata erant, remissa necessitas animos
quoq; Ordinum, onerum impatientiâ in
sequiora antè consilia compulsos, delini-
vit. Et reconciliatus Zamoscio Archi-
Episcopus, ea, quæ in Conventu Kolensi
nuper acta erant * passus facilè est silentio
improbari, postquam ea pluribus jam di-
splicere intellexisset: Contrâ verò etiam
Christophorus Sborovius, quem Stepha-
nus Rex proscripserat, honori restitutus
est, sed eâ lege, ut viginti adhuc annis Po-
loniâ abstineret. Nempe ingenium vi-
ri metuebatur, quod id, per se acre, & tot
improsperis irritatum, nihil mite adhuc

spirare videretur. Caterum in Aulâ magna tûm rerum mutatio secuta. Cûm enim Regi sederet, propiore nexu Austriacos sibi illigare, simul (ut illustris scriptor Piascius refert) vestigatum illicò est, quâ ab intimioribus Aulæ negotiis amici Zamoscii removerentur. Horum enim maximâ autoritate arctius constringi Regia libertas; & ineunda cum Austriacis affinitas, impediri videbatur. Primò itaq; Pro-Cancellarius Baranovius ad Episcopatum Plocensem promotus est; specie honoris, sed reverà ideò, ut longius à Consiliis abesset. Neq; enim adire Episcopatum hunc, nisi Cancellarii munere de posito, poterat. Ei successor datus Joannes Tarnovius, consilio inprimis Alberti Ducis Radzivillii, qui Lithuaniae Mareschalcus, tum verò in aulâ continuus, & præ aliis gratosus erat. Hi autem ambo minùs favebant Zamoscio. Nec multo post gratia quoq; Regis Martinus Lesnovolscius Castellanus Podlachia, intimus hætenus consiliorum Regionum arbiter, excidit: nullâ manifestâ Viri culpâ, sed solitâ infirmitate potentia, alienâ vi nixâ. Visus est Zamoscio additior,

ctior, morosusq; adeò Aulae Magistris annumerabatur ab iis, qui aures Regias soli possidere cupiebant. His obicibus remotis, tantò acriùs matrimonium cum Austriacâ, Caroli Archi-Ducis filiâ, agitari cœpit. Et quia id Zamoscio minus probari crederetur, maturari rem placuit, antequam robur acciperent consilia, quæ à tanto & tot alios tracturo Senatore strui possent. Nam & eo fine Andrzejovix capita contulerant quidam cum Zamoscio Senatores, Nobiliumq; non pauci: ubi pleriq; in itinere intercipiendam Regiam sponsam, alii comitiorum autoritate intercedendum matrimonio censuere. Sed Sponsa omnium opinione citiùs adducta, & sine mora Cracovix coronata, * nuptiis magna solennitate celebratis, spes ac conatùs adversariorum omnes frustravit.

VIII. Cæterùm ducta citra multorum consensum Anna Conjux, non suâ, sed æmulorum culpâ, infesta Regi Comitia reddidit. Ad ea enim animis plurimùm asperatis plurimi accessêre. Audaciores hos faciebat autoritas Zamoscii, qui
præci-

ptæcipuus matrimonii Regii impugnator, atq; inde publici egregii contra Regem vindex apud multitudinē audiebat. Atq; ille equidem his temporibus è re Polonorum esse credebat, potentiam Austriacam arceri à Polonia: atq; ipsa etiam matrimonia domûs illius suspecta habebat: accedente inprimis metu privato, ne adductæ inde Reginae potestatem nanciscerentur ulciscendi ea, quæ contra Maximilianum ipse gesserat: ignarus nimirum, quantam illæ famam innocentiae & benignitatis sibi in Regno hoc conciliaturæ essent. Sed tum acriter in arcana Regis consilia inquisitum, & quæcumque cum Aula Cæsarea per literas runci- osq; secretos agitata dicebantur, cum curâ excussa sunt, Lesnovolscio inprimis nuper iuventæ Regiæ præcipuo custode, nunc post abitum ex Aula, iras, & quidquid adversum Regi sciret, avide promente. Rex omnium sequiorum machinationum inscium se affirmabat, & literas, quæ proferebantur ad Ernestum Austriacum scriptæ, à falsaria manu profectas esse ostendebat. Itaq; multi dies inter concertationes acerbissimas extra-
 ti sunt.

eti sunt. Quia partes Principis non pri-
stini tantum ejus amici & fautores, inter
quos erant Radzivillius & Rozrazevius
Episcopus Vladislaviensis, sed multi quo-
que alii, qui Maximiliano contra Regem
faverant, ut Zamoscio jam contrarii es-
sent, tuebantur. Tandem tamen, an-
nitente Regni Primæ, publicæ pacis bo-
no induci se passus Rex est, ut plus, quàm
fecisse se crederet, factum fateretur, pro-
mitteretq; se nec de successore, Republ.
invitâ, cogitaturum, nec in Sueciam i-
turum, nisi datâ Ordinibus de reditu cau-
tione idoneâ. Sub hoc tempus Janusz-
um Ducem Ostrogium ex Palatino Voli-
niæ, Castellatum Cracoviensem Rex fe-
cit, Virum generis splendore, & opibus
præpollentem, nuperq; Cosacorum, qui
ductore Cosinio, infesta Russiæ arma in-
tulerant, victorem. Qua ex victoria non
pauca Cosacorum vexilla Cracoviam de-
portata leniêre non nihil invidiam, quam
collata ei princeps ista Regni dignitas
conciverat: cum non unus Procerum e-
am aut ipse ambiisset, aut saltem minus
potenti datam nrallet. Adêo iniquam
sæpè fortunam ipsa etiam beneficia ex-
peri-

periuntur, ut cum vix unum devinciant, offendant subinde plurimos, certè irritèt æmulos, qui alienum honorem sui diminutionem arbitrantur.

IX. Secuta paulò post Joannis Patris in Sueciâ mors novis curis Regem implicuit. Longiori & difficili itinere Regni à Patre relicti adeunda erat hæreditas; nec Regi, nisi consultis Ordinibus, & rebus bene ordinatis, abeundum è Polonia videbatur. Itaq; Comitia Mense Majo, Varaviae habita. Julio exeunte, iter Rex ingressus, secundo Vistula, Prussiae Urbes, magno Procerum comitatu, transiit. Thorunii & Elbingæ templa primaria Romanae Ecclesiae ritibus restituit. Gedani idem metuebatur. Sed erant qui Zelum Religionis cohibendum Regi esse suaderent, praesertim in Sueciam ituro, ubi eorundem sacrorum hominibus idem metus occasionem turbarum praebere posset. Interim in Urbe, quid furentis populi multitudo possit, obortus tum casu tumultus ostendit. Cum enim bajulus quidam à Polono pedite, quem ille onus ferens incautiùs fortè tetigerat, strictâ frameâ graviter percussus esset, ad injuriam

riam socii primò concurrere bajulorum
 turba, mox & vicinior plebes cœpit. Po-
 lonis vicissim Polono quoq; opem feren-
 tibus, commotus universus populus, Po-
 lonos omnes, quotquot sese offerrent, ar-
 mis correptis impetit, & recedentes, in
 ipsis quoq; ædibus, persequitur. Neque
 hospitium Regium Majestas ita defende-
 re potuit, quin globi aliquot, per fene-
 stras illati cubiculo, Regem Reginamq;
 perterruerint. Stabant ad portas magno
 numero Satellites Procerum Regisque,
 strepitu armorum conciti, & Heris suis
 succurrere quærentes. Sed pensili ponte
 ingredi Urbem prohibebantur, non in
 remedium alioquin tumultûs, sed irrita-
 mentum potius adfuturi. Nam paucos
 illos, intra Urbem cum populo certare
 ausos, (cum ex iis non multi cecidissent,
 plures vulnerati utrinq; essent,) faciliùs
 mitigavit ac turbæ subtraxit Krascius,
 Marechalci tum absentis vices admini-
 nistrans. Magistratus ægrius populum
 compescuit: tametsi, ubi toto biduo in
 causam tumultûs, portis Civitatis interim
 clausis, inquireretur, alia reperiri non
 potuit, quàm bajuli illa cum Polono
 fortui-

fortuita contentio. Nec is, qui ausu nefario domum Regiam violaverat, quantumvis magnâ industriâ & non modico indici proposito præmio quæreretur, inventus est. Sed Rex negotio hoc ad summum è Suecia reditum dilato, navem medio Septembri ingressus, solvit de litore. Altero ab egressu die oborta ex Aquilone tempestas classem dispulit, Rex ipse in Helam, Gedanensium promontorium rejectus, toto istic octiduo hæsit, donec naves per mare dilapsæ (erant verò 34 grandiores, novem triremes) denuò congregarentur. Ubi coierant, ingressus denuò mare Rex, Reginâ & Annâ Sorore, Tarnovio item Vice-Cancellario Polonico, aliisq; comitatus, secundiore jam vento, Sueciæ littora, multis scopulorum anfractibus confragosa 27 Septembr. attigit. Ubi cum aliquot diebus ceteras naves expectasset, tandem Stockholmiam progressus est.

X. Istic solenni Procerum pompâ ut legitimus Patris sui successor & hæres exceptus est. Sed quia Augustana Confessio ab Avo ejus Gustavo introducta, ibidem ita invaluerat, ut pauci jam di-

P

versum

versum sentientes superessent, ea res multis difficultatibus Regem circumdedit. Quippe ille in maternâ Religione educatus, ejusdem! porrò & tuendæ & propagandæ acrius studium multis dudum, nec obscuris speciminibus, ostenderat. Inde Suecis plerisq;, præsertim Ecclesiasticis, & vulgo jam dudum formidatus, cum in Sueciam è Poloniâ rediisset, malè grato Comitatu exasperavit animos. Nam & Malaspinam Nuncium Pontificis, & Theologos alios secum adduxerat. Qui in provehendâ Religione fervidi, primarium Stockholmia templum occupare protenus tentavêre. Et primario Augustanæ Confessionis ministro, quod Regium concionatorem de suggestu, refellisset, concionandi potestate à Rege interdictum ferunt. Cumq; postea, in Musici Regii funere, Augustanus Concionator alteri diversorum sacrorum presbytero suggestu cedere nollet, vi inde ejectus, vociferando & opem populi implorando, ingentem tumultum concivit, qui etsi tandem non sine labore compositus est, magnos tamen in animis reliquit aculeos; cum inprimis non deessent, qui talibus

talibus turbis in rem suam uterentur. Eò
certè intentius Religioni suæ cautum vo-
luere Ordines, prius quàm diademate
Regem evincirent. Et iidem, ante Si-
gismundi in Sueciam ingressum, habito
Upsaliæ conventu, solius Augustanæ con-
fessionis libertatem in Regno sanxerant,
ipsamq; Regis inaugurationem ab ejus-
dem Confessionis Archiepiscopo Abra-
hamo Andreae fieri cupiebant, idque eò
obnixius, postquam Regem id abnuere
viderent, qui à Nuncio Pontificis inau-
gurari captabat. Diu & acri utrinque
concertatione trahebatur res, donec Rex,
immos Ordinum animos, et nullam,
nisi annueret spem Regni adeundi reli-
ctam sibi videns, tandem præter alia du-
dum usitata Regni jura, Augustanæ in-
primis Religionis usum ac libertatem di-
plomate confirmaret: addito insuper, se
nullis Ecclesiis vel Scholis ei confessioni
contrariis impedimentum ullo modo af-
ferri permissurum: Nec alios, nisi ei Con-
fessionis addictos, officiis Ecclesiasticis, vel
publicis, admoturum: cæteris extra mu-
nia publica, communi Sueciæ jure, qui-
etè jussis uti fruiq;. Priscæ juramenti

formulae hæc insuper postea addita, conservaturum se Regni ditiones, ne juris fiant alieni, ex proventibus Regiis victurum, nec novis oneribus gravaturum subditos: deniq; Regnum ex Caroli Ducis tum Sudermanniæ, Patru sui, & simul Senatus Suecici consilio gubernaturum. Jurejurando præstito vicissimq; accepto, ductum defuncti Regi Joannis funus, & cadaver in templo Upsaliensi sepultum est. Ibidemq; postea novo Regi Reginaq; ab Archiepiscopo Abrahamo Andrea, ritu antiquo, diadema impositum. Inde habitis Comitibus, de communi consensu Ordinum ratio præscripta est, secundum quam, Rege absente, Regni munia administranda essent à Carolo Patruo & Senatu. Erico Comiti Braheo ant quæ Religionis retinentissimo Senatori arcis Stockheltmianæ, inq; eâ depositorum Regni insignium scriptorumq; arcanorum custodiam Rex mandat, non sine multorum invidiâ ac murmure, qui publica Regni munera non nisi Augustanæ Confessionis hominibus ex pacto deberi perpendebant.

XI. Postea compositis ad iter rebus in Poloniâ Rex rediit, quam & ipsam tranquillam reperit, nisi quod vicinæ Ungariæ motibus aliquantum sollicitabatur. Illam enim Turcæ armis undique vexabant, Iaurino aliisq; arcibus atq; oppidis occupatis. Et Turcis auxilium laturi Tartari, Russiam Pocuciamq; festinatis itineribus percurrerant. Imperator Rudolphus ut Ottomanicam potentiam, in Ungariâ magis magisq; valescentem, tanto validius refringere posset, Principum Christianorum, inprimis verò Regni Polonici opem imploravit. A tq; eâ super aliquoties, in publicis Comitibus, deliberavêre Poloniæ Ordines. Tardiùs procedente negotio, Zamoscus, in Moldaviâ præter opinionem cum Tartaris committitur. Provinciæ isti Palatinus Transylvaniae nuper suo arbitrato, sed majoris autoritatis auspiciis, & Christianitatis commodum prætexens, Stephanum Radulum imposuerat. Zamoscus antiquum jus sui Regis vindicaturus, immisso cum validâ manu Jeremiâ Mohilâ, Radulum ejcit, venientesq; deinde in Raduli vindicias Tartarorum ingentes copias

pias memorabili clade afficit, atq; in leges, quas Victor volebat, adigit. Paulo post etiam Rosvanus restituendo Radulo submissus à Transylvano, post acrem pugnam, capitur, & palo transfixus, vitam miserè finit. Sub ipsa autem istorum in finibus Regni motuum initia, Regem Regiamque omnem felix Reginae partus exhibaravit. Filium enim illa enixa est, cui *Vladislai Sigismundi* nomen datum. Quæ partum antecessit nox, fortuito arcis incendio illustris, variorum ominum ensam ingeniis dedit. Pars verò palatii, quæ conflagraverat, ex ruinâ splendidior, sumptu Regio, surrexit, totaq; tecta est cupro; juvante Regiam Magnificentiam Georgii Radzivillii Cardinalis, ejusdemq; Episcopi Cracoviensis liberalitate, cui fodinæ in Kielcensi agro recens repertæ, metalli istius vim luculentam atulerant. Hoc quoq; tempore, quibusdam pacis publicæ cupidis hominibus studium incessit, sacro nexu Russiam arctius Poloniae innectendi. Nam etsi ea Provincia multis jam seculis, iisdem cum Regno juribus gauderet, subindè tamen hactenus ob sacrorum diversitatem (nam pleriq;

pleriq; incolæ Græcæ Ecclesiæ ritus sequuntur) in turbas prona, aut turbatoribus opportuna fuit. Itaq; sub idem regimen sacrorum redigere placuit populum, in dogmatibus alioquin à Romanâ Ecclesiâ si dissidentes se mutuò capere possint aut velint, vix dissonum. Quâ in re jam ante nonnulli laboraverant, verum nunc duo inprimis Ruthenorum Episcopi, Hyppatius Pociey Vlodimirienfis, & Cyrillus Terlecki Luceorienfis Antistes, prævivere cæteris. Qui Romam profecti, pronisque istic animis suscepti sunt à Pontifice & Cardinalibus. Sed iidem domum reversi, plures, quàm unquam antè sperassent, adversos sibi habuerunt. Palatinum inprimis Kioviensem Ducem Ostrogia, qui quod consilii istius non fuisset caput, ut esse debuisset videbatur, ejusdem inimicus ac destructor fuit. Virum tantæ opulentia & authoritatis facile sequentibus aliis, præsertim ex Sacerdotibus, literarum ut plurimum expertibus, tum & cæterâ plebe, quæ ejusmodi Religionum confociationes quò minus intelligit, hoc magis abhorreere solet. Ex hoc utiq; fonte, per se saluberrimo, ama-

ra illa deinceps profluxêre odia, & tandem bella, quibus non Russia solum, sed universa Polonia atrocissimè concussa documentum dedit posteris, quàm fœdo artificio Duces rebellionum, obtentu Religionis, ad nefaria molimina sua abuti soleant: & quàm plerumq; sub pio fidei nomine infidelitas impiissime grassetur.

XII. Turcarum potentia in Ungariâ magis magisq; Austriacis gravis reddebatur. Unde isti auxilia undiq; circumspicientes, in Poloniam quoq; denuò mittunt Legatos. Et ibidem causam eorum acerrimè agebat missus à Pontifice Cardinalis Cajetanus. Sed Polonis non satis tuta videbatur armorum societas, quæ cum Imperatore & Pontifice iniretur. Quippe quorum ut imperia, sic pacta morte ipsorum terminentur, nec successores, nisi ultrò volentes, obligent. Ne itaq; tali casu in solam Poloniam potentia Turcicæ moles incumberet, ipsos quoque Germaniæ Ordines eidem Societati, fide mutuò datâ, innecti volebant Ordines. Sed cum de Principum Germanorum consensu non constaret, imò potius jure dubitari posset, irrita fuit ista socie-

tatis

tatis negociatio. Cardinali quidem frustratam operam suam ægrius ferente, sed non minus quoq; admirante liberalem sagacemq; Polonorum indolem præcipuè Cancellariorum, Zamoscii & Tarnovii, nec non Goslicii, Episcopi Premisliensis, qui meditatissimis ipsius orationibus extemporaneâ facundiâ subinde respondebant. Sub hoc quoq; tempus Cosacorum in Russiâ repressa petulantia est. Qui suis in Pontum Euxinum & adsitas ditiores excursibus Turcæ molesti, eo modo pacem quoq; Poloniæ cum Turcis inittā, subinde vellicabant. Cumq; eo nomine coërcerentur à Polonis, frænum ægrè ferentes, quas in holtico quærere prohibebantur prædas, inter suos venabantur. Nunc Duce Nalewaikio homine plebejo, sed impavidæ ferociæ, arma induerant. At eosdem aliquandiu fortunam non improspèram expertos, tandem Stanislaus Zolkievius Campiductor in angustiis deprehendit, & ad deditiōem adegit. Dux rebellionis Nalewaiko, cum sociis, scelus suum, Varsaviæ, capitis supplicio luit.

XIII. In Succia Pro-Rex Carolus procerum multorum & vulgi potissimum studiis paulatim provehebatur ad sceptrum; juvante res ejus receptæ illic noviter Religionis Zelotum Sigismundi & absentia & lentiore ad obtinendum genio. Primorum contra qui Sigismundi partes acriter usq; tueri istic studerent, indies magis & autoritas & vires languescebant. Neq; hi, quantumvis Regis jus & interdicta identidem objectantes, prohibere potuerunt, quò minus Vastenis primùm, mox Sudercopiæ, deniq; Abrogæ conventus, inscio Rege, haberentur. In his Pro-Rex omnia Regis causâ se & velle & facere agebat, munus etiam Vicarii Regii nonnunquam deprensens. Eâ larvâ tegebatur ambitio, famam innocentia quærens, cum acerrimè noceret. Nam eandem potestatem mox tanto flagrantioribus clientum suorum & populi precibus obsecratus, majore auctoritate resumebat. Tandem Proceres, qui conventuum decretis subscribere nonlissent, pro turbatoribus habiti & proclamati sunt. Unde aliqui seu promissis, seu minis, in partem validiorem trahi se

hi se permisere, alii, dignitate & patriâ
 posthabita, aliò migrarunt. Inter eos
 Ericus Sparre post Nicolaum Guldenster-
 num, meritissimum senem, Regni Can-
 cellarius, in Daniam; Comites Brahei,
 Guldensternii, Nicolao Cancellario ge-
 niti, cum aliis plurimis in Poloniam se-
 cessere. Rex missis subinde nunciis, quæ
 sinistra & sibi adversa ex Sueciâ accepis-
 set, corrigere laborabat, cum nihil pro-
 ficeret, Samuelem Lascium tandem able-
 gat, offensas Regias coram Regni Ordini-
 bus dignâ severitate expositurum. Is
 in Sueciam ingressus, commodum Proce-
 res Regni Upsaliæ cum Carolo Princi-
 pe coactos reperit. Quippe qui istic Gu-
 nillæ Braheæ, Sigismundi Regis novercæ,
 exequias pompâ solenni celebrabant. Ibi
 Laski, Regis nomine, per vim, & quasi
 absolutâ dominandi, potestate à Pro-Re-
 ge acta, inprimis Calmariam, Aboam oc-
 cupatas, multaq; alia objicit Carolo: Re-
 gisq; porro adventum Ordinibus pollic-
 ens, classem ad littus Prussicum mitti ju-
 bet: Proscriptis Regis ministris bona su-
 a, captivis libertatem & præfecturas red-
 di mandat, Alia ad Regis brevi adsu-

turi cognitionem rejicit. Pro-Rex haud modicè offensus, accusationes omnes ob-
jecto Senatus atq; Ordinum consensu re-
tundebat, sine quo nihil se unquam fecis-
se memorabat. Re itaq; nullâ effectâ
Lascius in Poloniam revertitur. Ubi
cum in Comitibus, in quæ opportunè in-
ciderat, à se in Sueciâ acta compertaque
retulisset, consilium Rex cepit in Sueciam
abeundi, hocq; idem, datâ redeundi cau-
tione idoneâ, Ordinibus Poloniæ pro-
bavit.

XIV. Ituro autem in Sueciam Regi
suadebant Proceres atq; inprimis Zamo-
scius, ut justo exercitu instructus trajice-
ret. Neq; enim adultam jam Caroli po-
tentiam auctoritati inermi cessuram aje-
bant. Sed Rex Patrum, & quotquot
istic sibi adversari viderentur, mansuetu-
dine potiùs vinci posse autumabat. Et
idem sentiebant, qui ex Suecis Regi ade-
rant. Duabus igitur tantum stipatus le-
gionibus iisq; magis ad custodiam cor-
poris Regii, quàm ad bellum comparatis,
iter Rex ingreditur. Unam peditum
Ungarorum Venceslaus Bekefius, alteram
ex Germanis Joannes Veiher, Hildebran-

dus

duſ Kreitzius & Ferensbachius ducebant. Navibus, quas è Sueciâ fruſtra expectatas, aliunde Rex conduxerat Steno Bannierus præerat. Aliis vehebantur Petrus Tylicki nuper Joanni Tarnovio in Vice-Cancellarii munere ſuffectus, Georgius Dux Sbaravius Pinſcenſis Præfectus, Hieronymus Wolouitz, Lithuaniz Notarius, Maximilianus Przerenbski, aliiq; aulici complures. Trajecto mari, Calmariz Rex cum ſuis exſcendit: hincq; ſine morâ Samuelem Laſcium Stockholmiæ præmittit, occupaturum Urbem & arcem, unde in cætera regimen. Ipſe ſecuturus Steckenbergam deſcendit, Annæ Sororis videndæ cauſâ. Huc Carolus quoque Dux cum copiis ſuis contendit: quas dimittere juſſus, antequam Regem conveniret, id facturum ſe reſpondit, ſi Rex idem faceret. Parùm hic abſuit aliquoties, quin res veniret ad manûs. Et primum quidem copiz Carolinæ, quia anguſto loco claudebantur, non difficulter opprimi poſſe videbantur Regiis: ægrèq; has Sigismundus ipſe continuit. Sed poſtea Carolus ſuos anguſtiis eductos ita admovit littori, ut mox Regios & claſſe ſuâ

suâ & commeatu excluderet. Ac tametsi, Linkopiæ, de pace utrinq; tractare designati Commissarii capissent, armis tamē propè Pontem Stangebriensem concursū est. Ubi Carolini ut numero sic fortunā præpolluere. Inde ad colloquium in campo Rex & Carolus Patrus progressi soli, mutuam factorum oblivionem paciscuntur, controversiis, quæ superessent, ad Comitia brevi instituenda reiectis.

XV. Deliberare deinde Rex cœpit, pergendumne sibi in Sueciæ interiora esset, tam parvâ militum manu. Neque enim augere exercitum facile erat, inter intensos, & apparatu bellico prorsus deficiente. Carolo contra omnia prona: & major indies affluebat militum copia. Unde metus Regi, ne Stockholmiâ delatus, sui arbitrii esse desineret. Tristia quoq; omnia & sibi & Regi timebant Sueci, Regem sequentes, quos jam obsides sibi dari volebat Carolus, ex arbitrio suo postea (ut suspicio erat) de ipsis consulturus. Hi itaq; suadebant Regi, maturè ut in Prussiam rediret, minore & negotio & periculo istic, quæ conducerent, paraturus. Alii contra dissere:

Probro-

Probrorum Regi discessum tam subitum, & absentiam à Regno clientibus Regis, qui restarent inter Suecos, acerbam periculosamque, nimis contra opportunam adversa partis consiliis fore. Spargi jam in vulgus, Regem Sudercopiensis & Abrogenis, conventus decreta, adeoque & Religionis libertatem abrogatam velle. Nunc si Lincopiensis quoque promissa deferri credantur, fidem Regis actionesque omnes acerbissime apud Regni incolas, nec sine specie applausuque traductum iri. Arma jam nuper mota, ac tunc libertati opprimenda, pugnatorum paucitate, imparem visum Regem, nunc ideo in Poloniam redire credi, ut majorem adducat exercitum. Cui excludendo nihil non, quod opponant, undiqueque interim conquirituros adversarios. Sed animo Regis abeundi consilium fecerat. Et mox Steckenbergam, hincque assumpta sorore, Calmariam revertitur. Ubi in praesidium relicto Bekesio & Joanne Sparrio, navem ingressus, in Prussiam trajecit. Non defuit illic sibi Prorex, ac jam apertius Regem, ob adductum inprimis, relictumque in portu primario militem externum, accusans, Calmariae exercitum admovet. Quam etsi annona
& ap-

& apparatu bellico malè instructam (nam necessaria Gedano serò submissa Carolus, mare & Portum tenens, exclusit) sex mensibus magnâ virtute & famis tolerantia præsidarii defendere. Sed cum omnia, coriaq; etiam ipsa, quæ in cibum famelici emolliverant, deficerent, potestati sc tandem Pro-Regis permiserunt. Qui Germanos & Polonos quidem dimisit liberos. Suecos verò, quos istuc repererat gladio obtruncari iussit. In quibus, præter loci Præfectum Joannem Sparre, multi Nobiles Viri fuere.

Cum occupata Calmaria esset, ejus impugnatae causam in Comitibus Stockholmiæ habitis, dixit Pro-Rex. Quâ approbatâ, Finlandiæ pariter atq; Estoniæ, quia in obsequio Regis manerent, arma inferri, & si qui Optimatum refragarentur, ut turbatores Regni, carceribus, proscripti-one, suppliciis capitis plectendos esse, facili Ordinum consensu, decrevit. Sed jam quoq; tandem ulterius processum est. Regnum enim, ceu malè hætenus administratum, atq; omninò etiam, (quia jam nec ad literas suas ulla Ordines responsa accipiant ex Poloniâ) derelictui habitum senten-

sen
fi
spe
sex
stic
im
titu
rib
ra
Nec
mir
adv
ère
stin
ram
in h
val
adu
dei
bus
nun
lum
tur
ea,
tes.
Esto

sententiâ publicâ abrogatur Sigismundo, sic tamen, ut filio Sigismundo Vladislao spes succedendi maneat integra, si intra sex menses in Sueciam mittatur, sacris istis publicè receptis, legibusquè Succicis imbuendus. Mox & in Finlandiam mittitur classis, cui Alexius Korkius, sed viribus impar, occurrit. Quo amoto, terra omnis venienti Carolo mox patuit. Nec Arcem Abrogensem Joannès Flamingius & Arvidus Erici, nullis à Rege adventantibus suppetiis, protegere potuerè. Estonia atq; in ea Revalia imprimis stitit aliquantum progressus ejus, moramq; adeò Regi fecit exercitum parandi in hostem. Sed ille naturâ cunctator, valescere passus est hostis sui vires, quibus adultis deinde impar fuit. * Comitia deinceps habita sunt in Poloniâ. In quibus Sigismundus erepti sibi Regni damnum questus, opem poposcit. Sed bellum hoc tanquam alienum deprecabantur Ordines, præstare alioquin in Regno ea, quæ Regi suo deberent, promittentes. Interim Carolus è Sueciâ reversus, Estoniam impugnat occupatq;. Inva-

dit

dit eandem Georgius Farenſbachius Tribunus Regius, nullo Reip. juſſu, & improſperè. Nam & provinciam non defendit, & Livonico Caroli bello occasionem ſpeciemq; dedit. Poloniam verò tum motus Valachiæ & Muldaviæ attinebant: Valachiâ Simeonem Mohilam, Moldaviâ Jeremiam Fratrem ejus Michael quidam, homo promptus bello & felix, excuſſerat, ferox jam porrò victoriâ, de Cardinali Batoreo Tranſylvaniæ tum Principe reportata. Et in Ruſſiâ Polonicâ quidam ingenio turbidi religionisq; ſtudio nova cupientes, in hunc iplum Michaelem animos ſpesq; ſuas arrexerant. Tanto magis premendum eum duxit Reſpubl. atq; inprimis Zamofcius, cui finium illorum cura è præfecturæ militaris munere incumbebat. Itaq; exercitum, quantâ poteſt, celeritate conſtat, pecuniâ, quia in Comitijis diſtracti ambitu Proceres nullam decreverant, privatim in fidem publicam ſumptâ. Et prono in Rempubl. ſtudio complures ex potentioribus cum copiis, ſub ære autoratis, occurrere. Inprimis Chriſtophorus Sbaravius, Conſtantinus Viſnovecius Duces: duo

duo Tenczynii Comites, duo Danielowicij, Carolus Chodkievicius, Hieronymus Sienavius, Pincerna Regni. Adfuit quoq; Stanislaus Zolkievius Campidux, Potocii aliquot, Drohojovius Regni Referendarius, Nicolaus Strusz, Kazanovius. Cum his in Moldaviam festinatis itineribus contendit Zamoscus, hostem incautum deprehensurus. Hic verò interim ad Selesinum amnem loco uliginoso castra posuerat, sexaginta millibus hominum instructus. Ex quibus cum primo conflictu mille circiter occubissent, reliqui fugâ dilapsi, terrorem latè sparsère. Et quia Michael quoq; inclinata praelii fortuna, paucis comitatus se subduxerat, Valachi vim Polonorum paventes, missis primoribus, imperata facere, ac Simeonem nuper expulsum recipere promisère Zamoscio. Eodemq; auctore Muldavi ad Soczaviam in verba Jeremiae, prioris Palatini sui, adacti sunt. Neq; Michael postea fortunam, quamvis nihil intentatum relinqueret, restaurare potuit: intento in ejus conatus Joanne Potocio Praefecto Camenecensi: cum quo etiam postea ad Hardisum fluvium con-

congressus, insigni exercitus clade accepta, ipse vix evasit.

XVII. Zamoscio in Comitibus postea habitis, pro re in Moldavia Valachiaque præclare gesta, publicè, Reipubl. nomine, disertâ Oratione gratias egit Sbigneus Ossolinus, Ordinis Equestris tum director, olim Zborovianarum partium adversus Zamoscium. Tantò splendidius Viri gloria ex ore quondam inimico nitescebat: & largius se jam in laudes effudit Orator, ne ex odio veteri quicquam videretur dissimulasse. Sed eidem Zamoscio fessam ne quicquam obtendenti ætatem, aliud mox bellum committitur: Livonicum nempe cum Carolo Regis Sigismundi Patruo gerendum. Ille Regiæ potestatis vim exsertius indies de consensu Senatus & populi firmabat sibi in Succia: abdicata jam omni stirpe Sigismundi, atq; ipso quoq; quem nuper istic expetierant, Vladislao, quia nimirum tempus, quod adventui ejus præfinitum erat, effluxisset; Patre jam, quicquid in Regno transmarino ageretur, minaci silentio damnante. Sed supererat in Suecia Sigismundi Frater, Patri Joanni cognomi-

nis:

nis: Hujus ex lege propius ac liquidius
 jus, quàm Caroli, ad Regnum esse judica-
 batur. Nec obesse ei Religio poterat,
 quippe usitatâ istic receptamq; profiten-
 ti. Metuebatur interim, ne potestate
 accepta, in Sigismundum Fratrem, quàm
 in Carolum & amicum isti Senatui, pro-
 pensior foret. Itaq; per homines idone-
 os inducitur, ut sponte potius cederet sce-
 ptro, rebustam turbidis, gravi futuro a-
 dolescentiæ suæ. Ille ætatis & ingenii
 facilitate, tum reverentia Patruî flecti se
 passus est, ut consentiret: sicq; pro sceptro
 Suecico, Finlandiæq; quam hæcenus te-
 nuerat, præfectura, Ostrogothiæ regimen
 accipit. Carolus verò Dux, Sueciâ, quâ-
 cunq; ea invasioni hostili patere videre-
 tur, diligenter munitâ, Livoniam quoq;
 invadere statuit, quò arma Sigismundi à
 Sueciâ longius averteret. Præmittit i-
 gitur illuc Carolsonium nothum suum.
 Sed hunc propè Kokenhausum Christo-
 phorus Radzivillius Palatinus Vilnensis
 profligat, Oppidumq; illud & mox Ven-
 dam per ductores suos recuperat. Secu-
 tus ipse postea cum viginti millibus ar-
 matorum, Rigam Provinciæ caput petit,
 eminens

eminus obsidionem minans. Verùm tu-
 ente locum Farensbachio, aliquandiu hic
 frustra hæsit, & veniente deinde cum Za-
 moscio exercitu, Parnaviam recessit.
 Secutus quoq; Zamoscium Rex est, sed
 tardiori ob impedimenta Aulica itinere,
 neq; vergente hoc jam anno, veniri ad
 prælium potuit. Volmaria tantum ob-
 lessa est, quantumvis eam omni necessa-
 rio apparatu instructam hyems quoq; ip-
 sa defensura videretur. Sed omnes fri-
 goris remoras perluctatus Zamoscius,
 (Rex enim non diu moratus, in Lithua-
 niam recesserat) vineis aggeribusq; du-
 ctis eò redigit præsidarios, ut deditionē
 deniq; facerent. Captus istic Carolsoni-
 us nothus, & Pontus de la Garde. Quo-
 rum hunc ut Virum strenuum humaniter,
 alterum contemptim habuit victor, ob
 generis notam, vel quod potius credide-
 rim, ob acerbiorem in Carolum Patrem
 offensam, à quo nuper superbis epistolis
 fuerat irritatus.

XVIII. Cæterum Hybernatus in Livo-
 nia Zamoscius, simul ut frigora remise-
 rant, exercitum Felino admovet, arci ad
 Muldavam sitæ, curaq; fratrum Crucife-
 rorum,

rorum, olim arcendis Moschorum incur-
sionibus, diligentius munitæ. Sed ægri-
us ob peditum paucitatem processit ob-
sidio. Unde ad oppugnationem equites
descendere oportuit, Duce ipso, ut exem-
plum Senis reliqui pronius sequerentur,
equo suo primo omnium desiliente. Nec
pauci assultorum periêre, interq; eos Ge-
orgius Farensbachius, Palatinus Venden-
sis. Et postea ipse etiam Zamoscus pe-
riclitatus est, sclopi jactu cingulum ejus
rumpente. Tandem nihil remittentem
obsidentium operam casus adjuvit. For-
tè enim in pulveris pyrii depositoryum il-
lapsa flamma, propugnaculo disjecto, plu-
rimos prædiariorum atq; in iis præfe-
ctum ipsum corripuit. Unde reliqui de-
dita arce, victoris se clementiæ permisêre.
Post hæc Zamoscium non æquè hostis,
quàm militum suorum seditio exercuit.
Ille enim inducias quæsit: hi ob non
soluta stipendia obsequium exuere cœpê-
re. Tandem tamen humanitate, prom-
issis, & privatâ Ducis pecuniâ mitigati sunt.
Nec diu post, ut negotio ipso discuterentur
turbida consilia, in Estoniam leviores
alæ dimissæ, cum Mansfeldii, qui vices
jana

jam Caroli hic sustinebat / copiis tumultuariè subindè concurrere. Ipse Zamoscus cum graviore exercitu Veisensteinium, firmissimum ingenio loci & operibus oppidum aggressus, eodemque post maximos toto mense toleratos labores, potitus est: accelerante deditionem Stanislai Zolkievii victoria, qui Nassovii Comitum turmas in auxilium obsessorum tendentes, memorabili clade ad Revaliam affecit, præcipuis eorum, atq; ipso Præfecto interfecto, tormentis porro atq; impedimentis omnibus in prædam acceptis. Hinc jam, rerum militiæq; regimine in Carolum Chodkievicium interim deposito, in Poloniam revertitur Zamoscus, exercitui stipendia procuraturus, quibus tardè procedentibus obsequium militum & virtus languescebat. Tributa verò stipendiis destinata, absente ipso, æmuli morabantur, ut fortunæ Viri obstrueret, quæ supra civilem modum provehi visa, ipsis formidini, Aulæq; prægravis erat. Nec deerant qui nimiam dominandi cupidinem, affectatumq; popularium animorum favorem, atq; in ipsum Regem quoddam quasi magisterium clam objectaret, finiu-

stimularentq; adeò Principem, ut auctoritati suæ, sub tali, ut vocabant, pædagogo multum deniq; laboraturæ consulere. Ista ingerebantur auribus Regis, cum nemo adesset, qui innocentiam Zamoscii defendere vellet. Quo minùs mirum, si animo dominantis penitiùs infedère: Ipso plerumq; genio Principes sollicitante, ut non diu ament Ministros, quorum autoritas imperio quàm obsequio propior, consiliis etiam optimis gratiam adiungit, quando qui dedit consilium formidatur, & sapè cum suadet, jubere creditur. Hinc in talium inimicos & criminatores major inclinatio & fides. Quibus circumfessus Princeps audentiùs indies, si quid vellet Zamoscus, negabat. Unde nec in munerum publicorum distributione ratio amicorum ejus habebatur. Ipsaq; suprema Curia præfectura (Archimarschalcatum vocant) quam Zamoscus aliis sibi addictioribus voto destinaverat, Sigismundo Myszkovio, Zamoscii amicis nequicquam obnitentibus, data fuit. Inter causas offensæ Regiæ non postrema illa erat, quòd, cum Rex amissâ Conjuge primâ, Vladislai jam octennis

Etennis matre, germanam defunctæ Sororem, inaudito inter Polonos exemplo, ducere proposuisset, ei consilio præcæteris adversari crederetur Zamoscus. Auxere invidiam laudes ambitiosius à nonnullis prædicatæ in Comitibus, cum tanto Duci de Livoniâ feliciter recuperatâ publicè agerentur gratiæ. Gnarus omnium istorum Zamoscus manum suam paulatim negotiis subtrahere capit, nec deliberationes publicas, in Comitibus istis, solito ardore juvit, quò clariùs contaret Auræ, quàm regimen rerum carere non possit magnis & apud populum gratiosis adjutoribus. Ordo Nobilium, in Auræ consilia, studio libertatis, plerumq; acriùs intentus, nunc autè tanti Civis offensas quodammodo ulturus, desideriis Regiis acerbiùs contradixit. Tandemq; Comitibus sine ullo bono effectu diffluxêre.

XIX. In Sueciâ Carolus Dux, postquam tot annis, Regiæ dignitatis vim tenuerat, jam tandem quoq; nomen assumpsit: nemine istic amplius reclamante, quia adversarii ferè omnes aut solum, aut animum mutaverant. In diplomate, quo Regiam ejus auctoritatem stabilire

Ordi-

Ordines, causa rejecti Sigismundi hæc præcipua effertur, quod ad multiplicem procerum petitionem comparere & Regni administrationem suscipere noluerit, imo & hostem se ostendere, armisque sceptra petere non dubitarit. Iisdem in literis tempus assignabatur exulibus Suecicis, intra quod in Patriam & simul ad gratiam novi Regis reditus pateret. Sigismundum ne ablati quidem jam plenè Regni fama in maiorem vindictiarum curam erexit, quod recuperationem difficiliore ac laboriosiore sentiens, statim rem committeret. Sed de repetundis etiam cogitanti non satis favebant Poloni, occulta odiorum semina in animis versantes. Nam præterquam, quod in Zamoscio plurimos Nobilium Rex offenderat, quidam etiam, ex intimæ admissionis Proceribus incautis sermonibus magis acuerant populi voces. In primis Antistes Gnesnensis inter familiares aliquando dixisse ferebatur, se filium Regis Vladislaum brevi coronaturum. Id seu verè, seu falsò jactatum, facilem mox fidem reperit inter infensos. Nam & sparsa ante de matrimonio cum Austriacâ prioris Conjugis

Sorore, fama magis magisq; valescebat,
irritabatq; animos. Cum præsertim nec
operosis multorum Senatorum dissuasio-
nibus avocari se Rex pateretur à propo-
sito. Nam inde tanto graviora suspica-
ri & vetera etiam aliqua refricare cœpêre
turbidi. Ac talibus curis sermonibusq;
altera quoq; Comitia distracta fuêre, ur-
gentioribus interim Reipubl. negotiis se-
positis. Nec multo post hæc ipsa Comi-
tia magnus ille Regni Cancellarius & si-
mul exercituum Dux Joannes Zamoscius
moritur, * Vir domi forisq;, vel ipsa in-
vidia fatente, maximus. In quo jure
dubitaverint posteri, magisne Sapiënti-
am, an militiæ decora mirari conveniat.
Certè Pallade utraq; eò fastigii pervenit,
ut alienis sub auspiciis, altiùs adscendere
non potuerit: inter omnes sæculi sui Du-
ces facilè primus, merita honorum luce
solis Regibus secundus: quos ipsos solio
imposuisse, & consilio suo armisq; orbi
suspiciendos effecisse, inter potissima la-
boriosæ virtutis solatia habuit: Cæte-
ra quæ nactus est, sudorum præmia mul-
tis adversitatibus diluente invidia: Sed
Cœlo

Cœlo augustius parante brabeum, post facta tandem accipiendum à patriâ, quæ non solum famâ gratissimâ laudes deprædicat, sed & in postero ejus sanguine merita Virtutis (ut ulterior historia referet) summo diademate coronavit.

XX. Cæterum in Joanne Zamoscio præcipuum publicorum tum negotiorum fulcrum maximâq; fatorum Poloniæ mora cecidisse visa est.

Exin variis motibus externis, internisq; quati Respubl. cœpit. Quod imprimis ob discordiam Ordinum in Comitibus ultimis, nec finibus Regni prospectum, nec internis Reipul. malis medicina facta erat. Neq; longo post Zamoscium intervallo moritur Joannes Tarnovius, Regni Primatum vix dum ingressus, Vir ingens & Regiæ autoritatis acris propugnator, eoq; nomine illis, qui alteri parti impensius studebât, minus gratus. Unde adeò, illo extincto, tantò liberiùs multorum ergà Aulam suspiciones & odia erupêre. Sueci Livoniam, & in eâ Rigam adoriuntur, captâ primo impetu Dunamundâ. Carolus Chodkiewiczus Comes de Sklow, Capitaneus

Generalis Samogitæ, & exercituum Lithuanicorum Præfectus, parvâ manu sistere hostem conatur, & à Friderico Curlandix Duce adjutus, Carolum Sueciæ Regē ad Kircholmum memorabili prælio superat, paucitatem copiarum pensante & Ducis & militum virtute. Cæsi istic Dux Brunsvicensis & alter Luncburgicus. Mansfeldius Comes. & ipse Carolus Rex faucii agrè evasere. Gregarii militis novem plus minus millia occubuerunt.

Sigismundus Rex defunctæ Reginæ Sororem Constantiam, frustra obnitentibus aliorum studiis ambit, misso ad Rudolphum Imperatorem Sigismundo Myskovio Auiæ Regiæ Præfecto, Viro apud Regem gratioso, eoquē plurimis tum aliis magnoperè invito, comitante eundem agnato ipsius Martino Szyskovio, Episcopo Luccoriensi, Branicio item Ensisfero Regni, Felice Kryski, Maximiliano Przerebski aliisque, qui Sponsam matre suâ ac Maximiliano Fratre comitatam, adduxere. Principem sanè virtutibus egregiam, sed eo infelicem, quòd venientem Polonia tristissimo motu Civili excepit, nescio quâ Eumenide ab ipsis propemodum

tædis.

tædis nuptialibus belli intestini faces accendente. Certè in nuptiis Cracoviæ celebratis, duo præcipuæ notæ Senatores offensi, primus Nicolaus Zebrzydowski, Palatinus Cracoviensis, hospitio suo, quod in Arce Cracoviensi habebat, novis, qui ad nuptias venerant hospitibus cedere coactus, cujus etiam tum statim vox audita, se quidem *Domo, sed Regem Regno excessurum*. Alter Maciejowski Cardinalis, idemq; designatus Regni Primas; * Qui tanquam Pontificis Legatus sub Vranisco in hac nuptiali solennitate sedere solitus, intempestivo Aulæ jussu, illâ honoris umbrâ, subitò nec sine violentiâ privatus est. Eâ ignominia accensus Præsul Regiis inimicis magis posthac favere, quàm oblitare visus est, extremâ injuria cæterorum omnium beneficiorum Regalium memoriam obliterante. Ordini Nobilium dudum suspecta atq; invisa hæc nova cum domo maximâ affinitas erat. Eò pronioribus animis acceptabantur, quæ in Regem sinistra inimici Aulæ jactabât. Et adeò ista adversus Regem odia crevere, ut in secessionem deniq; publicam.

Q4

(vulgo

(vulgo Rokosz voce Ungarica dictam) erumperent, ducto ex Conventu Prosslovicensi initio, ubi Palatinus Cracoviensis, ille, cujus vocem, animi & infensi & præfidentis indicem, paulò ante retuli, Ordinem Equestrem ad exagitanda Aulæ consilia acerbaverat, tanquam liberati & salutis publicæ perniciosi. Augebat Viri auctoritatem amicitia defuncti Zamoscii, qui moriturus hunc omnium consiliorum participē fecisse, tum inprimis expugnandæ in Aulâ factionis Austriacæ destinationem ei concredidisse ferebatur, famâ hâc eò pronius mox inter tot Aulæ inimicos receptâ, postquam cognitum est, eundem hunc junioris Zamoscii à Patre constitutum esse Tutorem, eoq; modo & gazam Zamoscianam, & scripta arcana in arbitrium ejus devenisse.

XXI. Rex Varisaviam convocat Ordines. Ubi Matthias Pstrokowski magni Zamoscii paulò ante Collega, nunc vacante majore sigillo (non sine acri tamen multorum invidiâ,) successor designatur, eo Reipubl. tempore quod Virum Magnū ostendere atq; etiam facere poterat.

Turbi-

Turbidi Stensiciæ conveniunt. Quorum postulatis insuper habitis, Comitia sine effectu diffluunt, Nobilitatis verò commotæ animi magis magisq; ægrescunt: accedentibus indies pluribus ad tumultuantes; ex Lithvanis præcipuè Janushio Radzivillio Duce, Pincernâ ejus Ducatûs. Majoris Poloniæ Cives suscitât inprimis Matthias Smogulecius, Præfectus Bidgostiensis, à Palatino Cracoviensi in machinationis suæ societatem pertractus. Tumultuantes primo Lublini, dein compositioribus jam consiliis apud oppidum Pokrzywnicæ congregantur. Rex distrabere conjuratos cupiens Visliciam convocat Ordines, atq; inde missio Stanislao Minski Pro-Cancellario à Conventiculis illicitis ad legitima Comitia, usitatum sanandorum Reipubl: malorum remedium, avocat. Idem Proceres à seditione integros, novis autoramentis sibi firmat, inprimis militares, inter quos eminebant Stanislaus Zolkievius, & Carolus Chodkievicius, Duces exercituum, Johannes Potocki, Præfectus Camenecensis ac Fratres ejus Jacobus & Stephanus. Rokosiani magnis interim acces-

Q

sioni-

370 FLORI POLONICI
tionibus civium aucti, frustra; à Grzymultovio Castellano Bidgostiensis, nomine Regis, malè consultorum admoniti, Sendomiriæ denuò coeunt, quibus appropinquante exercitu Regio, propè ad arma deventum est. Sed interventu Procerum mitiora prius tentata, ipsiq; Duces tumultuantium fide Regis & Senatûs freti, ad osculum manûs Regiæ veniunt, atq; offensas omnes auctoritati Comitiorum subicere promittunt. Per hos Rokossianos tumultûs languescente apud utramq; partem disciplinâ, in immensum crevit audacia militaris. Dum enim utraq; bellantium pars nullitem comitate & beneficiis premsare, quàm pœnis offendere mavult, ille velut in precario imperio luxuriat ferocitq;. Neq; facile post hac laxatus disciplinæ nodus adduci denuò potuit; præcipiti in vitium licentiâ morum, sed ad remedia vitiorum, nimis quàm lentâ.

* Anno sequente Rokossiani Comitiorum auctoritatem suis rebus noxiam rati, segreges rerum conventus Andrzejovix & mox Stenlicix agitant, rejectisq;
omni-

omnibus, quæ Duces sui paulò ante promississent Regi, arma denuo accipiunt. Illis non adjungit se quidem, sed favet tamen Dux Oitrogius, Castellanus Cracoviensis, dignitatis opumq; fiduciâ nil civile in Republ: spirans. Sigismundus Rex in publicis Comitibus multum temporis & concordiae publicae gratificans, habitorum cum exteris adversus Rempublicam Consiliorum suspensiones diluit, & ab affectati Dominatus metu liberat Ordines; pristinaq; eligendae Regis libertati novo diplomate cavet, nec quicquam se sine consilio Senatorum in negotiis publicis aggressurum, promittit. Eltoniam praeterea, seu armis seu quocunq; modo recuperatam, Reipubl: innectere pollicetur. Agitur ibidem de classe maritimâ, de bonis mensae Regiae addictis, compositione item inter Ecclesiasticum & Politicum Ordinem. Utilis porro lex de Regni arcibus restaurandis & rite muniendis sancitur. Olim enim Arces istae adversus quolibet vim, tempore necessario, pertugium praebant imbecillioribus. Nec minori postea cura reparari solebant, quam olim erant exstructae.

structæ. Oppida, arcibus adfita, incolarum frequentia tributa Reipubl. pendenda augebāt, sæpè & gregariæ militiæ dare supplementa poterant. Sed deinceps avaritiâ reditus Arcium Satrapiarumq; inprivatos usus convertente, exhaustæ, neglectæq; & Arces & Oppida, quæ nunc perpetuis militum & cujusvis penè injuriis obnoxia, aut deferuntur, aut nonnitiâ miserrimis hominum perfunctoriè & fugitivâ quadam trepidatione, habitantur: paucis exceptis Urbibus, quarum celebritatem & frequentia commercia utcunq;, nec sine multa tamen difficultate, tuentur. Porro autem eâdem istorum Comitiorum autoritate, Sigillo privato, in negotiis Reipubl. Rex vetatur uti. Livoniæ Provinciæ Civibus in obsequio Regis manentibus data olim Polonicæ libertatis & jurium communio renovatur. Illis verò, qui Carolum à suis jam Regem Sueciæ nominatum, sequerentur, eadem ibi jura abrogantur. Matthias Pstrokonski Episcopus Vladislaviensis, olim utriusq; sigilli cura & omni vitæ cursu cum summa laude, defunctus moritur. (malè enim in annum sequentem supre-

ma ejus rejicit Piaſecianum Chronicon) nunquam moritura Virtutum ejus memoria, quas elegante commentario poſteritati tradidit Cognatus, alumnus imitatorque ipſius Stanislaus Lubienſcius Episcopus Plocenſis, inter ſummos ipſe Poloniae Viros meritò numerandus.

XXII. * Rokosſianorum factio, poſt Comitia, & ſanata in iis vulnera, non prorsus quidem extincta, multum tamen imminuta eſt, ſolito conſpirationum ejusmodi fato, ut impetu valeant, morâ exoleſcant. Ac poſtquam ordinibus Rex ſatiſfecerat, non jam publicæ rei curâ, ſed privatis ſtimulationibus agere videbâtur turbidi. Qui etſi cæteros paulatim ſeſe ſubducere viderent; perſeſerant tamen in propoſito, quin & tantò majorem acrimoniam, & ut ipſis videbatur, conſtantiam oſtenſuri, eò progrediuntur, quò nondum hætenus, etſi numero validiores, eruperant. Omni enim obſequio Regio ſolenniter ſe renunciare, & nullo nexu Principi obſtriſtos eſſe velle profitentur. Hæc atrocitas plures Regi ex Rokosſianis reſtituit, eidemq; majoris poſtea clemencie

tia campum aperuit. Quæ eò clarior, quò facinora peccantium graviora. Sed interim quoq; magno causa Regiæ comodo moritur Bernardus Macievius Cardinalis, idemq; Regni Primas, tumultuantibus minùs, quam par erat, adversari visus. Zebrzydovius dein & Radzivilius, Duces Rokossiani IV. millibus plus minus armatis instructi, ad Guzovum 6. Julii ambiguo aliquamdiù Marte pugnant, peditatus tandem Regii, cui Joannes & Jacobus Potocii præerant, constantia fracti, non multò utrinq; sanguine effuso, dilabuntur. Exin, cum rari jam eos sequerentur, interponentibus se proceribus & deprecatione prævia, Regi reconciliatur Zebrzydovius, sicq; tota illa Rokossiani tumultûs moles, atrox primò, & Regi periculosa, invicta Regis constantia, tum bono consilio Senatorum, & fide militis stipendiarii, Ducumque, incolumi tam Rege, quàm Republ., corrui.

XXIII. Sed penè eodem, quo Polonia, tempore Moscovia quoq; magnis motibus concussa est; qui, cum tragica multa & gravissimam longè imperii illius mutatio-

tationem, (non postremas quoq; in eadem scenâ partes agentibus Polonis,) traxerint, non alienum videtur, rem totam altius repetitam hic inferere,

Joanni Basilidi magnitudine bellorû, tum morum sævitia notissimo Moscorum Duci uxores septem, & ex harum prima nati Filii duo, Joannes. & Theodorus, è postrema Filius unus, Demetrius. Joannem juvenili simplicitate regiment armorum adversus Polonos poscentē immanis, nihilq; in quoquam generosum, ac ne in filio quidem sustinens genitor, impacto capiti scipione occidit. Theodorus patri successit, ingenio torpidus, & populo quidem post tam sævum tyranni imperium non ingratus, rebus tamen agendis impar, adeoq; regi, quam regere aptior. Ideo consiliis ejus moderandis Borisius Odenovius vel Hadunus admoveatur, conjugis Theodori svasu, cujus frater erat Odonovius, homo solers & captandis populi studiis apprimè idoneus. Quibus omnī arte & curâ conciliatis, ad majora spem surrigere, & ipsi nempe imperio imminere animo cœpit. Atq; ut maturè obstacula amoveret, Demetrium in pri-

inprimis, imuberem adhuc, corruptis pretio ejus familiaribus, tollit, non minus mox in ipsos cædis ministros faviens, ne esset, qui prodere flagitium posset. Simul quoq; alios præmiis inducit, ut in Urbe Principe incendium excitent, quo sic publicus luctus à Demetrii funere ad privata deploranda averteretur. Nec multò post ipse magnus Dux Theodorus inter vivos morari desinit, morte subita & eodem haud dubiè structore festinata. Sterilis hic & generis sui postremus decesserat. Eò pronior Borislio ad imperium via, cæterorumq; in ipsum inclinatio fuit. Sed ille porrò callida recusatione desiderium populi accendebat. Monasterium enim ingressus est, quasi solitudinem religiosam imperio præhabiturus. Cùm interim sibi fidos subornasset, qui neminem ipsi, in capeffendo rerum regimine, paterentur anteponi. His occultè stimulantibus, cæterorum accuratissimis precibus exoratur, ne suscipere abnueret, quod intra animum flagrantissimè cupiebat. Ad hunc modum potitus principatu non diu post, vitia prompsit, quæ hactenus spe regnandi occultaverat. Sed
brevis

brevi post Deus Tyranni fraudes, alterius hominis admirabili versutiâ ultus est. Is Hricko nomine, egenis inter Moscos parentibus, sed liberali vultu & indole non ignobili natus, cum in cœnobio adolescentiam nonnihil exercuisset, suâ sponte, aut Monachi cujusdam senis suggestu finxit se Demetrium Basilidis filium esse, quem extinguere quidem voluerit Boris-fius, sed alterius suppositi infantis cæde se servatum superesse. Et lenocinabatur Juveni facies à veri illius Demetrii specie non abludens. Cæterum in Moscoviâ natales suos jactare intutum ratus, in Ditiones Regno Poloniæ subjectas profugit, ubi apud Adamum Ducem Vîsnovecium famulatus aliquandiu, cum nescio quo errore, verbera meruisset, genus suum professus est, quasi effecturus, ut honestius in posterum haberetur. Et persuasit non tantum Duci, sed Duce deinde ipso suffragante, aliis plurimis, ut pro Ducis Moscoviæ Basilidis filio suspectaretur. Venit tandem ad Georgium Mniszek Palatinum Sendomiriensem, Virum opibus & Affinitatibus potentem. Eum memoratâ fortunâ suâ, & rerum futurarum, si
ad

ad sceptrum paternum rediret, blandimentis eò permovet, ut quicquid opum copiarumq; haberet, ejus honori commodare velle polliceretur. Ille vicissim matrimonium cum filiâ Palatini ineundum, & inprimis Religionis Catholicæ in Moscoviâ promovendæ studium liberalissimè reitipulatur, pecuniam quoque, quæ restitutioni impenderetur, sceneratò refundere spondet sanctissimè. Colligitur ære Palatini miles; accedunt alii, spontaneam novo tanti sceptri hæredi operam navaturi. Istâ etsi exiguâ manu stipatus abit in Moscoviam personatus iste Demetrius. Vix dum etiam fines ingressum fama antevolat, vivere Basilidis filium, & cum exercitu validissimo dominum paternum venire vindicatum. Borissius malè quæsiti imperiî conscientiam trepidus, exercitum ingentem objicit venienti. Iste ultra vires audax & nempe septingentis plus minus hominibus stipatus exercitui sexaginta millium capitum non veretur contra ire, & admirabili jocantis fortunæ ludibrio vincit antecursores, cætero terrore in loca munitiora repellit. Eò augustior fama tanquam victo-

victoris pervolat Moscoviam, & passim
 occultos sermones mox studia & novas
 spes excitat. Ipse instat fortunæ, & quò
 longius procedit, eò magis ut sol oriens,
 omnium in se oculos convertit. Borissi-
 us interim moritur, incertum an ægritu-
 dine animi, an veneno. Primores Ma-
 scovia, ne nutantibus rebus Princeps de-
 esset, filium extincti successorem desig-
 nant, puerum impubem. Exercitus ve-
 rò, Bosmano & Gallicino præeuntibus, in
 verba Demetrii jurant. Inde Odonoi-
 des Princeps noviter electus & mater e-
 jus, ut & propinqui jugulantur, Suiscii.
 Duces alique qui resistere sustinuis-
 sent, dantur in vincula. Ita nemine jam con-
 trahente Demetrius magno populi ap-
 plausu, solium, quod patrium sibi dice-
 bat, conscendit. Sed idem in crudo im-
 perio de auctoritate prius, quàm benevo-
 lentiâ subditorum sollicitus, pro autori-
 tate odium peperit sibi. Cum inprimis
 à gentis institutis diversus, externa & Mo-
 scis supra modum invisa sectaretur. A-
 cuendis odiis peregrina conjux accessit,
 quam ex Poloniâ, Aulâ universâ applau-
 dente, Legati Regii excogitatissimo ap-
 para-

paratu, novo Principi adduxere. Movit invidiam splendor externus, spiritusque advenarum, eò gravior indigenis, quod à Principe Polonis addicto, Moscicis opibus ali videretur. Nec nisi pejora expectanda sibi credebant Moschi, cum initia ejusmodi essent, quibus alioquin Principes vel fucatâ modestiâ soleant conciliare gratiam. Fit igitur conspiratio, & quo securiores cum Demetrio Poloni deprehendantur, nono & ultimo nuptiarum die (quæ erat 17. Maji) subitò æra per Urbem circumsonant, irruitur in arcem, ipsumq; in cubiculum sponsi. Ille fenestrâ elapsus retrahitur in cubiculum, & mox vario telorum genere occiditur, atq; ubi diebus aliquot ostentui jacuisset, post varia ludibria crematur. Sponsa ægerrimè & penè nuda evasit ad Polonos suos, per Urbem dispersos. Quos pariter passim rabies populi invadit, cædibus, quacunq; perrumpere licuit, sæviens. Sed pleriq; illorum armis & comitatu ab hospitibus suis vim prohibuere. Legati Regii jura gentium obtendentes, violentiæ, non item detentionis expertes in Urbe manserunt. Hunc Histroniæ suæ
finem

finem cum Demetrius habuisset, regimen quidem Moscoviæ Basilii Suiscii, ceu præmium amoti impostoris accepit. Sed eidem alius mox succedens Impostor novam scenam instruxit, fortunâ, ut cœperat, stupendum porro mimum sibi in vastissimo illo imperio faciente. Quidam enim de nescio quâ face homo Gregorius Otrenovicius cum, tumultuante nuper Moscuâ Urbe, sigillum Magni Ducis, aliaq; quædam pretiosa abstulisset, Suiscio minor esse noluit, longiusq; dein remotus, Demetrium sese finxit, impudentiori jam fraude, cum prior ille impostor, verum Demetrium simili specie oris, hic falsum duplicatâ mentiendi audaciâ simularet. Nihilominus tamen nescio quo sidere deceptoribus favente, assecclas reperit; multis inter ancipitia illa quidvis casu oblatum arripientibus, plerisque & intellecto jam mendacis faventibus. Sponsa utiq; ipsa, Palatini nostri filia, & major pars Comitatus Poloni ad illum confugit, non alio stimulo, quam quod cœpta semel fraudum fabrica non aliter, quam fraude percoli posset, fidesq; Impostori magnis exemplis concilianda videretur,

retur, cum inprimis rebus desperatis nulla alibi spes, nec propior modus ulciscendæ Moscorum sævitæ appareret. Vindictæ utiq; cupido novas etiam ex Poloniâ copias excivit, quibus Romanus Rozynius, Johannes Sapieha, Alexander Sborovius, Viri omnes & natalibus & militiâ illustres præstiterunt. Auctæque deinceps sunt Mlocii, Vilanovii, Bobovii, Tyskevicii, Lanckoronii, E. Secii, Stabinski, Zarni, Madalinski, Stravinii, Buzynii, Cajovii, Rudnicii, aliorumque, tum ex octo regionum Colaticarum accessu. His viribus succinctus Gregorius, cum militem Moscoviæ Urbem aggessit, & Salskum & plerosq; Proceres occidit. Interim Rex quoq; Sigismundus, ut Civiliū barbarum fæce residuâ expurgeret Poloniam, tum & à Moscis Legatos suos, ignominiosè iisdem detentos, liberaret, præcipue, verò ut provincias olim Regno ablatas, populo illi domesticis malis fessio eriperet, ad Smolenscium admovit exercitum: non obsecutus aliis qui in Moscici Domini interiora infunden-

das

* Vide Illustr. Cobierzyc. Histor.
lib. III.

das Regni vires statuebant, tutissimum proferendi imperii campum ostendentes. Mittit tamen Legatos tum ad Polonos suos, qui Moscuam obsidentes, Regiæ in Moscos expeditioni minus favere videbantur, quia majora ab Impoliore laborum præmia, quàm à Rege sibi, promittebant. Mittit nem ad ipsos Moscorum Proceres, utile sibi ad res suas componendas subsidium pollicens, cum alterâ quoq; ex parte Suisici Suecos in auxilium magnis autoramenti vocasset. Qui Ducibus Ponte de la Garde & Edvardo Hornio aliisq; latè pervagabantur ditiores Moscorum. Legatos Regis adeò comiter & submissè Mosci suscipiunt, ut malorum suorum non aliud promptius remedium quàm à Rege sese expectare, missâ vicissim legatione, testarentur; sed conditiones, quas proponebant, Vladislaum inprimis filium Regis ad Moscoviæ imperium vocantes, non placuerunt Sigismundo. Et Mosci postea Suecorum ope fortunam & animos altius erexere, donec à Stanislao Zolkievio, quem ad copias Polonicas in Moschoviâ turbulentiùs rem agentes, Rex miserat, com-

commissio ad Clusinum ingente praelio quindecim millia Moscorum caesa, Boratinus & alii ductores capti, Duces Succici ægrè fuga elapsi. Ea victoria, uti Zolkievio Duce, Stanislao Koniecpolscio, Sborovio, Balabano, Strussio, Porcio, Widzgæ, Herburto, aliisq;, qui rem strenuè istic gessere, admodum gloriosa, Regi verò Smolenscum obsidentiperutillis fuit, ita Suiscii fortunam penitus prostravit. Mosci enim dominatum ejus seu superbum seu infelicem aspernati, habito conventu, hominem à regimine solenniter amovent, primùmq; carceri, mox coenobio includunt, Duci Mscislavio intereà rerum administratione datâ, donec Vladislaus Poloniae Princeps à Patre Rege ad oblatum regimen mitteretur. Zolkievius victorem exercitum metropoli admovet, ac per Stanislaum Domaracium & Alexandrum Balabanum Centuriones, Regis sui opem Principemque Vladislaum Moscorum Proceribus armatâ facundiâ offert. Illi pronissimis animis Vladislao se & sua omnia submissuros promittebant, dummodò ille sacris Russicis initiari se pateretur. Impudens postula-

postulatum, sed ad præsentiam Principis
 rejiciendum videbatur, cujus augusta in-
 doles & plenissima gratiarum majestas
 facilè demulsura sperabatur animos, ut
 faverent etiam sua sacra retinenti. In
 alias leges, quibus imperium futuri Do-
 mini circumscribebatur, non agrè tum
 conventum juratumq; est utrinq;. Vul-
 gata Vladislai Principis electione perso-
 natus ille Demetrius infestis armis hæte-
 nus Moscuæ gravis, Calugam cum Ma-
 rina Polona profugit; Ubi deniq; à Po-
 lonis, qui causam ejus inconsulto impe-
 tu foverant, desertus, & mox a Tartaris,
 Duce Vrozovo obtruncatus est, homo
 nullius frontis & fidei, eoq; solum admi-
 rabilis, quod fidem apud tam multos in-
 venit. Zolkievio in Urbem velut jam
 Vladislai Principis sedem, & porro ad in-
 tima dominatus illius adita, thesauros &
 archiva admissio deduntur tandem Zuis-
 cii tres, quorum maximus natus paulò an-
 te a principatu in claustrum dejectus e-
 rat, ingens spectaculum fortunæ, quæ ho-
 mini nec Monasterii latebris occultare
 miseriam suam permissit. Protraxit eum
 in lucem, ut hic ad gēua victoris pro-
 cum-

cumberet, & mox extra patriam in Triumpho duceretur. Cæterum, dum Vladislao Principi Moscoviam fortuna ductu Zolkievii subjiçit, Pater Sigismundus ad Smolenscum hæret. Urbe propugnaculis & defensoribus valida, diutiusque adeò conatibus oppugnantium eludente, qui penes Regem præcipua autoritate erant, cœptam obsidionem minimè descendendam putabant; obliqui nonnihil in ea, quæ Zolkievius, apud Moscuam gesserat, cum ea præsentē Rege facta esse maluissent. Eorumq; instinctu legibus, in quas juratus consenserat Zolkievius, subscribere Rex abnuît; Comititia prætexens, ad quæ rem tantam deferri oporteat. Revera autem id agebatur, ut Smolensco occupato, Pater ipse armis victricibus addideret dominatum Moscoviæ, qui filio præproperè delatus videbatur. Cæterum Moschi cunctationem Regis conspicati, de studiis quoq; erga Vladislaum multum mox remisere memorabili documento, fortunam, ubi se præbet, sine mora prestandam esse, utendumq; animis, dum urgente periculo & necessitate, calent. Quæsti itaq; Mosci, destitutam spem suam

am in Aulâ Regiâ, aliò paulatim vertunt
 consilia, ubi inprimis Zolkievius, ope-
 ram suam malè acceptam dolens, relicto
 intra Metropolim præsidio, cui Alexan-
 drum Gosiavium præfecit, discesserat ad
 Regem. Tum Hermogenes Patriarcha,
 Gallicinus Dux, Leponorius & alii ex
 Proceribus Moscorum conspirare adver-
 sus Polonos & mox populum trahere in
 partes cœpêre. Præsidarii Urbem in-
 cendunt, plurimos de plebe trucidant,
 ita ut flammâ ferroq; penè centum mil-
 lia hominum perierint; postea fames su-
 biit, non minus Præsidariis Polonis, quàm
 populo Moscovitico molesta. Petitur
 remedium à Rege, non sine multa expro-
 bratione meritorum militarium. Ille
 minacem militem leniturus, per Legatos
 pecuniam & subsidia promittit. Ipse
 interim morarum ad Smolenscum pertæ-
 sus, Urbem deniq; summâ vi aggreditur,
 & virtute ductorum militumque feliciter
 occupat, primo tum murum conscenden-
 te Jacobo Potocio Castellano Camene-
 censi. Multum quoq; in hoc opere lau-
 dis meruère Dorastaiski Lithuanix Ma-
 reschallus, Novodvorscius Eques Meli-

rentis, Joannes Vejerus Pucensis Præfectus, Stephanus Potocius, & alii, quos prolixiores Commentarii memorant. Smolensco expugnato, in Moschoviæ interiora progrediendum Regi videbatur, ut vacillanti istic Polonorum fortunæ opitularetur. Sed prævaluere consilia, Vilnam & porro Varsaviam ad Comitia redire suadentium. Interim Præsidarii Poloni intra Metropolim Moscorum cum rebeli populo, cum fame itidem & secum ipsi mutuis dissidiis conflictantur. Neq; missum à Rege Chodkievicium, Virum alioquin fortissimum satis reveriti, Strussio ductore, obsequium Regis ejurant. Sed fame tandem evicti, arcem Ducum Moscoviæ sedem dedunt Moschis, & Strussus multiq; Centuriones carcere, alii miris tormentis & morte deniq; multantur. Quæ extra arcem erant copiæ Polonæ, expilato ærario Moscorum longè ditissimo, in Poloniam redeunt, & mox tripartito agmine Reipubl. bona involant, non minus Patriæ mox graves, quàm hætenus Moschis fuerant. Mosci verò à milite Polono jam liberi alium sibi Ducem Michaelcm Federovicium, sanguine

guine antiquis Moscoviæ Ducibus innexum, cæterum ætate vix dum puberenti adoptant. Ejus Pater Theodorus post exactos in matrimonio complures annos, sacrum vitæ genus amplexus, nomē quoq; mutarat; Philaretus postea vocatus: ac non multò post Metropolitæ dignitatem adeptus, in Vladislaum Principem, etsi occultè aliò inclinans, inter primos consenserat. Et in Poloniâ tum usq; detinebatur, cùm interim filio ipsius Michaeli Mosci Principatum detulere. Eò ingratiormox Polonis, sed inter suos tanto felicior habitus, cum in patriam reversus filium tanti Dominatûs rectorem vidit, & ipse deinde princeps sacrorum inter Moscos nominatus, dexterum latus filii in solennitatib9 clausit, novum honorem, quem nulli Duces Patriarchis hætenus habuerant, Patri habente filii pietate.

— — — — —

— — — — —

Qua sequuntur, impari filo adiecta sunt, Obstacleis quibudā & Negotiis praegravibus cœpti operis cursum retardantibus: ita ut hic aliqua quidē ex gravioribus, non perfectioris tractata, cæterorum non nisi brevissimum syllabum, & quasi indicem habiturus sis. Quod si Deus vitam & liberalius otium suppeditaverit, ad percolenda, quæ hic strictim attigi, addendaq; ea, quæ desiderantur, accedam. Interim Lector curiosus ea quæ hic desunt, ex magnis Autoribus, Paulo Piascicio, Jacobo Sobiescio, Stanislaſo Cobierycio, alijsq; discet, quibus & hac magnam partem deberi fateor, quanquam multa quoq; ex manuscriptis fide dignissimis hausimus.

M* Ilites, qui in Moscovia hætenus militaverant, eâ ob discordias Ducum & ingruentia à Moscicis pericula desertâ, stipendia à Patria

Patriâ Poloniâ gravissimis exactionibus, factâ confœderatione, emungunt. Quos ut aliò averteret, in Moscoviam jam seriò, sed serò reducere Rex & Proceres Poloniæ cogitant, nullo effectu. In Moldaviâ Constantino Mohilæ Palatino à Tomsâ, ditione suâ ejecto, Stephanus Potocius affinis privatâ autoritate & potentiâ, opem ferre moliens, ad Dziaczam, fluvium profligatur. Tartari inde in Poloniam excurrunt, magnam passim pauperiem facientes.

Sequente anno * habentur Comitia, quæ cum militi ingentem à Republ. poscanti summam, nullâ liberalitate satisfecissent, plerâq; Regni provinciæ licentiâ ejusdem gravissimè, & ob æmulorum Ducum discordiam, impunè adhuc premuntur; Tandem confœderatio ista, operâ imprimis Laurentii Gembicii magni tum Cancellarii ejusdemq; simul (quod aliquin insolitum) Episcopi Vladislaviensis, Viri in Republ. magni, Bidgostix sopita est. Felix Kriski majus Regni Sigillum, minus suscipit Henricus Firlejus. Stephanus Potocius ex captivitate Turcicâ liberatur: R 4 Con-

* Conjuratio militum in latrocinia defuit. Cosaci Zaporoviani captâ Synope (Mithridatis olim Regiâ) Constantinopolim terrent. Gustavus Sueciæ Rex Plefcoviâ Moscorum Urbe frustra obsessâ, postea acceptis in præmium auxilii, nuper per Pontum de la Garde contra Polonos lati, Castellis aliquot, nec non pecuniis reconciliatur Moscis. Samuel Targovius ad Aulam Ottomannicam, ut injurias à Tomzâ & Tartaris illatas quereretur, missus, nihil inde, nisi verba in speciem adornata, refert.

* Sigismundus Myskowski Regni Marefchallus à Vincentio Mantuæ Duce in nomen Gonzagarum susceptus, à Pontifice autem Maximo Marchionis titulo donatus, dum ex Italiâ domum proficiscitur, moritur, vir egregiâ indole, & flagrante apud Regem gratiâ ad summæ evectus, sed idem apud cæteros parem fortunæ invidiam expertus. Successit illi Nicolaus Wolski. Marefchallus Curix creatur à Rege Andreas Przycemski. Comitia Varfaviæ habita, quibus incun-

tur

* 1614.

* 1615.

tur consilia de vindicandis Suecorum, Muldavorum ac Tartarorum injuriis, sed ea sine effectu diffluunt. Conjuratōnis militaris antesignani quidam, nequam oblectantibus aliis, qui militum favorem indulgentiā captabant, proscibuntur. Tartari denuò populantur Podoliam & Voliniam.

* In Muldaviā Michael Dux Visnio-
wecki & Samuel Korecki, Duces ambo
insignes, & Constantini Mohilæ affines,
privatis opibus bellum resuscitant, sed
parum auspiciatò. Visnovecius expedi-
tioni illi præcoce fato immoritur. Co-
recius in durissimum carcerem abripitur
à Turcis unà cum uxore & Alexandro ac
Bogdano Mohilis, affinibus suis. Rex
habitis Comitibus, fines adversum Turca-
rum vim muniri curat; Bellum verò,
damnatà tandem sinistrâ priorum con-
siliōrum lentitudine, in Moscos; ductu
Vladislai Principis, administrandum de-
cernit. Eidem Principi adjungitur Ca-
rolus Chodkievicius Dux exercituum
Lithuaniae, adjunguntur item, ut necessari-
orum consiliōrum participes sint, viri in

R. 5 Republ.

Republ, primarii Andreas Lipski Episcopus Luceoriensis, Stanislaus Zoravinski Belzensis, Constantinus Plichta Sochacviensis Castellani, Leo Sapieha Cancellarius Lithuaniae, Petrus Opalinski Praefectus Sremensis, Balthasar Szavinius Praefectus Mozyrensis, Jacobus Sobieski Patavinides Lublinensis, Andreas Męcinius Zolkievius supremus exercituum Regni Dux, Principem non comitatur, alibi ad Turcarum motus, qui Poloniae fines circumstrepebant, vigilem & accinctum habere militem iussus: Et expeditionibus Moscoviticis favere is desierat, postquam prosperissimi ejus in illo imperio conatus successusq; adversis Aulae consiliis destituti, interciderant.

* Felix Kriski Cancellarius moritur Vir magnae facundiae. Vladislaum Principem, Moscorum fines ingressum, Viasmae hyems sistit, & Moscis moram praebet cogendi vires suas. Ad Bussam habitum inter Zolkievium & Skinderbassam tractatu antiquum jus Polonorum in Moldavia Principatum remittitur, vel certe in sum imminuitur: famâ hinc Zolkie-

vii

viri magni alioquin Viri inter adversa æ-
mulorum judicia plurimum laborante.
In Livonia Sueci bellum cum Polonis,
durantibus adhuc induciis, inchoant,
concitore Farensbachio. Pernaviâ &
Dinamundâ celeritate Suecica oppressis,
Riga aliquandiu resistit.

In Comitibus * consultatur de Principis
Vladislai cœptis in Moscovia provehen-
dis, & de Livoniâ contra Succos tuendâ.
Stanislaus Zolkiewski Dux exercituum
accipit à Rege majus sigillum, multis in-
dignantibus, præcipue Ducibus Zbarasia-
nis ipsius æmulis. Minus sigillum datur
Andreæ Lipski observationum judiciali-
um, quæ extant, auctori. Vladislaus post
occupatum Drohobuzum, Viasmam, Bo-
rissoviam, tandem frustra tentato Mosai-
sco, Principi Moscorum Civitatî exerci-
tum admovet, sed subinde miles stipendia
poscens rerum benè cedentium cursum
interrumpit & seditionem minatur. Hinc
cum & Moscos pertinaces experiretur,
inducias cum illis ad annos quatuorde-
cim & sex menses, Patre Rege & usu Reip.
ita poscente, paciscitur. Illis induciis
multæ ditiones & Urbes accrevêre Polo-

nia, Smolenscum nuper à Rege occupatum, Biala, Roslavia, Drohobusum, Sierpiecum, Trubeckum, Novogardia Severiæ, cum territoriis suis, Czerniechovia, Monastercum, Meronskum, item Starodubum, Poczepovia, Popovagora, Nowela, Sicbiezo, Krasno & Toropecenſes Vielicienſesq; agri. Restituuntur libertati Nicolaus Struſſus, Charlinius, Chocimirus aliiq; intra Metropolin Moscoviæ detenti. Vicissim quoq; Philaretus Roſtoviensis Metropolita, Magni Ducis pater, Gallicinus item, Lugovius, Schinus cum uxore redduntur Moscis. Livoniæ, Smolensciæ, Czernichoviæq; titulos Magnus Dux Moscoviæ penitus remittit. In Livoniâ Farensbachius ad partes Sigismundi redit. Zolkievii cum ætate senescit fortuna. Tartari impunè populantur Russiam. Eo nomine multorum lingvis vapulat Zolkievius.

* Bello Bohemico Ferdinandum Imperatorem, submissis copiis Ungariam vastantibus juvat Sigismundus. Janusſius Dux Ostrogia Castellanus Cracoviensis Vir præpotens opibus decedit, relicta

Domi-

Dominico Duci Zaslaviae ex filiâ genito
splendidissima hæreditate.

* Bethlehemus Transylvanus Sigismundo Regi ob præstita Imperatori auxilia infensus, Turcam adversus Poloniam concitat. Gratianus Muldaviae Palatinus Zolkievium ad Moldaviam ab Imperio Turcico vindicandam invitat, promptam manum & suorum operam offerens. Idem Zolkievius scripta ad Regem epistola causas exponit, quibus ad arma in Turcicas ditiones transferenda impellatur, & quasi ultimum pugnaturus Regi valedicit, filiumq; suum commendat. Is postea in Moldaviae interiora progressus prope Cicioram cum Skinderbassa infeliciter pugnât, milès ejus deinde in castris tumultuatur & quidam aufugiunt. Castra denique oppugnantur & octo diebus contra hostem fortissimè defensa tandem capiuntur à Skinderbassa & Tartaris. Zolkievius, cum se periculo subducere nolisset, obtruncatur, vir togâ, sed magis sago eminens, Regi ad extremum usq; carus. Stanislaus Koniecpolski Dux Campestris captus.

Cor-

Constantinopolim abducitur, uti & Samuel Korecki. Capti item Joannes & Lucas Zolkievii, Nicolaus Struſs Haliciensis Præfectus, Martinus Kazanovius, Nicolaus Potocius, Vlodomirus Farenſbach, Alexander Balaban & alii. Sub hoc tempus Baſilio Szviski magno olim Duci Moſcoviæ, & Fratri ejus Demetrio militiæ Præfecto Anno 1611. Goſtini in liberali cuſtodiâ mortuis, Sigismundus Rex in Suburbio Varſavienſi ſepulturæ, & ſimul ſuarum de Moſcis victoriarum monumentum erigit. Non multò poſt ictu ferali Sigismundum Regem percutit quidâ infandi nominis, ſed mentis imminutæ homo, & ideo ad Curatores dudû miſſus. Subita tanti caſûs fama & Aulam totam & ordines Reip. Comitibus tum vacantes, vehementer perculit. Aigrèq; jam creditum fuerat Regem vivere, niſi conſilio Laurentii Gembicii Regni Primatis, Rex de fenetrâ ſe oſtendiſſet populo. Sicarius poſt exquiſita tormenta, ignitis forcipibus carpitur, tandem in partes diſſractus comburitur à Carnifice. Oſmanes Turcarum Imperator juventâ & odio in Polonos ardens, ſtimulante Skinderbaffa

balsâ, Tomzâ, aliisq; bellum parat adversum Poloniam, Otfinovium Sigismundi Regis internuncium contumeliosè habet. Venceslaus Comes de Lessno suscipit minus sigillum Regnî. Stanislaus Zolkievio in belli regimine ob æmulationes multorum cunctatur Rex successorem dare.

* Interim, quod à Turcîs bellum Poloniæ imminere videret, Principes Christianos ad belli Turcici societatem invitat, aut potius opem eorum contra communem Christiani nominis hostem quaerit. Sola Anglia spem auxilii Legato Regis Georgio Ossolinscio facit, cujus ea de re ad Jacobum Britanniae Regem extat oratio. Rex habitis Comitibus omnes Regni sui vires ad idem bellum commovet, summa ejus curâ Carolo Chodkievicio magnis rebus gestis inclyto Duci, demandatâ. Cui socius laboris adjungitur Stanislaus Lubomierscius Regni pocillator, Vir consilii, armorumq; gloria potens, & totius belli hujus consummator. In stipendia militum magna decernuntur tributa. Ordo Ecclesiasti-

fiaticus celebrato Petricoviæ conventu, ad hoc bellum centum & quinquaginta millia fl. renorum promittit. Privatis sumptibus adornant, atq; ad Chodkievici-um mittunt cohortes suas Duces Czartoricensis & Zaslaviensis, Raphael Comes de Leszno Palatinus Belzensis, Petro Opalinski Castellanus Posnaniensis, Jo-annes Stanislaus Sapiëha Magnus Lith- vaniæ Marefchallus, Jacobus Sobiescius Palatinides Lublinensis, item Szaskievi- cius, Malinscius, Rascezenius & alii; Pla- rimis item turmis suo impendio condu- ctis auget exercitum Stanislaus Lubo- mirski. Cosacis ad exercitum Polonum inter multa ab hoste discrimina tenden- tibus, Petrus Konasiewiczus homo nobili audaciâ & multis egregiis facinoribus insignis obviam mittitur: quem postea illi, rejecto, tandemq; capitis damnato Borodawka, homine ignavo atq; ebrio- so, suæ militiæ Ducem creant. Rex or- dinem Equestrem ad expeditionem ge- neralem paratum esse jubet. Interim ad castra Chodkieviciana præmittit Vladi- slaum Principem. Cujus prætorianam cohortem regit Adamus Kazanovius. In

hac

haec militabant Janussius Dux Visnovecius, Adamus Przyemscius, Andreas Firlej, Paulus Dzialinfcus Bratianensis Praefectus, Stephanus Koniecpolfcus, Sigismundus Tarlo, Thomas Sobieski. Sequebantur eundem Principem Joannis Wejeri Palatini Culmensis, Ernesti ac Gerhardi Dönhofiorum pedites Germani, Ungari item sub ductu Nicolai Kochanovii, hastati praeterea Equites Pauli Volucii Episcopi Vladislaviensis, Nemiræ Podlachienfis, Constantini Sockaczoviensis Castellani: Velites deniq; Gniewosii, Zborovii & aliorum.

Exercitus Polonus Tyram fluvium transgressus in hostico ad Chotimum castra metatur. Quadringentos Cosacos errore à cæteris avulsos, toto triduo omnibus viribus oppugnat Osmanes, tandemq; in specubus delitescentes maximâ difficultate capit, atq; ipse ex iis nonnullis gladio suo transfigit, cæteros ad arborem alligatos transfigi jubet, praesens ipse carnificinae istius spectator. Cum cæteris Cosacis ad exercitum Polonum tendentibus toto octiduo luctatur exercitus Turcicus, quem Osmanes Imperator ingentem

gentem adduxerat. Illorum triginta millia, datis in ipso itinere egregiis virtutis speciminibus, ad exercitum Chodkievicii mense Septembri accedūt, Duce, illo, quem dixi ante, Konasevicio, inter suos Sahaidacznik à pharetrâ cognominato. Illis auxiliatoribus Chodkievicius & Lubomirscius ante Vladislai Principis adventum, auspiciatis dimicationibus congressi, optata belli in futurum auguria & præludia edunt; Cæso inter alios Vſaim Baſſa, ſucceſſore Skinderbaſſæ, Præfecti Siliſtrienſis, hominis Poloniæ multis damnis oppidò cōgniti. Tartarorum Regulus Cantimiri apud Oſmanem gratiam malè ferens, frigidius rem Turcicam agit. Chriſtianus Vevellius natione Cretenſis à Muldaviæ Duce mittitur ad Polonos, oſtentamenta pacis à Domino ſuo cen ſequeſtro offerens: Qui pro exploratore habitus non illico fidem reperit. Coſaci in caſtra Turcarum irrumpunt, & ſequentibus deinceps Polonis, diripere incipiunt. Chodkievicius cum multi omnem exercitum illuc effundendum eſſe ſuaderent, noctem ingruentem, tum avidos ſuorum ad prædam animos.

mos & alia pericula veritus, prudenter
continet militem. Gregarius miles in
Muldavos promiscuâ cæde, injussu Ducis,
favit. Schlakovii & Zyczorii cohortes se-
curius agentes cæduuntur à Turcis. Hos
postea ferocius insultantes memorabili,
strage afficit Chodkievicius. Cui irâ foe-
mineâ illachrimatus Osmanes, suorum
ignaviam magnis querelis inculsat. Eo
congressu inter alios perit Nicolaus Zie-
novicius Castellanus Polocensis magno
Chodkievicii & omnium luctu. Kara-
kas Bassa Budinensis Præfectus castra Os-
manis ingressus dum cæditur, ejus Duces
novo & insigni facinore ignaviæ convin-
cere nititur, post factam in Polonos vali-
dam impressionem fortissime repressus &
ab Vsaimo, æmulo sibi Duce, destitutus
cadit. Moscinus, Ungarus proditor, à
Turcis disseccatur. Cosaci ob defectum
annonæ turbidi, & penè abitum minan-
tes, longa pactione mercedem nundinan-
tur cum Ducibus. Sed à Vladislao Prin-
cipe per Petrum Opalinscium, Stanisla-
um Lubomirscium, Jacobum Sabiescium
promisso quinquaginta millium floreno-
rum donatio pacantur. Postea seditio-

nis crimen expiaruri in Castra Turcica
furtim irrumpunt & opimam prædam
auferunt.

Dilaver Bassa Mesopotamiæ præfectus
Supremi Veziri dignitatem ab Osmano
impetrat, deturbato Usaimo, quod hoc
consiliorû belli arbitro improspere Tur-
cis res cedere viderentur.

Tartari pabulationes undequaq; præ-
dabundi infestant. Annonæ defectum
in castris Polonicis sequuntur morbi va-
rii. Ipse Vladislaus Princeps assiduò fe-
rè agrotat. Et Chodkievicius jam du-
dum, agre se sustentans, tandem morbo
& naturæ concedit, inter maximos seculi
Duces numerandus. Zelinscius, urgen-
te Vevellio, ad Osmannem missus à novo
Veziro Dilaverio bona ad pacem indicia
refert. Stanislaus Lubomirscius Chod-
kievicii defuncti locum nobilissimè im-
plet. Fekieti Ungarus furtivis excursi-
onibus Turcæ damna infert: Osmannes
die Venceslai acerrimâ impressione castra
Polonica invadit. Prussinovianæ ibi le-
gioni prætoria Vladislai cohors, ipso
Principe fortiter animante, tum & Lubo-
mirscius ipse cum delectis succurrit.

Szem-

Szembergius, Rzecicii fratres, Thomæ Zamoscii Palatini Kioviensis cohors inter alios strenuè ibi rem gerunt. Turcæ plurimis suorum amissis turpiter recedunt. Castrensiū morborum lues exercitum Osmanis, & juxta superbos ejus spiritus mirificè imminuit. In castris Polonicis pabulum equis & pulvis tormentarius deficere incipit. Habito apud Vladislaum conventu, proposita à Vevellio pacis consilia Polonis acceptanda videntur: destinanturq; feciales Stanislaus Zuravinscius Castellanus Belzensis & Jacobus Sobieski Palatinides Lublinensis. Per eos Lubomirscius ad Osmanem & supremum Vezirum scribit literas. Legati cum Radulone Valachiæ Palatino primum miscunt sermones. Turcæ interim stationem Lubomirscianam aggreSSIONE tentant, sed acri Polonorum virtute repelluntur. Ibi Krinicius cohortis Prusinoynianæ Subpræfectus victoriæ immoritur, Kopyczynius vir strenuissimus periclitatur de vitâ. Panowce à Joanne Potocio Palatino Braclaviensi exstructam olim arcem frustra oppugnant Turcæ. Iidem variis rationibus, minis
que

que Polonos à Cosacis paciscendo auē-
lere, & aliqua Imperatori suo quasi tri-
buta annua evincere nituntur. Tartari
Duce Muradino Chani fratre in Volhy-
nensem & Belzanam usque terram pro-
gressi, latè omnia populantur. Nicola-
us Cosacovius Præfectus Vîsnensis obje-
cta à Tartaris impedimenta fortiter elu-
ctatus, alimenta in' castra Polonica adve-
hit. Sigismundus Rex cum minoris Po-
loniæ nobilitate Leopolin usq; progres-
sus, sine cæterorum Palatinatum Civib9
ad bellum proficisci cunctatur. Inter-
rim de pace cum Turcarum Imperatore
factâ, accipit nuncium. Quæ IX O-
ctobr. promulgatur. Postero die abe-
unt Turcæ, nullo ingentium moliminum
suorum & tanti sanguinis pretio, maxi-
mo contra suorum damno cum ad 60.
millia hominum hoc bello perdiderint,
pluresq; in reditu autumnus absumpse-
rit. Stanislaus Sulistovius Osmanem
comitatur Constantinopolin magni Le-
gati Polonici prodromus. De pace factâ
ad summum Pontificem Rex scribit, rati-
onesq; edisserit, ob quas eam fieri oport-
tuerit, factum nonnisi ab eo reprehē-
sura

sum irisperans, qui alieno discrimine speciem ac famam fortitudinis captare velit. Eidem summo Pontifici eximia magnæ indolis ac virtutis specimina à Vladislao filio suo, hoc ipso bello edita, commendat Pater.

Durante bello Turcico Gustavus Suecorum Rex opportunam sibi contra Poloniã tempus offerri gaudens, Rigam Livoniæ metropolin obsidet. Quæ principio spe auxilii Polonici aliquantum obnixa, tandem invitante eorundem sacrorum communione, dedit se Suecis, in quâ totam penè Livoniam perdit Polonia.

* Stanislai Lubomirscii tùm exercitum regentis virtuti ac splendidissimis meritis solitâ liberis linguis licentiâ obloquuntur æmulî. Miles ob stipendia tumultuans agrè sedatur. Conditiones tamen exortæ satis duræ nimirum tria stipendia, supernumeraria item, plenissima malè consultorum turbarumque militarium impunitas, nec non largior in posterum ex præfecturis Regiis liberalitas & alia multa; nonnisi necessitatis colore

colore excusanda. Constantinopolim mittitur Christophorus Dux de Zbaraz, vir natalibus, fortunis, studiisq; populatibus in Poloniâ potens. Osmanes à tumultuantibus Janizaris occiditur, Mustafa Patruo in ejus locum surrogato. Interimuntur etiam præcipui Osmanis familiares & Consiliarii. Sbarasianæ Legationi, fluctuante ita regimine Turcico, mora inijcitur.

* Rex cum familiâ in Prussianâ profiscitur. Gustavus Sueciæ Rex pariter littora Prussiæ speculatur. Christophorus Sbaravius Dux Legationis suæ munia Constantinopoli splendidissimè implet, prosperèq; Stanislaum Coniecpolicium Campiductorem Poloniæ à captivitate liberat. Mustafa, ut impar imperio, rejicitur à Turcis, succedto in ejus locum Amurathe Osmanis fratre. Capti ad Ciccoram Proceres quidam in patriam redeunt Crimo. Tartari ipsi Russiam depopulantur, pastorum Chotimensium securi. Rex Comitibus agit Varsoviæ, in quibus consilia Equestris Ordinis moderatur insignis ille Jacobo Sobieski Lublinensis Palatinides,

nides, tandem Castellanus Cracoviensis, ac princeps Senator, vir ut natalibus, sic ingenio & doctrinâ longè eminens, autor elegantissimi commentarii, quo bellum Chotimense, cui ipse interfuit, cordatè describitur. * Comitia habentur Varsoviæ, quibus perstringuntur & abrogantur suppetiæ Imperatori à Rege submissæ. Suspicionem item promuntur, ortæ ex Comitatu Zywiecensi à Reginâ empto, tum & Episcopatu Varmieniensi dato contra leges uni filiorum Regionum Joanni Alberto. Chodkievicio summo nuper exercituum Lithvanicorum Præfecto successor datur Leo Sapieha, Palatinus Viliensis, indignante Christophoro Radzivillo Duce, qui Campiductor cum esset, proximâ spe illi muneri jam dudum imminerebat claritudine generis, tum bellicâ virtute & meritis nullo habitus inferior, sed Sigismundo multas ob causas minus gratus. Induciæ cum Gustavo Rege Sueciæ initæ prorogantur. Majus sigillum, Venceslao Leszcynski, minus Stanislaeo Lubinski confertur. Stanislaus Poniepcowski ex Turcicâ captivitate re-

S

dux

dux Cantimirum Tartarum prope Hali-
ciam fundit. Vladislaus Princeps per
Germaniam, Belgium, Italiam, Romam
proficiscitur, ubiq; gratus & decentissi-
mè exceptus. Cosaci per Pontum Euxi-
num propè ad suburbia Constantinopo-
litana perveniunt, opima spolia inde re-
ferentes.

* Militiæ Lithvanæ regimen, per æ-
mulationes turbatum, animos addit Sue-
cis Livoniam tenentibus. Nec sumptus
ad bellum necessarios decernunt Comi-
tia, propter contagiosos morbos, Var-
savia gliscentes, minùs tum frequentia.
Inter Academiam Cracoviensem & Pa-
tres Jesuitas magnæ contentiones oriun-
tur. Bellum Sueci redintegrant in Li-
voniâ, & in finibus Samogitiæ, Birzas
capiunt, hæreditariam Radzivilliorum
arcem. Mox & in Prussiam sibi per Pi-
laviensem portum occultis artibus moli-
untur adium. Anna Princeps, Sigis-
mundi Regis Soror, eundemq; in Polo-
niam secuta, & à fratre, in exilii solati-
um, consentiente Republ., præfecturam
Brodnicensem & Golubianam adepta,
moritur,

moritur, Virgo insigni virtute animi
morumq; innocentia. Ejus sepulchrum
extat Thorunii in templo Virginis Dei-
paræ. Præfecturæ eâ morte vacuæ voto
plerorumque Vladislao Principi, recens
tüm ex peregrinatione, qua egregiam de
se passim famam præfens plurimum au-
xerat, reverso destinabantur. Sed eas
Rex Reginaë dedit, indignante, & bene-
ficio huic, tanquam inconsulta Republ.,
collato gravissimis contradictionib9 ob-
strepente Ordine Equestri. Cosaci Tau-
ricam, inconsulto Rege, infestant. In-
de aula Ottomannica violata pacta Cho-
timensia objicit Poloniaë. Coniecpol-
scius Cosacos compescere incipit.

* Gustavus Rex Sueciæ per Pilavianũ
portũ ingreditur Prussiam, capit Brauns-
bergam, Frauenburgum, & in eo sacram
supellectilem diripit, deinde Elbingam
unam ex primariis Prussiae Regalis Civi-
tatibus, tertio post die Mariaburgum,
nullo negotio occupat. Polonia nihil
tale verita, serò ex Russia evocat copias.
Et circa belli Prusici regimen diu Aulaë
consilia vacillavêre, aliis Vladislao Prin-
cipi,

cipi, aliis Thomæ Zamoscio Palatino
tùm Kioviensi id destinantibus. Sed
pervicit Caspar Dönhovius gratiâ apud
Regem præpotens, qui Stanislaſo Coniecpolſcio adminiſtrationem belli deman-
dandam ſvaſit. Sveciâ interim Regi,
Meva, Derſavia, oppida Viſtulæ adlita
deduntur. Derſaviam poſtea obſidet Co-
niecpolſcius Campiductor. Rex Sigif-
mundus Pruſſiam ingreſſus, Gedanentium
opera, adverſus hoſtē ſtructa, præſens ſpe-
culatur. Thorunii poſtea Comitia ha-
bet, ubi in ſumptûs belli tributa ſciſcun-
tur. Mortuo Archiepiſcopo Henrico
Firley ſurrogatur Joannes Węzik Epiſ-
copus tùm Poſnaniensis. Stephanus
Chmielecius inclytus Bellator in Ruſſiâ,
Coniecpolſcio Campiductore interim in
Pruſſiâ cum Svecis luſtante, feliciter Tar-
taros refranat.

*Coniecpolſcius verò Svecos Arci Pu-
cenſi inſidentes, tùm auxiliares Svecis è
Germaniâ miſſos ad deditionem feliciter
cogit. Guſtavus Rex circa propugna-
culum Gedanenſium in Inſulâ minori
graviter ſauciatur. Inter Mevam & Der-
ſaviam

saviam velitationes fiunt, Coniecpolscio majores ex Poloniâ copias ad tentandâ justî prælîi fortunam expectante. Gustavus Rex denuò ex castris Polonicis, quæ parùm felici successu invaserat, vulneratur. Ordines foederati Belgii, missis Legatis, pacis consilia partibus offerunt. Sed ea disturbant Imperiales ministri, qui Gustavum bellis Prussicis à Germaniâ abstinere nitebantur, classem & pecuniam offerentes Polonis. Comitia habentur Varsoviæ, magis de malignioribus in Livoniâ & Prussiâ successib9 querula, quàm sollicita de remediis. Minus sigillum datur Jacobo Zadzik Episcopo Culmensi, Viro summa omnia merenti. Classem Hispanicam frustrâ expectat Sigismundus Rex, suâ interim, qualê poterat, Gedani proprio sumptu adornat, non Sueciæ tantùm, sed & Daniæ Rege agris oculis hos Poloniæ apparatus maritimos adspiciente. Suecicæ naves portui Dantiscano circumfusæ ab Appelmanno Polonicae classis præfecto, navigiis Dantiscanis strenuam operam adnavantibus, profligantur, una submersa, duæ captæ.

* Exercitus Polonus ad secessionem ob non soluta stipendia, quàm ad bellum continuandum pronior, serò ex hybernis in Prussiam, superioris anni expeditione exhaustam, revertitur. Castra ad Grudentum locantur, Gustavo Rege Culmensi provinciae imminente. In Comitibus contenditur cum Lithuanis, magnæq; suspiciones in unum ex Ducibus exercitus eorum, tanquam per occulta & magis fida in hostes propensum, acres etiam in Ducem Prussiae querelæ, eodem nomine erumpunt. Cujus pedites bis mille ex lege feudi in subsidium Polonis missi, sine negotio à Succis interceptiuntur. Venceslao Lesczynscio defuncto, majoris sigilli curam suscipit Jacobus Zadzik, minoris Thomas Zamoiscius, qui ideo Palatini Kioviensis dignitatem; etsi loco longè superiorem, deponit. Legatus Hispanicus Baro de Auchi consilia pacis cum Gustavo apud Regem usq; moratur. Quam pacem expectens Nobilitas in exigua tributa consentit. Classis Regia Vismariam abducitur. Gedano interim tanto gravius afful-

tan t

tant Sueci, Neringam ingressi: strenuâ tamen Gedanensis præsidii virtute repelluntur, plus quam ducentis ibi amissis militibus. Coniecpolscius militum copiis maligniùs instructus, hostem morari magis, quàm urgere quærit. Qui Vistulâ, linitribus omnium opinione citiùs trajecto, Nove oppidum & in eo apparatus belli Polonis subripit. Cosaci ductu Stephani Moczarscii eundem locum recuperant. Gustavus Brodniciam intercipit. Baudisius Tribunus Suecicus funditur capiturq;.

Brodnicia eminùs ab exercitu Coniecpolscii constrieta ad penuriam annonæ redigitur. * Sublevatur à Joanne Vrangeliis, obsessoribus securitatem suam & pravum regimen ad Gorzno oppidum non levi strage luentibus. Nec destinata his auxilia, Castellano Camenecensi Ductore, maturè satis succurrerunt, Coniecpolscio tùm Varsoviæ novam à Comitibus opem postulante. Stanislaus Lubinski Episcopus Plocensis acerbis epistolis cum Electore Brandenburgico expostulat, Vrangeliis Thorunium celeritate

S 4 oppri-

opprimere conatus, virtute civium, præeunte Comite Gerhardo Dönhofio, (qui postea Palatinus Pomeraniæ,) fortissimè repellitur. In Comitibus ingravescens hostium potentia consilia Ordinum, & ad tributa liberalitatem acuit. Consensum ibidem in auxilia Imperatoris, quæ dudum oblata populus ut libertatis, ita suspicionum pertinax hucusq; respuerat. Arnheimius copias Cæsareas adducit. Coniecpolscius equitatu suo & novis peditem auxiliis animosus, prope Lusnam cum hoste feliciter bis configit, Suecis Stumam, post cladem acceptam, se recipientibus. Et ipse Gustavus Rex fortius apprehensus, quàm servatus, petaso amisso, agrè evasit, Ringravius junior tum cæsus, capti primipilares admodum ducenti; signa adempta quindecim, sed victoriæ, non instando, fructus perditur. Arnheimianus exercitus ad Album montem magno conatu nihil agit, Duce ejus occultis cum Wallensteinio consiliis aliò, quàm præ se ferret, flectere multis viso. Rex Sigismundus æger castra deserit. Arnhemio revocato successor mittitur. Dux Lauenburgicus & Mansfeldicus Comes

mes. Coniecpolscii Mariæburgo imminentis destinata, cœptis cum Sueciâ, parario Electore, tractatibus sistuntur. Pestis exercitum atterit, & metu contagionis parcè annona advehitur. Tantò faciliùs consilia pacis amplecti lubuit, Gallia & Angliæ Legatis id negotium sollicitè agentibus. Tandem spretâ pace perpetuâ, in inducias sex annorum consensum. Quibus Elbinga, Braunsberga, & portus Pilaviensis Sueciæ Regi concessus, Arcis Mariæburgensis custodia sequestro Electori datur. Qui vicissim Memelam ad finem usq; induciarum Sueco tenendam tradit. Ratihabitio à Comitibus expectari jubetur. Ibi Rex diu obluçtatus, vix ab Ordinibus Regni persuadetur, ut subscribat. Pestis bello superstes latè sævit. Tartari, Chani fratre & Cantimiro Ducibus, in Voliniam effusi. à Stephano Chmelecio & Stanislao Lubomirskio illo Kioviæ, hoc Russiæ Palatino memorabili pugnâ ad Burstinowo caduntur. Captus Chani frater junior cum bis mille Scythis gregariis.

* Coniecpolscius pactis cum Sveco induciis militem seditiosè stipendia poscentem per hyberna dislocat. Cosaci in centore Archimandrita Kioviensi rebellant, Hrickone ductore suo & quibusdam cohortibus Regiis vi subitâ oppressis. Idem à Coniecpolscio circa Perea-slaviam circumventi, multo sanguine fuso, seditionis Duces ad Comitia mittere spondent. Miles postea Reipubl., factâ pariter, ad Gliniani, conspiratione secedit, agrè à Rege sumptis ex Reginae aërio in fidem publicam præmiis promissisq; aliis delentus. Auxiliaribus Cæsaris copiis à Polonis præmia laborum dari Vallenstenius Dux acerbis flagitationibus poscit, non memor, Polonicis copiis toties in Germaniam submissis nulla exquirè stipendia vel data vel postulata fuissè. Ad Turcarum Imperatorem mittitur Alexander Piasieczynski de incursionibus Tartarorum questurus. Chmelecus Vir Tartaricis victoriis inclytus anginâ moritur, magno Reipubl. damno & luctu. Idem hic annus abstulit alios magni nominis viros Eustachium Volowitz, Martinum

tinum Szyskovium, illum Vilnensem, hunc Cracoviensem Antistitem. Nicolaus item Volski ad octuagesimum annum perpetuò peregrinat9, nunc demùm quietem moriendo invenit. Propter pestem passim in Poloniâ incrudescentem Rex Varfaviâ Ocieckum primò, deindè Tikocinum secedit.

* Comitia Rege agro habentur Varfaviæ. Sulpicionibus de Regno in hæreditatem redigendo ex voto Ordinum Rex medetur, promittens inter alia, cuivis nobilium fas fore, Zywiecensem Comitatum, quem Rex emerat, quolibet tempore redimere: & Filium Regium Joannem Albertum Episcopatum Warmiensem non ante aditurum, quàm atate maturus, Reipubl. fidem jurejurando obligâset. Vladislaus Princeps refo-
cillandæ valetudinis causâ Egram contendit, acidulis istic usus. Constantia Regina celeberrimo Sacri Corporis Christi festo, supplicationi publicè diutius sub sole fervido operata, dùm æstum lotionem frigidâ restringere malè consulti Medici nituntur, in acutam febrem incidit,

quâ omnium opinione citius, maximo Domûs Regiæ dolore extinguitur, Princeps omni genere virtutum eminentissima. Reginam paucorum dierum intervallo secutus est Georgius Dux in Zbaraz Castellanus Cracovie. sis, vir Ordini Equestri, quàm Aulæ gratior, Zbarasiorum ultim9, Veneris legitimæ adspernator, domûsq; tandē suæ antiquo splendore clarissimæ extinctor: quippè qui & Fratri suo Christophoro matrimonii perpetuus dissuasor, orbis orbû non ita dudùm tumulaverat. Obiit tùm quoq; Andreas Lipski Episcopus Cracoviensis, vir juris prudentissimus, moribus austerior. Cæsariano militi, quingenta millia aureorum nummorum Polonicorum per delegatos Regios in præmium militiæ Prusicæ persolvuntur. Gustavus Sveciæ Rex, superiore anno Imperatorem adortus, novum fædus cum Saxone & aliis Protestantium Ducibus pangit. Magdeburgum à Tillio & Pappenheimio expugnatum miserrimis modis in cineres redigitur. Tillius postea apud Lipsiam memorabili prælio vincitur à Svecorum Rege & Electore Saxoni-

xon
mi
ad
ti
tiur
Imp
du
sol
mu
pet
du
Lu
Qu
nim
ar
tes
aul
can
at
can
car
stav
ma
nor
ten

xoniæ; Indè Germaniam Svecus, Bohemiam Saxo sine obstaculo pervagatur.

* Gustavus Sveciæ Rex, Tillio iterùm ad Donaverdam victo, & ex ictu tormenti Ingolstadii extincto; difficilior negotium habet cum Wallensteinio, qui ab Imperatore rebus creperis ad suscipiendum belli arbitrium, sed jam legibus solutius revocatus, ad Noribergam castra munit, ex quibus omnes Gustavianos impetus eludit sistitq;: postea in Misniam ducit, cujus majore parte occupatâ, apud Lutzenam confliat cum Rege Gustavo. Qui fortiter pugnans binis vulneribus animam effundit, fato, in bonum Ecclesiæ, arctioribus terminis, quàm ipse & clientes sociiq; ipsius speraverant, ingentium ausorum cursum claudente. Pugnam eandem Bernardus Vimariensis continuat, ancipiti aliquamdiu fortunâ, sed campo deniq; cedere cogit Cæsareanos, caro emptâ victoria, cujus pretium Gustavus erat. Rex Sigismundus ætate & mærore languidus in Comitibus usum bonorum Regalium, quæ Mater Constantia tenuerat, in alimenta filiorum suorum,

&

& uni porro eorum Joanni Alberto Episcopatum Cracoviensem ab Ordinibus impetrat. Tum vicissim Rex arbitrium monetæ cudendæ, Regibus hætenus proprium, cum Ordinibus partitur. Idem de successore nominando scrutatur Procerum Civiumq; voluntates, verum occultè & nullo effectu; Ordinibus curam hanc fato & liberæ electioni præripi nolentibus. Sed cum tùm præcoccem visam, necessariam mox fecit subsequuta mors Regis. Dùm enim is defunctam Conjugem Cracoviam ad avitum Mausolæum deportare cogitat, ætatis anno 66, potentie 44; catharro extingvitur princeps formâ augustus, vitâ religiosus, justus, providus, fortunâ variâ, animo semper idem.

INTERREGNUM.

Iohannes Węzyk Archiepiscopus Gnesnensis Regniq; Primas, Ordinibus mortem Regiam significat, simulq; iustitium & conventuum per Palatinatûs habendorum tempus indicit. Primo con-

ventu

ventu (3 Junii celebrato) Ordo Equestris Directorem consiliorum eligit Christophorum Radzivillium Campiductorem Lithvaniae. Prætentantur omnia, quæ ad promovendam animorum concordiam facere viderentur: præcipuè inter Ordinem Ecclesiasticum & Civilem, deinde inter dissidentes de Religione, atq; inprimis Græci ritûs. Tuendæ securitati publicæ Judices ad subita casuum, necnon Tribuni in custodiam singulorum Palatinatum constituuntur. Sed præter omnium opinionem quieta omnia, & vani deprehenduntur metus, quos de factionibus nonnullorum consiliisq; ultra fines Regni prospectantibus multi prudentes sibi finxerant. IV Calend. Octob. ad electionem novi Regis congregantur Ordines omnes. Ordo Equestris ad consiliorum suorum regimen Jacobum Sobieski Incisorem Regni, virum inter primos seculi experientiâ rerum numerandum deligit, & mox seorsim à Senatu sub dio, ea quæ præsens rerum status requirebat, tractare incipit. Primum cum dissidentibus in Religione acriter contenditur, qui majora sacrorum suorum stabi-

stabilimenta requirebant. Consentitur tandem, interponente se Vladislao Principe, in formulam securitatis conventu superiore approbatam. Eodem arbitro alia quædam dissidia composita. Deliguntur ex triplici Ordine viri, qui Ecclesiasticos cum Nobilitate conciliarent. Alii, qui legum, alii qui monetæ correctioni sese intenderent. Consultatum item de publicorum Regni bonorum distributione non ad arbitrium favoris, sed ad meritum trutinam in posterum exigendâ. Regis defuncti quatuor filii fratri suo natu maximo Vladislao sceptrum Poloniæ dari petunt, præeunte Joanne Casimiro. Illis Archiepiscopus Węzyk nomine Senatûs, Sobiescius nomine Ordinis Equestris respondet. Audiuntur summi Pontificis, Imperatoris, Gustavi Regis Sueciæ Legati. Cum Brandeburgicis Legatis expostulatur acrius. Conditiones futuro Regi proponendæ per selectos ex omnibus Ordinibus viros primarios scribuntur. Vladislaus unanimi omnium consensu renunciatur, & ab Archiepiscopo nominatur Rex Poloniæ; Qui ad altate templi Johannis Baptistæ

tistæ jurat, & ibidem decretum Electionis ab Archiepiscopo accipit: literis dein ad Principes externos scriptis susceptum honorem iis significat. Cracoviam postea comitantibus Fratribus profectus, ibi solenni pompâ Sigismundi Patris cadaver avito sepulchro infert, & ipse XVI. Februarii, Anno 1633, Regno, solennibus ceremoniis, inauguratur.

VLADISLAUS IV.

POST diadema susceptum Rex Comitiamox agitatur. In quibus directores Nunciorum Equestrium Nicolao Ostroregio de negotiis publicis, & imprimis bello Moscovitico deliberatur. Multæ item civiles controversiæ disceptantur. Elector Brandenburgicus quâ Dux Prussiæ, sacramentum fidei per Legatos præstat. Ad Imperatorem Petrus Gembicius major Regni Secretarius mittitur sequestram Regis operam ad pacem cum Suecis conciliandam oblaturus. Rex in Lithvaniam properat, ubi Moscus non obstantibus induciarum pactis ad futurum usq;

usq; Juliū servandis, vasto exercitu Smolenscum circumfederat, Ductoribus Michaële Sehino, Simone Prozorowskio, & Alexandro Lesleo Scoto. Urbem Stanislaus Woiwodzki strenuè defendit, sed extremò ad penuriam commeatūs aliorumq; necessariorum penè redactus. Rex per Christophorum Radzivillium & Adamum Kazanovium militiæ suæ præfectos, laborantibus subvenit. Duces Moscici relictâ Urbis arctiori obsidione ad castra recedunt. Quos præeunte Alexandro Gonsievio Palatino Smolenscensi, sequitur Rex, Fratre Johanne Casimiro comitatus, (cui supremam vigiliarum curam in castris suis Vladislaus commiserat,) & hyemis incommoda non moratus, obsidere incipit hostem. Auxilia Sehino submissa cædit Kazanovius, Podolia Palatinus. Sehinus totâ hyeme obsessus inopiâ lignorum alimentorumque premitur, nullâ auxilii spe superstite. Regem à Smolensco abstrahere nititur. Turcarum Imperator, magnis Moschorum precibus ac pollicitationibus sollicitatus ad opem ipsis ferendam. Abazi Bassa magnum Turcarum, Tartarorum, Mol-

Moldavorum exercitum ad Cameneciam Podoliæ metropolim ducit. Coniecpolscius Castellanus Cracoviensis & juxta Dux exercituum Tartaros præmissos parvâ manu suorum, mox & Abazi Bassam profligat. Ad aulam Ottomannicam mittitur Alexander Trzebinski Leopoliensis Succamerarius. Ad Pontificem verò Romanum admirabilis facundiæ vir Georgius Ossolinscius tum Thesaurarius Curia. In Silesiâ Ulricus Daniæ Princeps juvenis maximæ spei tum Suecis militans, occiditur. In Belgio Isabella Eugenia, quæ Alberto Austriaco nupta, & postea vidua, Duce Spinolâ multa præclara gesserat, fato concedit, inter magna seculi sui nomina connumerari merita.

* Schinus, cum toto exercitu Moscovitico, constantissimâ Vladislai obsidione ad deditionem subigitur, solamq; libertatem adeundi pactus, signa ad pedes Victoris deponit, omnemq; apparatus & impedimenta relinquit. Rex post splendidissimam hanc victoriam ad Principem Civitatem Moschorum tendens circa Bialam, impigrè ab hoste defensam,
sisti-

sistitur. Interim Turca abolenda ignominia superioris belli, tum quod Moscorum ruinâ potentiam Polonicam nimis crescere nollet, Trzebinio Poloniae Legato superbius habito, bellum Regi indicit. Moscici contra Legati pacem orant. Istitis Rex annuens, mittit Jacobum Zadzik Cancellarium Regni, Ducem Christophorum Radzivillium Palatinum Vilnensem, Lithuanici exercitus, Martinum Kazanovium Palatinum Podoliensem, campestem Polonici exercitus Ducem, Alexandrum Gonsievium Smolensensem Palatinum, Alexandrum Piaseczynium, Castellatum Camenecensem, Martinum Trisnam Referendarium Lithuaniae, Andream de Naglovice Rey Praefectum Lublinsensem, Alexandrum Oginski vexilliferum Trocensem. His facialibus apud rivum Polanowka (unde & Tractatus ist. Polanovienses dicti sunt), pax coaluit. Qua provincia Czernichoviensis & Severia cum multis aliis oppidis ac lati fundis ultra centum milliaria patentibus, Poloniae, jure perpetuo accrevit. Turcicus Legatus Schin Aga, jussu aulae Ottomannicae, Vladislao pacem offert, Abazi

Abazi Bafsâ, quòd armis laceſſiſſet Polonos, ſtrangulato. Commiſſarii Poloni cum Turcâ paciſcuntur, antequam Rex adveniſſet. Qui belli adverſum Turcas avidus hanc occaſionem indignabundus amittebat. Joannes Caſimirus frater Regis graviter ægrotat Leopoli. Alexander natus minimus Frater, excitatiſſimæ indolis Princeps non ita dudum ex Italiâ reverſus, moritur anno ætatis 21. Quem biennio major Johannes Albertus Cardinalis, idemq; Cracoviensis Antiſtes, eodem anno ſequitur, fato familiæ Regiæ multum infeſto. Valſteinius Domino ſuo nimiâ autoritate gravis, & occultarum molitionum jamdudum ſuſpectus, ſtruente Octavio Piccolomineo Italo, per Gordonum, Leſcū, Butlerum, Scotos apud Egram Bohemorum trucidatur. A Cæſareanis, ductu filii Imperatoris Ferdinandi, Regis Ungariæ, necnon Principis Hiſpaniarum Cardinalis commodum tū Germaniam tranſeuntis, ad Nordlingam magno & funeſto prælio vincuntur Sveci. Capitur Guſtavus Horn; Bernhardus Dux Viſmariensis cum majore parte equitatûs evadit. E-
lector

lector Saxonix cum Imperatore paciscitur Pragæ. Schenkianum castellum in Rheni fluvii divergiis situm, astu Hispanorum intercipitur, sed non diu retinetur.

Rex Vladislaus finem induciarum * cum Succis imminere sentiens, arma & abitum in Prussiam parat: deq; classe parandâ consilia init, curâ ejus rei Gerhardo Dönhofio & Sigismundo Guldensternio commissâ. Comititia habentur, in quibus Ordini Equestri præsidet Oßolinfcus tùm Curix Thesaurarius, Româ, ubi summum Pontificem legatione splendidissimâ, nomine Regio veneratus erat, nuperrimè reversus. Pax Moscovitica iisdem his Comititiis stabilitur jurejurando. Cœptum quoq; tùm est à nonnullis agi de jungendis ducibus fluvii Pinâ & Muchawiec, quorum ille in Pripetum, & cum hoc in Borysthenem, ac tandem in Pontum Euxinum: Alter in Bugum propè Brestiam, & in Vistulam deniq; majorum fluminum aquis mixtus, decurrit. Conjunctio ista uti Reipubl. non nimium difficilis, cum fluviorum i-

storum

storum primordia nonnisi duorum milli-
 arium intervallo distent; ita summè uti-
 lis fore judicatur, quod ita commercia
 ex mari Balthico in Orientalia usq; Re-
 gna protendi possent. Sed negotium
 hoc, etsi gravissimi momenti, privatâ
 magis quorundam, quàm publicâ curâ,
 hic agitatum, animos augendis commer-
 ciorum fructibus, boniq; exindè publici
 rationibus intentiores desiderare, res ipsa
 ostendit. Ducatus Czernichoviensis spe-
 ctabile belli Moschovitici pretium, in Pa-
 latinatum, ad Smolenscensis Ducatûs ex-
 emplum, conversus, nomina dignitatum
 & jura aliis Regni provinciis usitata ac-
 cipit. Adamus Kisielus Castellanus Ki-
 oviensis in Moscoviam à Rege ablegatus,
 tabulam marmoream, Basilii & Demetrii
 Suisciorum, in captivitate Polonicâ mor-
 tuorum, memoriæ dedicatam, & simul
 victoriarum Polonicarum in Moscoviâ
 obtentarum testem reddit Magno Duci
 Alexio Michaelovicio, cujus Legatus ca-
 davera eorum in Moscoviam deportaturus,
 efflictim id Varaviae oraverat. Tali
 quippè trophæo adversa sibi sua expro-
 brari putabant Mosci. Interim facel-
 lum

lum Suiscianum in suburbio Varſavienſi
uſq; manet, & victæ tûm Moſcoviæ me-
moriâ æternitatis tabulis inſcriptam,
nulla temporum vetuſtas delebit. Sum-
ptuum & damnorum Thorunio & Geda-
no Urbibus bello Succico illatorum re-
ſtitutio promittitur. Jura Academiae
Cracoviensis reſtabiliuntur. Diſciplina
militaris lege publicâ acuitur. Rex con-
jugium agitans inſtinctu Aulicorum ſe-
cretiorum animum ad Elizabetham Fri-
derici, Electoris olim Palatini, & poſtea
Bohemorum Regis ſeditioſè electi filiam,
adjicere cœpit, ideòq; ad Angliæ Regem,
cujus Sorore illa genita erat (allucente
ſpe aliqua reducendi, tali ope, ad vetus
obſequium Regni Patrii) mittit virum,
in rebus agendis apprime verſatum Jo-
hannem Zawadski Præfectum Suecen-
ſem. In Pruſſia antequam ad arma cum
Suecis rediretur, Stumdorſii tentamina
fiunt pacis. Quæ cum perpetua impetra-
ri non poſſet, induciæ viginti ſex anno-
rum, parariis Galliæ, Angliæq; & Ord-
inum Fœderatorum Legatis XII Septemb.
panguntur. Reſtituitur Regi Poloniæ
Elbinga & Mariæburgum. Rex Gedani
trium-

triumphali honore excipitur. Jacobus Zadzik, vir magnus in Rep. & de Ecclesiâ Catholicâ præclarè meritus, paulò antè primarius induciarum Facialis, depositò in manus Thomæ Zamoscii sigillo majore, Episcopatum Cracoviensem suscipit. Minus sigillum committitur Petro Gembicki, tùm Secretario Regni majori, paulò post Episcopo Premisliensi.

Vladislaus Rex Vilnam proficiscitur, * ubi illi, ut felici post bella finita pacis fideri, varii honores exhibentur. Ipse vicissim Musis exhibet, lauream Doctoralem Matthiæ Sarbievio Soc. Jesu, viro ut genere, sic carminibus Lyricis nobilissimo, impositam, præsentia suâ & annulo aureo dignatus. Idem ad Comititia Imperii, quibus filius Imperatoris Rex Romanorum creatus est, mittit Georgium Ossolinski, qui nuper dùm Româ reverteus Viennam transfret, Princeps Imperii nominatus, novo titulo Ordinem Equestre non leviter offendit. Agitur de matrimonio Regis cum Ferdinandi II. Imperatoris filiâ, Cœcilia Renata, pargio inter alios Patre Valeriano Magno,

T

Capu-

Capucino multum celebri. Joannes Casimirus Princeps Poloniae in Hispaniam, Barrensem hereditatem postulaturus, proficisci cogitat, sed obstantibus à peste periculis revocatur. Stanislaus Danielowitz Palatinides Russiae, strenuus Patriae propugnator, inauspicato cum Tartaris pugnans, occiditur magno omnium dolore.

* Rex dubiis de conjuge quaerenda consiliis animos Principum Europae suspensos tenet, aliorum verò, qui affinitate innecti cuperent Regi, mirè excitat studia. Multi Palatinam usq; insinuant. De Christina haerede Sueciae quidam vanè creduli mussitant. Sacer Ordo Austriacam Regi, alii omisâ ob Religionis diversitatem, Palatinâ, Nivernensem Principem commendant. Tandem in Austriacam Renatam Coeciliam flecxit animum Rex: & praemisso Maximiliano Przerębski Castellano Siradiensi, Princeps Casimirus Frater Regis, cum Joanne Lipski Episcopo Culmensi, & Casparo Dönhof Palatino Siradiensi, Viennam abit, Sponsam fratri adducturus. In Angliam

giam mittitur. Andreas Rey Præfectus Libuſſienſis, conſilium de Palatina mutatum excuſaturus diſſenſu Senatûs Polonici, qui alienam à fide Catholica Regnam nolit. Ille ex Anglia redûx Haggam Comitſ divertit, & ab Ordinibus fœderatis honorificè habetur. Vladislauſ Rex annis ſuperioribus novum ordinem militarem Equitum, immaculatæ conceptionis Deiparæ Virginis inſtituere decreverat. Quem legibus certis deſinitum ſummus Pontifex Urbanus VIII, rem fervidè inprimis agente Georgio Oſſoliſcio, hoc anno confirmat. Sed inſtitutum à malè ſuſpicacibus mirificè vituperatum, per diſſenſum Ordinum, accedente inprimis Comitiorum, anno ſequente habitorum, autoritate, exolevit. Poſtea Rex, extructo ad littus Pucenſè, munimento ſibi cognomine, tributum in oſtio Viſtulæ pendendum inſtituere conatur, Dantiſcanis id vehementer & magno ſumptu deprecantibus. Ad confluentem Samaræ & Boryſthenis exſtruitur aliud operoſius munimentum, Kodak nominatum refrenandæ Coſacorum licentiæ. Coſaci ad Kumeiki ductu Ni-

436 FLORI POLONICI

colai Potocii Campi Ducis profligantur, & Ductorem suum Paulucum aliosq; antesignanos dedere coguntur. Tartari inter se discordes. Cantimirus ad Achilleam vulgò Kiliam à Chano vincitur, & postea à Turcis strangulatur. Cecilia Renata Imperatoris filia comitante eam, Claudià Archiduce, & Episcopo Jaurinensi in Poloniam adducitur 12 Septembr. & Varsavia, allato illuc Cracovia, præter morem diademate, insignitur ab Archiepiscopo Gnesnensi. Guilielmus Auriacus sub hæc tempora Bredam obsidet, & tertio mense capit. Cardinalis Hispanus Venloam & Ruremundam recuperat.

* Paulucus Cosacorum nupèr antesignanus capite plectitur. Cosaci fidem sibi minùs servatam querentes, arma ductore Demetrio Timoszevitz corripunt, sed partim vi, partim promissis reducuntur ad obsequium. Thomas Zamoiski magnus Regni Cancellarius virtutis gloria uni Patri suo secundus, moritur. Petrus Gembicki majus sigillum, minus Georgius Ossolinski, deposita Sendomiriensis Palatini dignitate, suscipit. Johan-

ni

hi Węzyk Archi-Episcopo Gnesnenſi mortuo ſurrogatur Joannes Lipſki vir iudicio & ſacundia ſummus. Frater Regis Joannes Caſimirus eundi in Hiſpaniam conſilium recapeſſit, quem comitatur Joannes Carolus Konopatſius Abbas, & poſtea Antiſtes Varmiienſis, cui Rex Legati nomen addit, Fratri, diſſimulato genere, fortunaq; proficiſcenti ſecuritatis futurum præſidium. Eunt quoq; ſimul Ferdinandus Myſkovius Marchio de Mirow, Gothardus Vilhelmus Butlerus intimus tūc Aulæ familiaris, dein magnus cubiculi Regii præfectus, Theodorus Dönhofius poſtea Butleri in cubiculi Regii præfecturâ ſucceſſor, Andreas Cotovicius, M. Ducatus Lithvan. Notarius, poſtea Caſtellanus Vilnenſis, Samuel Opatſcius, & deniq; Andreas Baſius tūc a ſecretis Principi, dein Canonicus Varmiienſis, & multi alii. Cæterum iſtiſcomitibus Princeps per Auſtriam & juga Tridentina in Italiam tendit. Inde nave Genuenſi in Hiſpaniam trajecturus, valetudinis & animi recreandi cauſâ in littus Gallicum exſcendit. Ibi à Joanne Gothofredo, homine Maſſilienſe prodi-

tus, apud oppidum Martegez à Nargonio proximi castelli Praefecto, nomine Regii per provinciam Gubernatoris, attinetur, & primùm in arcem Salonensem, postea Cisteronem deducitur, vincentium innocentiae & hospitalitatis jura suspicione, cui destinatum in Hispaniam iter obnoxium Principem fecerat. Habentur Comitiae, in quibus Ordo Equestris consiliorum suorum Directorem habet Lucam Opalinium Palatinidem Posnaniensem, postea, evedto ad Palatinatum Ravensem Patruo, Marefchallum Curiae, virum cultissimi ingenii & summæ eruditionis. In eo Regni convetu Cosaci antehac victi, jam lege comitali in ordinem rediguntur, & abrogato veteri eorum regimine, ceu turbis ciendis nimis opportuno, Ductorum Polonicorum arbitrio subesse jubentur, ipso etiam eorum numero, antehac infinito, in sex millia reducto. Exercitui Polono, cuius virtute Coniecpolscius & Potocius, Duces militiae, Cosacos rebelles subegerant, ex omnibus Regni Ordinibus viri assignantur, debita laborum stipendia merentibus distributuri. Reginae noviter

tèr adductæ Rex præfecturas quasdam publicas autoritate Comitiali certis legibus dotatitias facit. Eidem non Cracoviæ, loco antiquitus usitato, sed Varavia impositum diadema, queruntur Regni Ordines, & ne in posterum id fiat, lege præcavent. Ad definiendum vectigalium maritimorum negotium, Comitia certos ex tribus Regni Ordinibus destinant recuperatores. Controversia de externis honorum titulis, quam dignitas Principis, superioribus annis, Georgio Ossolinſcio, collata à Cæsare, inter Ordines æqualitati pristinatimenes excitaverat, lege publicâ definitur, publicusq; mittitur, qui olim, cum ad Rempubl. Lithvania & Russia accederent, illa decora secum attulère. Lemborgense & Bytoviense territorium morte ultimi Ducis Pomeraniæ, in potestatem Poloniæ Regum relapsum ordinari jubetur. Græci ritus libertati, legum veterum repetitione cavetur. Ne Decreta Tribunalia Comitialibus & hæc vicissim illis derogent, limites judiciorum statuuntur. Vectigalia Prussiae Ducalis, quibus Polo-

ca & Lithvanica negotiationes gravari videbantur, circumscripta. Postea Rex valetudinis causâ ad thermas Austriacas profectus, primum ex intimo Joannis Casimiri Aulico Theodoro Dönhofio, detentionis Fraternalis nuncium, & rei ferriem, dein verò ex literis Christianissimi Regis & Cardinalis Richelii causas, quæ tanto ausui prætexebantur, intelligit. Magnâ in Poloniâ invidiâ laborat Claudius Memmius Comes ab Avaux, quod eo autore detentionis in Galliâ decretum stetisse putaretur. Ad quem eo nomine stylo gravissimo scribit Joannes Lipski Regni Primas. Ille acutè nec sine bile re-
gionibus in nimbis
 Moraviâ ab Imperatore multâ comitate & honore excipitur. Sed eundem Principum congressum multo murmure suspicaciores in Poloniâ pe stringunt.

* Rex in Lithvaniâ cum Reginâ degit ex pacatissimis Poloniae rebus quietus latusq; , nec nisi ob Joannis Casimiri Principis in Galliâ detenti calamitatem sollicitus. Ille Cisteronem ad Druentiam situm oppidum deportatus, gravibus

T 5 1632. episto-

epistolis cum Ludovico Duce Valesio, Provinciae Gallicae Gubernatore, de injuriis sibi illatis expostulat. Et ipse Rex scriptis Vilnâ ad Ludovicum XIII. Christianissimum Regem, tum ad Cardinalem Richelium literis, missoq; dein Legato Principis dimissionem urget. Exin Princeps Vincennas propinquiorem Lutetiae locum deducitur. Comes Principis Conopatscius, vir praeclarae stirpis & virtutis, in Poloniam reversus, ibiq; à Rege Infula Varmiensi honoratus, antequam adiret dignitatem, morte subitâ praeipitur. Legatus Regis Christophorus Gonfiewski post patrem recens mortuum. renunciatus Palatinus Smolenscensis, Cedano, praecipiti jam anno, solvit vela, comitantibus eum inter alios Stanislae Rakowski Plocensi, & Dominico Roncallio Varmiensi Canonicis, utroq; Regi à secretis, Andreâ item Przyemscio ut genere, sic ingenii dotibus illustri, postea Castellano Culmensi. Rex Vilnae agens feudum Culandiae, Duci Jacobo filio Vilhelmi, olim ob Noldium virum nobilem interfectum proscripti, post fata Friderici Patru, confirmat. Legatus Regis Confie-

vius Lutetiæ splendide excipitur, * & à Duce Engolismensi ad S. Germanicum, ubi Aula tum erat, honorificentissime (præfens enim omnia tum spectavi, qui hæc scribo) deductus de Principis dimissione cum Christianissimo Rege & Cardinali Richelio agit, datâ amnestiæ, quæ postulabatur, cautione. Dimittitur Princeps & post multas benevolentiae datas acceptasq; significationes valedicit Regi Reginaq; & in Brabantiam tendit. Ad Imperatorem Turcarum mittitur vir insignis Albertus Miaskowski Succamerarius Leopoliensis, de incursionibus Tartarorum in illâ Aulâ questurus: Sed simul quoq; exploraturus, quò collineent machinationes Turcarum & apparatus bellici. Cognitum postea novo ad Borythenem munimento Codakano offensum Amurathem, quod ad frænandos Cosacos extractum, ignaris & suspicacibus vanos metus ciebat. Hic utiq; Amurathes id tollere voluit, postquam in primis recentibus de Persarum Rege victoriis intumuerat. Dùm in itinere Legatus est, Amurathem in mediis belli conatibus

tibus extinctum, inq; ejus locum fratrem Imbraimum Sultanum successisse intelligit. Vladislaus auditâ illa morte ad supremum Vezirum & ad ipsum Imbraimum Imperatorem literas mittit per Miaskovium reddendas. In iis amicitiae cum Ottomanico Imperio servandæ studium testatus, ejus præcipuum hætenus scopulum, Cosacorum petulantiam, Ducum Polonicorum virtute, repressam jam nunciat,, alteramq; ejusdem amicitiae pestem Tartaros à Turcis vicissim cohiberi postulat. Morte Amurathis belli metus in Polonia non est extinctus. Atq; ideò Rex convocat Ordines. Sed hi nullâ re effectâ discedunt. Indicuntur deinceps alia Comitia. Ad quæ priusquam Ordines convenirent, Regina in Aprili filium enititur, cui Sigismundi Casimiri nomen inditum. In augmentum lætitiæ publicæ, redux ex Galliâ Joannes Casimirus Varsaviam, ipso Comitiorum tempore, ingreditur. Cancellarius Regni animos Nobilium, suspicionibus, multâq; adversus præcipuos consiliorum Ministros diffidentiâ turgidos componere oratione facundâ aggressus,

mox propositâ belli imminētis & periculorum magnitudine, ad sciendâ tributâ, quibus miles stipendia efflētum postulans placari, & novus conscribi posset, hortatur. Et in hæc quidem, Nunciorum Equestrium moderatore Joanne Stanislao Jablonovio magnæ autoritatis Vi-
ro, consensum est. Alia consultationum argumenta in futuros Conventus rejecta. Christianissimi Regis Legatus Baro de Avangur in hoc conventu ea, quæ Principi Joanni Casimiro adversa contigerint, excusat, extremaq; humanitatis & amoris officia, quibus eundem ex detentione & ipsâ Galliâ dimissum persecutus sit Rex Galliæ, & quanti is amicitiam Regis Regniq; Poloniæ æstimet, disertè exponit. Ei nomine Regis & Senatûs respondetur, *felice Principis in Poloniam reditū abolitū jam esse omnem acerbioris sensûs memoriam, veteremq; & totū documentis antehac contestatam Poloniæ cum Galliâ amicitiam jam auspiciatissimè renasci.* Datæ sunt eidem Baroni literæ ad Christianissimum Regem, omnem benevolentiam testantes. Sub hæc quoque Comitia controversia, quæ à Sacris Virginibus Canobii Vilnensis.

sis, quod S. Michaelis vocatur, Calvini
asseclarum cætui, illic, jam dudum, ob
violentiam quandam intentata fuerat,
deciditur decreto Regio, & cætus eo lo-
co imposterum haberi vetatur. Miasko-
vius Legatus Constantinopoli ex voto
Regis & Reipubl. mandata exequitur, etsi
sparsa istic de nova Cosacorum incurfio-
ne fama captæ negotiationi non modicè
officeret. Pacem cum Poloniâ initam
servare promittit Turcarum Imperator.
Ab eodem Tartari Poloniam lacescere,
postulare item ab eâdem donaria inusi-
tata, tum in Buczacnsibus agris domi-
cilia & prædandi receptacula locare pro-
hibentur. Captivi aliqui restituuntur
Legato Literis ad Vladislaum missis vi-
cissim stipulatur Turca, ne Poloni opem
ferant Mosco, quem ob intereeptum à
Cosacis Moschicis Asovum bello aggre-
di novus Imperator cogitabat. Geor-
gius Vilhelmus Elector Brandenburgicus
& Dux Prussiæ moritur. Ante obitum
ejus habebatur Ordinum Prussiæ Ducalis
conventus, ad quem Rex Legatos mise-
rat; Ernestum Magnum Dönhofium Pa-
latinum Pernaviensem, Remigium Za-
leski

leski Castellatum Lenciciensem, Stanislaum Kobierzicium Pocillatorem tùm Calisiensem post Palatinum Pomeraniæ, cujus præclara de *Vladislao Principe* extat historia. Sed ob mortem Electoris oportuit abrumpi Conventum.

* Missus à Rege ad portam Ottomanicam cum pactis reciprocis Prandota Dzierzek redit in Poloniam, & cum eo Turcicus internuncius Osmannus. Hi literas ab Imperatore afferunt Regi, quibus omnia antiqua, & nuper præsentè Legato Miaskovio restabilita pacta ritè servatum iri promittitur, dummodò vicissim Cosacos in officio contineant Poloni, eosdemq; à ferendâ Moscâ circa Asovum ope cohibeant. Rex per eundem Osmannum Imperatori Turcico mutuam pactorum fidem contestatur, sed juxta quoq; de Tartaris ad interdicta Imperatoris nimium hætenùs contumacibus queritur. Ad defuncti Electoris filium Fridericum Vilhelmum, necnon ad Conventum Prussiæ Ducalis eosdem, quos ante Legatos mittit Rex, paternam illi benevolentiam, his Regiam offerens cu-

ram;

ram; simul monens de nonnullis, quæ præsens necessitas postulabat. Venit Varſaviam à Chano Tartarorum nunci-
us, qui dona à Republ. dari ipsis solita
geminari, Domini sui nomine flagitat.
Rex de hac insolentia Chani Tartarici,
apud Imperatorem Turcarum, misso A-
lexandro Otvinovio Secretario suo, que-
ritur. Ille cum internuncio Mustaphâ
in Poloniam reversus ab Aula Ottoman-
nica literas affert, quibus Imperator si-
gnificat, Chano severè imperatum à se
esse, ut usitatis dudum muneribus con-
tentus, Poloniam de majoribus sollicita-
re desinat, vicissim Cosacos sub fræno i-
ta, ut cœptum sit, porrò haberi postulat.
Mosci circa limites cum recuperatoribus
Regiis contendunt, & re indecisâ, turbis
in futurum materiem relinquunt. Bel-
lum Turcicum imminere sibi sentiens
Dux Moscoviæ Legatum mittit ad Re-
gem. Rex vicini belli contagionem
metuens, ac simul militi stipendia procu-
raturus Comitia indicit. Quæ acribus
multis disceptationibus, Nuncios Eque-
stres regente Boguslao Comite de Lelzno,
ad summa omnia in Republ. jam tum
surgen-

surgente, efferebuere. Præcipuè in Senatus consulta inquisitum. Atq; ut Senatoribus, comitali lege Regi præsto esse iussis, nonnisi ob fonticam causam abesse liceat, tùm ut suffragia Senatorum Regi assiduorum scribantur, ac in proximis semper Comitibus examinentur, severe sancitum est. Cautum quoq; ne Regi absq; consensu Reipubl. extra fines Regni proficisci fas sit. Fratri Regio Joanni Casimiro duas præfecturas, alteri verò fratri Carolo Ferdinando Episcopatum Plocensem conferri permittitur. Lex de abrogandis titulis antehac promulgata, (excipi ab illa poscentibus antiquæ originis Ducibus) explicatur iterùm. Audita tùm quoq; querelæ de finibus à militia Suecica ex Marchia, Pomerania, Silesia sollicitatis. Supremo Regni Dicastrio, ne ullam in Comititalia decreta sibi potestatem usurpet, certi limites positi. In latrocinia, raptus, & hominum proscriptorum grassationes, impunitate invalescentes, quæsita remedia. Armamentaria, uti olim sub primæ Regis Vladislai auspicia erigi & apparatus bellicos procurari jussert Respubl., ita, ut in rem
istam

istam majore studio incumbatur, iis, ad quos illa cura pertineat, injunctum. Vestigalia, quæ Regi montani cives à Lithvanis immodica ferebantur exigere, temperantur.

* Dux Moscoviæ per Internuncium Joannem Pakadinum de injuriis quibusdam circa confinia, ab incolis Regni & Magni Ducatus Lithvaniæ illatis queritur. Rex ad componenda hæc dissidia cognitores se ad fines Russiæ missurum pollicetur. Conveniunt Regni Ordines mense Februario, quod tempus anterioribus Comitibus ad constituenda militiæ stipendia, de quibus ampliandum censuerant Ordines. præfinitum erat. Primum igitur Ordinis Equestris consilia moderante Christophoro Zavilsâ, Magni Ducatus Lithvaniæ Notario, Præfecto Minscensi, rationes cum Palatinatibus subductæ, ut, si quæ territoria in ære adhuc Reipubl. essent, cæteris, qui solvisent, æquarentur. Mox quantum cuiq; Palatinatui ad stipendia militaria conferendum esset, definit. m, ibidemq; ærarii publici quæstori adjuncti ex triplici Ordine

dine viri primarii, (inter quos Regni Duces,) qui 7 Julii Leopoli exercitui satisfacerent. Juxta quoq; ex Regni Proceribus Civibusq; destinati alii non pauci, qui in Radomiensi Tribunali, Palatinate, quæ restarent, nomina disputarēt. Deniq; ne incerti cum Moscoviâ & Valachiâ limites in posterum contentiones pariant, eò quoq; missi cognitores. Eodem hoc anno Philippo Vilhelmo Neoburgico, Principi magnis dotibus eminenti, Soror Regis unica Anna Catharina Constantia jungitur matrimonio, ut eventus docuit, parùm fortunato.

* Cecilia Renata Poloniae Regina, secundo partu filiam odit, sed quæ paucis post diebus exstinguitur. Rex extra Ordinem Varaviae Comititia habet; in quibus Equestrium consultationum regimen administrat Georgius Lubomirski Praefectus tum Sandecensis, postea ad magnos in Republ. honores perventurus. In his Comititiis majus sigillum datur Georgio Ossolinſcio, Petro Gembicio ad Antistitiū Cracoviense, post Jacobi Zadzik summi in Republ. & erga Ecclesiam impensè liberalis

liberalis Viri, mortem, eveſto. Minus ſigillum ſuſcipit Alexander Trzebiński Epiſcopus Przemiſliensis. Ineuntur tūm inter alia rationes diſſolvendi æris alieni quod tot expeditionibus & indefinēti liberalitate conflaverat Rex Vladislaus. Diſpunctis nominibus, addunt Ordines cautionem, ne in poſterum Reges in fidem Reipubl. debita contrahant, nec ad ea ſolvenda obligetur Reſpublica. Magni Ducatūs Litvaniæ veſtigalia augentur. In res, quæ à mercatoribus in Poloniam invehuntur, novum veſtigal inſtituitur, dein mercium quarumvis pretia definiuntur arbitrio delectorum à Republ. virorum, qui fuerunt Andreas Szoldrski Epiſcop⁹ Poſnaniēſis, Alexander Trzebiński Epiſcop⁹ Przemiſliensis, idemq; Pro-cancellarius Regni, Lucas Opaliński⁹ Magnus Regni Mareſcallus, Georgius Oſſo-liński⁹ Cancellarius Regni, Joannes Nicolaus Daniłowit⁹ Regni Theſaurarius, Nicolaus Oſtrorog Pocillator Regni, Petrus Daniłowit⁹ Inciſor Regni, Alexander Lubomirski Pocillator Regni, Sandomiriensis præfeſt⁹, Bogusla⁹ Leſczyński Majoris Poloniæ Generalis, Martinus Toli-

Tolibowski Succamerarius Brzeskensis, Joannes Oborski Præfectus Sochacevien-
sis. Smolenscensis Palatinatûs ordina-
tio, tum mœnium urbis restaurandorum
cura, ut & stipendii præfidiariis solvendi
exsolutio sancitur. Rex Daniæ nothum
suum Comitem Voldemarum in Mosco-
viam mittit, amicitia cum Magno Duce
novo vinculo adstringendæ. Sed quasi-
tum istic matrimonium in carcerem de-
finit: quod is sacra Moscorum, in con-
ditionem expetiti conjugii proposita,
non respuere tantum, sed ludibrio habu-
isse videretur: Ex quo demum Comitem
illum Regis Poloniæ Legatus Stephanus
Stepkovius Castellanus Braclaviensis po-
stea liberat.

* Regina Cecilia Renata informem
fatum enixa 24. Martii moritur, Prin-
ceps ob virtutes insignes longissimâ vitâ
digna. Rex persolutis Cracoviæ deside-
ratissimæ Conjugi iustis, in quibus An-
dreas de Lesno Episcopus tum Culmensis
peroravit; in vicinæ Ungariæ bellum a-
nimum intendere, Militemq; colligere
caperat, pacis impatientiâ, negotium &
gloriæ

gloriæ campum quærens. Ac jam Imperatori contra Racocium & alios Ungariæ Proceres, qui Cassoviam tùm occupaverant, auxilia laturus videbatur. Racocius enim bellum eo tempore indixerat Casari, prætextu religionis aliarumque injuriarum, revera autem instinctu Svecorum, qui eâ ratione Casaream armis Ungaricis occupare quæsierant, dùm ipsi Regem Daniæ, hostilia in Sveciam meditari visum, repentino incursu corripèrent. Vladislaus bello Ungarico & sic porrò Svecico penè implicitus, ad Senatus dissvadentis judicium, mutato consilio per internuncios componere bellum illud quærit. Sed Imperator Majestate suâ indignum judicavit, cum subditis suis pacem, quam ii supplicando quærere debere videbantur, negociari. Tandem animos, quos non Martia vis, nec ratio componere potuit, temporis mora sanavit. Miles Casareanus, Ductore Kracovio, per Poloniæ limites in Pomeraniam Svecicam irrumptit. Poloni rem improvisam, quam à milite imparati, prohibere non potuerint, paulò post excusant apud Svecos. Horum vicissim in Livonia

niâ novi paratus bellici suspensionem movebant Vladislao Regi. Sed tùm intra occulta molimina utrinque res substitit, postea, ut eventus docuit, parte ab unâ inter prætextûs belli futura. Alexander Trzebinski post indutam sacram togam Regni Pro-Cancellarius, duos filios maximæ spei juvenes amittit, & ipse in medio honorum cursu 26 Julii præripitur, magno detrimento publicæ rei & familiæ suæ, quam Civili primùm, postea Sacro vitæ genere, datis utrobique magnis ingenii speciminibus, ad summa evchere cæperat. Exercitus Polonus Duce Stanislaò Koniecpolscio Castellano Cracoviensi memorabilem victoriam de Tartaris ad Achmatoviam reportat. Egregiam hic præ aliis operam navavit Stephanus Czarnecki, qui primos hostium aggressus, fortiter pugnando totum exercitum perculit, egregio futurarum, quas postea in turbatissimâ Republicâ summe memorabiles gessit, rerum præludio. Insignem quoq; in hoc campo laudem meruisse Jeremias Dux Visnovicius, Nicolaus Ostrogus, & alii, quorum nomina scriptus

de

de hoc conflictu peculiaris commentarius prolixè edisserit.

Post expeditionem istam prosperè finitam, mittitur à Rege Constantinopolin Nicolaus Bieganovius, tum Sub-Dapifer Palatinatûs Rusiæ, postea Castellanus Camenecensis, de irruptione Tartarorum questurus. Imperator Turcicus constantem in pactis servandis fidem per Osmanem Internuncium suum Poloniæ promittit; sed Tartaris solitum donativum dari postulat. Archiepiscopus Avenionensis sinistris relationibus apud summum Pontificem perstrinxisse Regem creditus, cum insuper Jacobum Maximilianum Fredro Succamerarium Premisliensem à Rege ad se missum minùs dignè habuisset, indignationem Regiam incurrit, & per maximæ autoritatis virum Jacobum Sobiescium Palatinum Rusiæ, nomine Ordinum Regni ab Aulâ Regiâ abesse jubetur, salva illæsaq; veteri Poloniæ in Pontifices Romanos reverentiâ & soliti obsequii fide. Interim Urbanus VIII. moderatione animi (ne alias virtutes jam attingamus) & omni eruditionis genere inclytus Pontifex anno ætatis septuageti-

agesimo septimo moritur. Cui cum surrogatus esset Joannes Baptista Pamphilius Romanus, postea Innocentius Decimus appellatus; Vladislaus Abbatem Valbaccensem Lipsium, qui illi principem in orbe locum gratularetur, & per eum has literas mittit: *Prodit ex augustâ Apostolici conclavis arcâ, candida Columba, naufraganti inier belli procellas orbi pacis promens Symbolum. Salve, Pater Optime, cujus candida & tranquilla mentis presagiû Tua Sanctitatis majoribus commissa aucto nobilitatis jamdudum exprimunt insignia. Nec porro assumptum Innocentii nomen aliud promittit, quàm felicissimi Pontificatus innocentiam, nocentibus infensam. Ad tanti Pontificis pedes gratulandus propero, & per Internuncium meum de Lipe Lipski Abbatem Valbaccensem, Metropolitana Ecclesie Gnespensis Scholasticum, Tua Sanctitati, ut legitimo interris Christi Vicario, & Universali Episcopo meam & Regnorum ditionumq; mearum obedientiam supplex deferro, ipse interim huic stationi, quæ mihi, pro Christiano nomine excubanti, Dei voluntate & majorum meritis obligit, intentus propaganda fidei Catholica ac Sancta Sedes Tua*
an. ori

autoritati, arma mea, immò sanguinem & vitam consecro. Tu modò idagas, Pater Beatissime, ne diutius reliquorum Principum inter se decertantibus armis, exhausta Christiani populi vires, invitent nunc otiosum Spectatorem, sed occupanda Europæ avidissimū hostem, ad invadendum gregem Tibi cœlitus commissum. Quem ubi tanto metu liberaveris, tū demum Innocui & Innocentis seculi Pastor ei gratissimum offeres sacrificium, cujus vicariam curandi gregis operam divinitus in Te collatam suscepisti. Ego iterum pedibus Apostolicis a dvolutus Sanctitatis Tuae Paternam mihi & subditis meis expeto benedictionem. Sub finem anni in salisfodinis Vieliciensibus, pabulo equino in candelam per incuriam injecto, ortum incendium est, quod ultrà annum in illis specuum anfractibus teterrimo vapore, omnem extinguere cupientium industriam exclusit, ingente proventuum Regionum intertrimento.

* Duci Moscoviæ Michaëli Federo-wiſ defuncto, filius Alexius Michalowitz succedit. Ad quem à Rege missus est Stephanus Stepkowski, Castellanus Brac-

U lavi-

laviensis de successione illi gratulaturus : simul & novæ armorum conjunctionis , in alium vicinum populum, Polonis Moscovicisq; perpetuâ prædandi libidine æquè hactenùs gravem, jactus fundamenta. Eodem tempore Legatus hic Polonus effecit, ut Comes Voldemarus Christiani IV. Regis Daniæ nothus, ex custodiâ Moscoviticâ liber, & in compensationem injuriæ illic acceptæ, liberalibus donis ornatus dimitteretur. Rex Cracoviâ Varsoviâ reversus, Comitibus istis agitatur, in quibus Ordo Equestris directorem habuit Hieronymum Radzejowski Præfectum tùm Lomzensem. Gravissimè hic oppugnata sunt instituta novissimè in res investas evectasq; vectigalia, ea quippe ordo nobilium penitus sublata volebat, antequam ad alia Comitum deliberationum capita accederetur. Magnas quoq; turbas tùm Lithvaniæ Ordines dedere, factâ nupèr cum Moscis finium determinatione vehementèr offensi. Trubescens enim territoriû, quod anno 1634. ad Polanowkam pacta cum Moscis inita, Lithuania adjecisse dicebantur, constituti postea à Republ. limitum definidores Moscis

Moscis reddiderant. Atq; ita præter Trubecios, primiceriæ Nobilitatis ibi viros, multi alii Nobiles aut solum mutare coacti, aut ex libertate Polonicâ in Moscoviticum dominium erant delapsi. Qui bus opitulari volens Lithuania, tot latifundia à Moschis repeti, aut certè compensationem tantæ jacturæ & sibi & tot Viris Nobilibus fieri flagitabat. Inter multas igitur altercationes ex ractum tempus, & deniq; nullâ re memorabili effectâ soluta sunt Comitia, oborto hinc rursus ingente æmulorum strepitu in eos, qui novo rerum investitum & eventarum invento occasionem tot gravibus inter Aulam & Cives collisionibus præbuisse ferebantur. Cancellario Ossolinio, vacante post mortem Trzebinii Episcopi Przemisiensis Vice-Cancellarii munere, Collega adoptatur Andreas Leszczinski antehac Cancellarius Regiæ, postea Episcopus Camenecensis, dein Culmensis, ac tandem Primas Regni, ut posterior historia docebit, creatus, Vir majorum suisq; meritis illustris. Exin agitato jamdudum matrimonii iterandi consilio diligentius Rex incubuit: Gal-

liâ pulchram Venerem per Legatos & literas offerente. Quam rem cum seriò jam agi Austriaci animadvertissent, intercedere volentes Leopoldi Archi-Ducis Tyrolensis filiam ostentavere Regi. Sed vigor Gallicus tum prævenit: seditq; consilium Vladislao ducendi Ludovicam Mariam Caroli Gonzagæ, Mantuæ in Italiâ, Niverniîq; in Galliâ Ducis filiam, Principem corporis animiq; dotibus insignè. Missus itaq; à Rege citatissimis itineribus in Galliam Gerhardus à Dönhoff Palatinus Pomeraniæ, vir longo aulæ militiæq; usu, multisq; meritis Regi intimè carus: qui novi nexûs apud Aulam Gallicam fundamenta stabilivit. Secuti deindè majore mole & apparatu duo magni in Republ. Senatores, Venceslaus Comes de Lelsno, Episcopus tum Varmiensis, & Christophorus Opalinski Posnaniensis Palatinus. Quorum splendidissimâ & longè sumptuosissimâ legatione honorata Gallici Regni administratrix Regina, luculentis vicissim erga Poloniam animi testimoniis magnos hos optati conjugii proxenetas suscepit, sicq; conditionibus dudum utrinq; probatis Ludovica Maria

Niver-

Niverno-Mantuana Princeps V. Novembris presentibus Rege Ludovico XIV. octo annorum tunc Principe, Matre item Regni administratrice, & filio ejus nato Gastone Duce Aurelianensi, desponsata est Vladislao Regi: posteaq; decentissimo comitatu Episcopi in primis Audaionensis, tunc Renatae de Guebrian per Belgicam & Saxoniam inferioris terras deducta est in Poloniam: quod tamen nonnisi anno sequente pervenit. Sed Rex diu, antequam secundis his nuptiis animum applicuisset, aliud novum inter diversarum religionum instituta conjugium moliri ceperat. Quod enim inter Christianos dogmatum dissensum malâ interpretatione & falsis judicii exasperari crederet, eos, qui in Poloniâ à Catholicis dissiderent, & tamen antiqua fidei Christianæ symbola ac fundamenta amplecti se crederent, placido colloquio Ecclesiae Catholicae aut conciliare omnino, aut blandiores saltem reddere instituit. Confilium suum Rex Regni Primati Matthiae Lubienscio & ipsi Pontifici Romano Innocentio X. aperuit, probavitq;. Primas Synodo Varsaviae habitâ ad futurum

colloquium Præsidentem nominavit Georgium Tykewicium Episcopum Samogithiæ, pietate, innocentia vitæ & affabilitate præ cæteris ad temperandos animos idoneum. Literis deindè Regiis invitati dissidentes, ex suis paritè viros primarios ad hunc Conventum delegère. Reformatorum, qui Calviniani vulgò appellantur, jussu Regio, caput fuit Sbi-gneus de Goray Goraiski Castellanus tum Chelmenfis; Lutheranis, qui alioquin ab Augustanâ Confessione nuncupari malunt, auspiciis Regiis, præfedit Sigismundus Guldensternius L. B. Gubernator Stumensis, postea Castellanus Gedanensis. Singuli præfides, quam plurimis suæ partis Theologis stipati accessère. Inter eos etiam exteri⁹ quidam. Ex quibus Lutheranorum, ut vocantur, causam Johannes Hullemannus, Professor Lipsiensis, Reformatorum, D. Joannes Bergius, Ecclesiastes Brandenburgicus egère publicè. Aderat quoq; ex Academiâ Juliâ Georgius Kalixtus, sed apud suos ob Syncretismi consilia suspectus, à publicis confessionibus abstinuit. A Rege prætereà duo aderant Senatores magni nominis, Georgius

orgius Ossolinski Regni Cancellarius, qui splendidâ oratione Domini sui consilium toti Conventui commendavit. Alter Joannes Comes de Lefsno Castellanus Gnesnensis, qui, avvocato postea Ossolinio, Regii præsidii dignitatem solus sustinuit. Scriptæ etiam autoritate Regiâ certæ leges, quarum beneficio opus tantum ordinatè ad finem optatum procedere posse videbatur. Ad harum normam 28 Augusti Thorunii, Urbe Prussiæ primariâ colloquium cœptum. Sed 21. Novembris inter varias protestationes & reprobationes abruptum est, unaquâq; partium rescissi Conventus invidiam à se in alteram amoliri studente. Quicquid sit, gloriofior tam pulchri operis ingressus, quàm finis fuit. Neq; enim Dissidentes cum Romanâ Ecclesiâ conciliati sunt, & ipsi inter se hîc sæpiùs collisi, longè acrioribus postea odiis flagravêre. Causas irriti conatûs Regii alii alias memorant. Et ipse Rex postea aliquos consilii sui obices & veluti scopulos scripto publico vulgari jussit.

* Anni sequentis initia solenni in

U 4

Prussi-

* 1646.

Prussiam ingressu Sponsæ Regiæ Ludovicæ Mariæ Principis Niverno-Mantuanæ celebria fuere. . Cui apud Olivense Monasterium Frater Regius Carolus Episcopus Plocensis & Vratislaviensis, necnon Albertus Gnievossius Episcopus Vladislaviensis, tum & splendidissimo inprimis paratu Leo Casimirus Sapieha Pro-Cancellarius Magni Ducatûs Lithvaniæ, missi à Rege occurrere. Inde festivissimâ solennitate Gedanum 10. Februarii deducta est. Quæ Urbs exquisito armorum ornatu, tum excogitatissimis spectaculis & omni magnificentiæ genere debitam erga Regem suum & futuram Reginam reverentiam non sine ingentibus & penè Regiis sumptibus testata est. Rex ipse podagræ doloribus eò, quò voluerat, obviam ire prohibitus, Varsaviæ Sponsam in templo S. Johannis excepit. Ibidemque mox Conjugium, manus copulante Legato Pontificis Joanne Torrefio, ritu solenni sancitum, diadema autem postea, mense Julio, Reginæ in Principe Regni Urbe impositum est. Verùm eundem anni hujus mensem Aulæ universum festum lætumq; , obitus Stanislai Coniecpolscii
Castel-

Castellani Cracoviensis ejusdemq; exercituum Regni Ducis supremi tristem fecit Polonia. Qui non ita pridem alterâ Conjuge ex illustri Opaliniorum familiâ domum ductâ præproperè thalamum tumulto mutavit, vir in Republ. summus, magnus inter Cives Senator, magnus in Senatu Civis, Imperator ad fortia ausa factus naturâ, ad solertiam multis casibus à fortunâ elaboratus, severis moribus apud militem, apud Rempubl. verò & Regem ipsum magnam auctoritatem, apud omnes sanè am longè maximam adeptus. Sed quasi nec magnitudinem Coniectipolscii, nec felicitatem suam capere tum amplius Polonia possit, eodem tempore & ille vivere, & hæc quiescere desinit. Quod quo pacto evenerit, paucis edisseram. Coniectipolscium istum, dum viveret, inter paucos consilium Rex habuit consilii, quod de bello suscipiendo ceperat, partim otii, quo Respubl. corrumpi videbatur, impatiens, partim, quod tempus venire putaret, liberandi Poloniam à servitute stipendii, quod prædonibus finitimis pendere ex pacto teneretur Respubl., sua sibi mercede emens alensq;

perniciem. At consilium, cui exequendo par erat Coniecpolscius, illo extincto. non initum modò fuit, sed & Regem cum Republ., & Rempubl. cum Cosacis collisit, verissimum malorum ingentium, quibus Poloniæ felicitas tantùm non extincta est, seminarium. Rex paulò post nuptias, ex acceptâ dote militem subitò conscripserat, inconsultâ Republ., seu, ne cum pluribus communicata destinatio hosti innotesceret, seu quòd facilius delectibus militum factis, quàm faciendis subscripturi Proceres Civesq; viderentur. Et quamvis Regi sine Comitiorum consensu militem legere illicitum esset, credebatur tamen fore, ne contra leges factum putarent Ordines, quod pro Republ. factum vidissent. Aderant generosi auctus svasores homines exteri, Itali præcipuè, & in iis validissimus Joannes Tiepoli Legatus Venetus, cui à Republ. suâ, bellum tùm adversus Turcas gerente, negotium erat datum, Regem ad arma induenda omni conatu impellere. Rex suâmet indole ad bella pronus, facile admisit stimulos, cùm inprimis non Venetis modò, à quibus olim multo honore cultus

cultus erat, sed & toti rei Christianæ se
ita commodaturum crederet. Et ex præ-
cipuis Regni ministris continuus ei ade-
rat, qui hunc novum Regi sibiq; gloriæ
campum impensè videbatur optare. Cæ-
terùm, ubi legiones non paucæ sub vari-
is, nec unius nationis Ductoribus conflu-
xerant, ad rem insolentam & subitam,
commoti Proceres Civesq;, occultis pri-
mùm carpere rumoribus, mox publico
strepitu incursare hæc Aulæ molimina
caperunt. Habeo literas, quas Primas
Regni tùm scripsit, jura Regni jurejuran-
do sancita, objiciens Majestati, quibus
cautum sit, ne inscia Republ., vel bellum
occipiat Rex, vel militem colligat: tùm
monens Regem, ut Comitia indicat Rei-
publ. Civibus, quibus volentibus rectius
processurum bellum, quod iis invitis su-
sciptum, Patriæ, quàm cuivis hosti sit fu-
turum periculosius. Simili gravitate
duo Cracoviensis Palatinatûs Senatores,
Episcopus Petrus Gembicki, & Palatinus
Stanislaus Lubomirski, ille autoritate In-
sulæ, hic maximis sagi togæq; ornamen-
tis eminens; enorme consilium & mana-
turam indè in Republ. convulsionem, Se-

natoria, populoq; gratissima libertate ob oculos posuit. Acerbius primum Rex tulit, destinata sua, quæ nihil non laudandum spirarent, sinisterius accipi. At tamen, cum ingens ubiq; in Republ. animorum tumor, nec lenè marmur Nobilium, nullis excusationibus Aulicis leniri, sed in magnam calamitatem erupturus videretur dolor publicus, passus est deniq; persuaderi sibi Rex, ut in Comitia consentiret. Quæ in Octobri hujus anni habita, magno libertatis æstu, adversus consilia novi belli, ejusq; tubas ac facces, Regiâ etiâ autoritate non intactâ, exarsere: Ordinem Equestrem moderante viro cordato Michaële Stankevicio Notario Magni Ducatus Lithvaniæ. Magnus equidem Cancellarius, dùm capita consultationum publicè, more ultrato, proponeret, causam Regiam in ipso Comitiorum exordio facundè egit; *Regnum, inquit, Polonia in parentissimis undique campis, non alio quàm mutue in triplice Ordine confidentia munimento defenditur. Medium ejus spatium altissima Majestatis Regiæ specula tenet, unde remotissima etiam tempestates prospici, deq;*

illis moneri ceteri Cives possint. Additi specule illi sunt custodes, quibus nomen senectus, consulendi auctoritatem magni muneris ratio dedit. Cives ipsi gladiis accincti iuende securitatis publicae partes sibi sumpsere. Hac intra munimenta stat Respubl. nostra, magnis tot anteriorum Principum egregiis virtutibus decorata, tamen hodierni inprimis gloriosissimi Regis egregiis facinoribus aucta, magnorumque porro, Deo favente, nationum accessu augenda. Sed Statui huic tam bene composito insidiari non desunt nefaria privati commodilibido. Illa arroganti audaciâ tumens primum illud, quo tuti haecernis stamus, confiden-^{te} in munus propugnaculum molitur. Illa in turbido crescere quarens providis optimi Regis monitis fidem detrahit; illa Senatusconsulta sinistrè interpretatur, illa dissolvit Comitia, totiusque Reipubl. vincula convellit. Ingemiscit his malis Serenissimus Rex, eoque magis ingemiscit, quod in Reipubl. huius gremio natus, ejusdem legibus atque institutis innutritus, tandemque post data a primâ juventutē suâ in ipsam amoris tot illustria documenta, Pater verius, quàm Rex nominatus, exernas Paternorum Regnorum spes, & decora huic Reipubl. sustinuit, eidemque vitam & sanguinem suum consecravit,

spe conciliandi sibi benevolentiam omnium & fiduciam, quâ fretus, Rempubl. non domum beatam, sed vicinis formidabilem; amicisq; admirandam æquè, quàm venerandam reddere, ac porro ad æram posteritatis transmittere posset. Neq; nunc de benevolis voluntatum vestrarum studiis Sua Majestas dubitat; quin optimè de iis persuasa, ad eadem illis, quæ in particularibus Palatinatum Conventibus proponi voluit, destinata, promovenda hortatur & invitatur; vos securos esse jubens, de sincerâ suâ erga salutem Patria, libertatem vestram, felicitatemque publicam curâ ac perenni sollicitudine. Cujus præclarum indicium vel hæc Comitia, affectâ Majestatis suæ valetudine indicta, nec sine morbi accremento fortassis finienda, præbent. Quæ jam ordiens providentia Regia primò omnium de periculis imminetibus monet Rempublicam, immanem maximè gentium vicinarum perfidiam vobis ob oculos ponens. Has enim nec pacta, nec stipendia, quæ præ tribuit illi suscipiunt, nec injecta Cosacis sanguinis nostri impendio habena, ab invasione terrarum nostrarum hætenus cohibent. Depradantur fines Polonia, subditisque nostris Budzacenses campos, & totius penè Turcici Imperii ergastula replent. No-

bilibi-

bilibus pariter, quos deprennderint, jugum
servitutis aut durissimam redimenda liberta-
tis necessitatem imponunt. Jam en praclara
Nobilitatis Virum per Poloniam ipsam non
sine summo gentis nostra ded. core circumdu-
cunt, quendam quasi mercatum Poloni san-
guinis in mediâ Republ. exercentes. Horret
adhac animus noster, horre imprimis Ma-
jestas Regia, reputans secum, quid a barbaro
hoc populo Polonia expectandum esset, si
quando exercitum nostrum, qui numero per-
exiguo in sinibus excubat, quod Deus probi-
beat, clade aliquâ affici contigerit. Cui pe-
riculo dum S. Reg. Majestas remedium cir-
cumspexit, perversis multorum judiciis sacra
destinatio exagitata est. Strepere voces,
in sciâ Republ. Regem etiam non lacescunt
bella suscipere, exercitus magnos in viscera
Regni infundere, & nescio quid, (quod bonus
fidelisque subditus de tam bono Principe elo-
qui refugit,) moliri. Ille optimè quidem sibi
consciens, sed & Cives de consiliis suis rectius
instrui cupiens, stitit sacrum impetum, & de-
stinationem suam publicis horum Comitiorum
suffragiis submittit: paternè vos exhortans,
ut pensi habeatis, quid Dei, cui Respubl. flo-
rem suum debet, gloria, quid tot animarum
sub barbaro jugo gementium cura à nobis re-
quirat.

qui, ut. *Adsumt atrocissima gentis Legati, quos dudum immania petentes Rex & Senatus in hac Comitia rejecit. Hic itaque deliberandum, num fœdi illius, quod minaci ferociâ postulant, stipendii labe nomen nostrum aspergere, & avaritiam barbarorum in nostras porro cervices armare velimus. Habet Serenissimus Rex faventem suo consilio Moschum, ad quem publicâ autoritate missus Castellanus Braclaviensis, fundamenta nova societatis jecit, sed talia, quæ autoritate Comitiali stare aut cadere Sui Majestas cupit. Quid magnus bellator Stephanus Rex in simili negotio, jam olim agnoverit, notum omnibus est. Nec alia mens Magni Ducis Coniecpolsci fuit, quem ingente Reipublicæ hujus damno, magnoque Serenissimi Regis nostrumque omnium dolore, in medio pulcherrimarum cogitationum moliminumq; cursu mors abripuit. Hæc super bellico negotio cum solitâ vi eloquii dixisset Cancellarius, juxta mox alia in his Comitibus tractanda proponere perrexit. Quorum præcipua hæc erant: Quomodo controversia de limitibus cum Mosco agitata, natumque inde Trubecense negotium componi, ac porro iisdem finibus legitimo præficio, atque*
inpri-

inprimis Smolenscensi Urbi totiꝑ; illi Ducatu
tui prospici possit.

Ut consulatur securitati Reipubl. matu-
rato cum Suecis negotio pacis, cum induciæ
ultra medium jam præcesserint. Tum ut ar-
cis Dneburgensis, unici in Livoniâ propu-
gnaculi Regii, cura major habeatur, quàm
hactenus habita sit.

Ut stipendiario Reipubl. exercitui, qui se-
se ut victimam salutis publicæ, perpetuò ob-
jiciat hostibus, præmia laborum meritorumq;
solvantur initio factò à summo Duce Nico-
lao Potocio, qui post tot edita prioribus bellis
eximia virtutis specimina, novissimam hye-
mem in ultimis camporum solitudinibus, quæ
gravioris armatura militi hactenus verè in-
accessa fuerint, pro Reipubl. excubans, pul-
cherrimo ausu successuq; transfegerit.

Ut & ratio habeatur Magnatum Civi-
umq;, qui spontaneâ alacritate & sumptuum
impensâ Reipubl. contra hostes finitimos, lau-
dabile Majorum secuti exemplum, servierint.

Ut inprimis quoq; Regine nuper corona-
te dignum amplissimæ, quam in Regnum in-
tulit, dotis redhostimentum, recepto alia-
rum Polonia Reginarum exemplo, liberali
Reipubl. curâ constituatur.

Ubi

Ubi ad consultationem deventum, dixere sententiam Senatores temperatâ pleriq; gravitate. Archiepiscopus inprimis Gnesnensis, & post eum alii Antistites. Vice-Cancellarius Andreas Lescinius, Episcopus tum Culmenſis, *belli consilium se non probare, dixit, sed quia debita munda auctoritatis Regia cura fere irrevocabile id faciat, idem illud conditionibus ejusmodi circumscripsit, quibus revera irritum fieret.* Inprimis Regem non ductu suo gerere bellum, sed auspicia tantum sua commodare volebat. Hoc ipso injiciebatur frigus animo Regis, qui nonnisi tale bellum volebat, cujus ipse præsens teneret regimen. Verum post Antistites, severo sermone, Palatinus Brestensis Stanislaus Sczavinius, vir acer, sed magnæ & multum inter Cives spectatæ prudentiæ Senator, non hoc tantum bellum, sed & alia multa, quæ in Aulâ improbabat, perstrinxit. *Ne, inquit, solo sacro Ordinationis incumbat carpenti quæ displicent, addam inter alios calculum meum, ut causis malorum, quibus premimur, demonstratis, S. Reg. Majestas Vestra mala ipsa tanto prominus tollat, ac desiderio fidelium subditorum*

fatis-

satisfaciat. Nihil dare videbitur gratis
nihil assentationi, (quam sceleris instar qui-
libet, maximè verò Senator, fugere debet)
quisquis fatebitur, Rempubl. nostram semper
ingeniem benevolentiam & indefinientem cu-
ram S. Reg. Majestatis Vestra ab ipso usq;
felicis regiminis primordio sensisse. Simu-
latq; diadema Majestati Vestra impositum
fuit, magna mox ejusdem de finibus Regni
proferendis, de recuperandis ablatis, de pace
deniq; firmandâ effulsit sollicitudo. Nec de-
fuit conatibus favor cœli. Nam & ereptas
Moscoviticas amplissimas & Prussiam re-
dintegratam restituit Reip. Majestas Tua,
scepitro Moscovitico, quod liberâ gentis illius
erectione acceperat, sponte remisso, Suecice
hereditatis jure in longum tempus reiecto.
Factum hoc agnoscimus ex mero erga hanc
Rempubl. amore, Senatus tamen non inscio.
Et res Majestatis Vestra tum Regni totius
ita hætenus cesserunt, ut in summo altissima
pacis flore, publicè privatimq; non alia cre-
brior vox sonuerit, quàm, Vivat Rex Vladi-
slaus. Sed iam gaudium nostrum in luctum
& amaritudinem degenerat. Jam miseria
inopum, & gemitus pauperum vulnerant ocu-
los & pectora nostra. Causa mali est con-
siliium peregrinum, quod S. Reg. Majestati,
intra

intra palatii recessus ab hominibus fortunam
 in alieno Regno querentibus suggeritur. Non
 possunt illi Remp. amare, in quâ nihil suum
 habent. Nos quoq; qui jam lateri *Mis Vre*
 ut Senatores assidemus, olim Camera Regie
 familiares fuimus. Sed ab eâ consilia ejus-
 modi longissimè tum aberant. Porro autem
 alii augent malum, qui nova in Aulâ poten-
 tia inhiantes, ad nova molimina S. Regiam
Mitem Vram spe variâ suscitant; Ordinem
 verò Equestrem perturbant: multam ore fa-
 cundiam, optimamq; in Rempubl. affectum
 estemantes, reverà sua utilitatis studiosi. De-
 dit Respubl. Majestati Vestrâ justitiæ distri-
 butiva arbitrium, sed non credidit illa, tam
 audaces, & ipsi *Mi Vre* ad eò importunos
 fore filios suos, ut unum idemq; beneficium
 multi petitori, multi etiam, quod pessimum,
 impetraturi essent. Non meminerat illa tan-
 tam antiqua virtutis Polona corruptelam,
 nec homines in libero Regno natos quicquam
 libertati praposituros existimavit. Sed nec
 Legatus iste peregrinus culpâ caret, qui in
 Regno nostro jamdudum versatus, Legatio-
 nis suæ scopum nunc demùm exprimit, ad o-
 mni agens studio, ut belli molem à patriâ suâ
 in nostram avertat. Merito admonendus

responso

responsi illius, quod olim ejusdem illius Reip.
à quâ ipse missus est, Senator Boemis socie-
tatem belli contra Casarem querentibus de-
dit: Nolite Venetos domum suam incendere,
ut fumo illo Casarem terreant. Has igitur
causas malorum conspicati, S. Reg. Arem
Vram supplices oramus, ut peregrinos istos
exesse jubeat à consiliis. Deinde obsecra-
mus, ut Maiestas Vestra assentatoribus au-
res praecludat. Illorum enim blanditiæ dul-
ces initio, in multam denique acerbiteriam
desinunt. Veritas contra primâ fronte a-
mara, dulcissimos fructus parit. Petimus
præterea, ut & Legatus hic Venetus, & ex-
ercitus externus, qui magno numero in vi-
scera Reipublica penetravit, quàm citissimè
dimittatur. Summè enim gravis est omni-
bus Regni Civibus, aded ut verè jam dicere
liceat, tetigisse nos manum Domini: Nec
ullum profectò acerbius vulnus est, quàm
quod manu amicâ infligitur. Sed non mi-
nus quoque calumniatrices nos lingua vulne-
rant, qua Sacra Regia Majestati Vestra
multa, quæ in mentem ipsi nunquam vene-
rant, imputare atque obijcere audent.
Spargunt enim libertati nostra casses
strui, & nescio quam miram agitari
Alchy-

Alchymiam, quæ Nobles in servos, servos in Nobiles transfusa sit. Merito hæc ridemus, qui benignam Majestatis Vestrae naturam & totannis testatum ejusdem erga Patriam amorem novimus. Nec ferre ejusmodi mutationem terra ista tam latè patentes, tamq; plena virorum possint. Interim auribus nostris ejusmodi voces, è acerbiores accidunt, quando simul milite externo horrea nostra perstrepunt, quando Aulis Nobiliam vis inferitur, adeoq; in intimam quasi pupillam libertatis nostra infestus imprimitur ungvis. Quodcum sit, mirari jure nemo potest, si querimur, si clamamus, si supplices manus ad Deum & Majestatem Vestram Regiam proiendimus. Quare & nunc iterum iterumq; Majestatem Vestram quàm humillimè obtestamur, ut ab hoc metu Rempublice nostram liberet, nihilq; contra pacta & jura gentilitia fieri permittat. Hoc ubi voto nos Majestas Vestra beaverit, nihil erit tam arduum, tam difficile, quod non alacriter Majestatis Vra causa suscipiari simus. Finiam sermonem meum magni illius Cancellarii & Exercituum Ducis Joannis Zamoscii verbis: Cum eo amore nos Reg. Mtas Vra complectitur, quo Mtis Vra decessores complexi sunt majores nostros, non decedes ex hac vita statio-

statione, nisi satur dicarum, nisi plenus gloria,
& Mitis Vesira soboles soboli nostra olim im-
perabit. Ita Palatinus, austerâ Regi &
Aulicis, cæteris non ingratâ facundiâ.
Nec minori interim fervore nuncii Pala-
tinatum in militum delectus & totum
hoc de bello novum consilium detonuê-
re: cumq; ex Palatinatu Sendomiriensi
eques quidam Cancellario M. addictior,
intercedere decretæ militum missioni
vellet, non intendi modò contra se acri-
moniam verborum, sed & gladios stringi
sensit. Effectumq; tandem, ut Ordinis
Equestris moderator Stankevicius, no-
mine Nunciorum omnium, dimissionem
militis à Rege gravi sermone postularet.
Rex constante omnium Ordinum con-
sensu, exaurationem copiarum urgeri
videns, obluctari noluit. Quin ut tan-
tò citius commotos in Republ. fluctus se-
daret, publicis rescriptis exauctorare mi-
litem promisit, id vicissim stipulans, ut
sumptus, quos in delectus militares fecis-
set, de suo Respubl. refundat. Ne huic
quidem postulato tùm annuit Ordo No-
bilitum: sed vel damno Regio voluit sta-
bilitum jus, quo militem suo lubitu coge-
re

re Reges vetantur. Mirè torquebat generosissimum Principem ista in Civibus tenacitas propositi; nec perfunctorie indè vis morbi intendebatur, cùm jamdudùm nonnisi lecto incubans publicis consultationibus interesset. Neq; deerant, qui Comitia placido exitu carere optarent, dum Principis autoritas maneret incolumis. Sed alia Regi mens, & domesticis pulsabatur stimulis, ne Comitia sine effectu pateretur disfluere. Neque enim Filio suo unico, Principi septem annorum rectè se consulturum putabat, si res malè composità discedere Ordines, Civiumq; adeò & Procerum animos diutius ægrescere sineret. Sed & Regina noviter ductæ prospectum volebat, cui nulla Reipublicæ bona sine autoritate Comitiali poterant dari. Illa autem quia magnam dotis suæ partem marito numeraverat, mutuam Regis & Reipubl. liberalitatem efflictim & æquo jure poscebat. Cujus voto ut satis fieret, eò remissius æstuantis populi studiis obnitendum videbatur. Tandem itaq; post longâ verborum certamina in severam admodùm exauctorandi militis legem consensum est,

quæ

quæ publico sancitorum volumini inserta ostendet posteritati, optimè sibi Majestatem Regiam consulere, cum intra confecta se jura continens, nihil committit, quod novis legibus coerceri mereatur. Sed & Trubecense negotium denuò obtrubabat animos, Lithvanis compensationem damni indefinenter usq; flagitantibus. Tandem designatis ad compositionem tentandam Viris primariis, eò consensum, ut Georgio Trubecio & Vlodkovicio summa centum octuaginta millium florenorum: Lithuaniae autem pro territorio Trubecensi Lojoviensis & Lubeczensis Praefecturae ad Kioviensem Palatinatum pertinentes darentur. Ad lustrandas praeterea ordinandasq; terras, quæ olim pactis Polanoviensibus Reipubl. accreverant, Cognitores nominati sunt. Serenissimæ Reginae reditu annuo in donum, ut vocant, nuptiale, in salinis Cracoviensibus à Rege assignato, satisfactum. Militi stipendia, arcibus finitimis praesidia designata. Sic tandem pacatis utcunq; Civium animis Comititia soluta sunt, ita tamen, ut superesset materia, ob quam anno sequente denuò Comititiis o-

pus fuit. Quia enim metus erat, ne belli istius minæ altiores in animis vicinarū gentium aculeos reliquissent, magno studio id egerunt Ordines, ut Conventus denudò haberetur, * quò omnis belli illius mentio, & simul offensa, si quæ alicubi insedisset, modis idoneis aboleretur. Sed & alia quædam non tenuis momenti negotia, quæ in illo æstu animorum peragi nequiverant, sub trutinam revocari, publicæ rei intererat. Primum igitur in his Comitibus, Ordinis Equestris consilia regente Stanislao Sarbievio Præfecto Graboviensi de periculis, quæ à populis vicinis impendere videbantur, actū est. Quibus arcendis copias quidem à Rege antehac conductas bonam operam jam navare potuisse, Regio nomine Cancellarius ferebat; sed eas jampridem exauctoratas dimissasq; à Rege, quicquid in re libertatem imò & Majestatem suam constringi passus sit, ne desiderio Civium deesset. Grato animo agnoscendum hunc Regis affectum, nec recusandam à Republica repensationem sumptuum, quos Rex op'imo in Reipublica commodum & decus affectu, ex suo & Regina peculio effuderit.

derit. Sed nec dum quicquam ab Ordinibus impetrari tūm potuit. Ordinariis tamen Reipubl. copiis ut stipendia melius in posterum procederent, provisum, atq; ut lecti de fundis Reipubl. coloni antiquo ritu ad publicas belli necessitates vocari posthac possint, in fundos illos, quos in privatos usūs avaritia convertere ceperat, cum curâ inquiri jussum est. His quoq; Comitibus usitata aliis terris literarum curandarum ratio, in Regnum, consensu Ordinum, introducta est. Hactenus enim literæ Regiæ per Aulicos Ministros, quò res postularet, ferri solebant, quibus in præfecturis Regiis vhecula non sine multis querelis dabantur. Nunc abolitum id onus, & ad aliarum nationum morem, tabellarii constituti publici, quales Persis Angari & Altandæ, hodiè per Europam Postæ vulgò vocantur. Cura rei istius in Regno primùm Carolo Montilupio, in Prusliâ viro insigni Francisco Gratta, Secretario Regio, tūm commissâ est. Constituta item multa, quæ in brevi hoc rerum graviorum compendio, ommissa, alibi, inter vulgatas Regni leges reperiri possunt. Caterùm Comititia ista

Regi Vladislao extrema fuere, initaq; hic
 consilia necdum effectui caperant dari,
 cum multiplici mox ictu, non domus
 tantum Regia, sed & Respubl. percussa
 est; fatis jam tandem velut signo dato ef-
 fundere incipientibus calamitates, quæ
 multis postea annis, nullâ propè datâ re-
 spiratione, incubuerunt Poloniæ. Ac
 primum prole unicâ Sigismundo Casimi-
 ro, impuberis quidem ævi, sed excitatissi-
 mæ indolis Principe orbatus est Rex, in-
 gente solatio ægritudinum, quas corpore
 & animo, inter tot adversa, tantosq; in-
 primis accensæ Nobilitatis ætus passus e-
 rat: sensim & ipse accedens ad fatalem
 illum terminum, qui cum vitâ & spiritu
 Regio quietem Reipubl. ablaturus erat:
 Hoc ipso enim anno inolescere caperunt
 semina motuum Cosacicorum, qui per se
 semper graves, multoq; sanguine ante-
 hac etiam constituerunt Reipubl., nunc,
 attractis aliis atq; aliis nationibus, non
 lassarunt modò, sed ad extrema pericula
 adduxere Poloniam. Quæ cum curâ &
 minutatim descripta historia plenior, si
 Deus vitam prolongaverit, aliasq; occu-
 pationes minuere voluerit, exhibebit.

Nunc

Nunc in brevissimi compendii lineas contracta trademus.

Ordinur ab Ukrainâ, quæ eo nomine inter Slavonici generis nationes sic appellatur, quia Russiæ, Polonis subjectæ (nam & Moscoviam pleræq; gentes Russiam vocant) adeòq; & Regni eâ parte margo ac meta est. Terra fertilitate glebæ & pascuorum ubertate felix: sed Tartarorum invasionibus multis jam seculis perpetuò exercita, atque inde magnam partem deserta, nec nisi in commoda depredantium fecunda. Quâ Borysthenes interluit, frequentatior, cultiorq; est: oppidis istic quibusdam sese adversum barbaros tuentibus. Præcipuè verò fluvii illius accolas Cosaci manu armatâ defendere consuevere: genus hominum ex agrestibus Ruthenicis, aliisq; licentioris ingenii convenis collectum, atq; insulas potissimum, quas Borysthenes per cataractarum scopulos delapsus plurimas efficit, incolere assuetum. Cataractæ illi numero tredecim, Ruthenis appellati *Porobi*, Polonis Progi, addidère Cosacis istis cognomen, ut Zaporovii vocentur. Alii, qui Tanain accolunt, Donenses dicuntur.

cuntur. Hi Moscis, illi Poloniæ Regno
subiecti. Utriq; Tartaris prædatoribus
infesti: nonnunquam & Turcis graves.
Quorum ditiones Zaporovii isti subindè
olim invadere consueverant, navigiis ru-
di artificio confectis Pontum Euxinum
prædandi causâ tramittentes. Domi vi-
ventibus piscium copiam Borysthenes
hic latè stagnans tum & alii amnes, feras
autem sylvæ insulares, milii proventum
vicini agri suppeditant. Græcum omnes
ritum sequuntur, & quia numero creve-
runt, ferocissimo quoq; subditorum Po-
loniæ ad illos profugiente, omnes, qui e-
iusdem ritûs, in Regno, haud prælo ho-
nore sibi haberi viderentur, eò respecta-
bant. Illi verò suis in Pontum excursi-
onibus Turcam sæpè in se & simul Regnû
nostrum irritavêre. Undè frænare eos ra-
tio & necessitas iussit. Et in ordinem
quidem, sed multo labore & sanguine re-
ducti sunt; sic tamen, ut perpetuò ad pri-
orem seu libertatem seu licentiam suspi-
rarent. At cum sapius fræna momorde-
rint, ad arma etiam confugere ausi: nun-
quam tamen vi graviore & diuturniore
graves fuêre Poloniæ, quàm his tempori-
bus

bus ductore Chmelnicio. Qui in exercitu Cosacorum Scriba, & aliquot es ad Regem missus, tali exercitio in negotiis publicis peritiam, & deinde ad nova molienda animum collegit, quem tandem privatae quaedam cum Czecherinensis territorii sub-Præfecto Coniecpolsciano lites & dimicationes in perniciem publicam elicuere. Malarum quippe molitionum suspectus, cum domi non tutum se amplius videret, ex fundo suo in Zaporovianas Insulas profugit; ubi plurimos sodalium cum reperisset, auxissetq; gregē suo comitumq; accessu, omnes mox ad vindicias, ut loqui solent tales, libertatis sumendas stimulavit, obtentui simul sumens iussa Regia, quæ ad navigia comparanda ceu novi belli futura instrumenta, accepisse se ferebat. Dux exercituum Regni Potocius novis his molitionibus obicem positurus, vocat ad se Chmelniciū. Ille invitationibus Ducis, suisque viribus diffusus, ad Tohaibegum in campis desertis tum hyemantem confugit. Initur istic nova & hætenus inaudita inter Cosacos & Tartaros conjuratio societasq; belli. cum antehac inter illos, ut

gente, linguâ, moribus, religione discordes, internecinum odium & perpetuum certamen fuerit, inprimis ex quo Turca nobis Tartaros, nos Turcis Cosacos opponere capimus.

* Juncti ita inter se isti primò filium Ducis Potocii à Patre cum copiis præmissum ad Flavas Aquas, deindè & majorem exercitum apud Corfunum circumveniunt, & magnâ ejus parta casâ, Duces ipsos & præcipuos Ductores militesq; in Tauricam mittunt. Inter causas cladum istarum præcipua fuit ordinariorum Reip. Cosacorum perfidia, quos iterato sacramento adactos, Dux cum filio & aliis Ductoribus adversus Chmelnicium miserat, fissus nimium illis, & initæ à Chmelnicio cum Scythis noviter societatis ignarus. At illi, occisis ductoribus suis, quos Poloniæ fidos, suis consiliis adversos timebât, turpi transfugio junxere se Chmelnicio, perduelles perduelli. Quorum prævio exemplo neminem penè Russorum posthac puduit à Republ. deficere. Dùm hæc in Ukrainâ fiunt, Merecii, oppido Lithvanico, moritur Vladislaus Rex, dudum
& cor-

& corpore & animo ob dictas ante causas æger : Princeps omni ante vitâ hostibus formidabilis, Civibus suis gratissimus, Reipubl. felix & salutaris, postremò eandem inconsultâ belli cupidine non parùm offendit, & morte præmaturâ tantùm non evertit.

INTERREGNUM.

EXTincto Rege Anno 1648. Chmelnici-
cium Palatinus Braclaviensis Adamus
Kisielus svadâ suâ sistit. At interim Crzy-
vonosius agrestium Ruthenorum duc-
tor, connivente Chmelnicio, immanis-
simè grassatur : nemine impediante, præ-
ter Jeremiam Visnovecium Ducem, qui
cum Tyskievicio Palatino Kioviensi &
Ossinscio cohortis prætorianæ Ductore
apud Constantinovum ei feliciter occur-
rit, & cum congregi ausum prælio ali-
quoties vicisset, bello etiam vincere po-
tuerat, si justis auxiliis sussultus fuisset.
Sed nemine succurrente, periculis tandè
impar futurus ad tutiora se recipere cogi-
tur. Varsoviâ interim ab Archiepi-
X 5 scope

scopo Gnesnensi Matthiâ Lubinscio con-
vocantur Ordines: & orbæ tantisq; cla-
dibus obitæ Reipubl. dispiciuntur re-
media. Duces inprimis belli deliguntur
Dominicus Dux Zaslaviensis, Nicolaus
Ostrogogius Pocillator Regni, Alexan-
der Coniecpolscius, Regni vexill. fer, Ma-
gni illius Ducis Stanislai filius. Visno-
vecium multi optaverant bello simul præ-
fici: sed cum præcipuis Aulæ & Consili-
orum Ministris privatæ similitates, & i-
psa populi studia ingratum reddiderant.
Ipse etiam Kisielius jamdudum illi in sen-
sus, Ducem acerrimi ingenii, & Cosacis
adversum exosumq; morâ pacis fore mo-
nebat, cujus conciliandæ causâ ipse ad
Chmielniciam mittebatur à Reipubl. Ha-
bita istic de ponendis armis consilia, mu-
tuis aliorum quorundam incursionibus
interpellantur. Nam interim ex Con-
vocationis Varsaviensis decreto, magnæ
Polonorum copię confluerant, Magna-
tibus passim, & Palatinatum singulis
turmas benè & splendidè instructas sub-
mittentibus. Sed regimen exercitûs il-
lius vacillabat discordiâ Ducum, immi-
nutâq; eorum per oppositos magno nu-
mero

mero quasi ephoros, autoritate. Certè
haud clariore unquam documento patu-
it, non *constare bellirationes, nisi cum uni
redduntur: & periculi ari omnes ubi plures
regere, quàm obsequi cupiunt.* Malo itaq;
consilio hostium copiis, apud Pilaucos
tuto loco confidentibus, admotus ex-
ercitus, at pessimo exemplo, idem mox
dilapsus est. Et castra citra laborem &
pugnam occupata, vacua hominum, o-
pum plena reperit Cosacus & Tartarus.
Qui deindè Zamosciam usq; impunè, &
sine obstaculo progressi, ejus Urbis obsi-
dione fortunam suam sufflaminavère.
Dùm enim locum fortitèr defendant præ-
sidiarii, datur interim spatium Reipubl.
novum Caput eligendi, sine quo nihil au-
spicato geri, tot ingentibus illa damnis
suis fenderat. Sed inter tanta discrimi-
na Electio etiam ipsa non caruit difficul-
tate: cum ut nihil non in Regno turba-
ret discordia, fratres etiam Regios com-
miseret. Duo ex Sigismundi III. Filiis.
supererant Johannes Casimirus & Caro-
lus, & uterq; magnis suorum studiis suf-
fultus suspensam tenebat Rempubl. Sed
ille ut non natu tantùm, sed & belli pe-
titia,

ritiâ, usq; rerum prior, præpotentibus plurium suffragiis, fratre tandem ultro cedente, sceptrum obtinuit: Deo ipso Principi optimo & jam multifariam exercito, campum ad explicandam porro virtutem, sibi verò ad ingentia miracula illustrius pandente theatrum.

JOANNES CASIMIRUS
Rex.

Electionis Regiæ magnum mox præ-
tium Respubl. habuit inducias cum
Cosacis. Et pacis perpetuæ firmandæ
causa mox iterum missus Kisielius Palatinus
Braclaviensis cum aliis Viris primariis
ad Chmelnicium. Rex interim Cracoviæ
Regem defunctum fratrem suum ritu
solenni sepelit, & mox ipse ab Archiepiscopo
Gnesnensi Matthiâ Lubinski pi-
ssimo Sene evinctus diademate, Comitibus
agit. In quibus idem Primas rerum per
Interregnum actarum seriem & Senatus-
consultorum rationes Regi & Reipubl.
exponit. Cæteri verò Senatores de mor-
bis Reipubl. eorundemq; remediis dis-
cunt.

runt. Ab Ordine verò Equestri Pilauci-
ana discessio acerrimè culpatur, & cogni-
tio in tanti dedecoris Autores postulaba-
tur, magnâ libertate, nullo effectu: mul-
tis magnis viris rigidè nimis id examina-
ri volentibus, quod dissoni regiminis
vitio contigerat, documento futurū in-
posterum, ne multis committatur belli
clavus, quem *rectissime unus enet, ubi i-
doneum felix electio inuenit.* Ac tumqui-
dem, cum de ulteriore belli ductu delibe-
raretur, Rex summum militiæ regimen
arbitrio suo reservavit, vices tamen re-
giminis inter tres partitus est. Quorum
unus fuit Andreas Firlejus, Belzensis, al-
ter Stanislaus Lanckoronski Camene-
censis Castellanus, tertius Nicolaus Ostro-
rog Regni Pocillator. Intercà autem
Chmelnicius à Legatis Regiis clavam re-
gendi Zaporoviani exercitûs insigne ac-
cepit Pereaslaviæ, ibidemq; multa in Je-
remiam Visnovecium Ducem, Coniec-
polscium Regni Vexilliferum, aliosq; qui
novis injuriis Cosacos irritare videren-
tur, inclementèr dicit. Subindè & Le-
gatos asperrimis responsis offendit, vires
suas odiosè jactans, nonnunquam & al-
tio-

tiorum moliminum consilia, & Turcarum quarendum aut jam quæsitum patrociniū, cum potu incalesceret, minimè dissimulans. Multà tamen Palatini Braclaviensis patientià & facundis rationibus motus est tandem, ut Cosacos intra fines, quos ad Pripetum & Horinum, alibi ad Cameneciam usq; hybernis suis fixerat, contineret, atq; eorum album conficeret, à Rege deinceps confirmandum. Captivorum liberatio aliq; Legationis postulata in futurum Convētū rejecta. Ubi ad pacem perpetuam & obsequii fidem se non difficilem fore spondebat, si in conditiones, quas Cosacorum exercitus posceret, Rex consenserit.

Rex immodica spirantes Cosacos & in pace etiam inquietos conspicatus, colligit exercitum. * Quicquid verò veterani militis supererat, Duce Firlejo & Lanskoronscio præmittit, ne fines Volhinia & Podolia alicui incursioni subita paterent. Illic multis circa hyberna velitationibus cum plebe Russicà, quæ Ductore Krzyvonossii filio, Haraskone itè, & aliis passim grassabatur, novo bello

apud

apud Zvehalū, in primis Ostropolim, Miedzibozum, Constantinovum, præludebatur. Vere appetente, Chmelnicius implorat denuò Tartaros. Quorum ope fretus copias Polonorum novem circiter millium celeritate opprimere aggressus, cum non imparatos reperisset, apud Zbarasium, ubi illæ castra fixerant, circum-sedit. Flos exercitûs veterani istic clausus est, & cum eo præter Duces ante nominatos, Jeremias Dux Visnovecius, Alexander Coniecpolscius, & multi alii militiâ spectatissimi viri; Quorum omnium virtute ingens ille Cosacorum Scytharumq; exercitus non modò fortiter propulsatus, sed & multis excursionibus attritus est. Ter contracta tùm castra, quò à tam paucis contra tantam multitudinem facilius defendi possent. Secuti obsessores intra valla à nostris desertastabulantur, & omni vi, simulq; cuniculis, & deniq; varii-pactionum quasi blanditiis ab ipso Tartarorum Regulo sollicitantur ad deditionem. Sed obsessi continuatos inter extrema pericula diu noctuq; labores, tùm famis etiam ingruentis, & ex jumentorum morientium fa-

tore

tore contagionum discrimina, bimestres
obsidii arumnas, magnorū Capitū illorū
ductū & exemplo, summā fortitudinis &
constantiae laude pertulere, donec Rex
cum copiis adversus hostem tendens, ob-
fessis, respirationem primò, mox & li-
bertatem dedit. Verū magno consti-
tit Regi & Reipubl. illa exercitūs obfessi
liberatio. Cum enim ut huic succurre-
ret, collectis in Regno viribus non sper-
nendis, in Podoliam Rex festinaret, ho-
stes tacitis itineribus obviam progressi,
ad Zbororum, præter expectationem, cir-
cumfundere se caperunt nostris, itineri
magis, quàm prælio paratis. Et abrepti
sunt primis incursibus aliqui Regiorum.
Inter hos Felicianus Tyskewic, Baldui-
nus Ossolinski, Georgius Rzecicius, viri
insignes, occubuere. Postea cum com-
positus in acie miles Regius ordinatiùs
pugnaret, sensit hostis, si diutius istuc sub-
sisteret, non minore suo, quàm Regio-
rum periculo constiturū certamen. Cha-
nus in primis Tartarorum, qui simul tūm,
deserto Zbarasio, advenerat, veterum
cum Poloniā pactorum & suā sponte me-
mor, & per submissos internuncios ad-
moni-

monitus, pacisci cum Rege, quàm bellum
 producere maluit. Conventum itaque
 in conditiones, quas plenior Historia ex-
 hibebit. Inter eas minimè postrema
 hæc erat, ut obsidio, quâ apud Zbarasium
 alter Reipubl. exercitus duobꝫ penè men-
 sibus circumseptus tenebatur, solveretur.
 Eodem hoc tempore in Lithvaniâ auspi-
 ciis Regiis amplissimam de Cosacis victo-
 riam Dux Janussius Radzivillius copiarũ
 Magni Ducatũs Lithvaniæ Campi-Du-
 ctor, ad Lojovum, reportavit. Jam du-
 dum enim in illam quoq; Provinciam se
 Russicæ seditionis lues infuderat, Mich-
 nenko, Poddubio, Podobaylo du-
 ctoribus. Sed præ cæteris validam ma-
 num Chmelnicius commiserat Criczevi-
 o, veteri inter Cosacos Tribuno, nec ad-
 eò pridem ex captivitate Tartaricâ, in
 quam Corsunenſi clade unâ cum Ducibus
 Regni inciderat, redempto: Nimirũ
 ita rependebatur beneficiũ, quod ab illo
 olim Chmelnicius acceperat, fide ejus in-
 terpositâ liberatus ex vinculis, jussu Co-
 niecpolscii inditis, cum primarum con-
 tra Rempubl. molitionum anquireretur.
 Crizevio huic simul ut Lithvaniam in-
 gressus

x. Chm. na holanach inule
 prapranat.

gressus erat, cupido incessit recto cursu castra Radzivillii ad Lojovum posita adoriendi, quæ tùm forte dimissis speculari causâ plurimis selectorum turmis, minùs valida crediderat ad sistendum novi & numerosi exercitûs, quem ipse duceret, impetum.

Sed dùm ante castra egregiâ virtute equitatûs Radzivillii, ductoribus Mirscio, Niewarowio, Chodorowio, Podlescio, & aliis pugnatur, interim Samuel Comorovius, speculatum antehac cum mille ducentis missus, peropportunè & quasi divinitûs ad opem suis ferendam vocatus redit. Ac mox à teigo hostem aggressus, dextrum Crziczewiani exercitûs cornu hastatorum suorum vi perumpit, impellitq; in fugam. Quos dein secuta cætera acies in sylvis tamen proximis restitabat, multos militû acrius instantium indè saucians. Subvenitq; laborantibus Podobailo, alterius Cosacorum exercitûs ductor, sed & hic à Gonsievio, Pawsâ, Mongomerio, Przypcovio, tùm Principis ipsius turmis equestribus fortitèr exceptus superatur, & alibi Carrago, quâ peditatus & impedimenta Cosaci-

Cosacica protegebantur, à Mirscio, Tisenhausio, Noldio, aliisq; disiecta, in prædam victoribus cessit. Inter hæc Criczevianorum agminum reliquiæ ex sylvis erumpere ausæ, dum fortunam ruentem erigere nituntur, victoriam Radzivillii auxere. Quâ Cosacorum in Lithvaniâ robur mirificè infractum, & ad pacis apud Zboroviam initæ lætitiâ fructumq; ingens additus est cumulus. Exin Comitia Varsaviæ habita sunt à Rege, in quibus Ordinis Equestris Director Boguslaus Comes de Lelsno magnificâ oratione periculorum, è quibus duplicem exercitum & ipsum Poloniæ Regnum singularis Dei favor eripuerat, magnitudinem edisseruit. Quæ, ut elegans multarum memorabilium rerum, quas ab exitu Vladislai Regis tulerat Polonia, compendium, pleniori operi inferetur. Inter Ordines deinceps de militiâ actum. Cui & stipendia ex tributis & supplementa ex certis Regionum bonorum agris, qui antiquitus ad id destinati, & deniq; stativa, in quibus is hyeme æquè atq; æstate pro Republ. excubaret, designata sunt. Pacis item cum Tartaris & Cosacis nuper

initæ

initæ conditiones ratae habentur. Duci Jeremiæ Visnovocio in compensationem hærediorum, quæ superiori transactione Mosco cesserant, alii fundi ad amnem Horol, Duci item Janussio Radzivillo Nevelensis & Zebirensis ditio lege feudi addicuntur. Deniq; ad rem Cosacicam rectius componendam Viri in Republ. primarii consensu Ordinum delecti sunt. Verùm mentio stativorum de quibus sapius publicè actum, nihil verò, nisi in his Comitibus statutum est, invitat me, ut de veteri bellandi in Poloniâ nostrâ more, in alias subindè atq; alias formas mutato, nonnihil disceram. Gens Sarmatarum antiquis temporibus ita belli curis unicè fuit dedita, ut penè omnis in armis, exercitiis instar, perpetuò ageret: genio ipso populi aliarum tum adhuc artium rudi, paratioreq; Nomadum instar, promovere subindè, quàm figere sedes. Namq; inter vicinos, imminentesq; à fronte Germanos, à tergo verò instantes Scytharum alas prædatrices, nunquam tuta nec secura erat. Cum utrisq; multum subindè negotii habuit, cum Germanis tamen, ut laborum artiumq; patientioribus, etsi vix unquam solidâ amicitia

fide,

fide, nihilominus sœderum religione jungi, & convictus necessitudine misceri consuevit. Russos quoq; sui generis populum, ubi diu armis fatigaverat, partim subegit tandem, partim unâ cum Lithuanis, matrimoniis Principum, spontaneâq; associatione sibi in-nexuit. Sed majores, quia cum potentibus populis rem habebant, viritum ferè omnes, i-
pso Principe ducente, arma capeſſebant, eoq; modo & tuebantur sua, & aliis formidabiles erant. Et Principibus, quoties opus eſſet, uniuersum populum ad bellum vocandi pote-
ſtas fuit. Proniq; tum omnium in militiam animierant, quia nullius alterius laboris lu-
culentius prærium ostendebatur. Per ſola e-
nim Martis opera ad Nobilitatis jura aditus patebat. Quos honoris ſtimuli minis exci-
tarent, eos permovebat metus. Si quis enim Regi vocanti non pareret, graviffimam incur-
rebat pœnam, idq; ipſe monebat reſtis, ſeu vimen arborum, quo, cen ſigno publico arma capiendi neceſſitas omnibus indicebatur. Namque olim delectus facere, aut ære exer-
citiũ conſtare vix unquam moris erat: quia pecunia deerant, cultu agrorum iſtis tempo-
ribus non ultrâ vigente, quàm ut populo indi-
gena victus neceſſarius domi non deeſſet. De exportandis lucris cauſâ meſſibus, invehen-
disve

disve luxuria instrumentis nulla tūm erat
 cogitatio. Ita facilis omnibus in terrā per
 se fertili annona suppetebat. Neque ipsa in-
 fima plebs adeò acriter urgebatur ad rusticū
 opus, quia qualicumque labore & sua necessi-
 tati & Heri desiderio satisfaciebat. Postea
 ubi fruges vernaculas cum mercibus externis
 magnā curā mutare collibuit, & in opes lu-
 xumque laboratum est, magis magisque mili-
 tia tūm negligi, tūm corrumpi, eo vehemen-
 tius etiam ima plebs servitus capiti gravesce-
 re. Ceterū oppida in Polonia primum
 rara, cum postea majore indies gliscenie cul-
 tur, à vicinis, præcipuè Germanis, frequenta-
 rentur, ea adversus invasions externorum,
 saorumque licentiam à Regibus munita fuē-
 re: & pulchrè satis aliqua horum florue-
 runt, dūm majore Principum autoritate de-
 fenderentur. Illā postea minvente, neglectim
 hac haberi ceperunt, multis ea incessantibus,
 ut instrumenta dominationis, & oppidorum
 incolae eodem penè numero cum agrestium
 plebe habitibus. Qui verò Urbibus Regiā
 liberalitate præficiebamur, in quosvis alios
 potius usus, quā in reparationem arcium
 Regiarum mœniumque convertebant reditus.
 Jamque adeò injuriis variis impure plera-
 que patebant oppida. Nam & in istis potis-

simūm

finium, pagisque subjectis, toto penè Regno
 hyberna turmis miliaribus solebant distribui.
 Undè stativis ejusmodi, crebroq; ad hyberna
 longissimis itineribus eunium, tum inde ad
 castra quavis estate redeuntium transitu mi-
 re atterebantur, tandemq; desolabantur Ci-
 vitates & pagi: invalido legum auxilio,
 cum & Duces belli longe abessent, & vulga-
 res judiciorum animadversiones licentia mi-
 liaris saepe nimis facile evaderet. Ita pas-
 sim cum rapacitate profusio certare capit.
 Nam cum quisque militia ingressurus, ma-
 gnâ patrimonii partem in arma nimis pro-
 tiosa, vestes præsplendidas, gregem calorum
 impenderent, hic jam, quod in hanc nimis u-
 sitatam & quotidie augescentem luxuriam
 nulla stipendii, aliquando nec patrimonia suf-
 ficerent, ingruenti inde inopia, miserorum
 hominum oppressione, remedia querebantur.
 Meliores plerique, ut culpam, quam negare
 non possent, elevarent, magnam ejus partem
 in Aulam derivabant. Quippe que non
 militi bene merenti, & pro patriâ cum dispen-
 dio rei familiaris, assiduoque vita periculo
 excubanti, præfecturas ac alia Reipubl. mu-
 nera daret, sed palatii familiaribus aut Ma-
 gnatibus aliisve minus vel egenis talium, vel
 dignis. Quidam & ararii ministros incu-
 labant.

*sabant. A quibus stipendium laboriosè ple-
rumq; nec nisi insigni par.e eius detracta &
post longas sæpè moras pactionesq; expro-
candum quasi esset. Quo nomine graves
subinde milium audire in Comitibus querela.
Porro cum externa quoq; idemidem ad pede-
frem militiam conscribantur coheres, ha-
rum ductores nimium plerumq; rei facienda
intenti, non exhauriunt tantum ubiq; plebè,
sed & militem gregarium defraudant. Quip-
pe ei aut non solvunt stipendium ex arario
acceptum, aut modis iniquis imminuant. Eò
atrocius is deinde excusatusq; quodammodo
fertur in rapinas: nec castigant flagitia Pra-
fecti, quippe ipsi eorum & auctores & exem-
pla. Superioribus annis Stanislaus Coniec-
polscius, Castellanus Cracoviensis, idemque
Dux exercituum prudentissimus, agitare, ac
Regi Ordinibusque proponere cepit consili-
um, stipendiarios perpetuò in castris retinen-
di. Nam sic illi ad subita casuum semper
prompti & magis sub freno disciplina habe-
ri, noxiæque ista & Regno prorsus exitiosa
legionum turmarumque discurisiones aver-
ti posse videbantur. Agrestibus porro oppi-
danisque omnibus longè & gratius & procli-
vius erat, cumulationi ære dato satisfacere
longe agentibus, quàm toties transcentes, at-*

que impotenter dominantes intolerabili servitute domi alere. Placuitq; hic refrananda militaris licentia modus non paucis Magnatibus. Sed plurimum dissensu irritus aut dilatus fuit: multus tam in Aulâ, quàm ex Ordine Equestri, nimiam belli Ducum potestatem fore metuentibus, si armatos exercitus soli perpetuò, procul à Rege & ceterâ Rep. sibi haberent obnoxios. Nunc quia magnitudo exercitus Cosacici, cujus quadraginta millia capita in album militare à Chmelnicio erant relata, propiores Polonicarum copiarum excubias requirebat, lex tandem de istiusmodi stativis lata est, Rege nimirum ipso supremum cum militia regimen tenente, cujus Majestate, quicquid in Ducibus hactenus formidandum erat, inumbrabatur. Sed mutata paulò post res hac ipsa stativa instabilia fecere. Adcò enim deinde & tot immixtis undiquaq; hostibus Rempubl. fata exagitavere, ut exercitus nusquam consistere, sed locis diversissimis, nec in finibus modò, sed intra ipsa viscera Regni pro Patria salute, vario sub regimine, pari etiam fortuna vicissitudine pugnaverint, uti posterior historia docebit. Nunc enim ad captam rerum seriem ab excursu redeo. Dum Comitia Varsaviæ
Y agitan-

agitantur, miles interim fremere & stipendia ferocius solito poscere cepit, postquam inprimis decessit Andreas Firlei, cui inter constitutos à Republ. Ductores militiæ, post Zbarasianæ expeditionis ærumnas, exiguo tempore Palatini Sandomiriensis dignitate fatum permisit frui. Habito tamen postea Lublinensi Conventu, delecti in Comitii viri militares animos mitigavere, emicante hinc inter alios dexteritate ejusdem Bogusl. Leszczynski, qui ut Comitii novissimis director Nobilium præfuit, ita hinc recens thesauri Regni Præfectus, quicquid ærario deerat, ingenii & facundie promptitudine, magno Reipubl. emolumento, supplevit. Chmelnicus * album militiæ conficere jussus, à multitudine tot obsequentium armatorum animos indies majores sumit: Regeq; inconsulto, Chano Tartarorum contra Circassios opitulatur, & ab eodem mox auxiliares copias accipit adversus Moldaviæ Cisalpinæ Palatinum. Qui subito circumventus, vix denum multo auro, & magnis promissis extremo sese periculo exemit, datâ tunc quoq;

quoq; fide locanda filio Chmelnicii Timotheo filia suæ. Nec illiusmodi societatibus potentiam suam munire contentus, portæ etiam Ottomannicæ patrocinium, missis nunciis, implorat. Gravis interim equitibus Polonis in Ukrainâ ad fundos & subditos suos postliminio reversis; tantoq; magis mox effertus est, exercitus Poloni, sub Nicolao Potocio, recens tûm vinculis Tataricis exempto, ad fines Ukraynæ propiore accessu.. Nimirum res est timidissima recens parta potentia, præsertim quæ malis artibus creverit: nam quas fecit injurias, expectat semper, nec ulli ferè pactioni ita fidei, quin, si quibus iniqui aliquid extorsit, ab iis, etiam aliud agentibus, agi se putet repetundarum. Rex animo ea, quæ imminere viderentur, præcipiens, convocatis denuò Ordinibus Regni, de tuenda Reipubl. securitate deliberat. Itur primùm sententiis in diversa. Alii invita nupèr pacta religiose servanda esse, suadent, donec prior ea aperto bello violare occupet Chmelnicius. Aliis consultius videbatur parare maturè arma, quibus vel ad meliora sedes Cosacum, vel si con-

inmax sit, averti aut etiam praveri possit. Imprudentium fore, fidere diffidenti, & nudum Reipubl. latius exponere cupidini hominis tantum exercitum in procinctu habentis. Experiendum potiùs, an feliciore aliquo conatu accidi illud Cosacica militia valuerit possit, quod nec Chmelnicium unquam esse quietum sinat, nec Rempubl. securam. Discessum deniq; est in eam sententiam, legendum novum militem, & qui jam paratus habeatur, præmittendum, ut vim subitam prohibeat. Interim verò ablegandos ad Chmelnicium viros idoneos, qui moneant hominem, ne Nobiles Ukrainæ incolas premendo, tum Principes externos ad patrocinium sui sollicitando, metum & sic porro causam novi belli præbeat Regi & Regno. Missus cum aliis Collegis Zaręba Episcopus Kioviensis, inter strepentiā mox simul arma parum auditus, nihil effecit. Campiductor verò Calinovius, quem Rex excubare in Chmelnicii conatùs jusserat, cum Nieczajo, Bohuno Cosacorum Ductoribus, jam tum, mediā etiam hyeme, luctari incipit. Neque enim ullam Polonorum manum propius accedere patiebatur Chmelnicus,
quin

quin eam ut hostilem mox persequeretur.

Rex præludia belli jam videns, * tanto majore curâ exercitum parat, simul quoq; omnem Equestrem Ordinem evocat. Proceres paritèr armati ad Regem confluunt, suam pleriq; manum proprio ære comparatam adducentes Venitur in campos Berestecia, oppido Lesciniano subjectos, & cum istic Rex junctum Cosacorum cum Tartaris universum robur, nec Chmelnicium tantum, sed & Chanum præsentem reperisset, tribus diebus istic pugnatur. Primâ prolusione præcipuè Georgii Lubomirscii & Alexandri Coniecpolscii virtus eluxit. Altera multo nobilium sanguine cruenta, excitavit Regem, ut tertio die omnem exercitum scitè ordinatum duceret in hostem. Primi incursûs gloria Duci Jeremiae Visnovecio, & Stanislao Potocio, Podoliae tùm Palatino cessit, & magno quidem luctamine obnisi istic Cosaci, nostrorum tamen constantiâ aliis subinde atq; aliis suppetiis roboratâ fracti, loco deniq; cedere cœpêrunt. Media acies, quam Rex ipse ducebat, Tartaros, vi ma-

X 3416 vo aim china-

310 FLORI POLONICI

chinarum in fugam propulit, Chanū elabentem ipso etiam Chmielnicio comitante. Cū Tartari aufugissent, Cosacorum exercitus, quantumvis acie submotus, non procul tamen indè ad uligines constitit, & mox nocturno labore patientia castrorum, vallo circumdedit. Admotæ, quæ ad gradum stabile solum erat, cohortes Regiæ, ut intercluderent exitum, structisq; mox suggestibus, detonari cœptum est in obsessos. Illi longo obsidio impares, missis deprecatoribus pacem, non pari equidem studio, pari tamen sinceritatis specie oravêre. Et plebs in quascunq; leges tum facilè consensus videbatur. Sed nonnulli Ductores veriti, ne suis capitibus luerent peccata omnium, periculo se subducere meditabantur. Suspicio inde ac dissidentia primū, atq; mox levi occasione consternatio sparsa est in omnes. Ruere igitur cuncta, & per aggerem, mirâ solertia, ex coriis & omnis generis impedimentis, annonæ vehendæ causâ, tumultuarie pridem structum, magno certamine fugere cæpêre. Ac major sanè pars incolumis evasit. Cæteri aut uligine

mersi,

mersi, aut gladio insequentium cecidere. Quosdam in sylvis abditos clementia Regia servari jussit. Instare postea Rex fortunæ, & in ulteriorem Russiam ire volebat. Sed intercessit Ordo Equestris, Ducibusq; adeò prosequendi belli negotium datum est. Qui lento quidem, continuo tamen itinere velut ad reliquias Cosacorum conficiendas tendebant. At interim Chmelnicius ex prælio nuper elapsus, denuò plebem concitaverat Russicam, conflatissq; novis copiis Tartaros iterum advocarat: nusquam tamen pugnandi copiam dare ausus, sed morâ lapsa res suas reficere quærens, sisq; locis, in quibus omnia sibi prona, adversa Polonis sciebat. Et per commoda ei accidit mors Ducis Jeremiæ Vishnovecii Palatini Russiæ, quem maximè semper, nec immeritò formidaverat. Hunc enim dum in Ukrainam juxta cum Ducibus pergit, febris acuta tùm abstulit magnum Reip. decus ac præsidium. Is virtute bellicâ, comitate ac beneficentiâ apud plerosq; Nobilium summum amorem adeptus erat. Sed eò acrior potentibus quibusdam oblectator, infestior sibi incre-

mentis Aulam habuit, major omninò futurus, si minor esse potuisset. Postquam ad Borysthenem usq; processisset exercitus Polonus, Nicolao Potocio exercituum Duci sociare se properabat Dux Janussius Radzivillius, qui Lithvaniâ à Cosfacis repurgatâ Kioviam nupèr occupaverat. Junctisq; mox copiis majore dehinc vi ibatur in hostem. Sed bellicis progressibus pacis subindè consilia alii, atq; inprimis Adamus Kisielius Palatinus Kioviensis interponebat. Quæ Chmelnicio optatissima, nec à nostris Ducibus usquequaq; respuebantur, cum inprimis exercitum attereret morbi, ingruente jam autumnò haud dubiè gravius mox sævituri. Ipsa tamen adhuc pacis etiam tentamina velitationibus interpellabantur; plebe Russicâ juxtâ cum Tartaris multum obstrepente mitibus consiliis: quod illa inter arma vacationi operarum agrestium & licentiæ assveta, veterem in pace servitutem metueret; Tartari quoq; ditescendi ex prædis occasionem amissuros se putarent. Nihilominus saniorum & autoritate potiorum connisu pax tandem inita est, quâ inter
alia,

alia, in majore historiâ legenda, id obtentum, ut exercitus Cosacicus ad viginti millia stipendiariorum reductus, stationes in solo Kioviensî Palatinatu haberet, Chmelnicius ad castra Ducum supplex venit, * fortunâ hominem istum denuò quidem ad genua aliena projiciente, sed ita, ut paulò post iterùm insultaret. Tum utiq; post infelix prælium leges pacis, aliquanto quàm ante deteriores, sed non inhonoras tamen nactus, denuò mox erexit animum, & fortunam nutare antehac visam splendido filii sui Timothei matrimonio suffulcire contendit. Cumque jam ante Valachix Palatinum Basilium Lupuli vi induxisset, ut promitteret filiam suam Timotheo, hunc ipsum copiis Cosacicis Tartaricisq; instruxit, quibus matrimonium adiret, armis se impetraturum ratus, quod aliis virtutibus aut lenociniis stolidè ferox juvenis non posset. Interim autem militix Polonæ regimen Calinovio contigerat, Nicolao Potocio Castellano Cracoviensî eodemq; exercituum Duce, non multo post novissimam patratam pacem extincto, volente fato,

Y 5 7 8 9 10 11 12 ut

1651. 28. Septembr.

ut vir armis exercitatissimus, eodem penè tempore & vitâ & bello defungeretur, forte etiam, ut instantibus majoribus malis aut præriperetur, aut locum faceret. In Aulâ quidem ortum Senatoris & Ministri statûs cum conjuge dissidium in violentos aliquos ausus, & acres ausuum pœnas, tandemq; pulso in exilium marito, in summam Reipubl. noxam erupit: calamitate istâ tristi alicui incendio simili, quod in unâ primum domo natum, postea latè volantibus flammis, testa plurima, atq; etiam urbes integras in cineres redigere consuevit. In Ukrainâ Calinovius, turmis militum Polonorum non paucis Borysthenem trajicere jussis, multitudinem Russicam illic irritavit, agrestibus istis agrè adhuc præsentiam exercitûs nostri, multò magis injurias & licentiam ferentibus. Chmelnicium quoq; structi in ipsum doli indicia à Publico quodam prodita, stimularant adversus Ducem. Interim tamen ille, irâ in vindictæ occasionem reconditâ, monet Polonos in castris apud Batovum hybernantes, ne quâ obicem transituris Cosa- cis ponendo, vim provocent. Aderat
inter

inter alios tum rei tormentariae Magister Sigismundus Przyemscius, vir natalibus illustris, ingenio autem & multo apud externos bellorum usu ad prudentiam & res agendas apprime exercitus, & inde ad summa, si vixisset, iturus. Is periculi intelligens, maturè hortatur Ducem, ut cum equitatu liberiores campum ingre-diatur, ubi cæteros per hyberna disper-sos, & si opus, alia etiam subsidia colli-gere contra vim majorem posset. Se interim cum peditibus, firmatâ instru-ctâq; necessariis omnibus statione, hosti incursaturo tantisper negotium facessi-turum, donec auxilio Ducis sublevaretur. *Sed cum extrema fato imminet, non nisi nocitura placere solent, bona consilia pro noxiis damnantur.* Transcunte cum co-piis benè validis Timotheo, Chmelnicii filio, lacessuntur primùm pabulantes, & mutuis mox luctationibus excursorum proliciuntur Scythæ non pauci in vici-niam castrorum. Hæc verò latius exten-di jusserat Calinovius, ut locus etiam ad-venturis propediem, ut sperabat, turmis esset, quas sub ductu Volinovicii, Ma-chovii, Calinovii junioris ultra Bory-

athenem miserat. Sed his cunctantibus, prior hostis adfuit. Quo jam imminente, dare campum equitibus, & castra deserui placuit, quod horum amplitudini defendendæ paucitas militum haud suffectura videbatur. Ea itaq; cum impedimentis hosti cessere: quiq; egressus erat miles, nullo cinctus munimento, sagittis Scytharum undiquaq; patebat: equites inprimis, peditatui circumfusi præ aliis telis hostilibus erant obnoxii. Turbati mox Ordinibus ita ab equitatu & turbâ castrensi obsepti sunt pedites, ut nonnisi per latus suorum petere possent hostem. Crevit indè invasoribus audacia, nostris consternatio. Irruentibus illis hi implexi inter se, penè nec movebantur. Protinus igitur, & jam nemine penè impediante, rapi capere. Et cæsis primo furore obviis quibusq;, reliquis non libertatis quidem, sed vitæ tamen spes relinqui videbatur. Verùm posterrâ luce per universa Scytharum castra horrendi carminis mandatum sonuit, universim omnes trucidandos captivos. Periiit ibi vetus militiæ & antiquis meritis opibusq; splendidus, sed infelix Dux
Cali-

Calinovius, periit Przyemscius, periit Marcus Sobiescius Cracoviensis Castellanides, qui erectissimâ indole, & magnis virtutis speciminibus datis ingens decus pollicebatur Reipubl., periêre simul multi alii insignes viri, imò omne, quod Reipubl. tum supererat, veteranæ militiæ robur. Paucissimi sub primordia conflictûs elapsi. Coricius ex præcipuis equitum ductoribus in castra hostilia cum aliis deductus, faventiorê fortunam sensit. Eum enim primæ notæ Tartarus, contractæ antehac in Tauricâ familiaritatis memor, nunc agnitum summâ sollicitudine periculo, quod cæteros abstulit, exemit. Par quoq; fatum Christophorum Grodzicium servavit, qui deindè ab Hilario monacho Carmelitâ ex vinculis Scythicis redemptus, in locum præclari illius Przyemscii successit, & insigni erga patriam fide rebusq; gestis Senatoriam tandem dignitatem obtinuit. Sed antequam hæc ad Hypanim fierent, domi etiam gravem Respubl. labem acceperat, Comitibus per discordias citra ullum bonum effectum dissolutis, frustrâ cum aliis obnitente magno in Republ. & scriptis etiam

etiam celeberrimo viro Maximiliano Fredro Nunciorum præside. Idèd alia indici oportuit, in quibus Ordinis Equestris direttore Sielscio Præfecto Steliciensi de novo exercitu conficiendo deliberatum. Non multò post obiit Regni Primas Matthias Lubienscius, qui vir recti semper consilii, suavissimæ pietatis indole, animo tranquillo, corpore & iudicio integer ad grande senium pervenerat. Ei successor designatus Andreas Comes de Lesno, hætenus Episcopus Culmenis & Cancellarius, locum aperuit Stanislaò Coricinio Præfecto Oswiecimensi ad majus sigillum, ad minus Andree Trzebicio, cujus acre & perpolitum ingenium tum vigilem fidemq; operam in maximis negotiis Rex jamdudum erat expertus.

Sed munerum istorum promulgatio pro more Regni in proximis demùm Comitibus facta. * Quæ exeunte hyeme habita sunt; nuncios Palatinatum moderante summi ingenii viro Christophoro Pacio M. Duce Lithvaniæ tum Vexillifero, post M. Cancellario. In Ukrai-

nâ

nâ verò interim excubabat pro Republ.
Stanislaus Potocius Palatinus Podoliæ,
post acceptum de cæde Calinovii nunci-
um adeptus regimen exercituum Regni.
Ad quem deindè Regi etiam ipsi, colle-
ctis ex Comitiali decreto copiis, tendere
visum est evocante, inprimis ipsum famâ
novorum motuum, qui in Valachiâ tum
surrexerant. Illic enim Basilium Lupuli
principatu dejectum ibant duo vicini Pa-
latini Transylvanus & Moldavus, æmuli
potentiæ, & nunc Chmelnicianâ affini-
tate nixum suspectantes. Ac consiliis su-
is faventem habuère Stephanum, Basilii
Cancellarium. Qui pravo ambitu in Do-
minum rebellis, tali tamen lenocinio au-
xilia vicinorum excivit, quòd in Basilio
Cosacica simul potentia premi videbatur.
Undè adeo Regia quoq; arma sociavit su-
is. Sed omnis belli istius vis intra So-
czaviam stetit, primariam Valachiæ ar-
cem. In quam profuga Basilii uxor, the-
sauros simul deportârat. Ea ibi à Ste-
phano, necnon duorum vicinorum Prin-
cipum, Regiis denique copiis, ductore
Conradscio obsessa, defendebatur à Ti-
motheo genero suo, filio Chmelnicii.

Sed

Sed hunc rotæ tormento istæ fragmen-
tum neci, Soczaviam verò præsidii Co-
sacici quod jam capite careret, despera-
io obsessoribus tradidit. Qui cum Rege e-
rat exercitus, tarda causatus stipendia,
segniter & lentè tùm Imperia audivit,
morâq; postea ad penuriam reductus est.
Laborantibus supervenit Chanus, Tarta-
ris & Cosacis comitatus, nec contentus
ad Zvanecium commeatum copiis Regi-
is interceptisse, longè latèque populatur
provincias circumjectas. Tandemque
amicitiam cum Rege veterum stipendio-
rum & auxilii mutui stipulatione pacisci-
tur. Hoc pretium anni hujus expeditio
tulit, cum Respubl. multò majus speras-
set. Sed atrociora longè parabat fortu-
na. Primùm enim Comititia * inter mul-
tas Senatorum civiumq; offensas diffu-
unt, grandes inprimis difficultates mo-
vente Lithvanici exercitûs supremo re-
gimine, quod tùm vacuum Dux Janussi-
us Radzivillius suis meritis deberi per-
tendebat. Contranitebantur alii, qui
Principem supra civilia eminere visum,
majore

majore potentiâ armare verebantur. In
 Ruffiâ verò Cofaci, Tartaros fortunæ
 fuæ hætenus autôres & vindices cum Re-
 ge vetus amicitix foedus renovâffe con-
 fpicati, alia fibi munimenta difpiciunt.
 Quæfitumq; diu Moscorum patrocini-
 um, nunc demùm, pertentatis diu utrin-
 que animis, fufcipiunt: Mosco antehac
 rebelles contra amicum adhuc Regem
 tueri dedignato, nunc lubenter fufcipi-
 ente fupplices, quia ifto Cofacorum ad
 fe accëffu veterum cladum maculas elue-
 re, & damna farcire fe poffe fperabat. Et
 hæc utilitatis illecebra ad rumpendam a-
 micitiæ fidem Aulæ huic fuffecit. Quan-
 quam Dux ille alias Polonorum injurias
 obtendebat, titulos inprimis aliquos,
 quos à Proceribus quibufdam Polonis fi-
 bi negatos jamdudùm queftus erat. Neq;
 Respubl. quicquam eorum, quæ ad ho-
 norem Principis illius facere viderentur,
 omifit. Sed occafionem res fuas augen-
 di naçto, inania etiam in prætextum bel-
 li placuerunt. Rex novum feffæ Reip.
 ingruere hoftem videns, Comitia denuò
 habet. * In quibus nuncios terrestres
 modè-

moderante Christophoro Grzymultovio Succamerario tùm Califfiensi, postea Castellano Posnaniensi, tributa sciscuntur, & exercitus ad 36 millia militum augeri jubetur. Dux Janussius Radzivillius Lithvanicæ militiæ regimen, sed simul mox Collegam accipit, Vincentium Gonfievium, qui cum thesauri simul Lithvanici gereret curam, hoc nervo rerum Ducis majori interdum gravis, semper æmulus esse visus est. Gliscentesq; inter hos similitates plurimùm Reipubl. obfuere: *re omnibus seculis restatissima, malè certari in hostem, ubi qui bella regunt, mutuis inter se odus, negotium quodammodò hostis agunt.* Hic utiq; Moschus validissimo exercitu Lithvaniam ingressus, diu nullum obicem reperit, copiis Lithvaniæ tum minoribus, quàm ut opponi tantæ potentiæ possent, quæq; erant, in diversa à Ducibus trahebantur. Ita hostis Polociam, Drohobuscum, Mscislaviam, Vitepskum, Mohiloviam nullo negotio capit. Smolenscum quoq; aliquamdiu obsessum, opinione omnium citiùs deditur obsessori, atq; ita perit cum validissimâ Urbe provincia amplissima, tanto moli-

molimine à Sigismundo & Vladislao Regib⁹ olim recuperata, defensa & tot territorii eidem Mosco ereptis, aucta. Rex de Lithvaniâ liberandâ Grodnæ deliberat, & auxilio cohortes prætorias Ductore Fromondo de Ludingshausen Wolffio veteri Tribuno eodemq; rei armentariæ præfecto submittit. Obsidetur Mohilovia, sed inani conatu. Majora ex Regno subsidia desiderabantur, commeantibus eâ in re gravibus Procerum Lithvanicorum & inprimis suspecti ibi Ducis exercituum literis, nec minùs acribus in illum Primatis Andreæ Lescinii responsis. Regni exercitus in Ukrainâ attinebantur, navabantq; istuc eo ipso bonam adversus Moscos operam, cum Cosacos refrânarent, qui alioquin missis Mosco, Patrono tùm suo, suppetiis, res Lithvaniæ magis turbassent. Et recuperavêre tùm Regni Duces Bussiam, aliaq; loca, adscitisq; Tartaris, quorum nuper Chanus cum Rege fœdus mutuo juramento firmaverat, obstacula, quâ poterant, Cosacis Moseicisq; progressibus, posuêre. Inter hæc vita excessit Chanus Islan Gercius, magna Poloniæ, dùm Cosacis patrocina-

trocina-retur, pernicies, postremò Polonia reconci-liatus, belliq; socius eidem & auxiliator, cum Cosacus Moschorum dominio innexus, non minùs damnum Tartaris, quàm Poloniae minaretur. Et hæc cum Rege amicitia Chano etiam superstes mansit. Nam Successor ejus subindè postea laborantibus rebus, nostris succurrit: eò gratior Regi amicus, quod nunquam hostibus Poloniae sociatus, nullas, ut decessor fecerat, à se illatas injurias, ope præstitâ expiandas habuit, & tñanum eo maximè tempore porrex-it Regi Regnoq;,, quo totus Septentrio in perniciem Poloniae conspiraverat, cum deniq; nemo propemodùm afflictam sublevare auderet: Deo per sacræ fidei expertes populos ruborem incutiente Christianis, qui mutuis odiis, bellisq; profanæ barbariæ tum potentiam augent, tum opem ejusdem mutuo sibi faciunt neces-sariam.

— — — — —

— — — — —

FLO-

FLORI
POLONICI

LIBER VII.

VErùm cum non modicas Reipubl.
Polonæ calamitates libris superio-
ribus memoraverim, futuras tamē
si spectes, quæcunq; illa hætenus
pertulit, nonnisi præludia fuerāt majorū.
Nimirum flumina malorū quodammo-
dò ripis suis effusa huc usq; pauperiem hîc
illîc fecisse: nunc collectis ubiq; torren-
tibus totum undiquaq; Regnum inunda-
ri dixeris; ac jam mare ipsum quoq; flu-
ctus suos in intima terræ illius viscera in-
fundere. Nec vano colore mare jam no-
minamus. Quos enim hætenus Polonia
experta est holtes, eos nonnisi terræ po-
tentes, præcipuos etiam ipsa sibi infelix
mater in malum suum se progenuisse sen-
sit. Nunc strata per illos viâ, & aperto
velut ostio, transmarinæ etiam gentes,
ceu declivi solo sese injiciunt. Bellum
Suecicum innuo, quod ut omnium tri-
stissimum funestissimumq;, nunc tangere
verius,

verius, quàm curatè describere aggredi-
or. Exacta enim ejus historia implebit
librum peculiarem: & præter me non u-
nus argumento huic, gravi sanè & tra-
ctatu aspero admovit manum, vel admo-
vebit. Primum autem belli originem
aperiam. Ingens super hæreditate Re-
gni Suecici inter Sigismundum Regem
& Carolum patrum ipsius, controver-
sia olim orta, & dein armis diu discepta-
ta, sumptâ per inducias respiratione,
ultra mortè utriusq; ad posteros transiit.
Vladislaus Rex Sigismundi filius & suc-
cessor, juris paterni hæreditatem titulo
semper professus, belli inducias proroga-
vit, & postea fato abreptus, rem integrâ
ad fratrem Joannem Cahmirum transmi-
sit. Inter hunc & Christinam Gustavi
M. filiam illibata armorum quies man-
sit. Et horum Principum auspiciis de
pace perpetuâ agi cœptum est, misitq; Po-
lonia eo fine bis Lubecam Joannem Co-
mitem de Lefsno, & Sbigneum Goraisci-
um insignem utrumq; Regni Senatorem.
Misit & Suecia suos. Sed stetit uterq; co-
natus intra disputationes de titulis Re-
gum, & præliminaria, quæ vocant. In-

tereà Christina sceptrum avitum, & post
ingentia ditionum accrementa opimâ
etiam pace felix Consobrino suo Carolo
Gustavo, Principi Bipontino, spontè tra-
didit. Seu ut animum supra scepra emi-
nentem ostenderet, seu quod majorem
ad Divinæ Sapientiæ studia libertatem
vestigaret. Europa nondum in aperto
exstantibus, quæ magnam Principem a-
gitavêre, stimulationibus, magnoperè
admirata est cœptum seculo inauditum,
nec antehac nisi paucissimis, & ferè tali-
bus usurpatum, quibus fessæ ætatis, &
molesti regiminis fastidia fecerant desi-
derium quietis. Ista Princeps in ipso &
ætatis & fortunæ flore magnitudine se
suâ exuit. Cæterùm Poloniæ multum
noxia hæc abdicatio fuit. Cum novo
enim Sveciæ Rege novæ mox natæ sunt
lites, & atrocissimum deniq; bellū. Nam
quod in Sueciâ Internuncius Regis Po-
loniæ Canasilius gente Gallus inaugura-
tioni Caroli Gustavi reclamâsset, et si id
inscio Senatu & Republ. Polonâ factum
videretur, violata tamen eo ipso inducia-
rū pacta dicebantur. Classis prætereà pro
Poloniæ Rege conficiendæ mentionem

in Hollandiâ & alibi fecerat quidam Regia negotia apud foederatos Belgii Ordines agens; non quod ullum eâ de re mandatum à Republ. Polonâ haberet, sine cuius tamen scitu & consensu ardua illiusmodi non habentur rata; sed quod naves ejusmodi ex usu Reipublicæ fore, sibi & aliis persuaserat, talibus imprimis, quæ hæc, ut pactis adversa, à Suecis, in causam belli raptum iri, minimè erant arbitrati. Regi ipsi utiq; & Reip. fide pactorum servan. à nihil erat antiquius. Nec sana profectò ratio suadebat, plura arcessere bella Regno, inter tot hostes jam distracto fatigatoque. Testando insuper animo benevolo, pacisq; studio missus hoc tempore in Sueciam est ex intimis Aulæ familiaribus Andreas Morstinus tùm Dapifer Cracoviensis, postea Regni Referendarius, & tandem jam supremus ærarii Præfectus.

* Sed quod in fronte literarum Regiarum quas fidei conciliandæ exhibuerat delegatus, titulo Regis Sueciæ duæ notæ abbreviationis (&c &c) non tres appositæ, in fine porrò earundem literarum, non

non Regni, sed Regnorum Joannis Casimiri annus adscriptus erat, id ita Holmiae acceptum est, ac si Rex Poloniae juri novi Regis Sveciae detractum iret; & quasi idem Rex noster in Sueciam etiam scribens, titulo Regis Svecici, contra pacta Stumtsdorffianae conventionis uteretur. Quae res etsi minoris momenti esse videri possit, quia tamen interpretentur bellum sequentis causas Principem per se locum obtinuit, curatius hic exponenda videtur.

Cum anno 1635 inter Vladislaum Poloniae Regem & Christianam Sveciae Reginam induciae annorum 26 fuissent initae, aliquandiu illic circa titulos pactorum instrumentis praefigendos disceptatum est, quia Sueci volebant in illis pactis Vladislaum vocari Regem haereditarium Suecorum, quo alioquin titulo Rex ille uti solebat. Litem istam finire tandem placuit facta utrinque titulorum Regalium abbreviatione, ita ut postquam Vladislao Regi datum esset nomen Regis Poloniae, Magni Ducis Lithvaniae, reliqua quae addi caeteroquin moris erat, non nisi triplici etceteratione (ut vulgo dici solet) apponenda

positâ innuerentur. Similiter triplex
etcæteratio addebatur Christinæ, post-
quam Regina Sueciæ, Magna Dux Fin-
landiæ nuncupata esset. Tales tituli pa-
ctis inscripti, & typis editi sunt. Rex
deinde Casimirus, si quando Christinam
Reginam Sueciæ compellaret literis, eas
linguâ Gallicâ scribebat, atq; etiam Gal-
lico more compendiascere solebat titu-
los. Postquam Carolo Gustavo Christi-
na tradidisset sceptrum Sueciæ, ille li-
teris ad Johannem Casimirum exaratis, tres
illas &cæterati nes adjecit; id. j; vicissim
à Joanne Casimiro in responsum obser-
vatum est. Sed cum postea amicitia æ-
paciæ stabiliendæ causâ mitteretur Able-
gatus, in literis fidei dux tantum &cæte-
rationes titulo Regis Sueciæ fuerunt ad-
jectæ, errore scribæ, qui malè correctum
exemplar pactorum Stundorlianorum
in curiâ quâdam erat secutus. Scienter
studiove offendendi id haud fuisse com-
missum nemo credere possit, qui nove-
rit, minimè tum è re fuisse Poloniæ bello
Moscovitico & Cosacico implicitæ, plu-
res sibi inimicitias quocunq; modo at-
trahere. Ea tum res adeò offendit no-

vum

vum Sueciæ Regem, ut nec Ablegatum, nec literas, etiam errore correcto, admitterit. Postquam enim Ablegatus citatissimis itineribus Aulæ Polonæ causam negatæ admissionis significasset, aliæ sine morâ literæ submissæ sunt, in quibus tres & cæterationes expressæ, & in calce illud *Regnorum nostrorum*, quo pariter offensa erat Suecia, mutatum fuit. Sed pro-
no in bellum Caroli Gustavi animo, inter alias etiam hæc levissima excusatio sufficiebat, nec ulla mutatio mutavit Poloniæ invadendæ cupidinem. Quam immotam ei sedisse, ex ipsis quoq; patuit sollicitationibus, quibus Electorem Brandenburg. ad societatem belli concitare dudum studuerat.

Rex Poloniæ cum in Sueciam expediret Morstinum, per eum ipsum Majoris Legati adventum eidem Suecorum Regi promitti jussit. Et destinatus jampridem illuc erat Sbigneus Goraiscius, Castellanus Kioviensis, vir spectatissimæ ad ardua agenda dexteritatis. Sed eum ob valetudinem, & alia obstacula cunctantem subita ab apoplexiâ sideratio abstulit. Interim venit Varsaviam

res Poloniæ exploraturus Kochius, hæ-
 tus res Suecorum Gedani agere solitus.
 Qui cum literas ad Senatum Polonorum
 scriptas Primati Regni Andreæ Comiti
 Lescinio porrexisset, responsum tulit
 plenum benevolentia affectusq; pronissi-
 mi non ad inducias solum integerrime
 servandas, sed & ad pacem pangendam
 perpetuam. Quin simul ac luctuosa mors
 Goraisii innotuit, designatus mox sum-
 mæ autoritatis Senator Joannes Comes
 de Lesno Palatinus tum Lenciciensis, ut
 in Sueciam cum plenissimâ pacem tra-
 ctandi potestate, autoritate Comitiorum,
 quæ XIX. Maji Rex habuit, confirmatâ,
 proficisceretur. Additus eidem ex Lith-
 vanici Statûs ministris Collega Daniel
 Narullevicius, postea sigilli Minoris
 Lithvanici, uti & Comes Lescinius Polo-
 nici, curam adeptus. Ivit simul Regni
 Vice-Instigator Joannes Tonski vir ma-
 gnæ & prudentiæ & facundiæ Legationi
 à Secretis. Inter arcanorû conscios etiam
 hujus historiæ autorē Comes Lescinius ex
 consilio Primatis & aliorum adsciverat.
 Holmiam Legati venēre ineunte Julio
 sub ipsum prope finem Comitiorum Sve-
 tico-

ticorum, in quibus bellum adversus Poloniam jam erat decretum. Parum igitur tempestivum videbatur de pace hinc agere. Nihilominus consensum utrinque est, ut aliqua fierent tentamina, ne Legati prorsus irritū iter tanto sumptu suscepisse viderentur. Atq; ut tempori parceretur, convenit inter partes, ut citra solennitatum præliminarium ambages, ad ipsa negotii capita accederetur. Venēre itaq; ad Legatos nostros Comes Ericus Oxenstiernius Cancellarius, Comes Magnus de la Garde tūm Thesaurarius, Gustavus Bielke Regni Senator, Laurentius Cantersteinius Secretarius Statūs. In primo congressu Cancellarius Sueticus pauca honori & benevolentiaē testandæ causā prafatus edisserere cœpit omnia, quibus fides induciarum ex parte Polonâ rupta esse judicaretur. Primum irruptiones violentæ à Bothio & Crocovio Ducoribus militiæ, in ditiones Sueticas olim factæ objiciebantur, item inimica aliqua machinamenta in Oesaliâ Insulâ, adhuc consilia cum Ordinibus Belgii foederati de classe parandâ inita, deniq; usurpatus à Rege Poloniæ Regni Suetici titulus.

lus. Ad singula Comes Lescinius Palatinus Lenciciensis breviter reposuit: Primum Bothius, si quid aliquando tentaverit, factum id esse inscio & inconsulto Senatu Polono, ejusdemq; ut fidejussoris interventu omnem illam Bothianam fabricam in herbâ oppressam. Krocovium eo tempore, quo per Poloniæ fines Pomeraniam invaserit, Cesari Germanico militasse. Transicum verò ejus Poloniæ prorsus fuisse inopinatum. Ac pactis equidem Stumdotsianis cautum olim esse, ut neutra pars hosti alterius auxilietur, sed neutri tamen injunctum, exercitum perpetuò dare, qui ad quævis vicinorum molimina excubaret, subitasq; ejusmodi irruptiones transiitionesq; prohiberet. Si transgressus tales in causam belli trahere liceat, habiturum etiam Imperatorem, quod Poloniæ objiceret, cum quo initis olim pactis similiter cautum sit, ne pars alterutra hostes alterius juvet. At transiisse per Poloniam Majorem Banteri Ducis Suetici conjugem mille ducentis militibus comitatam. Omnes hos nihil hostile in Poloniâ expertos, ab aliquibus etiam comiter habitos esse. Cesarem tamen nunquam eo nomine de Polonis quæ-

sum,

sum, multò minùs pactorum violationem
eis objectasse. De Oesaliâ quod oggeratur,
prorsùs inauditum sibi antehac: neq; adeò
rem, quæ aut nulla sit, aut adeò obscura;
ut & præcipuorum Regni Senatorum noti-
tiam effugerit, in causam belli sufficere.
Cum Ordinibus federatis, si quid unquam
agi captum est, id à Regni Ordinibus nun-
quam approbatum, adeoq; irritum fuisse.
Quæ autem Poloniæ Regno imputare quis
velit, ea Rege & Senatu autore, ab Ordine
Equestri iussa esse oportere. Secus enim
in hoc Regno nihil ratum haberi. Cate-
rùm quod Rex Poloniæ jus & titulum ad
Regnum Sueciæ sibi vendicet, id nec mi-
rum, nec vitio vertendum esse, cum naturâ
omnibus mortalibus insitum sit, eo non cre-
benter cedere, quod sibi deberi videatur.
Præcipuè autem de titulis non adeò esse la-
borandum. Reges etiam alios, etsi Regno-
rum suorum & autoritatis pertinaces, cir-
ca hæc inania haud quaquam esse difficiles.
Titulum Franciæ à Regibus Anglicis usur-
pari, Galliâ ideò bellum non movente. Re-
gni Gothorum & Vandalorum titulum tam
Danim, quàm Sueciam sibi vindicare, sal-
vâ tamen utriusq; Regni pace. Henricum

Valesium non Galliarum modo, sed & Polonia se Regem vocari voluisse, etiam cum Polonia alium jam Regem haberet. Polonos tamen inane hoc nominis blandimentum illi haud quaquam invidisse. Regem Poloniae, Dominum suum, longè valdeus ad Regnum paternum sibi ius esse arbitrari, & tamen, cum re ipsâ id non possideat, nominis saltem honorem non agrè illi permitti posse. Ceterùm his quæ nonnihil acerbitatis forsitan habeant, omissis ad ipsam negotii quasi arcem sibi accedendum videri. Et si Legati partim de his sine mutue offensæ metu agere non posse putentur, Mediatorem adhibendum, qui rerum tractandarum asperitatem verborum mollitie castigaturus sit. Cancellarius Svecicus respondit: Non esse nunc de his, quæ mutuo animos exulcerare possint, operosius disputandum, sed missâ obiectorum responsionumq; reciprocatione, ad ipsum, quem Legati habeant, scopum accedendum. Et fieri id optime posse citra Mediatorem. Ejus enim interuentu multum temporis perdi, cujus angustia, Rege abitum minante, omnia compendia querere jubeat. Moderati autem animi ea utrinq; jam data specimina, ut
mitiore

mitiore modo agere negotium nec Mediator
 fortasse possit. Cum hoc dixisset Comes
 Oxenstiernius, visus est expectare, ut fi-
 dentius tandem Legati exponerent desi-
 deria sua, ob quæ venissent. Illis non-
 dum penitus e re esse videbatur animum
 mudare. Non abstinuere tamen, quin
 innuerent armorum Sveticorum socia-
 tem contra Moschos gratam Poloniae, Sue-
 ciae ipsi non inutilem fore. Notas ejus gen-
 tis ipsius injurias, & quid ab illâ polliceri si-
 bi Suecia debeat, pater bello Lithuaniae præ-
 ter ullum fas illato, tractisq; ad obsequium
 suum subditis Regni Cosacis disci posse. Ho-
 stem ipsum amplissimis ditionibus & immen-
 so hominum numero pariterq; opibus polle-
 re, & nihil non in alios etiam ausurum, si
 quod sua prohibeant, sinistris Poloniae suc-
 cessibus potentiam auxerit. Cancellarius
 Sveticus, etsi Legatos nostros nondum
 penitus sensa animi sui detexisse perspice-
 ret, ea tamen, quæ dicta essent, ad Regem
 sibi & Collegis suis referenda dixit. Lo-
 thardie Rex Sueciae cum Senatoribus Re-
 gni sui habuit consilium, in quo quid
 constitutum sit, effectus postea explicuit.
 Exin vero iterum iterumq; iidem illi Sue-

cia proceres cum Legatis nostris, de præcipuis capitibus, jure inprimis, quod Rex Polonia in Sveciam, Polonia in Livoniam habere se asserat, utrinq; multâ cum curâ, citra tamē verborum acrimoniam, agitatum est. Et ita procedebat negotium, ut & animis odiū, & odiis ansa magis magisq; detrahi videretur. Nec dubitabant Legati nostri, paucis diebus magnum quid effici potuisse, si Rex ad bellum quàm pacem paratior, aliquam moram itineri suo injici sustinuisset. Verū is eundi certus, apertè testabatur, suam apud exercitus præsentiam omninò requiri. Interim tamen vel inter arma etiam de pace acturum se, si Legatis secum in Pomeraniam ire luberet. Legati negabant se injussu Regis & Reipubl. suæ sequi posse Principem, arma Poloniæ jam inferentem. Interim ne & pacis negotiationem aspernari viderentur, consenserunt, ut mense sequenti rediretur ad cæpta pacificationis tentamina: simul ingeminantes, rem æquam facturum armatum Regem, si saltem eo usq; destinata bellica differret. *Melius sub clypeo induciarum, quàm inter strictos gladios de pace*

agiposse. Sed Regi adeò belli amor se-
debat, ut nulla penè celeritas festinanti
satisfaceret. Re igitur aliò rejectâ, Rex
cum classe multo milite & impedimentis
gravidâ in Germaniam, Legati verò Ge-
danum suis, quibus venerant, navibus,
cum Rex adornatissimam frustra iis obtu-
lisset, contendere.

Cæterùm à Rege Sveciæ præmissus jam
erat Wittebergius cum multis millibus
armatorum in Pomeraniam, quos dein
ordinatos auctosq; rectâ in Majorem Po-
loniam duxit, mirificâ, non inani spe,
omnia istuc prona sibi pollicitus. Et le-
vi ad Notesium amnem paludosum dimi-
catione mota sunt prima provinciæ capi-
ta, ut sese, & amplissimos duos Palatina-
tûs protectioni Svecicæ, scriptis certis le-
gibus submitterent; Equitatu, quem ad
defensionem conduxerant, ex ordine No-
bilium conflato, qui pedestribus copiis
junctus, bonas operas edere potuit, so-
lus verò Svecicæ militiæ robur non diu
sustinuit. Pedites autem ex certis Reip.
agris conscripti, & modici numero & re-
bus ad bellum necessariis malè instructi
erant. Nimirùm spes pacis per Legatos

in Sueciâ prottrahendæ plerosq; hîc & a-
libi securos reddiderat; nec nisi pacem,
ipsâ hâc armorum ostentatione à Suecis
quæri, subdoli aliqui persuasum iverant
populo. Æmulatio porrò inter præci-
puos Poloniæ Magnates, tum & inter ip-
sos belliDuces similtates, jamdudum islic
consilia publica, & nunc apparatus bel-
li, progressumq; rerum turbabant. Nec
leves quorundam Principum contra Au-
lam offensæ intervenerant. Unde & ob-
latas ab Electore Brandeburgico in No-
teti præsidium cohortes, alii commiserant
suscipiendas, alii ut suspectas spreverant.
Deniq; cum ubiq; omnia in Regno labo-
rare viderentur, desperatio subit, & ul-
trò creditum quibusdam, cæteris persua-
sum est, satius esse naturè amplecti prote-
ctorem Regem, quàm victori postea legi-
bus iniquissimis subjici. Aderant senti-
taliū suggestores, ambitūs aut vindictæ
cupidine flagrantes. Cæterum omnia
hæc cum in Pomeraniâ audiret Rex Sue-
ciæ, tantis fortunæ auspiciis lætus, eo ma-
gis sibi appropereandum censuit, ut præ-
sentiâ suâ inclinatas Poloniæ res impel-
leret. Alterumq; adeò exercitum nuper

ex navibus in terram expositum, non len-
to agmine, alio tamen, quàm quo Witte-
bergius irruerat, itinere in viscera Re-
gni duxit; & mox accessione Witteber-
gii ad Colum oppidum factâ, persequi cæ-
pit Regem cognatum. Hic inopinatâ
celeritate istâ, quâ imminere sibi jam sen-
tiebat Regem, quem nondum hostem es-
se crediderat, nec minùs defectione Ma-
joris Poloniæ percussus, siltere ruentem,
quâ paciscendo, quâ armis nitebatur. Et
contraxerat ex proximis Palatinatibus
non exiguam Nobilium manum, cui ex
veteranis & prætoriiis inprimis cohorti-
bus tria admodum millia robur addide-
rant. Nam ordinarii Reipubl. exerci-
tus cum Ducibus alibi detinebantur: Co-
facis in Russiâ, Leopoli, Moschis Lithva-
niæ Metropoli imminentibus. Hi singu-
li minimum sexaginta millia pugnato-
rum ducebant in Polonos: & totidem
millibus, quoties vellent, augere pote-
rant exercitûs suos. Nunc Sueciæ Rex
minorem quidem, sed compositiorem in-
vehebat exercitum, & spe ambituq; im-
mense incensus, cor ac caput ipsum Po-
loniæ Varsaviam & hinc Cracoviam pe-
tebat.

tebat. Ac primæ felicitatis blanditiis
 augeſcebat indies exercitus Sueticus. Ac-
 cingebantur pariter Poloni in Palatina-
 tibus quiq; ſuis, & aliqui, ut memoravi,
 ad Regem apud Loviciam caſtra figentem
 acceſſerant, ſed ſparſim & tumultuariè
 magis, quàm ut in juſtam mox aciem e-
 duci poſſe viderentur, præſertim in ho-
 ſtem apparatiſſimè inſtructum. Hunc
 igitur pacificis conditionibus mollire,
 curſumq; rerum hoſtilium utcunq; retar-
 dare cupiens Joannes Caſimirus, natali-
 bus & militiâ ſpectatiſſimum in Republ.
 Virum miſit, qui tali oratione Carolum
 Guſtavum allocutus eſt: *Mirari ſatis non
 potuit Sereniſſimus Rex ac Dominus meus
 Clementiſſimus Johannes Caſimirus & Se-
 natus Regni accepto primo nuncio, intrâſ-
 ſe exercitum Majeſtatis Tue Duce Witten-
 bergio fines Regni ſui, tum verò ſupere ma-
 gis cepit, cum & perſonam Regiæ Majeſta-
 tis Tue alio exercitu ſtipatam veniſſe intel-
 lexit. Merito tam Sereniſſimus Rex
 meus, quàm & Senatus ad Tuam Majeſta-
 tem ablegare voluerunt, ſcire cupientes,
 quois ille ſit affectûs & animi impetus, qui
 Majeſtatem Tuam eo uſq; impulcrit. Ve-
 hement-*

hementem enim esse oportet, qui nullis hucusq; modis, nullis de pace tractatibus, nullis Legationibus in Sueciam missis, nec sacris fœderum & induciarum vinculis cohiberi potuit. Ad iram & indignationem non satis causæ videmus. Quod enim tantum facinus vel Reges nostri, vel Respubl. commiserunt, ut tam inexpectatâ ultione illud vindicare Majestas Tua in animum induxerit. Nos, Deo teste, nihil tale scimus, inducias semel factas sanctissimè semper coluimus. Suecis in Germaniâ bellum gerentibus, licet multoties in societate belli contra ipsos, rebus nostris florentibus, invitaremur, nunquam publicè nocere volumus. Antiquior enim nobis semper fuit fides, quàm utilitas. Quod si privati aliqui rebus Cæsaris favebant, multi etiam fuerunt, qui Suecis operam suam navarent. Tot Borussi, Livones, Curlandi Regni Polonia subditi, tum & ipsi Poloni, nemine prohibente, in castris vestris militarunt. Testis vel Frater meus Germanus benè Majestati Tuae notus, & jam tristi hoc bello nostro nuper à Barbaris extinctus, vel ego ipse, qui non tantum sub signis Gusravi illius Magni, Avunculi Majestatis Tuae tyrocinia mea

exer-

exercui, sed non ita pridem etiam Gallia
 Regi, Regi Sueciae Confederato, non con-
 temnendam Polonorum manum ad expu-
 gnationem Dückerkanam adduxi, nec in-
 uilem, ut credo, per triennium operã præ-
 stiti. Cancellariæ etiam errores, vel alia
 minutiora non tanti fuere, ut armis vindicari deberent. Est igitur aliquid aliud.
 Dicerem esse cupiditatem diuitiarum. Sed
 scimus hoc animi vitium longè à naturâ
 Majestatis Tuae abesse: Et Regno tam mise-
 ro à tot hostibus conjuratis lacerato vasa-
 toq; quid jam amplius extorqueri potest?
 Utinam est, ex quo Regnum bellis atro-
 cissimis affligitur, Et quot anni, tot ferè cla-
 des numeratæ, tot exercitus vel caesi vel dis-
 sipati, totq; iterùm repaucti. Quod tandem
 est Imperium, quod tantis calamitatibus
 non succumberet? quales thesauri, qui
 non exhaurirentur? Intrasti, Rex poten-
 tissime, provinciam ceteris opimiorẽ, ma-
 jorem nempe Poloniam, illam ab incommo-
 dis bellis remotiorem felicioriẽq; ceteris.
 Nonne tamen hic incolarum pauperiem vi-
 des? Nonne inde de aliis longinquioribus,
 sed quæ malis bellis propius senserunt, vel ad
 hoc sunt, ut, quæcunq; de his bellis o-

*pulenta, non mercatores divites, non auri
& argenti fodinae; divitiae nostrae annui
fructus sunt, & pecora sumpti, quae omnia
si ad exercitum tam Majestatis Tuae, quam
nostris consumentur, agricultura cessabit,
nec ulla unquam tributa speranda: imò
metuendum ne & nobis, & exercitibus Tuis
fame pereundum sit: Non satis igitur cau-
sa habes ad iram, sed nec irritamenta ad
cupiditatem. Suspiciari cogimur, Maje-
statem Tuam aliis stimulis adactam, ut no-
bis bellum inferret, famam nempe & gloriam,
vanissimis ingenii humani oblectamentis.
Sed quae haec gloria? dum nos cum tot ho-
stibus immanissimis pro salute & vita nostrâ
decertamus, Tu, Rex potentissime, ultrò
& improvisò nos armis invadere sustines?
Si gloriam vis veram, quere. Vera au-
tem erit, si aliena non expetes, suum cuique
tribues. Plura tum quoque addidit verti-
gine illa rerum & necessitate publicâ ex-
cusata, hosti conducibilia, si animo &
fortunae suae frænum imponere scivisset.
Rex Sueciae, quae pro tempore esse vide-
bantur, respondit: & mox literas simul
dedit, quibus Regi Poloniae omittas pa-
cis maturè tractandae occasiones ex-
pro-*

probrabat : simul tamen innuens, neque
nunc ad pacta, sed qualia præsens rerum
status polceret, difficilem se fore. Desi-
gnandum locum, mittendos Legatos, o-
mnibus necessariis rectè instructos. Sed
undiq; patebat, non placere ipsi tracta-
tum pacis, qualem res Poloniae require-
bant celerem æquumq;. Lentum is quæ-
rebat, in quo pro succellu rerum adduce-
re & laxare consilia pacis posset. Interea
fortunæ suæ intare decreverat, acrior Re-
gni, quàm pacis Candidatus. Certum est
eo tempore hostem paciscendo opimissi-
ma quæq; impetrare potuisse, qualia de-
indè tot millium hominum sanguine, tot
populorum miseriis, terrarumq; vastitati-
bus, suæ denique vitæ impendio non
“ obtinuit. *Sed incerta fortunæ pa-*
“ *rum pensi habent, qui non nisi faventem*
“ *sunt experti, & enormi plerumq; spe me-*
“ *tam belli nimis altè ponunt, quibus po-*
“ *nendi fiduciam fortunata initia dedere.*
Spretis igitur consiliis pacis ad arma mox
reditum est, & congressi cum equitibus
Sueticis Poloni, Duce Stephano Czarne-
cio Castellano tum Kioviensi satis osten-
dère, abundè sibi animi & virium ad be-
nè &

nè & feliciter pugnandum esse. Sed peditatus, qui Suetico opponi posset, deerat. Sine quo impediri phalangum hostilium progressus nequibant. Itaq; tentatâ aliquot velita ionibus fortunâ Czarnecio, versus Regni caput Cracoviam ducere copias libuit morâ & majore subindè Nobilium accessu sumpturas augmenta. Ita Varšaviâ citra pulverem & sanguinem potitus Rex Sueciæ, atq; ibi præsidio militari, tum Cancellario suo rebus constituendis relicto, citatis mox itineribus ad Wittebergium, qui Polonos sequi jussus erat, redit. Interim illi ad Opocznam progressio, circumvolitans undiq; Polonorum equitatus multum facessiverat negotii. Et postea cum Rex accessisset, aliquæ intercessere velitationes, non sine mutuâ jacturâ. Ex solâ enim Légione Ponti de la Garde, confessione ipsius hostis, desiderati sunt ducenti amplius equites; Captusq; tum fuit Forgelius Tribunus, juniorq; Königsmarckius, ac Suleoviam uterq; deductus ad Regem nostrum. Sed tandem peditatu & tormentis gravior nostris extitit hostis, & pulsos ad Metropolin dein Regni Cracoviam

viam secutus est. Deliberatum ibi, num
 incolumitas Regis credenda esset loco
 nec multum manito, nec commeatum
 necessarium ad tolerandam obsidionem
 habenti. Sed Proceribus visum est vali-
 dam manum militarem imponendam Ur-
 bi, Regi aperta potius tenenda, unde li-
 berius, quæ è re publicâ esset, dispiceret.
 Relictus igitur ibi Czarnecius Castellanus
 & Fromondus Voisius prætoris cohortis
 Ductor. Rex Veliciam primò, locum
 salinis celebrem, inde Visniciam splendi-
 dam Alexandri Lubomierscii tum Stabu-
 lo Regni Præfecti postea Palatini Craco-
 viensis arcem, exin Sandecum, quod al-
 ter frater, Præfectus loci, tuebatur, & de-
 niq; Czorslenum contendit. Interea ab-
 eunte Rege suburbia Cracoviæ exulta à
 nostris. Sueciæ autem Rex, præmissis
 explorandi causâ Sultzbacensi Principe:
 cum hic occupatis nullo negotio suburbi-
 is, ex incendio adhuc fumantibus, omnia
 circa Urbem patere nunciâsset, cum exer-
 citu & ipse accessit, structisq; suggestibus
 in mœnia detonare capit: dimisitq; si-
 mul legiones aliquot, quæ resistentes in
 montibus illis copias Polonas scrutaren-
 tur,

tur. Ubi non pauci utrinq; ceciderunt. Sed Rex Joh. Casimirus prævalente ubiq; hoste, non aliud securitatis asyllum superesse duxit, quàm ut in Ducatum suum Oppaviensem, quo & Regina jam præiverat, secederet, dum procellæ transirent, quæ averti non posserant. Certè eo tempore omnia malorum genera conspirasse videbantur in hoc Regnum. Lithvaniani vni Moschi effugere quærentes præcipui Proceres Magno Comiti de la Garde Regis Sveciæ, vices in illo Septentrione gerenti, perpetuo fidei & obsequii nexu subdiderant. Quantumvis aliqui Procerum Nobiliumq; huic submisionis sacramento refragati sint, & sinistra multa auctoribus ejus objecerint. Fideles illi, præeunte Paulo Sapiehâ constantissimo patriæ libertatis defensore, versus Poloniam duxere copias, quas habebant. Sed periculum Reipubl. conjunctione virium avertere laborantes, ubi salutem reperire speraverant, non minus periculum adiungere. Nam & prævalidos ubiq; Suecos, & obsessam Regni metropolim Cracoviam & totum Regnum capite suo destitutum repererunt. Nec defuere Sueci per subordi-

ordinatos militi promittere stipendia, sicque in partes suas pertrahere. Ac tandem, transeuntes etiam Duces ipsi urgentibus, ut rebantur, fatis Regi Sveciæ submisere se certis conditionibus. Cracovia à Czarnecio Castellano Kioviensi & Wolsko toto penè mense defensa, tandem defectu com meatûs & spe nullâ auxilii, dedita est Wittenbergio. Victor Rex in Prussiam contendit, ipsis jam veteranis prohi dedecus! Polonia stipendiariis cum comitantibus quasi Regē suum. Venientē Primarium Prussiæ claustrum Thorunium non vi, sed suasionibus victum, nullo negotio admisit. Elbinga deindè domi dissidens, quorundam dudum obnoxiorum studio ad obsequium Sueticum lapsa. Gedanum in aliud tempus rejecit hostis, classe tûm portui apponiâ commercia interclusisse contentus. Postea in Electorem Brandenburgicum omne robur suum convertit. Qui dudum equidem Prussiam cum exercitu sat valido ingressus, Ordines Provinciæ ad socia secum arma vocarat. Et in aliquas mutæ defensionis leges, præsentē Internuncio Regio Johanne Tonscio Vice-Insigato-

re Regni convenerat apud Rinscum illustres viri Michaëlis Dzialinii hæredium. Sed animorum diffidentiâ, aliisq; defectibus irritum, aut non diu servatum fœdus omnia in Prussiâ faciliora Svecis reddidit. Non enim Thorunium modò, & Elbinga præsidio justo destitutæ, ut memoravi, cesserunt, sed & Mariæburgum oppidum, Electorali primùm milite infestum, cùm hunc revocasset Elector, ab oppidanis deditum est hosti, Arcisq; licet munitissimæ periculum intendit. Elector copias suas diffundere veritus, omnes Regiomontum, Principem Prusiæ suæ Arcem, contraxit. Rex Sueciæ suas quoq; admovere, capit, & alicubi ad mutuas incursationes deventum est: stipendiariis inprimis Polonicis omnia passim pervolitantibus. Ex Lithvaniâ quoque jam Suecis subditâ Comes Magnus de la Garde indies propiùs imminabat. Elector nullâ ope, nec spe opis erigebatur. Unde adeò tandem cum Rege Carolo Gustavo transegit. Quod necessitate equidem extortum, postea eo inprimis excusatum fuit, quod non modo secessu Regis è Regno desertus, atq; adeò à fidei nexu absolu-

absolutus videretur Vasallus ; sed & à septem millibus Polonorum militibus, qui ad Carolum Gustavum defecerant, sollicitatus esset ad transigendum. Non multò post Mariæburgensis quoq; arx à Comite Stenboeckio, Barone de Dohnà, Hornio, omni conatu bellico diu oppugnata in potestatem Caroli Gustavi Regis cecidit, facta cum impedimentis exeundi potestate Jacobo Veihero Palatino, qui & Fratris sui Ludovici Palatini Pomeraniæ intra Arcem obsessam mortui cadaver secum asportavit, Sigismundo item Guldensternio Baroni, Regiæ Oeconomix administratori eidemq; Præfecto Stumenssi, aliis deniq; Nobilibus viris, quos belli hæc tempestas in nominatissimam Prusiam propugnaculum compulerat. Solum in Prusiam Gedanum supererat, quod nobili in Dominum suum etiam extorrem fide, postquam omnia jam ubiq; per Poloniam, paucis exceptis, in verba Succorum Regis transferant, immotum stetit, & cum fortuna Joannis Casimiri conclamata erat, novo se illi sacramento oblitrix, posteaq; Succos non modo non admisit, sed & constantibus armis, sumptu maximo, quâ

mo, quâ potuit, terrâ mariq; magnâ multorum invidiâ, at apud bonos laude propulsavit. Rex Sueciæ Urbis portum navali classe, Duce Vrangelio, circumvenisse contentus, ipsam, ceu coronidem, cæteris suis victoriis, vel sponte vel levi negotio accessuram crediderat. Nunc vero ad extrema omnia paratam armis, quantumvis ubiq; tum formidatis aggreffurus haud dubie erat, nisi novi in Poloniâ motus alio illum vocâssent. Istic enim fortuna, conversâ velut rotâ, Joannem Casimirum, quem nupèr Poloniâ subduxerat, revehere in solum & solum suum jam moliebatur; * Et ipse Caroli Gustavi in Prussiam discessus postliminium Regi exuli aperuit, relictis in Poloniâ animis erga hostem ubiq; agris & in jugi excutiendi occasiones intentis. Restabantq; aliqui Optimatum, qui frænum nunquam receperant. In Carpathiis præcipuè montibus Georgius Lubomierscius Regni supremus Marschalcus, idemque Præfectus Cracoviensis, & se & fratres suos & magnam Senatûs partem, multosq; alios ex præcipuis Nobilium à

A a commu-

communi tùm labe intactos servaverat, ipsum deniq; Regis diadema, quod Alexander Wolfius tùm Regius Aulicus, post Abbas Pelplinensis, ex Arce Cracoviensi summa inter discrimina extulerat, secum habebat : Ita ut quicquid Reipubl. integrum tùm superesset, penes hos maneret. Certè ex arce illâ Lubomlianâ, quâ reliquias istas libertatis pauci illi tutabantur, commeabant subindè literæ ad Regem in Silesiâ agentem. Pariter Joannes Comes de Lesno tùm post mortem Christophori Opalinscii, Posnanix Palatinus, securitate Legati adhuc usus, non desinebat animis, quaquâ ibat, seu veternum seu stuporem excutere, ipse de Republ. etiam cum deplorata videretur, nunquam desperans, eoq; aptior ad spera aliis adspirandam. Ipse ego læpè ex illo, afflictissimis Poloniæ rebus, hanc audisse vocem memini : obruere nunc hostis nos potest, retinere aut subjugare non potest. Nec minus illi, qui in Majore Poloniâ, apud Costinum, Fridericum Hassiæ Landgravium occiderant, Duce Zegocio, Præfecto tùm Babimostensi, remittebant spiritus. Celebre miraculis

cœnobium Czeſtochoviense ſtrenuè contra D. ces Succicos Monachi, anteſignano ipſorum Præfecto, tùm loci religione & virtute ſua animoſi fortiffimè defendère. Nec procul inde Dancovianam arcem poſſeſſor loci Stanislaus Warſzicius Caſtellanus Cracoviensis à molitionibus hoſtium intactam tenuit: Idemq̃ue Wilczam oppidum tutatus eſt. Miles hoſtilis per Palatinatus diſpoſitus, avarè & ſuperbiùs agebat: Ita ut paſſim Poloni ſpoliata templa, juraq̃; omnia Divinà & humana violata quererentur. Senſimq̃ue conſpirare tacitis conſiliis, & mox publice habito ad Tiſſevicias conventu conjurare in jugi externi excuſſionem ac libertatis vindicias cepit pars exercitùs, & ingens Nobiliũ multitudo, præſide conventùs & conſiliorum Stanislao Potocio Palatino Cracoviensi eodemq̃; exercituum Duce. Leopolin paulò ante obſidere exeperat Chmelnicus; quam cum fortiter defenderet Chriſtophorus Grodzicki, rei tormentariæ Magiſter; Obſeſſor Confacicus Suecico potentiam formidans, evocato ex urbe Grodzicio, miſerationem erga exulens Regem oſtendere, & o-

pem ei restituendo promittere cepit. Super-
pervenit Chanus Tartaricus cum ingente
exercitu, & minùs jam reluctantē Chmel-
nicium totumq; exercitum Cofacicum in
verba Joannis Casirciri adegit: simul mox
litteris ad Duces Polonos missis, venisse se
indicat, ut auxilietur oppresso Regi, ex-
trema simul omnia iis minatur, qui ma-
num illi adversus externum Principem
non porrigerent. Omnia ista, milites
quidam sponte, alii à Grodzicio missi, ex-
actissimè autem magnus Marschallus Ge-
org. Lubomierscius, & qui cum eo erant
Senatores nunciabant Regi in Silesià hæ-
renti, ad reditum simul eundem exhor-
tantes. Ille in tam inexpectatis auxiliis
Dei dexteram agnoscens, incitante simul
Reginà, cepessit animum revertendi in
Regnum, & magnis mox per montes Car-
pathios itineribus, ineunte anno 1656, co-
mitante M. Cancellario Coricinio, & ali-
is Aulæ ministris, Leopolin contendit.
Relicti in Polonià militix Svecicæ Re-
ctores, Duglassius inprimis, turbas orien-
tes consilio manuq; compescere quidem
quæsierant, sed labentibus dispositu fa-
tali rebus impares, Regem deniq; ipsum,
Mariæ-

Marieburgi cum Reginâ, quæ ex Sveciâ
 tum accurrerat, inter ante erecta tot tro-
 phæa, lætantem, ad parta tuenda excivê-
 re. Qui interiora Poloniæ denuò cum
 exercitu ingressus, sensit mox, malum di-
 uturnitatis custodem esse merum servi-
 tutis, nec stare firmiter dominatum, ,,
 qui nullo justitiæ fundamento innixus, ,,
 imperu tantum creverit. In Poloniâ ,,
 imprimis, ubi *quot equites, tot liberta-* ,,
tis filii: quibus generosa mater sui amo- ,,
rem tam aliè iniecit, ut exui non possit, ,,
nisi cum vitâ. Quæcunq; igitur ince-
 deret hostis, infesta ubiq; omnia habuit.
 Et non multo post ii ipsi etiam stipendi-
 arii Poloni, quos in Prussiam ante suam
 duxerat, ubi in patriam reversos, cœli &
 libertatis Polonæ aura rursùm afflaverat,
 ab externo Rege ad suum rediêre. Eun-
 tem porrò hostem perpetuis incursionib-
 us lacessebat magnus ille bellator Ste-
 phanus Czarnecius, qui exilium quidem,
 sed agillimarum copiarum ductor, patriæ
 Civibus signa sua ubiqve ostentans, ani-
 mos omnibus addiderat; hosti verò eâ-
 dem celeritate instans cedensq; nocuit
 plurimum. Huic enim necessitas injecta

est, ire semper praelio paratum majore,
 damno, quàm fructu, quia nec excurrere,
 commeatus aut praeda causâ, nec justâ a-
 liquâ victoriâ potiri poterat. Circa Ve-
 pri & Vistulæ confinia intercessit certa-
 men, Succo quàm Polono felicius. Sed
 ibidem lapsu equi sauciatus Frater Regis
 Adolphus curandi cruris causâ, non capî
 modò deferere, sed ingravescente vulne-
 re, extra Poloniam quoq; opem querere
 coactus est. Rex Carolus trajecto Vi-
 stulâ Lublinum perrexit. Quò comita-
 tus illum Comes Valdemarus, Christiano
 IV. Daniæ Rege, ex impari matre geni-
 tus, in hoc bello Chiliarcha Sueticus, vi-
 vendi finem fecit. Sveciæ Rex Zamo-
 sciam Urbem benè munitam armis ag-
 gredi non ausus, Dominum Urbis ador-
 natis in speciem verbis expugnare tenta-
 vit, sic compendio potiri sperans locos,
 qui à nullo Poloniæ hoste hætenus subigi
 potuit. Sed Zamoscius ad blandimen-
 ta & minas æquè invictus, fidem suo Re-
 gi debitam intrepidè servavit. Rex Joan-
 nes Casimirus Leopoli res suas, ancipites
 adhuc, quâ poterat, firmare quærebat.
 Ejus consiliis turbandis, & velut rena-
 scentis

scantis fortunæ primordiis, omni nisu occurrens hostis Jaroslaviam & Premisliam usq; ausus est progredi, Leopoli si posset, excussurus reducem Regem. Sed consiliis & conatibus suis metam divinitus esse positam, ex eventu didicit. Premisliam enim infelicitè aggressus, plurimos suorum perdidit: & tergo suo tot & antea copias instare comperit, ut jam non de augenda fortunâ aut gloriâ, sed de salute sibi contendendum videret. Interim enim non modò Polonicæ copiae, magno undiq; numero, ductu Procerum, concurrerant, sed ex Lithuanîâ etiam egregium exercitum Vistulæ admoverat ille, quem ante nominavi, Paulus Sapieha, Palatinus postea Vilnensis, vir magni animi, & qui aliis patriæ suæ Ducibus, metu Moschorum, Suecicum regimen sequiore consilio, anplexis, nunquam accesserat, suis verò & defuncti Vice-Cancellarii, patruelis sui, opibus, adversum omnes patriæ suæ hostes sese hactenus, rebus etiam desperatis tuitus erat, nunc deniq; Regi suo, adductis insperatò copiis, manum alacer, etsi eminus porrigebat. Summo itaq; periculo progressurum se

sentiens Carolus Gustavus, reditum moliri capit, ante quam is sibi penitus præcluderetur. Nihilominus sic quoq; difficillimum habuit, & cum à Polonis undiq; terrâ infestaretur, beneficio inprimis Vistulæ, quo pars peditatus & impedimenta deportabantur, ægerrimè elapsus est. Periculi magnitudinem vel inde conjeceris, quod ipse Rex in assiduo Martis pulvere & sudoribus continuis, vestem per dies viginti non exuit. Recedente autem illo, multa in Urbibus præsidia intercepta perierunt. Sincklerum Tribunalum submissæ aliquot Suecorum alæ ægrè defendere. Quæ Sendomiriam cum deferrent, pulvis tormentarius, hostili dolo, in turri relictus, subeuntes sine metu Polonos non paucos in aërem explosit. Sed his plurimi Suecorum in improspéro hoc recessu parentavêre cæde suâ, & eodem incendio cadaver Valleritedii Secretarii Suetici rogam in nubibus reperit. Festinârat Regi laboranti in auxilium. Fridericus Durlaco-Badensis Marchio. Sed in itinere ad Varcam à fortissimo Czarnecio oppressus, copias, quas optimè instructas ducebat, capitum plus quam trium

trium millium, amisit universas. Ipse
agrè cum fratre Regis Gustavo Adolpho,
Schlippenbachio, & aliis Czircum pri-
mò, ubi in ruderibus arcis per triduum
jejunos delituit, ac dein Varlaviam elap-
sus est. Penè eodem tempore totidem
millia Suecorum non procul Lovicio à
Polonis & Tartaris circumventa, & in-
ternectione cæsa sunt, ita ut nec nuncius
cladis indè evaderet. Illiusmodi cladibus
Carolo Gustavo altera hæc in Poloniam
expeditio constitit. In Prussiam cum
fesso & lacero exercitu reversus, ex Lith-
vania itidem deterrimos accipit nuncios.
Nam Samogithæ occulta conspiratione,
quicquid Suecorum in Provincia reper-
tum erat, Crispino, qui postea Thesaurò
Lithuanico præfectus est, Rybicio aliq;
ductoribus ad internectionem usq; jugu-
lant; exteriorum odio, & amore liber-
tatis ad immitte injuriatum, quas à Sue-
tico præsidio pati bantur, remedium de-
lapsæ. Intereà etiam Moïchus bellum à
Polonis in Suecos ex Lithuania in Livo-
niam transtulerat. Dedùm ille Regis
Suetici fortunam, nimis splendidâ ægis
oculis intueri ceperat. Et cum Palati-

nus Vilnensis idemq; Dux exercituum, Vilnâ hostis arbitrio relictâ, Episcopo Tiskewicio, aliisq; non paucis Procerum, Panico terrore & svadâ hostili eodem inductis, se & Lithuaniam Sueco subdidisset, Moschus victam à se, ut rebatur, provinciam tali Suecorum patrocínio sibi eripi indignabatur. Eò facilius in armorum interstitium, quod nomine Reipubl. Polonæ Joannes Casimirus Crasinius Palatinus tùm Plocensis, postea Regni Thesaurarius, tùm & Wiersbowski, post Palatinus Siradiensis cum aliis quærebat, interponente se Imperatoris ministro Alegrettio, consensit. Quæ sita mox belli in Suecum causa, & facile inventa est, quantumvis etiamnum vera dissimularetur. Paulò post arma Mosci in Livoniam illata diltraxêre Suecos, & Sapiehæ nec non Gonsievio Lithuanici exercitûs Ducibus commodum adversus illos agendi campum aperuêre. Eo quoq; tempore major Polonia lacertos denuò contra hostem movit, Ducibus Petro Opalinscio Palatino Podlachia, Palatino item Inovladislaviensi, nec non Grzymoltovio, Castellano nunc Posnanienti tum Succamerario Calisienti

lisfensi, & aliis. Qui hostium vires passim accidere, & oppida aliquot liberarunt. Tristissimam tunc fortunam experta fuit Lesna, celebre exulantium ob dissidia in religione Bohemorum Silesiorumq; asyllum. Creverat oppidi incolis cum opulentiâ invidia, & ex religione odium, quod nunc eò acrius erupit, quando qui in oppido rerum potiebantur, non receptum modò, sed & consilia hosti commodasse credebantur. Ac primùm quidem suggestas Polonorum cohortes, non Sueci tantùm, sed & cives, hortatore præ aliis terrestri Judice Wlchovenfi, violentâ eruptione repulerant. Sed ortâ postea formidine subitâ, & propugnatores, & incolæ omnes, fugâ miserabili, res suas atq; oppidum ipsum prædæ Polonorum, & incendio deniq; exposuere. Exusti unâ cum ædibus multi homines seu ætate, seu morbo invalidi. Conflagravit ibidem cadaver eximii olim & apud externos etiam clari bellatoris, Christophori Arctisevii rei armentariæ, olim in Poloniâ Præfecti. Sed is munere isto deposito, successorem nactus Sigismundum Przyemscium, de quo ante, quietem, quam in

vitâ privata quæſiverat, nec in morte quidem invenit. Neq; enim more uſitato tumulari potuit, ſed cum caſu dilata exequiâ eſſent buſtum in cinerib9 oppidi reperit. Ad Coſcianum deindè oppidum perrexêre victores, multis Ductoribus Sue-ticis inſeſſum. Qui Palatini Inoſladiſ-laviensis & Succamerarii Caſiſſienſis turmas mille ducentis militibus ſuis 8. Maji aggreſſi, memorabilem cladem paſſi ſunt. Complura iſtic ſigna adempta hoſti. Cap-tus eſt inter alios Voſſius Tribunus. Ex Polonis Sucoſſevius, Bronicovius, Don-brovius, Przyſſecius, aliiq; nonnulli peri-êre. Rex Poloniæ, contracto undiq; ex-ercitu ſat numeroſo, Leopoli movit; Lu-blinumq; primò, inde Varſaviam petit: quam mille quingenti admodùm præſi-darii Suctici inſederunt. Erant ibidem multi ex præcipuis Suecicarum rerum Du-ctoribus toga ſagoq; clariſſi. Securi omnes, ſeu fiducia præſidii, ſeu quòd Po-lonos ad obſidia nec pronos nec aptos ju-dicarent. Sed circumfuſa Urbi ingens hominum multitudo omnia externa mu-nimenta perrupit, extremumque expug-nandi periculum popoſcêre ſibi lixæ, in-ſenſu-

ſcenſuri mœnia, ſimulatq; Rex annuiſſet. Sed hic gnarus illorum hominum audaciæ nihil invium, pariterq; à furentium ſævitia, tùm & avaritia nihil tutum aut ſalvum in Urbe manſurum, comitèr obſeſſos monuit, ut ſponte ſe potiùs dederent. Illi viſa magnitudine periculi, permiferunt ſe fidei Regiæ. Educti Urbe Comes Vittenbergius, primus Poloniæ hoc bello impugnator, Comes Ludovicus Löwenhaupt, Joannes Vrangeliuſ, Adamus Veiherus excubiarum præfecti, Erſkeniuſ, Laurentiuſ Camerſteinuſ, Conſiliarii intimi Regis Sueciæ, Buſſiuſ, Schlangfeldiuſ, Hamerſchildiuſ, pace Regia abire poterant. Sed fremens multitudo reclamavit, & periculum erat, ne per tumultum occiderentur, cum eos Regis clementia ſalvos vellet. Nec ſervari aliter tùm poterant, quàm ſi tuto loco ad tempus attinerentur. Undè adeò Zamoſcium poſteà deducti ſunt. Faminis abſcundi poteſtas & ſecuritas, addito comitatu facta eſt. Gabriel Oxenſtierna Comes, ægritudine, qua tùm affligebatur, libertatem, cæteris negatam, retinuit. Suecorum Rex, antequam iſta in Polonia fie-

fierent, in Prussiam reversus, literis publicatis, rebellii crimen iis, qui ad Regem suum redierant, acerbè exprobrans, revocare eos ad datam sibi fidem conabatur, aliis porrò literis, subditos agrestes in cervices Dominorum subSuecicum regimen redire negantium, magnis autoramentis concitabat, ausu inglorioso, quiq; animos Nobilium vehementer exulceravit, acerbumq; nonnullorum catamum elicit. Violata enim ita videbantur gentium benè moratarum jura, quibus venena & sicæ serviles ne in hostes quidem permittuntur. Gedanenses quoq; violentitius tùm, quàm unquàm hætenùs, hostis aggressus est. Nam & propugnaculum in territorii Urbani finibus erectum abripuit, fufis quingentis militibus, quos Vinterus Urbis Tribunus, ad defensionem Derlaviæ oppidi miserat. Et tulit casus, ut hæ non in Suecos primùm, sed in Electorales, qui fortè tùm Derlaviam transibant, inciderent, in vecta q; in illos, tergo mox instantes Suecos habuere. Ita casi istic plurimi, major tamen pars per uliginis sparsa, in Urbem postea rediit. Hostis deindè occupavit Hauptum, occiso istic,

fic, cui loci tutela commissæ erat, Dilge-
ro egregio Ordinum Ductore. Hauptum
autem ab hoste, magno opere postea mu-
nitum, Vistulam commerciis interclusit;
Suecis contra Insulas Urbis, apertas ob-
noxiasq; reddidit propè ad finem usque
belli. Sub ipsa deindè pacis tractatum
primordia, idem Hauptum expugnatum
haud parùm momenti & facilitatis ne-
gotio pacis addidit. Sed porrò acerbâ
& minaci Otthonis Steinbockii rei
armamentariæ Magistri, & deindè Regis
ipsius epistolâ acriter culpata sunt Civi-
tatis actiones, quibus illa rebus Suecicis
officere laboraret. Responsum est omni-
bus, qui scripserant, inprimis & Regi ipsi
prolixè. Cumq; illa responsio à Claris-
simo Urbis Syndico Vincentio Fabricio
concepta, multa contineat ad historiam
pertinentia, non piget huc eam annecte-
re. Ita autem habet: *Serenissima Maje-
stas Vestra ex sanctiori tabulario suo, & iis,
quæ extant, historiis, jampridem sufficien-
ter erit informata, quantoperè majores no-
stri à primâ istius Civitatis origine maximè
verò ab illo tempore, quo sub imperium in-
clytorum Polonia Regum concessit, & cum*
Regno

Regno illo per incorporationem coäluit, id
sedulò curaverint, uti inclytis quoq; Suecia
Regibus debitam reverentiam omni cum
submissione exhiberent, atq; eorundè com-
moda atq; incolumitatem, non adedò . . . nsi-
derantes difficultates quamplurimas, sum-
ptus immensos & extrema pericula pro ca-
ptu suo promoverent: Quà de re imprimis
tempora Caroli Canuti & Gustavi primi lu-
culentissimum dabitur testimonium. Cle-
mentissimè pariter Majestas Vestra recorda-
bitur, quod omni tempore id nos quoq; ob-
nixè operam dedimus, tam constanter in
eo persequi majorum nostrorum vestigia,
quam simul cum Sereniss. Reg. Majestatis
Vestra Regnis, ditionibus ac subditis, per-
severanter colere atq; alie mutua commu-
nibusq; facultaria commercis officia.
Quemadmodum porrò ex adverso Majores
nostri, & Nos quoq; retroactis temporibus,
inclytorum Suecia Regum gratia atq; cle-
mentia uberes fructus tulimus; ita summa
nobis voluptati fuit, quod Serenissima Re-
gia Majestas V. n. statim circa Regni sili-
citer adici auguria auspicia dignata est per
litteras clementiss. n. scriptas de propensis-
simâ suâ gratiâ atq; benignitate pro conser-
vatione

uatione commerciorum, statusq; nostri, efficaciter ac plane Regiè securos nos reddere. Antequam verò ulli tam clementis spon-
sionis effectus ad nos pervenire possent, inci-
derunt proinde dolor hæc infelicia & calami-
tosa tempora, cum Regiæ Majestatis Vestræ
exercitus Clementissimum Regem ac Domi-
num nostrum, Regnumq; Polonia magnâ
vi invasisse, plurimumq; exinde Christiani
sanguinis effusum, neq; pauca præclara
Provincia ac Civitates desolatæ atq; fundi-
tus excisæ sunt. Cujus fuit consequens, ut
calamitas bellica statim à primordio hanc
quoq; attigerit Civitatem, nunc verò magis
in eandem magisq; incumbat. Apparuit
hoc non solum ex hostili & copiosâ impressi-
one in ea bona, quæ ad Civitatis istius terri-
torium pertinent, factâ, sed verò præcipuè
ex Regiæ Majestatis Vre die 14. Maji juxta
Calendarium Julianum Stibilaviæ datis, &
per ejusdem tubicinem transmissis literis a-
pertis intelligere fuit, quod nisi subito de
accommodatione transigamus, extrema om-
nia nobis expectanda sint. Actiones por-
rò nostræ & consilia extremè culpantur,
perq; exprobrationem aliquam expectatio-
ne nostrâ acriorem insinulamur, ac si spon-
te

te culpâq; nostrâ imminetia isti Urbi hoc tempore discrimina provocaverimus. Nos inter ista nihilominus memores sumus debita venerationis & respectûs, quibus nos utriusq; Sereniss. Reg. Majestatem Vestram, Principem tam eminentem, licet tot circumventos adversitatibus, constantè oportet. Atq; idèd arbitramur, neq; consilium esse, neq; verecundia nostrâ congruens, ut cum Majestate Vestrà de omnibus & singulis, quæ in suprâmemoratis Regiis literis continentur, prolixè controvertamus. Propositum quoq; nostrum non est inquirere, an illi, qui Majestatem Vestram ad hoc bellum gerendum perpulerunt, tanti capti sufficientes atq; idoneas terrarum Orbi rationes ediderint: Sed potiùs ejus, qui justè judicat, gentiumq; cordatarum & inclytæ posteritatis judicio id decernendū relinquimus. At enim verò ut Regia Majestas Vestra de consiliorum processuumque nostrorum ad conscientia regulam directā integritate aliquantò intimius informetur, omittere non possumus, quin eidem aliqua momenta perobservanter atq; humillimè proponamus consideranda: si fortè Deus misericors & benignus id nobis gratia concedere velit, ut

Sere-

Sereniss. Reg. Majestas Vestra probè illa in
sublimi Regioq; animo perpendens, quam
nullo nitantur fundamento delata ad Regi-
as aures de nobis detractiones, dijudicet,
benignius de nobis ut bonis fidesq; homini-
bus sentiat; atq; exinde per minas jam in-
tentata contra hanc Civitatem extrema in
effectum deducere pro sublimi gratiâ Regiâ
clementer supersedent. Principio speramus
illos, qui Regiâ Majestati Vestrâ sinistra o-
mnia de rebus actionibusq; nostris impri-
mere hætenùs aggressi sunt, id saltem nobis
concessuros esse, etiamsi fortè in plurimis
deficiamus consummata facultate Civita-
tem exactè gubernandi, & salubria perpe-
tuò instruendi consilia, quod nihilominùs
per benignitatem Supremi Numinis satis
intelligamus, quantum nobis & Urbi isti
populose sicut sit in summorum Principum
atq; inter eos Sereniss. Regiâ Majestatis
Vestri constanti Regiâq; gratiâ, & quan-
to perè ad illam obtinendam tuendamq; ra-
tiones omnes, quæ modò excogitari & ho-
nestè usurpari possint, conquirere meritò
debeamus, quo pacificè vivamus, & com-
mercia, quibus ista Civitas dedicata est ac
dedita, quæq; almâ pace maximè indigent,

in vigore ac flore suo conseruentur. Atq;
 inde non facile quis nos tam perverse ani-
 matos præsumpserit, ac si turpiter projicien-
 tes tantum, & tam perspicuum intcesse no-
 strum, per proteruiam, fastum, ambitio-
 nem, aut alium quemvis affectum Majesta-
 tis Vestræ prapotentia arma ultrò laceffe-
 re, & Civitatem hanc in illa, quæ nunc ip-
 sam circumstant, pericula conijcere consul-
 to destinauerimus. Nos sanè ab istius mo-
 di affectibus immunes præstat conscientia,
 nostræ, ac de super ad Deum omnium cordi-
 um scrutatorem sine serapulo ullo, atq; adeò
 animosè provocare possumus. Quia au-
 tem nihilominus non levia Civitati huic in-
 cubuere pericula, quæ putamur per tolera-
 biles & aliquoties nobis ultrò oblatos mo-
 dos, præcavere ac divertere potuisse, inge-
 nuè equidem fatebimur, fuisse omninò cau-
 sam, quæ acceptare modos illos non permi-
 serit, & porrò nos ad hæc angustias, in
 quibus modò versamur, redigerit. Cete-
 rum omnibus accuratè exablèq; examina-
 ris, atq; perquisitis, etiam illi, quibus ma-
 ximè sumus exosi, aliam neq; reperient ne-
 que producent, quam quod prohibemur re-
 ligione subiectisimæ debitæq; fidei, quibus

Cle-

Clementissimo, & per legitimam electionem
à Deo nobis concessò Regi nostro, Reiq; pu-
blica Polonica, respectivè vigore tam jura-
menti Regi præstiti, quàm ultra duo jam
secula cum Republ. perdurantis unionis ad-
stricti sumus: quodq; ideò ista nos oppresse-
rit calamitas, quia exempli honesti lauda-
torum Majorum nostrorum secuti, recte co-
ram Deo conscientie, & samè honeste co-
ram Orbe terrarum illibatam sinceritatem
tueri studuimus. Uti igitur propter tanti
momenti causus, licet inviti adacti fuimus
ad quendam defensionis media procedere,
& quantum in nobis esset, periculis summis
paulatim in nos ingruentibus occurrere;
ita haud dubiè in proclivi erit defensio eo-
rum, quæ circa illa, subnascentibus, ut sit,
occasionibus acciderunt. Omnino certi su-
mus, dummodò Regia Majestas Vestra cle-
menter dignetur acta nostra eorumq; cau-
sas perpendere, quod nos inter Regni pecto-
ris penetralia jam absolveret, & uti Rex Chri-
stianus nolet permittere, ut propositum bo-
norum subditorum supremo Magistratui
suo fidem incorruptam præstandi (quod in-
primis Evangelica doctrina à quovis since-
ro Christiano exigit) ipsorum ruinam &

exitium operetur, aut Majestatis Vestrae
 prepotentia arma executioni intentatorum
 nobis malorum commodentur. Benignè
 & clementer consideret Regia Majestas Ve-
 stra, si qua calamitas hujusmodi, qualis
 pro dolor Clementissimum Regem nostrum
 ejusq. Regna & dit. ones corripuit, in ipsam
 Regnaq. ejus & ditiones recidat, & inter il-
 las in felicitates Statûs, aut Urbs aliqua
 constanter Domino suo legitimo adherere
 decernat, nec licet oblatiis benignis & ad
 salutem temporalem pertinentibus mediis,
 à fidei sua debito se demoveri patiatur, non
 attentis maximis inde exorientibus damnis
 atq. incommodis, annon Regia Majestas
 Vestra tam honesti propositi, constantiam
 & ipsa laudatura, & paritèr judicatura sit,
 factum id ut potè laudabile & de prædicar-
 dum ab ipsis quoq. hostibus, & quibusvis a-
 liis vero suo precio debere æstimari, etiam si
 acrioribz adhuc processibus, & vehementio-
 ribus, quam quales hactenus nostri necessa-
 rio fuerunt, ipsi impetus prorupissent. Sin-
 cerè porrò declamamus, quod si fortè pauca-
 la quedam adspiciat circa Derschaviam &
 Fürstenwerder à quibusdam nostrorum mi-
 litum incensa fuerint, id & in vestris nobis,

nec jubentibus militia nostra praefectis accidisse, atq; adeò quantoperè a suppliceant nobis talia, per severas prohibitiones, ne quid in posterum istiusmodi intenteur, abundè nostris fuisse denunciatum. Novit praeterea, qui omnia novit, Deus, nunquam placuisse Nobis calumnias & libellos famosos, & constat publicè, nos Praeconsules & Consules, quoties tale quid fuit vulgatum, seriò inquisivisse in Autores, & in Typographos facinoris compertos animadvertisse. Proderunt sanè, quae vocantur novellae, de variis eventibus, saepè non absq; favore partium, aliquando contra quam se res haberent. Sed neq; nos illas producimus, uti ipsa Regia Majestas Vestra per se satis intelligit, neq; prout nunc sunt tempora, ordinarii Magistratus commode mutare ea, quae ita sunt, aut prohibere possunt, gestientibus utring; partibus faventium animis, quod ipsi optant ac cupiunt, sparsis prosperis rumoribus praesumere, affectumq; suum declarare. Id quod palam notum est Elbinge, Regiomonti, Stetinæq; toto die fieri. Postremò non possumus, quin Nos, qui istius Civitatis Senatum sumus, de eo conqueramur, quod Sereniss. Majestati

Regia

Vræ quidam sunt persuadere conati, quasi quæ nomine Majestatis Vestræ ab ejus ministro vel alijs ad hanc Civitatem fuerunt delatz, non sincerè retulerimus ad cætera Collegia, ex quibus consilium istius Civitatis publicum compotesq; in aliam speciem sponte nostrâ transformaverimus. At verò nos pro ratione officii nostri, omnia ac singula fide optimâ per omnes in utramque partem circumstantias proposuimus, & cum cæteris Ordinibus sollicitè expendimus atq; examinavimus. Cui rei testimonium solenne nos cæteri Ordines Senatui nunc perhibemus. Atq; post illa omnia humillimam absolutamq; fiduciam in misericordia ac bonitate benignissimi Dei reponimus, non dubitantes, quin velit clementer hanc Civitatem protegere, & paternâ suâ gratiâ disponere animos tam Clementissimi Regis ac Domini nostri, quàm Sereniss. quoque Majestatis Vestræ, omniumq; eorum, qui utring; à ministeriis & consiliis sunt, quo sincera ac mutua hinc indè amicitia rursus stabiliatur, almag; pax cessante cruento isto bello reducatur. Neg; dubitamus, quin Regia Majestas Vestra inter ista Christianè & clementer id actura sit, ne res Evangelica

angelicæ Religionis aliquid detrimenti capiat, neve, quod maximè formidamus, bello ulterius progrediente, animiq; supra modum exacerbat, in ea præcipitetur pericula, ex quibus illam eripere difficile fortè erit. Deum precamur, ut malum tantum clementer avertat! Nos quoq; & tota Universitas semper erimus, salvis iis, ad quæ per juramenti & fidei nexum tenemur. Tali modo Magistratus Gedanensis Regi Carolo respondit. In Majore Poloniâ Duces Suetici passim cum Proceribus & Nobilitate Provinciæ, tum & inprimis cum Stephano Czarnecio variâ fortunâ luctabantur; qui, more suo, pro re natâ, nunc cedebat, nunc, quâ poterat, denuò carpebat hostem. Cracoviam Regni Ensisfer Zebrzydovius, & inprimis Lubomierscii fratres vicinorum Nobilium ope obfidere caperunt; tametsi alter horum Regni Mareschalcus, datus à Rege Ductor Equestri Ordini, non uno loco consisteret, sed circumlato per provincias, quas hostis tenebat, terrore, postremò quoque Regi in recuperandâ Varsaviâ operam adnavavit. Carolus verò Gustavus inter tot adversa sollicitus, nova fulcra nutanti

potentiæ suæ quærebat. Neq; aliud præsentius & validius quàm ab Electore Brandenburgico sibi pollicebatur. Eum itaque omni studio ad jungenda secū arma pertrahere conatus est. Effectumq; tandem per Internuncios, ut Hollandiæ, Prussię Ducalis oppido, consilia Rex cum Electore conferret. Ibi arcanis inter præcipuos utriusq; partis Ministros colloquiis, leges novæ societatis scriptæ: & exercitus utrinq; mox Golubum, quod oppidum septem leucis à Thorunio distat, movere jussi. Elector verò quod Regi Poloniæ illaturus erat, bellum per literas Regiomonti primo Julii scriptas denunciavit. Quibus non sine stupore lectis Rex, prout res præsens & ratio poscebat, indignabundus & jura feudi, veteraq; beneficia prolixè objectans vigesimo quinto Jul. respondit. A literis deventum est ad arma, quæ lethalem maximè ictum intulere Poloniæ. Et omnis melior orbis indoluit, cum Regem Joannem Casimirum, ab exilio noviter reversum, & collapsæ fortunæ tabulas demùm colligentem duo exercitus Svecicus & Brandenburgicus aggressi sunt.

Posita

Posita erant castra Regia apud Pragam oppidum, Varsaviam contra situm, nec inde ampliore spatio distans, quam quod interfluentis Vistulæ alveus occupat. Circumjectus exercitus Urbi, ita ut hujus unum latus Vistulâ, alterum castris latè porrectis protegeretur. Et castra ipsa satis munita videbantur, operibus, quæ opus esset, adstructis. Militum quoq; plus satis aderat: Etsi Nobilitas, quæ nupèr adfuerat, tædio morarum, seu defectu annonæ domum redierat. Hostes inter Vistulam, Bugum & Narvam ananes aliquandiu morati; Trajecturi credebantur cum ad Zakrocinum ripas fluminis ponte junxissent. Sed iis eis Vistulam subsistere, Polonis trajicere, hostiq; occurrere placuit. In campis igitur, Pragæ oppido adsitis explicatæ sunt cohortes. Hostibus, cum provocâsse ante, nunc provocari viderentur suborta dubitatio, nùm prælio committenda res esset, ubi si infelicitè fortè pugnaverint, totius belli fortuna erat periclitatura. Et Gallicus Legatus ancipitem aleam Carolo Regi pugnaturum cum curâ proposuit. Sed jam eò deventum videbatur, ut ad conflictum.

non animus solùm Regius, sed & necessitas ipsa hortaretur. Diutius enim illis campis stare exercitus hostilis non poterat citra extremæ famis periculum, cùm gregarius jam tùm toto biduò jejunâsset. Potius igitur pugnandum, quàm aut cedendum, aut inediâ pereundum videbatur. Proindeq; in aciem uterq; Princeps eduxit suos. Dextræ alæ præerat Carolus Rex & frater ejus Adolphus Princeps, Philippus Palatino-Sultzbacensis Comes, Carolus Marchio Badensis, Gustavus Comes Oxenstierna, Douglasius, Hornius, Bulovius. Sinistram Elector, Comes Valdecus, Sparrius, Cannebergius curabat, quibus à Rege, Carolus Gustavus Vrangeli-
us, Tottius, Böttcherus adjuncti. Polonicum exercitum præcipuâ post Regem autoritate regebat Stanislaus Potocius, Dux supremus, Landskoronscius Campiductor, & Czarnecius, quâ tamen infelice consilio aliò mox missus pugnæ non interfuit. Lithvanicas copias adduxerat Paulus Sapieha Palatinus Vilnensis, idemq; exercitus Lithvanici Dux: eximiam haud dubiè operam in hoc campo præstiturus Regi & Reipubl., nisi tristis casus præno-
illum

illum exclusisset. Quo enim die antecursores Suetici ostendere se cæperant nostris, ille prælium imminere sentiens, Ductores Ordinum tumultuario convivio exceptos ad nobiles belli ausus velut sacramento adegerat. Cum mutuan sibi laudabilis operæ fidem dedissent, insonat rumor, adesse hostem. Ille ardens cum suis evolat. Sed incautius festinanti, gravissimo equi lapsu, cruris dextri os diffusum est. Ita saucium vulneris curandæ causâ Varsoviam deportari oportuit. Ex acie Polonâ primi omnium hastati in hostem inveciti, duas ferè turmas Suecicas protrivèrunt. Quos si cæteri pari alacritate secuti essent, haud dubitatum, eo die penes Polonos mansuram fuisse victoriam. Incursum enim illorum disrupti hostium Ordines nec sine multo negotio restituti sunt. Et adeò penitus in aciem hostilem se immerserant præultores illi, ut unus ex iis ipsum Regem Sueciæ hastâ aggressus, penè dejecerit equo. Sed is à nullo suorum sublevatus, Suecico deinde sclopo trajectus est. Tartariæ alæ terga hostium circumire & illac irrumpere tentavèrunt. Sed cum omnia ibi peritiâ Du-

etorum pravis munitaq; reperissent, non ausæ sunt tonantibus undiquaque machinis se objicere. Peditatus Polonus imperata non impigrè faciebat. Non minùs quoq; pars nonnulla equitum. At in multis aliis par alacritas est desiderata. Rex ipse satagebat rerum suarum, & ubique obequitans voce indefessâ animare conabatur suos; ipse periculi nec fugians, nec expers, cum non procul ipso Subpræfectus Nadorowski caderet, nec non famulus Andreae Trzebicii, qui tùm Vice-Cancellarius Regni, Regem fido obsequio, etiam præliantem comitabatur. Regina quoq; animosa Princeps ex adversâ fluminis ripâ non spectabat otiosa prælium, sed astans machinis grandioribus, jussa militaria dividebat. Cæterùm hostes singulari sagacitate occurrere insidiis, eludere imperus, stationes, prout res posceret, mutare, bono ordine laborantibus succurrere, machinis ubiq; se tueri, iisdem oppositum equitatum, talium insolentem, terrere & avertere periti, & tùm insuper, velut desperationis quodam æstu, ad contendendos omnes virium & solertiæ nervos compulsi, etsi plu-

res suos amisissent, quàm trucidassent Polonos, deniq; prævaluere. Sed utriusq; partis confessione certum exploratumque habeo, quod ante dixi, longè difficiliorē incertiorēq; futuram fuisse victoriam: si in primo conflictu aggressores Poloni à suis sublevati, si & tormenta tormentis opposita fuissent: & denique ad nutantem fortunam restaurandam noctis beneficio usi nostri, die sequenti ad prælium rediissent. Nam apud hostem & milites & equi fame jam d. ficiebant; victu Polonis liberaliter suppetente. Sed hi perditâ vincendi fiduciâ, noctu, urgente nemine, ultrò abiêre. Cum pro magnitudine prælii pauci sanè cecidisset, paucissimi etiam & penè nullus ex primipularibus captus esset. Neq; aliud difficillimi periculossimiq; congressûs solatium habuerunt hostes, quàm quod Præpam oppidum eo die, sequentibus verò Varsaviam desertam obtinuere. Urbs commissa Bülovio est. Rex Sveciæ cum expeditissimis suorum Cracoviam ire decreverat, opem ei loco laturus adversus circumfusam Nobilitatem. Sed cum Radomum pervenisset, monitus est, diffici-

lem sibi ad suos regressum fore. Polonico exercitu, qui sospes & integer cessisset, facile illi itinera interclusuro. Itaq; Varsaviam rediit, atq; illinc in Prussiam profectus, cum Mariæburgum peste infectum reperisset, Reginam suam Frauenburgum duxit. Ubi tùm ei Cancellarium Ericum Oxenstiernium virum, si proximisset, magno Patre non futurum minorem, febris acuta abstulit. Elector cum copiis suis ad Bugum amnem nonnihil moratus, exercitum morbis haud parùm imminutum reduxit in Prussiam suam, quam tùm Gonsievius alter Lithvanicarum copiarum Dux incurfare cæperat. Atq; idem paulò post cum Comite Valdeco ad Lycum oppidum feliciter congressus, fuderat Electorales copias, & qui interfuerant, Succos. Captiq; istic ab auxiliatoribus Gonsievii Tartaris Israël nominatissimus Suecorum tribunus, Engeliu item, Brunellus, Kok, Scharenbergius, aliiq; quidam in Tauricam captivitatem acti, in quâ multos annos miserè contriuere. Captus ibidem Dux Boguslaus Radzivillius stabuli M. D. L. Præfectus. Sed benigniùs cum eo egit
fortu-

fortuna, quæ ex Tartarorum manibus ereptum, Gonsievianæ custodiæ tradidit. ex quâ deindè, cum Stenbockius Comes in Livoniam tendens Gonsievio incauto superveniret, elapsus est. In Livoniâ interim Moschus ingentes fecerat progressûs: occupatisq; locis compluribus caput Provinciæ Rigam 19 Augusti capebat obsidere. Ubi in primis inicitis equitatus Suecicus Moscho se ausus objicere, ad villam Bartholdi multos suorum amisit, atq; inprimis ipsum Ductorem Comitem Turritanum & Cronmannum pro-Tribunum. Comitæ deindè caput à cadavere abscissum viduæ Conjugi Moschus remisit. Exin à I. Septemb. usq; ad V. Octobr. quotidianis grandiorum machinarum fulminationibus fatigata Urbs est: defendentibus illam Comite Magno de la Garde, Gubernatore Livoniæ, Simone Helmfeldio, aliisq; Ductoribus, quorum virtuti Magistratûs & gnavissima civium Rigensium opera feliciter respondit. Undè tandem, quam vastissimo exercitu & maximâ tormentorum ad deditionem compelli non posse hostis videbat, deseruit; hyemem inprimis ingruentem ve-

ritus, quæ victum jumentis, tantæq; hominum multitudini difficilem redditura, tûm & opera sua circa Urbem structa aquis corruptura videbatur. Dùm hæc in Livoniâ aguntur, Ordines interim fœderati Belgii classem Rectore Opdamio, Sub-Præfædis Reitero & Trompio, ad portûs Gedanensis littora misère, pro libertate portûs istius excubituram. Mûnt eodem quoq; suam Rex Daniæ. Nec multò post mirificum fortunæ facinus magnû Bellatorem Comitem Königsmarckium à suis proditum in manus & captivitatem Gedanensium tradidit. Rex Poloniæ Varsaviâ nupèr Lublinum regressus, collecto denuò exercitu hostem in Prussiâ ipsâ quærere non dubitavit. In itinere Laucicia armis expugnata est, & oppidanorum major pars furore militari trucidata. Præsidarii in arcem se recepère, sed vi & fame ad deditionem compulsi sunt. Captus ibi Schöneckius Electoralis Tribunus, tûm Boninus, eidem Electori à consiliis intimis, atq; hi in Prusliam secuti sunt Regem victorem. Qui deina prætermisso Thorunio, quod moram & vim majorem requirebat, Choiniciam aggressus

gressus est, infessam tùm præsidio Svetico, sub ductu Johannis Georgii Principis Anhaltini. Hic inexpectato aggressu deprehensus, se tamen & oppidum duabus illis legionibus, quibus præerat, impigrè aliquamdiu defendit. Sed potentiæ Regiæ impar, cùm honorificas à Rege conditiones impetrâset, suos omnes in Pomeraniam cum impedimentis, securitatem itineris præbente Regii militis comitatu, deduxit. Tam benignum se Johannes Casimirus ubiq; etiam hostibus præbuit. Eodem quippe tempore dedita est Calissia, factâ præsidariis Sveticis Thorunium eundi potestate. Ita ovantem Regem fortuna deduxit Gedanum, ubi maximis post tot rerum vices lætitiæ indiciiis exceptus, non obscure vicissim ostendit, quanti constantem Urbis fidem æstimaret. Et omnium confessione certum est; hanc si Urbem Svecorum Rex arbitrio suo obsequentem habuisset, maximum illi indè stabilimentum ad retinendam potentiam fuisse accessurum. Nam nec nervus rerum, nec supplementa militum tam nobili portu fluenti defuissent; & in Polonos convertere ille totû

exercitum potuisset, cujus non spernendam partem, Urbem à tergo positam respectans, in viciniâ ejus coactus fuit relinquere. Caterùm Regem Poloniæ in Prussiam comitati erant Duces Stanislaus Potocius & Landskoronius, cum exercitu benè valido. Sed hic inclementiæ hyemis diu obluētatus, cum & victûs inopia instaret, ad liberaiora hyberna, relicto circa Urbem peditatu, discessit. Hostis diu hætenùs in Mariæburgensi Insulâ nocendi occasiones speculatus, misit expeditissimos suos, qui abeuntes sequerentur. Et nonnulli incautius agentes non procul Choiniciâ oppressi sunt ab Aschenbergio; non inulti tamen, cùm plurimi persecutorum in manus Stephani Czarnecii inciderent: cum antequam vicinam cognovissent, præsentem clade suâ experti. Opportunè enim ille Choiniciam cum copiis suis venerat, deductâ illuc Reginâ, quæ ad Regem tendebat. Rex interim Gedano Ignatium Boncovium Succamerarium Culmensẽ, postea Pomeraniæ, nunc Mariæburgensem Palatinum, virum grandi ingenio, rerumq; usu ad ardua aptissimum, in Moscoviam ablegavit, proro-

prorogandis induciis, quas ille cum Republ. Polonâ antehac initas, tûm quidem adhuc servabat, bello Livonico occupatus, & in spem adductus, fore, ut Successor viventi etiam Regi eligeretur. Quod nec certò promittere Respubl. voluit, ne libertatem eligendi infringeret, nec aperte negare, ne ambitiosum Despoten tali tempore offenderet. Sed dexteritate Succamerarii, & qui eum secutus est Sumovii, tûm Commissariorum alibi cum Legatis Moscicis agentium effectum est, ut amicitia inter Moschos & nostros tûm adhuc incolumis maneret. Accessit alia illic belli remora, pestis atrocissima, quâ innumera hominum in Moscoviâ multitudo extincta est. Regem verò ambigua tûm tenebat consultatio, cum pacem sibi perpetuam aut cum Moscho, aut cum Sueco necessariam videret, utra præferenda esset. Legati Gallici Avangurius & Antonius de Lumbres ad Svecicam hortabantur, & prolixam illuc operam offerebant. Alii & inprimis Procerum Lithvanorum pleriq; pacta cum Moscho continuari maluissent. Sed Rex, cum ad æquam & optabilem pacem neutrubi sa-

tis matura omnia videret, novas armorū societates & subsidia quærebat. Atq; ad Cæsarem inprimis Germanicum jam dudum missi fuerant Legati, qui opem istic sollicitarent, ostensis periculis, quibus per Reipubl. Polonæ stragem, aditus ad provincias Austriacas strueretur. Rem eam magno inprimis studio egit Joannes Comes de Lefsko Palatinus tùm Posnaniensis, Joanne Wielopolscio, Castellano tùm Voinicensi, post Palatino Cracoviensi, viro magno in Republ. comitatus. Sed Ferdinandus III. Cæsar, diu cunctabatur, veritus ne instans suis terris periculum propiùs ad se attraheret. Nec nisi mortui vicinus decrevit rem Polonam seriò sibi adjuvandam. Mors deindè superveniens cæpta opis ferendæ consilia interrupit. Neq; enim è re filii Cæsarei visum est, subito se bello externo implicare, antequam res domi suas, quæsitis etiam alibi fæderibus firmâisset. Occultè itaque commeavère consilia, quibus major plurium Principum societas adversum Polonia hostem struebatur. Et Rex Joannes Casimirus proximi sibi Electoris amicitiam, eo tempore, ut maximè necessariam, requi-

requirendam duxit. In quâ conciliandâ jamdudum arcano labore occupabatur Venceslaus Comes de Lefino, Episcopus tum Varmienfis, postea Regni Primas creatus. Cui ut Principi tanti operis architecto alii subservierunt; inter quos me fuisse, fiduciâ veri fretus, profiteor. Et successisset tum opinor negotium, nisi novum è Transylvaniâ obstaculum intervenisset. Et Rex ipse Suecorum, circa Hollandiam oppidum cum Electore congressus, blandiente suadâ Principem hunc ita sibi illigaverat, ut tum quidem ab eo auelli nequiverit: cumq; ad illum ego, qui hæc scribo, sub id tempus ideò missus essem, ut vadum compositionis tentarem, post longam satis moram id tandem responsum accepi, fortunam necdum videri res Poloniæ ad æquam pacem maturasse. Interea autem Lithvanici exercitus Prussiæ Ducalis agros & oppida in finibus sita, igne & ferro vastabant. Et hoc tempore à Paulo Sapichâ Pala ino Vilnensi expugnatum est Tykoczinum, quod situ & arte munitissimum, obsessores diu eluserat. Cæsi itic ab expugnantibus plurimi ex iis, qui contra Patri-

am consilia & arma hosti commodaverant. Accepta etiam ingens praeda, cum illi hostium socii pretiosissima quæq; huc intulissent. Eâ tempestate Rex Sveciæ novo & atroci ultionis genere suam in Gedanenses iram effudit. Perfosa enim parte aggeris illius, quo depressius solum contra litulæ vim defenditur, aquas fluminis in subjectam Urbi Insulam immisit. Ita multi cultissimi agri inundati, ex quibus hætenus opima tributa miles Sueticus hauserat. Obruta & sata, & pascua, & vasto adeò circa Urbem æquore effecto, egestas longè sparsa est. Incolæ enim subito aquis circumdati, agrè se & sua subduxere periculo, & cum primum aliqui sub tigna confugissent, postea tamen, ubi hiatus aggeris indies major, plures identidem aquas, nullam verò spem remedii admitteret, in vicina dilapsi sunt. Plerosq; novum illud æquor, inhumanum iratæ potentia opus, in Urbem devexit: Nam ad ipsa usq; mania stagnabat fluvius, magnoq; aliquando impetu per cataractas in Urbem illapsus, humiliora ad Motla ram loca perfudit, metumq; majoris diluvii Civibus iniecit. Sed intra Urbem

bem quidem nihil tristius postea fluvio licuit. Cæterum extra mœnia, toto amplius lustro vastissima terrarum circumjectarum spatia usui solito inepta reddiderunt aquæ. Neq; enim agger nisi post bellum reparari potuit, & cum deinde maximis Urbis impensis reparatus esset, aquarum & glaciei violentia opus recens destruxit: nec nisi alter & eò gravior labor & sumptus fluvium coercuit, ut veteri more innocens & commodus accolis esset. Sed jam novam Poloniæ calamitatem ex Transsylvania natam exponere aggredior. Provinciæ enim illius Palatinus Georgius Racocius contractas longo molimine copias in Poloniam deniq; infudit: dudum ad id à Rege Sveciæ, & Cronvellido Anglici Dominatûs invasore sollicitatus, tum aliis quibusdam pravi consilii Magistris impulsus. Nullâ is unquam injuriâ læsus fuit à Rege vel Republ. Poloniæ. Quin imò multis benevolentix pignoribus obligatus tenebatur utriq;. Nam & antehac bello Valachico, cujus supra facta mentio, copias ei suas submiserat Rex, & postea eundem Civitate Polonâ donatum, omnium Nobilitatis

litatis jurium, summorumq; adeò honorum, autoritate Comitiali fecerat capacem. Bello præterea postremo amicissimis identidem literis Rex & Respubl. opem ejus quæsierat, spe etiam factâ, adipiscendæ olim, post fata Regia Successionis. Sed is invadere Regnum, quàm mereri, & eripere, quàm expectare maluit. Venit igitur in Poloniam, ingentem non Transylvanorum tantum, sed Moldavorum Valachorumq; exercitum (triginta millium capitum pleriq; fuisse asserunt) trahens: juxtaq; magnam Cosacorum multitudinem, quàm jamdudum occulto foedere & pretio adversus hanc Rempubl. autoraverat. Atq; ut animos sibi Polonorum faciliùs molliret, spargi passim jussit, venire se animo Poloniam servandi. Artem Cromvillianam tum nimis usitatam secutus, quâ oppressuri Regna, blandè, & velut protecturi, alas expandere cernebantur. Et aliquibus sane fallaci hac specie impositum est. Rex Gedano festinatis itineribus in Poloniam properat, curâ hîc rerum ad breve tempus relictâ penes Joannem Sobiescium Regni Vexilliferum, qui tum juvenis militiæ & in

in Aulâ prægratiosus, summarum Virtutum meritis ad primarias postea in Rep. dignitates, & ipsum deniq; sceptrum Poloniae pervenit. Regem Gedano deduxit Stephanus Czarnecius, qui hostibus mirè circumductis, alicubi etiam profligatis cum expeditissimis suorum idè accurrerat, ut ituro Regi esset præsidio. Czesochoviae habentur consilia, loco jamdudum miraculis celebri, sed qui hoc bello felicissimâ ac planè mirificâ sui tutelâ famam sub Cordecio Cœnobiarchâ plurimum auxit. Verùm quia quæ istic hac tempestate gesta sunt, singulari commentario complexus est illustris Senator Stanislaus Cobierzicius Palatinus Pomerniae, qui idem antehac Vladislaum Principem curatissimè composuit; nolim huc intexere, quæ ibi recens edita prostant. Viennæ mox cæpta ante de auxiliis Poloniae ferendis consilia eò jam magis recalescebant, urgente inprimis Boguslao Comite de Lesno Regni tùm Thesaurario, qui cum plenâ tractandi facultate in aulam Cæsaream missus, inter alia salisfordinarum Cracoviensium reditus in stipendia militis Germanici publicâ Regni fide

fide promittebat. Et successit tandem negotiatio, obtentusq; est ab Austria decem millium peditum, sex equestrium exercitus. At Racocium prius monendo avocare à bello conatus fuit Cæsar, misitque ad illum Hungariæ Cancellarium, qui capti iniquitatem, & malos eventus Principi ob oculos poneret. Sed in fata sua ruentem nulla suada, nulla auctoritas retinuit. Ingressus Poloniæ fines rectà petiit Cracoviam, quam tradere ei Rex Sueciæ promiserat. In eâ Urbe jamdudum tenebatur obsessum Sueticum præsidium, rem ibi curante Georgio Lubomierscio, Magno Regni Mareschallo. Sed novo hosti occursury abstraxerat indè copias, & postea injurias à Racocio, Poloniæ illatas, in provinciis ipsius, comitante Joanne Sobiescio Regni Vexillifero, de quo paulò antè, ultus est: latè sonantibus per aspera illa montium armis Polonis, famâq; ipsâ Ducû, quibus & Majorum decora & virtutes suæ magnum jamdudum nomen in illis etiam oris, pepererant. Racocium verò obvius cum copiis suis Sueciæ Rex & Comes Valdecus, Electoralium turmarum Ductor Cracoviam deduxere; nullo

nullo impediēte, quia non erant in promptu vires, quæ tanto & ex tot gentibus in unum conflato exercitui opponi possent. Undè feroces potentiâ hostes longè latèq; mox per Provincias vim sævam diffudère. Et quod Brestiam Lithuanorum conficiendis cum Moscho pactis destinatam noverant, eò iter verterunt, incredibili violentiâ ubiq; pauperiem facientes. Brestiâ nullo negotio occupatâ, Varsaviam progressi sunt, & Sedi Regiæ junctim omnes, sed præcipuè Muldavi, Cosaciq; immanitèr insultavère. Et tùm inprimis direpta ferro, juxtaq; flammis vastata sunt, quibus antehac Sueci Germaniq; pepercerant. Sed & hi à sociis barbaris velut contagionè infecti corruptiq; nihil hic crudelitatis omiserunt. Quodq; juncti hi omnes populi fecerant, separati etiam postea facere perseverârunt: singulis libidinem & avaritiam explere cupientibus, quasi sentirent, nunquam deinceps huc se redituros. Mox enim ut ipsi inter se divelli, ita res omnium mutari ceperunt. Sueciæ Regem Dania trahebat, quæ bello tùm indicto, antiquitùs ablata à Suecis repetere voluit. Sve-

cus ad sua defendenda festinans in Prussiam primò, deindè per Pomeraniam ad Albim, porroq; in Holsatiam ivit. Ubi quas utriusq; sortis vices expertus sit, ex aliis disci Scriptoribus potest: Sed & a nobis aliquandò, Deo volente, uberius exponetur. Nunc Racocianæ fortunæ periodum absolvere juvat. Postquam Palatinus iste à Rege Sueciæ secesserat, Cracoviam repetere statuit. Sed dùm in itinere est, Cæsareum exercitum cum Polonicis junctum, non procul ab illa Regni Principe Uibe abesse intelligit. Quæ res quò provisa minùs, eò vehementius illum conturbavit. Nam agitari quidem inter Cæsarem & Polonos conjunctionem dudum animadverberat. Sed tam citò coalituram & in effectùs tam properos erupturam, sibi non persuaserat, solito in *perniciem ruentium fato, ut contemptu sibi accelerent periculum: quodq; prudentià vitare potuissent, inconsulto impetu ultrò incurrant.* Cæterùm ille Cracoviam, ita jam circumseptam non ausus reverti, Sandomiriam progreditur: exercitu ejus indies minuente. Qui enim secuti ipsum erant Moldavi, Valachi, & similis notæ, cum

cum rapinis sese onerassent, de his asportandis solliciti jam erant, de Racocio securi, nec nisi ad prosperam ejus societatem proni, malorum consortium abnuebant. Ita à multis jam desertus, eò citius recedendum sibi censet, ne propiore hostium suorum accessu trepidatio ceteros quoq; abriperet. Itaq; apud Zavihostiam abjectis impedimentis tranat Istulam flumen, instantes Polonos apertâ formidine jam fugiens. Copiæ Regiæ fœderatis junctæ, Cracoviæ vicina repetunt; Sed Ducibus Polonis Lithuanisq; nec non Palatino Russiæ Czarnecio datum negotium est Racocium persequendi. Pari omnium & velut æmulâ alacritate, quanquam viis diversis, instatur fugienti. Primus eum ad Magiroviam assecutus expeditissimus ille Czarnecius, Sapiehanis turmis, quas Polubienscius nunc Marschallus Lithvaniæ ducebat, comitatus magnâ clade depressos affecit, cæsis eorum quàm plurimis: præsertim Cosacis, quos tergo suo prætenderat Racocius. Machinæ tùm ablatae suprâ viginti, captivorum multa millia liberata. Exin tantò magis dilabi cœperunt non Moldavi tantum, sed &

ipsi Cosaci, quorum robori plurimum habentis confusus erat Princeps, & in terra ipsis notissima fugere volentibus viarum, quibus se subducerent, compendia facile patuere. Postremi eorum, apud Miedzibozum fugam orsi, aggere transfosso, ut Polonos instantes morarentur, Racocio ipsi, quem à tergo jam reliquerant, iter præcluserunt. Eò pronius assequi illum Duces nostri & undiquaq; cingere potuere, per diversa itinera in unum denique congressi. Nam & Magnus Marschallus Lubomierscius, qui superiore mense Racocium, ditiones ejus vallando, ex Polonia evocare studuerat, per arduas montium salebras reduxerat interim milites suos, quanquam difficillimo & equis imprimis periculoso itinere lassos. Extremis itaq; periculis se tandem circumventum sensit Racocius. Nam perpetuò jam ejus castra Poloni Lithuanique undiquaq; sollicitabant. Superandus erat Hypanis fluvius, cujus trajectus recessum ejus non parum erat moraturus. Neq; ignorabat is fronti suæ Tartaros imminere, quos fama belli à Racocio in Poloniam moti contra ipsum exciverat, Turca minime id prohi-

prohibente, quem ista Principis Vasalli
audacia non parùm offenderet. A tergo
cum Rege Joanne Casimiro exercitum Au-
striacum sequi, fama studio à nostris spa-
sa ferebat, quæ apud trepidos facile fidem
invenit. In præcipiti igitur constitutus
Racocius, pacem orare constituit, misitq;
Mikeßium Cancellarium suum. Qui inter-
rogatus à nostris an paratus esset Racoci-
us omnia Divina humanaq; in Poloniâ à
se violata, & magnam partem in cineres
conversa, auro vel sanguine pensare, re-
spondit: Aurum non dabimus, dum fer-
rum tenemus. Subjunxit Palatinus Rus-
siæ Czarnezius; *Racocio instant extrema,
nobis verò sanguis jam penè profilit venis,
pro Rege & fortunis nostris effundendus.*
Quæ prolocutus proripuit se loco, suosq;
milites tubarum clangore convocatos il-
lico ducere coepit in hostem. Quem pa-
ri alacritate secutus est Polubinski cum
Lithvanis. Quæ res non Mikeßium mo-
dò, sed & cæteros, qui in castris hærebant,
perterruit. Unde & Janussius Keminus
copiarum Racocianarum Dux prælio pa-
ratos videns nostros, per Druskevicium
ad pacem tractandam spatium oravit.

Impetu itaq; fortissimi Czarnecii blandè inhibito de conditionibus actum. Quas victores primùm numero novem, omnes duriusculas imperavêre. Sed Mikeſſius homo ſacundus & agilis à generoſo Ducum animo moderationem earum obtinuit. Deniq; ergò in has leges conventum, ut deprecetur Poloniae & Ungariae Reges & ingentem pecuniae summam exercitui numeret, renunciaret amicitiae Sueticae, captivos omnes, & deniq; Cracoviam Breſtiamq; Lithvanorum, quantum in ſe ſit, reddi faciat. Sancitâ pactione, datisq; obſidibus, St. Abaſſio & Georgio Geroſſio, copias ille ſuas per mediũ exercitum Polonum duxit. Ipſe cum Ducib9 noſtris eodem deindè curru vectus, multa familiaritèr de belli ſociis queſtus, Coſacorum inprimis ſubleſtam fidem accuſabat, ſuam verò uti liberaret, miſit extemplo internuncium ad Januſſium Bethlehemum, quem Hungaris in præſidio Cracoviae relictis præfecerat, jubens, ut milite indè educto, Regi Poloniae tradat Urbem. Ac Bethlehemus quidem Racocio Domino ſuo, at non item Bethlemono Sueticus Gubernator Paulus Würtzius paruit.

Nam

Nam is obsidione demùm ac Cæsareani Ducis Hatzfeldii tractatu ad deditionem Urbis istius flecti potuit; tandemq; 24 Augusti cum milite suo impedimentis omnibus, & opimis spoliis in Pomerani- am, deductus est, multis Polonorum con- ditiones, quas nimium laxas ab Hatzfel- dio obtinuerat, ægrè admodum ferenti- bus. Racocius verò vix dum finibus Re- gni egressus in majora mox discrimina incidit. Facilitati Polonæ satisfecisse vi- debatur pro illatis injuriis, at minimè Di- vinæ Nemese. A quâ in Scythicas ma- nus traditi sunt, qui Polonas effugerant. Tartari enim, qui jamdudum capta istius Principis agris oculis aspexerant, nunc percussum & oppressu facilem conspicati, loco sibi opportuno circumdedere exer- citum ejus, eundemq; haud multo nego- tio victum, unâ cum Ducibus, Tribunis, & Ordinum Ductoribus in Tauricam ab- duxerunt: cedentibus sic in prædam bar- borum iis, qui modò Poloniam barbarè deprædati erant, suaq; adeò facinora fœ- disima ibi servitute expiavere. Neq; Ra- cocius ipse eadem vincula effugisset, nisi, jussu Ducum, à Joanne Sapieha exercitu-

um Regni Notario comitatus, & ab aliis
 Polonis viâ Tartaris ignotâ supremo di-
 scrimini fuisset subductus. Ad eum mo-
 dum qui nupèr plusquam triginta milli-
 bus stipendiariis cinctus, in Poloniam ir-
 ruperat, nunc vix quinquaginta homini-
 bus stipatus, summâ cum trepidatione, &
 salvis vix dentibus, in Patriam suam rediit
 atq; ita rediit, ut post ea vî Ottomannicâ
 non solum honore & possessionibus suis
 omnibus sed & vitâ exueretur: Magnum
 & illustre Principibus documentum, *non
 esse appetenda bella iis, quibus pace sine in-
 juriâ frui licet: & de suis ut plurimum pe-
 riclitari qui improbè inhiant alienis.* Sve-
 tici Regis in Holsatiam discessus, ruina
 Racocii, & Austriaca auxilia captum diu-
 dum cum Electore Brandenburgico recon-
 ciliationis negotium nunc tandem acce-
 leravêre. Cum præter Episcopum Varmi-
 ensen, quem ante huic operi invigilâsse
 diximus, Vincentius Gassevius Thesaura-
 rius & idem Campiductor Lithvaniæ, cum
 aliquibus Ministrorum Electoralium, qui
 arma cum Svecis juncta minùs probave-
 rant, imprimis Barone Overbequio, rem
 valide ageret. Et ingens momentum ad-
 debat

debat Franciscus Baro de Lisolâ à Rege Hungariæ & Bohemiæ in id missus, ut Electorem ab amicitia Svecicâ avulsum, Polonia restitueret, eidemq; societati, quam Patre orbis, & Imperii Germanici janî Candidatus Leopoldus nuper cum Rege nostro & Republicâ inierat, innecteret. Respondit labori successus & Labiaviæ primûm Compositionis leges scriptæ, postea verò Bidgostia mutuo Principum sacramento sancitæ sunt. Splendida satis illæ in partem Electoris, Polonis graviores semper visæ, nisi eas tempori datas excusaret necessitas. Goltievius interea in Livoniam movit. Ubi ei prosperè primûm res cessere, adeò ut Rigam quoq; ipsam circumfidendi caperet animum: quamvis non immemor, eam nupèr à Moscho majore longè exercitu frustra oppugnatam fuisse. Cæterum capto obsidio, dum ipse alibi gravibus negotiis attinetur, malè rem egerunt Ductores. Quorum præcipuus dum ægro- tans alteri regimen instructo convivio tradit, superveniunt obsessi, & quicquid ibi militum fuit, dissipant, cæcis non paucis, captis compluribus. Ita soluta est obsi-

dio, neq; quicquam magnū postea in Livoniā geri potuit. Paulopost verò in Curlandiā pensata est labes, quam circa Rigam Gæstevianis copiis culpa paucorum conflaverat. Germaniani verò his temporibus ingressus est Czarnecius tantā celeritate, ut famam sui Dux longē lateque celeberrimus anteiret. Vigorem Martiamq; sagacitatem Viri jamdudum, audiverant remotissimi etiam populi, nunc vicini vident, hostes extra Poloniā quoque sentiunt. Ille consilii sui obtegens, invictus laboris, ad pericula intrepidus, militi suo carus æquē ac venerabilis, omnia ex voto ubiq; agit. Flumina etiam maxima & quæ alioquin pontibus longē quæsitis, vel suppaginibus lento opere contractis trajici solent, tranat, ipse præviis suis. Pomeraniā Sveticam cum intrāssēt, urbes munitas præterit, oppida, pagos, & quicquid passim patebat, diripit, vastatq; ut ostenderet hostibus, quid in Poloniā peccāssent; Simul & nervos Regi Sveciæ in propriis ipsius terris incisurus. Sed antequam hæc fierent, Rex Poloniæ Bartholdum Rautenfelsium Secretarium ad Electorem Saxo-

Saxonix miserat, qui arma Polonorum in Germaniam transeuntia excusaret. Non enim mirum cuiquam videri debere, hostem Polonix ubivis quæri à Polonis. Nec ideo pacem cum Imperio initam lædi, læsamq; eam potius à tot Germanix Principibus, qui sub auspiciis Svecicis suos exercitus in Poloniam ducere sustinuerint. Causam quoq; Polonix apud fœderati Belgii Ordines agebat, missus Regio nomine Pinoccius Nobilis Italus, postea Regni Indigena, Coricinio Polonix Cancellario intimè carus, quod viri ingenium negotiis gerendis aptissimum cognoverat. Sed Ordines illi suæ in Mari Balthico libertati commerciorum Elbingensi Tractatu consuluisse rati, ultratum non processere. Angliam idem Hieronymus Pinoccius jussu Regio adiit. Verum istic omnia hosti amica, Polonis adversa reperit, Cromvellio insistente consiliis, quæ cum hostibus nostris instigante Enthusiastarum spiritu jam dudum inierat. Polonis autem, sicut Racocii collapsa fortuna & Electoris ad amicitiam reditus, ita Danicum etiam bellum non leve adjumentum attulit. Id enim

Regem Sveciæ ita attinuit, ut nec reverti posthac, nec iustum exercitum mittere in Poloniam potuerit. Atque istuc quoque, perinde ut in Poloniâ fortuna illum primum successu blando ad summa evexerat, sed ut postremò desereret. Principio quippe Holsatiam impunè ingressus, mox sine multo negotio ad ipsam Daniæ metropolin penetravit, patente per maris sinum itinere, cum rigidissima hyems, inusitatis frigoribus, ita durâset glaciem, ut exercitus armatos & impedimenta ferre posset. Ita improvise hostis accessu oppressus Daniæ Rex in pacem consensit, qualem subita necessitas expressit. Sed mox reditum ibi ad arma est, etiam antequam pax effectum sortiretur. Denuò præter opinionem circumventus ille Rex, & non modò aliis ditionibus, sed & inclytâ illâ tùm Regni sui, tùm totius maris clave Cronenburgo exutus, atque intra Regiam sedem Hafniam obsessus est. Cæterum ad unam hanc Urbem fregit impetum & vires suas Rex obsessor. Nam & gravissimo insultu plurimos suorum, inque iis longè fortissimos viros amisit: & mox obsidii spatium dedit Daniæ amicis, ut

opem

opem possent submittere. Misit fœderatum Belgium classem, quæ ducente Vasse-
nario Thalassiarcho, claustrum freti Co-
dani perrupit, & non sine magno pericu-
lo quidem, quippè quod duos Pro-Præfe-
ctos classis Vittium & Florissium, & mul-
tas naves absumpsit, cum classis Svetica,
Duce Vrangelio Comite, vehementissimè
obniteretur, ad Hafniam tamen pertigit,
Regiq; & Daniæ, quæ tota in unâ Urbe
periclitabatur, auxilium tulit. Terrâ
quoq; accurrere Casareæ, Polonæ, & Ele-
ctorales copię; quarû illis Comes Mon-
tecuculi, istis duo insignes Palatini, Rus-
siæ Czarnecius, Podlachia Petrus Opali-
nius; omnibus verò Elector Brandenburg-
icus cum laude præfuit, nihil eorum,
quæ à vigilante & prudente æquè ac forte
Duce requiri solent, in se passus deside-
rari. Quid verò istic actum, quamq; vir-
tuti Ducum militumq; nihil tum defue-
rit, præter naues, quibus trajicere matu-
rè, ad hostem Insulis inmorantem, op-
tabant; non à nobis tantùm si fata per-
miserint, sed & ab externis scriptoribus
tradetur. Certè Polonos istic, imprimis
ad inaccessam Alsen, ad Coldingam, Fri-

dericodeum, nusquam non fortiter rem-
 gessisse, fassi sunt hostes ipsi, & agnovit
 præter alios Princeps optimus Fridericus
 III. Rex Danlæ, uti vel ex Epistolâ appa-
 ret, quam ad Czarnecium scripsit, dignam
 meo iudicio, quæ & hic iis verbis, quibus
 scripta est, legatur, in testimonium virtu-
 tis Polonæ, quæ in Czarnecio, tanquam
 in primario hujus expeditionis Duce ce-
 lebratur: Ita autem habet illa:

*Singulari favore ac benevolentia nostrâ
 Regiâ premisssis, Illustrissime Domine, sin-
 cere grate, Nobis dilecte, maximâ cum
 existimatione Nobis relatum est, quomodo
 Illustr. Vestr. diversis conflictibus, novissimè
 etiam in occupatione Insule Alsen, scot-
 rumq; in eâ Castellorum, inter alia hostis
 copias, numero militum, plusquam triplo
 suis fortiores, præcunte suo agmine proflig-
 ando, virtutem suam verè Heroicam, cum
 laude & admiratione omnium exercuit.
 Quemadmodum Nobis semper de Illustr.
 Vestr., ut pote Duce rebus suis gestis præcla-
 ro, gratulati sumus, affectumq; Serenissimi
 Regis Vestri fraternum in auxilium armo-
 rum nostrorum Illustr. Vestram submit-
 tendo abundè deprehendimus: Ita benevo-
 lentiam*

lentiam nostram Regiam, quam meritis
sis etiam apud Nos Illustr. Vest. acquisivit,
contestari hisce volumus, ex animo optan-
tes, ut felicissimis quibuscunq; successibus
fama Illust. Vestrae non solum Patria, sed
exteris etiam cognita, universo Orbi, præ-
sertim huic Archæo magis magisq; innote-
scat. De cæteris certò sibi persuadeat
Illustrisf. Vestra, nos quicquid officiorum
Nobis præstitum fuerit, grato animo,
omniq; favore Regio cum DEO & tempore
agnituros. Dabantur in arce nostrâ Re-
giâ Hafniæ die 24. Decembr. Anno 1658.

Hoc anno (ut togata quædam intermi-
scent) post fata Petri Gembicii, infulam
Cracoviensem adeptus est Andreas Trze-
bicius, gesto magnâ prudentiâ utroq; Re-
gni Sigillo, Legatione etiam ad Imperi-
um Germanicum dexterrimè obitâ, ali-
isq; multorum annorum meritis, Regi
ac Reipublicæ dudum cognitus. Pre-
misliensis, quam is hætenus gesserat, da-
ta est Stanislaò Sarnovio, cujus eximias
virtutes in Supplicum libellorum magi-
sterio, seu Referendariatu ita Rex adama-
verat, ut & Sigillo Regni dignissimum
judicaret. Sed is dato Episcopatu con-

612 FLORE POLONICI

tentus, multos ibi annos inter varia pericula, à Scythis præcipuè, transegit, donec postea ad Vladislaviensem insulam citra ambitum, & fere invitùs à Rege Joanne III. est evectus. Jam ad arma redeo, quæ dum prospere & gloriosè in Holsatiâ & ultra hanc peregrinabantur, Rex Joannes Casimirus interim pestes, magis magisq; eliminare nititur. Ac magno inprimis studio id agit, ut Cosacos à Mosco ad se & Rempubl. retrahat. Curæ istius particeps fuit Regina, nec pepercit sumptibus, sine quibus res tantæ molis perfici non poterat. Ministri operis præcipui fuere duo Stanislaus Binievius, Castellanus tùm Volhiniæ, postea ob egregiâ merita Palatinus Czerniechoviæ nominatus, alter Casimirus Ludovicus Jevvlassevius, Palatinus posthac Bresciensis. Stimulatores & simul proxenetæ, sed armati erant Tartati qui nec cessabant, infestare, quâ poterant Cosacos, & istiusmodi vim hostilem perpetuam fore minabantur, nisi ii ad priorem Dominum reverterentur, à quo ad Moschum, æternum Tartatorum hostem defecissent. Agitari hæc capere, cum Chmelnicio Cosacorum Duce. Et acclinare is aures

animumq; visus est bonis consiliis. Sed hominem non dignata sunt fata consummati operis istius honore. Extinctus est inter prima capta, homo inquietus quietâ tamen & siccâ morte: mirante non uno, qui tot turbarum in Regno autor, tot hostium externorum concitor, non modò supplicium effugerit, sed & honori, opibusq; integris sit immortalus. Verum *justitiæ Divinæ tabulas rimari anceps & illicitum: cuius judiciorum suorum constat ratio, etsi hominibus obscura aut ignota sit.* Moriturus Chmelnicius convocaverat Tribunos exercitus, iisq; filium suum duodecennem commendârat; pueri tutelâ speciatim commissâ Kovalevio & Lesnicio. Sed Cosacorum alii & tutelâ illâ & regimine exercitus digniorem existimavêre Vihovium, qui jamdudum Chmelnicio administer, rerum Cosacicarum rationes pernoverat. Legatus Moscicus Mattevicius hæc se inscio facta indignatus, Pereaslaviâ convocat Cosacos, atq; ibi clavam deponente Vihovio, publice rogat, quem Ducem velint. Post longum omnium silentium gregarius quidam Vihovium laudare incepit. Nusquam evidentius emicuit, quantum pos-

fit prima vox. Sueclamavère mox alii,
& non alium se velle Ducem testati sunt;
Ita clavam, quam modò posuerat, Vihovius recipit: Matissevicio Mosco consentiente quidem, sed simul niox leges addente, ut novus Dux nuncium remittat Regi Poloniæ, & omnibus externis Principibus, contra autem ad Czarum Moscoviticum profectus fidem ei obsequii jurejurando præstet. Sed Vihovius Mosco se suspectum esse noverat: adeoq; securitati suæ prospecturus, mittit ad Regem Poloniæ Internuncium Theodosium, hominem in Aulâ ob fidem jamdudum cognitum, compositionem offerens, quæ ante deliberata magis, quàm cæpta fuerat. Suboleverat de his Mosco, adeoq; varie insidiatus Vihovio, & apertè deniq; eum persequi caput, Cosacorum regimine in Puskarenium quendam translato. Mittitur, eodem Mosco machinatore, ad Insulas Zaparovianas Barabassius, ut vetustissimum quemq; militiæ Cosacicæ in Vihovium concitet. Sed hic dum ad Puskarenium cum non exiguâ manu tendit, interceptus à Vihovio, atq; in patibulum actus est. Idem Moscus alium
deindè

deindè Tribunalum Dziadzsalium occultis sermonibus, magnisq; invitamentis corruptum in caput & vitam Vihovii subornat. Qui eò periculosior huic, quò familiarior. Suggestusq; aliquandò noctu cum paucis tentorium Vihovii, hastis lectum ejus transfodit, Vihovium se fodere ratus. Sed ille maturè excitus, eadem, quâ illi ingressi fuerant, solertiâ, se in equum proripuit, & ad Karazbeium Tartarorum Ductorem, qui non procul indè cum exercitu suo stabulabatur, profugit. Puskarenius interim cum selectis, propius se castris Vihovii admoverat, de eo, ut cæso, jam triumphans. At vivere illum nec ii, qui vivum maximè vellent, sciebant, donec à Karazbeio poscentibus ostenderetur incolumis. Eo fortiùs postea contra Puskarenium & Dziadzsalium pugnatum est. Obtinuitq; ibi victoriam Vihovius, & suam inter Cosacos auctoritatem aliquantum stabilivit, hoc insuper solatio potitus, quod Dziadzsalium insidiatorem scelus suum vitâ luere vidit. Intereà missus antehac Theodosius, & postea hunc secutus Tettera, Vir egregius, & in Regem optimè animatus, effecerant,

rant, ut Duum viri illi, quos jam ante ad negotium compositionis Cosacicae designatos dixi, adventarent. Qui Vihovium in castris ad Hadziacum positis reppererunt. Istic res difficillima agi mox cepit magno molimine. Nihil mediocre poposcere Cosaci & annuerunt Faciales Regni: cum Respub. tot adhuc bellicis implicita quovis pretio exercitum hunc Cosacicum reconciliare sibi statuisset, iturum alioquin sub Turcarum dominium, vel ad Moscos rediturum, pari Reipubl. Polonae periculo & damno. Ac Polonia quidem ut antehac plurimum semper libertatis illecebrâ potuit, ita nunc eandem hanc Cosacos præcipuè traxit. Cum nimirum ad paria Civitatis jura primarios milites, Ducem verò eorum ad Palatini Kioviensis dignitatem, Græci ritus equites, ad munera præcipua, ejusdem ritus præfules, atq; inprimis Metropolitam Kioviensem ad sedes Senatorias admisit. Vihovio præter Palatini honorem data est in feudum Oeconomia Lubomana. Nieczaio autem Bobroiscensis præfectura, quam utramq; hætenus Regina tenuerat. Multa præterea alia tum

Religio-

Religioni, tùm Provinciæ Rusficæ, Duci item & militiæ Cosacicæ concessa, quæ in volumine legum Poloniæ legi possunt. Illi enim inserta sunt, postquàm, quæ hic placita fuerant, à totâ deindè Republ. in Comitiiis anni sequentis confirmari oportuit. Cæterùm simul ac eo pacto transactum fuit apud Hadziacum, missi illicò à Vihovio sunt nuncii, qui nomine totius exercitûs Regi ad Thorunium agenti dixêre sacramentum: simul verò exercitum sex millium Polonorum Vihovius à Rege impetravit, subsidium adversus Moscos, & ipsi imprimis Duci, adversum perfidiam suorum, asylum securitatis. Eum exercitum mandante Rege duxit Andreas Potocius, Castrorum tùm Præfectus, postea Palatinus Braclaviensis; vir ad magna natus, & ad maxima perventurus, si diutius vixisset. Tum quidem Ukrainæ tuendæ præfectus, rem strenuè & vigilanter gessit, impigros expeditionis comites nactus Stanislaum Jabłonovium tùm vigiliarum Præfectum, postea Palatinum Rusfiæ, inclytum meritis virum, & jam Poloniæ Campiductorem, Jacobum item Potocium, Castellani olim

& Ducis exercituum filium, Eustathium Tiskevicium Præfectum Zytomiriensem, Thomam Karczevium, Georgium Rusci-
cium, Josephum Læcinium & alios. Sed
quæ hic Poloniæ favit fortuna, alibi Cur-
landiam eidem abstraxit, Ducemq; ejus
Jacobum unà cum conjugē, Sangvinis
Brandenburgici insignisque prudentiæ
Principe, cumq; septem liberis in vincula
Svetica miro & miserabili orbis specta-
culo compulit. Optimus ille Dux, lege
feudi, Poloniæ Reipubl. innexus, à Rege
tamen jamdudum impetraverat, ut à belli
Svetici consortio immunis, atque adeò
utrique dimicantium amicus maneret,
quia pactis Stumdorfianis paci inter par-
tes conciliandæ destinatus pararius, non
miscendus jam armis videbatur: & dubi-
is Poloniæ rebus consultius fuit, interme-
diis ejusmodi studiis incolumem servari
Provinciam, quam, bello implicitam,
Regni arma, alibi distracta, ægrè defen-
dissent. Ac diu equidem sic se & res su-
as circumspeditione suâ ut cunq; sustenta-
vit Dux quanquam ab injuriis belli haud
quaquam immunis. Nam subindè utriq;
parti & pecunias & victum suppeditare
coactus

coactus fuit. Plurimum tamen Svecis dederat, quia illis in locis diu haftenus præpolluerant: & hoc ipso Septembri, quo in potestatem Duglassi cum omni familiâ suâ, citra culpam suam devenit, viginti millibus Imperialium, multoque commeatu pacem redemerat. Sed ante transactionem hanc acceperat Duglassus à Rege suo mandatum, Ducem, quâ posset, corripiendi. Causas tam asperi mandati Svecia peculiari postea scripto dixit, sed easdem alio Ministri Ducis refellere. Duglassus exequendi mandati occasionibus jamdudum intentus, postquam tributa ante memorata impetraverat, reditum in Livoniam simulavit, & in eum finem à Duce navigia per Spensium Tribunum poposcit, avehendis flumine, quod arcem Mitoviensem alluit, militibus, quorum plurimos haberet ægros. Consensit Dux, etsi ægro & præsentiente jam sinistri moliminis animo. Non tamen auctæ excubiae, aut quicquam contra vim præparatum. Prid. Calend. Octob. prima navigia non procul arce conspici capere, quibus ceu ægrum militem vehentibus, alimenta præberi optimus Dux iussit. Atq;
illa

illa quidem sine noxâ transferunt. Secuta deinde paulatim alia, numero quadraginta, custodias eò facilius fefellere, quod fortè tum obscura nubes Lunam offuscaverat. Expositus sine morâ miles, arcem nemine obstante, incendit, ac tormenta vallis imposita invertit. Neque vim, in primo aggressorum impetu, pretiosissima Principis effugere, Ducem Arnfeldius, Optio legionis Sueticæ, bono animo esse iussit; adfuturum mox Douglasium & rationes facti istius expositurum. Interim custodiæ circumpositæ, quæ exitum præcludebant. Simul verò & oppidum Mitaviense ab Ixelio occupatum. Ita intra arcem suam captus Dux, capta cum sex liberis conjux, Brandenburg. Electoris Soror, quæ & partui tum proxima, octavo post die masculum peperit, captivum, antequam nasceretur, & exulem, antequam patriam suam nòsset. Nam sequenti mox Octobri, die 28. idem Dux cum puerperâ ac omni familiâ Rigam, & paulò post memorabili inhumanitate, Iwanogrodiam, locum coelo & nomine ipso horribilem deductus est. Provincia tanto Douglasii facinore, in Vindicias

Ducis

Ducis & suæ libertatis, arrecta impigrè quidem arma corripuit, sed exiguo profectu, quia regimen & concordia defuit. At eadem, anno sequenti, Lithvanici exercitûs ope, ex manu Sveticâ liberata est. Nunc series temporum Thorunium, cujus paulò ante mentionem injiciebam, me vocat. Eam Urbem simul ut occupata à nostris erat Cracovia, aggredi Rex statuerat. Sed citra Germanicum peditatum, frustrâ se rem tantam videbat tentaturum. Dux autem Cæsareus Vir militiâ inclytus, at annis fessus, maturè hyberna respicere, quàm Urbem oppugnatu arduam alieno tempore adoriri maluit. Rex tamen præmisit Joannem Sapieham, exercituum Regni Notarium, qui eminens circumpositis turmis com meatum Urbi & præsidariis accideret. Cui postea Suchius Generalis in exercitu Cæsareo magister excubiarum accessit; nec non alius copiarum Germanicarum Ductor Hesterus, nuper carcere Marieburgensi elapsus astu. Maturandæ oppugnationi missus quoq; à Rege est Christophorus Grodzicius, Castellanus Camenecensis, rei armamentariæ per Poloniam magister. Tandem

dem & Rex ipse unà cum altero exercitu-
um Polonicorum Duce, eodemq; Regni
Mareschallo Georgio Lubomierscio secu-
tus est. Tum demùm arctius undiquaq;
circumsepta Urbs, & fortissimè oppugna-
ta est, Gubernatore Svetico Bülövio, ma-
gnâ vigilantia solertiaque locum defen-
dente, plurimisq; subindè excursionibus
carpente obsessores. Rex violentiæ ar-
morum benignitatis subindè testimonia
interponebat, scriptisq; literis æquas ob-
sessis conditiones pacis offerebat, urbem
nimirum integram potius, quàm muti-
latam ab hoste recuperare optans. Sed
præsidii Gubernator magis de famæ suæ,
quàm Urbis alienæ integritate sollicitus,
à nostris vim majorem, à suis auxilium
opperiendum sibi ducebat. Aut certè mo-
rari quærebat obsessores, dùm hyemis in-
commoda interromperent labores obsi-
dii. Rex Joh. Casimirus clementiâ nihil
profici conspicatus, generali aggresione
Urbem adoriri statuit, quâ si ultra profici
nequiret, externa saltem opera, quibus
mænia Urbis protegebantur, hosti eripi
posse sperabantur. Cum omnia ad op-
pugnationem illam parata essent, ex
statione Giziâna, in quâ Dux Lubomier-

scijs erat, signum datum est. Insonuere
 mox nimbi lapidei, ignibus mixti, ac vo-
 lare simul capere lapides molares, quos
 ex statione Grodzicii jaculabatur Gōd-
 kantius, Vir in arte pyrotechnicā incom-
 parabilis. Incubuere simul undiq; co-
 hortēs, singulæ in propugnaculum ali-
 quod hostile, prout ordinaverat Dux, a-
 cerrimo impetu instantes, fortiter ubiq;
 præeuntibus Ductoribus. Sed vehemen-
 tissima omnium circā primarium sugge-
 stum, quo hostis occidentale Urbis latus,
 & simul Vistulæ, eâ parte, dominium tue-
 batur, conflictatio fuit, & ultra quinq;
 horas duravit. Ubi Giza Tribunus du-
 centos primū milites emisit, ut palos
 lateri suggestūs præfixos convellerent.
 Qui ponte portatili fossam transgressi,
 imperata feliciter effecere. Secuti mox
 alii, qui jactis subito opere aggeribus tu-
 tiorem cæteris oppugnationem facere
 tentabant. Sed horum plurimi ictibus
 globorum interempti aut fauciati. Et
 dubitari captum fuit, an tanto periculo
 continuanda esset oppugnatio. Sed Dux
 Lubomierscius instare operi jussit, misitq;
 novos subsidarios. Et mox redintegra-
 ta

ta vi datus in hostem impetus est, eo successu, ut hostis omissio hoc maximi momenti propugnaculo, in Urbem refugeret. Eodem tempore aliud propugnaculum feliciter occupavit Boccamus pratoriae cohortis Tribunus. Sed hostis ne in manibus quidem ipsis jam haerenti obsessori cedere velle videbatur: nisi orta lues Sceleratica praesidiarios praeter opinionem jugulare cepisset: ita ut morbus denique vix trecentos relinqueret intactos. Rex quoque, etsi ad iterandam oppugnationem cuncta haberet parata, gregariam vero multitudinem à violento manium aggressu agrè contineret, denuò tamen ciues & praesidii inprimis Rectorem per literas monuit, ne inani morà & suum, & Urbis fatum acerbius redderent. Consensum est in colloquium mutuum, spatiumque datum, ut obsessi mittere aliquem suorum possent Marieburgum, ubi Princeps Adolphus Regis Sveciae Frater degerebat. Neque enim ulla transactio valitura erat, nisi quae consentiente ipso fieret. Quippè quem ad Danicum bellum profecturus Frater rebus Prusicis praefecerat. Ille fortunà Urbis intellectà de-

ditionem

ditionem morari amplius non sustinuit. Et paulò post obsessi faciales poposcere, quibus cum de Urbe tradenda transigerent. Missi à Rege viri præsignes Joannes Andreas Morstin Regni Referendarius, postea ærarii summus præfectus, Vladislaus Rey Reginae Cancellarius, deinceps Palatinus Lublinensis.

Horum opera scriptæ deditionis leges, æquæ admodum & multam Regis victoris clementiam spirantes. Urbi utiq; non venia modò data admissorum, sed et jura omnia conservata. Thorunio occupato Regem cura Comitiorum, Varsaviam, Ducem Lubomierscium, commissio militaris Lublinum; exercitum in hyberna tempestas anni & necessaria post tot labores quies vocavit. Præsidia Urbis noviter recuperatæ Paulo Cellati, excubiarum Magistro Generali, Prussiae totius tutela Christophoro Grodzicio Castellano Camenecensi commissa. Sed huic exiguæ militum copiae; hosti contra novæ ex Pomeraniâ suppetiæ Ductore Würtzio adfuere. Quâ occasione correpta ab illo Choinicia, Culma, Dersavia, Stargardia, in Ducali Prussia Lipstadium, Salfeldum,

Gedano quoq; se admovit Würtzius, & tùm literis satis asperis, tùm ignibus in proximo accensis atrocita minatus est Urbi. Sed hæc majora jamdudum, pro fide in Regem suum, experta, tentamina hæc, ut levia, animo immoto transmissit. Varsavia interim Comitia haberi capere, in quibus Ordinis Equestris consiliis vir summa experientia & multis legationibus illustris Johannes Gninski Succamerarius tum Pomeraniae post Palatinus Culmensis insigni dexteritate præfuit. Multa ibi ardua tractata negotia: Sed duo imprimis diutissimè animos tenuere ambiguo. Unio ritus Græci cum Romana Ecclesia, quæ olim Anno 1595 sub Clemente VIII. Pontifice, Pocco & Terlecio autoribus, coaluerat talis, ut Rutheni dogmata & ritus Græcos retinerent, Romanum tamen Pontificem pro capite venerarentur. Eam Cosaci, & quotquot inter Russos antiquarum consuetudinum retinentiores, vehementissimè semper oppugnarunt. Neq; aliud efficacius telum habuerunt ad concitandum adversus Reipubl. populum rudem, nec adeo momenta rerum, quàm inania nominum expen-

expendentem : ubi inprimis sacerdotum, qui Popi itic vocantur, zelus prævit. Eandem unionem Hadziacensibus quoq; pactis Cosaci sublatam voluerant. Neq; visum fuit committere, ut ad vadium itud utilis Reip. negotiatio obhæresceret. Nunc cum autoritate Comitiali lex confirmanda esset, operosè de aptâ aliquâ ejus con-
temperatione actum est. Altera difficultas consiliis publicis objecta fuit à stipendio Reipubl. milite. Cui quod stipendia ob inopiam publicam malignius processerant, orti indè fremitus, in hybernis coitiones, & manifesta obsequii Ducibus negandi primordia. Nam etiam aliud caput sibi constituerant. Egere cum illis Viri à Reipubl. selecti. Sed cum instituto in id conventu Lublinensi nihil effectum esset, ad Comitiam res rejecta. In his stipendia equidem sancita, qualia præstare Respublica exsucca videbatur posse : Sed miles majora poscebat : nec ullâ ratione avocari à proposito poterat, pars tamen ejus novo capite repudiato, legitimos Reipubl. Duces sequi maluit, & sub his non poscere tantum, quod reliqui ceteri faciebant, sed & porro mereri stipendia,

dia, publicè in Comitibus, ore Stephani Nimericii Succamerarii Kioviensis, polliciti sunt. Istà secessione multum imminuta conjuratio, tum quidem citra majora Reipubl. detrimenta deseviit: sed mansit sub cineribus flamma, cujus periculosissimos æstus sequentes anni viderunt. Interim qui à contage illà integri manserunt milites, egregias Reipublicæ operas præstitere. Nam primum illi, qui procul à finibus Regni in terrâ Cimbriam sub regimine Electoris Brandeburgici militabant, fortitudine suâ nomini Polono non mediocre decus addere pergebant, copiis Germanicis Cæsaris & Electoris Brand. per Holsatiam, Alsen, Fioniam ubiq; comites, plerumq; etiam prævii. Certe ad clarissimam illam victoriam, quæ Fioniam & propè omnem fortunam Daniæ Regi restituit, plurimum contulere mille bellatores Poloni, quos reverentes in Patriam cum Czarnecio Ductores nostri, penes Cimbros reliquerant. Sec eadem illa victoria, uti ingenti legionum Svecicarum clade, ita Calimiri Piasieci nri, viri & genere & bello inclyti, sanguine nobilitata est. Is enim fortiter istic pugnar

gnar

gnās occubuit. Non minùs quoq; gnavi-
ter opera Martia domi procedebant. Nam
etsi major exercitus aut abnueret penitùs,
aut serò reciperet imperia Ducum, vigila-
bat tamen Potocius supremus exercitu-
um Dux, ne quid in Rusiâ detrimenti ca-
peret Respublica & alter Potocius Andre-
as, castrorum tum Præfectus, nec non Jab-
lonovius & alii, quos eo loci adguber-
nandis Cosacorû rebus dixi relictos, robur
iis & consilium adversum Moscos magnâ
vigilantiâ & dexteritate addebât Sed ma-
ximi omnium momenti expeditio Lestica
Lubomierscio Duci demandata fuerat.
Excussus quippè aliis Regni Provinciis
Sveeus, in Prussiâ nihil præter Thorun-
um amiserat. Hic ille munitissimarum
aliquot Urbium usq; pertinax, usum in-
primis Vistulæ, & commerciorum eiusum
Poloniæ intercludebat. Ad liberandâ igit-
tûr Provinciam magno studio ferebatur
Lubomierscius. Sed, cunctanter tûm ad-
huc Imperia Ducum audiebat miles, lentè
etiâ, & præparcè suppeditabantur ea quæ
ad oppugnationes Urbium necessaria
erant. Sic attinebatur Dux, donec suis fe-
rè nervis ea, quæ aliundè negabantur,

ret. Comparatis quantum temporaferebant omnibus, Grudento admovet exercitum. Quod inter minores Prussiae Civitates, commodo ad Vistulam situ, commerciorum opumq; non expers, tum ab hostibus super vetera munimenta novis operibus & quingentorum militum praesidio adversus Regem suum erat firmatum. Structis suggestibus quatiuntur mania, & undiquaq; immittuntur ignes, illo imprimis machinarum genere, quae globos primum integros, sed in plurima mox fressa dissilientes jaculantur. Unde tecta aedium passim fracta, oppidum totum periculis infestum fuit. Obfessi partim per contumaciam non intelligebant periculum, partim dissimulabant metum, ne suspecti redderentur aliis obstinatis. Tubicen utiq; qui deditibus se veniam à Marschallo offerebat, spretus est. Acrius inde vis oppugnantium exarsit, cumq; fortè globi aliqui in fanum sub tecto quodam servatum incidissent, concepta ibi flamma fumo se mox prodidit. Instantibus mox undiquaq; pyrotechnitis, flammæ ita tandem invaluere, ut oppidum brevi tempore in rogam convertetur.

retur. Distractis circa incendia oppida-
nis & præsidariis, eluctatur in propugna-
cula & mænia miles, & oppidum ingres-
sus, nihil earum rerum omittit, quas fa-
cere solent expugnatores Urbium. Non-
nulli hostium civiumque cum occupata
mænia viderent, in arcem sese receperant;
quæ alto monti antiquitus imposita & fir-
missimi operis muris circumdata est. Sed
à Cæsareanis legionibus, quas sub ductu
Gotsfredi Heisteri excubiarum Magistri
Generalis secum habebat Lubomiercius,
negatus ad amnem aditus, refugis aquas
primum, mox animos eripuit. Cumq;
Tribunus, cui oppidi & arcis custodiam
Svecus commiserat, sponte se potestati
victorum permittere nollet, apertâ ab
aliis portâ admissus est miles: & Tribunus
ille, qui interim in turri quadam se ab-
struserat, cum viginti aliis primipilaribus,
gregariis centum octoginta, tormentis
triginta quatuor traditus est Lubomier-
scio. Ille brevi tempore, nec magno san-
guinis impendio loco tam memorabili
potitus, eò fidentioribus animis versus
Mariæburgum processit. Ea Crucifero-
rum olim præcipua sedes, nunc Svecis

primum dabat receptum: ingenio
 tū & prodigiosæ molis operibus contra
 vim firmata, & inter uberrimas Insulas
 posita, alimentis abundabat Antequam-
 munimenta aggredieretur Dux, Insulam
 majorem occupandam judicabat, ut suo
 militi cederent, quæ hostem hætenus sa-
 ginarent. Initumq; eâ super re consili-
 um est, ut aliâ parte Gedanenses, cum
 Wilhelmo Bûtlero Generali excubiarum
 Præfecto sociati, aliâ Electorales sub Hil-
 lii ductu irrumperent, caput Insulæ Mon-
 toviense, Dux ipse cum suis adoriretur.
 Benè cessit res & locuplete illo pênuario
 suo, omnium opinione citius, exutus est
 hostis. Ad Urbem indè & arcem Mariz-
 burgensem perrectum est. Sed utraque
 hæc longissimis spatiis secundum Nogati
 amnis ripam extensa, nonnisi à vasto ad-
 modum exercitu cingi poterat. Suum
 verò longè minorem sentiebat Dux, quàm
 ut tam latè porrigi, ex & utraq; fluminis
 ripâ circumdari posset. Una itaque parte,
 quæ Vistulam respicit oppugnationes
 captæ sunt: atq; inprimis circa pontem,
 qui oppidum Insulæ majori jungit, acer-
 timè dimicatum est: eodem illo Bulovio,
 qui

qui nupèr Thoruniū fortissimè, dùm licuit, à se defensum reddiderat Polonis, hîc nova bellicæ constantiæ specimina edente. Sed potiundi eo tempore Mariæburgi spes ipsi etiam Duci, qui nihil loco isti ad tolerandum longum obsidium deesse noverat, exigua erat. Itaq; eò summa consiliorum dirigenda videbatur, ut si minùs ea, quæ ad Nogatum amnem sita essent, eripi nunc possent hosti, Vistulæ saltem plena libertas redderetur. Id verò flumen, cum non nisi ex Haupte jam frænaret Suecus, hoc ante omnia adoriendum videbatur Gedanensibz, quantumvis id grandibz multis arduisq; superatu operibus vallatum esset, Marefchallus omne illud studium suum auxiliumque pollicebatur, & mox, cum magnum opus aggredieretur Urbs, conferebat. Postquam enim Bütlerus, quo socio Gedanenses antea in Insula pedem fixerant, rediisset ad Ducem, misit hic deindè Baronem Ratichinium & Joannem Montrimum cum valida Casareanorum Polonorumq; militum legione ad societatem capti obsidii, & ipse interim copiis suis, hoste intra Mariæburgum, Elbingamq; ita conclusos tenuit ut

loco obfesso nusquam opitulari possent. Copias Urbis tam pedestres, quàm equestres autoritate omnium Ordinum Civitatis regebat Vir bello exercitatusissimus Valentinus Vinterus Tribunus. Is bis mille octingentos milites (tot enim omninò ad obsidionem hanc adducti) ita distribuit, ut pars ex Insula Mariæburgensi sub regimine Valteri Siberti, cui Montgomerius & Brandesius Ordinum Ductores adjuncti, occupato Schönbergiano trajectu, hosti cum Mariæburgicis & Elbingensibus præfidiis commuicandi copiam eripere tentarent. Quod & feliciter effectum, etsi non sine acri conflictu & evidente periculo. A quinquagintis enim Svecis penè circumventi illi, ex horto quodam ita se defendere, ut hostis plurimis suorum desideratis conatus sit recedere. Et alibi ab equitatu Casareo, Polono, & Gedanensi subinde acriter exceptus repulsusque est. Ex Neringiâ Insulâ Vinterus Tribunus Urbis, majore mole Caput ipsum, structis viis obsidionalibus, suggestibusque quâ opus videbatur, aggressus est, strenuam addentibus operam Joanne Bobarto, præfidi Mindani Præfecto, Nicolao de Lindâ,

dâ, Salomone Brandesio, Petro Fuchſio
Dragonariorum Ductore, Davide Bred-
tio, Georgio Strakvicio, Matthiâ Hir-
ſchio, ſubveniente etiam deindè Georgio
Schurio, & Henrico Vechelto. Nihil hinc
quâ conſilio, quâ manu, quâ ſumptibus
omiffum eſt, quod ad juſti numerisq; o-
mnibus perfecti obſidii opus pertineret.
Sed & hoſtis ſatagebat rerum ſuarum: re-
gimen loci multis jam annis tenente Ni-
colao Danckvartio Lilienſtröm, genera-
li excubiarum inter ſuos Præfecto, cujus
etiam præcipuè curâ caſtellum hoc multis
admirandi operis vallis, foliis, propugna-
culis, citra & ultra utrumq; Viſtulæ bra-
chium, jam dudùm, militum agreſtiumq;
operâ adhibitâ, fuerat munitum: cum &
ab ipſâ naturâ in illo aquarum Iſtularium
divortio, adverſus vim externam ſatis
firmatum, adeoq; oppugnatu difficillimū
eſſet. Idem huc ingentem vim frumenti
& omnis generis alimentorum convectâ-
rat, longo nimirum tempore omni Ne-
ringanæ & viciniorum Inſularum fructu
ad arbitrium ſuum pleniffimè uſus. Mili-
tis præſidiarii, machinarum item bellica-
rum, pulveris tormentarii, aliarumq; re-

rum necessariorum affatim habebat. Non nisi magnâ igitur vi ad deditiorem adigi posse videbatur. Eò acrius institere operi cœpto obsessores. Et ab ineunte Octobri. penè ad mediū usq; Decemb. omni conatu eò laboratum est, ut propiore indies accessu arctius includerentur obsessi, & tūc via, tūc spes omnis auxiliorum præcideretur. Adempta violentis assultibus munimenta non pauca. Ex suggestibus undiquaq; immissa in ipsum Castellum machinarum ignita tonitrua non terrorem modò, sed in illis loci angustiis multum subindè damni inferebant clausis. Tandem, quantumvis omni ope, & tam lapidum, quàm pilarum jactibus continuis obniterentur obsessi, adeò propè ipsis interioribus Castelli vallis successum est, ut Danckwartius deniq; non putaret locum diutius defendi posse, ubi in primis multi egregii defensores ceciderant, ex quibus præcipui Kühnius & Brandtius Vice-Tribuni, Littonus, Buschius, Ahlefeldius, Böcklingius Centuriones, Büblers Optio, Bötcherus Vexillifer, gregariorum verò dimidiam jam pene partem consumpserat obsidio, et intra Castelli in-

tini

timi etiam penetralia nihil à jactibus ob-
fidentium tutum erat. Ita ut istic filius
quoq; Danckvarti ictu machinæ 14 No-
vembr. brachium & deniq; vitam amise-
rit. Inter hæc mittebantur à Vintero li-
teræ, quibus monebat Danckvartium, ut
cederet tempori & fato. Nunciabatur
eidē, simul non solum Pomeraniæ omnis
à Cæsareo Electoraliq; exercitu infestata
ærumnosa conditio, sed & ingens clades,
quam Rex Sveciæ in Fioniâ novissimè ac-
cepisset, ubi non modò uberrimam Da-
niæ Insulam sed & multa millia optimo-
rum militum amiserat. Ut inde conjice-
re ipse Danckvartius posset, nullam sub-
sidii spem sibi restare. Nam Mariæburgo
ita acriter instabat Lubomirscius, ut loci
Præfectus ægrè sibi tuendo sufficiens, de
sublevandis aliis nec cogitaret; Elbingam
pariter idem miles Polonus, & aliâ parte
Electoralis, sub ductu Boguslai Radzivil-
lii, premebat. Metus præterea erat, ne
novæ Poloniæ copiæ sese jungerent ob-
fessoribus: Unde majus periculum, certè
difficiliores deditiois leges expectandas
haberent obsessi. His etsi aliquandiu fi-
dem negare videretur Danckvartius, tan-
dem

dem tamen ad credendum, magnitudine instantium discriminum, mollitus, inducias primum poposcit: & cum hæ spernerentur, omniaq; ad vim propiorem parata essent, in deditiōem consentire cœpit. Dati invicem obfides, ex parte Gedanensium strenui & præcipuæ autoritatis Viri Nicolaus de Lindâ & Joannes Bobartus: ex parte Svecorum pariter duo. Maturando tractatui ingressus est deniq; Albertus Rosenbergius Consul: cujus operâ in conditionis leges, quæ, numero quatuordecim, publice extant, conventum est. Non multò ante transactionem Rex, qui interim Gedanum venerat, non modò prætoriam cohortem in auxilium, si quâ opus esset, submisit, sed & ipse Neringiam, deducente Valentino de Lindâ Consule, ingressus est; & cum Schivenhorti, qui pagus est nobilium Brandesiorum, pernoctasset, sequenti die castra Gedanensium lustravit, ubi à Vintero Tribuno, militari honore, mox & à Præ-Consule Bömelio, & cæteris consilii bellici assessoribus, convivio exceptus est: quod optatissimo fine exhilaravit & clausit Rosenbergius, deditiōis intereà conclusæ, paulò

paulò ante pararius, nunc felix nuncius.
 Jactura tanti Castellì non parùm perculit
 hostes, momentumq; addidit ad pacem,
 cujus suasor jamdudum erat Christianissi-
 mi Regis Legatus Antonius de Lumbres,
 Vir ingenio & facundiâ excellens. Neq;
 alienum se ab illâ Rex Poloniæ præbuit,
 etsi omnia jam sibi, quàm Svecis secundi-
 ora videret. Nam non modò in Prussiâ
 res benè cedebant, occupato jam & Hau-
 pto & Brodniciâ, quæ & ipsa inter vali-
 dissima Prussiæ propugnacula habebatur:
 Elbingâ autem & Mariæburgo arctè clau-
 sis: Sed & Curlandiâ penè universâ, ar-
 mis Comorovii, Alex. Polubinscii, Mi-
 chaelis Pacii, aliorumq; Ductorum, tam
 Polonorum, quàm Electoralium, inter
 quos Boguslaus Radzivillius Dux fuit, e-
 jecta erant præsidia Svetica. In Ukrainâ
 pariter Vihovius Cosacorum Ductor, ad-
 jutantibus tùm Scythis, tùm copiis Polo-
 nis, quas Andreas & Jacobus Potocii,
 Stanislaus Jablonovius, nunc Palatinus
 Russiæ, Tiskevicius, & alii ducebant, in-
 signes aliquot victorias reportaverat de
 Moscis. Nam & Conotopum, & in eo
 obsessum Ulanovium liberârunt, cæsis istic
 quindecim

quindecim millibus Moscorum, & ex Ducibus ipsis Pozarscio & Leone Piotrowitz interfectis. Triubecium verò alterum Moschorum Ducem in ipsos usq; fines Moscoviæ, dicti ante ductores Poloni repulerant. Quò secuti deinde & Cosaci & Scythæ penè, ad ipsam penè Metropolin penetravêre, longè lateq; omnia populantes; & immensam deinde hominum multitudinem, aliq; spolia domum egêre. Contra Sveciæ Regi ubiq; ferè adversari tùm videbatur fortuna, & cum multis in provinciis simul bellum gereret, penè omnes eas in busta suorum militum sentiebat conversas. Nihil certè lati ex Daniâ, Prusliâ, Curlandiâ accipiebat. A Stetino equidem virtute Vûrtzii aliorumq; ductorum suorum repullos obsessores gaudere poterat, sed interim ibidem Damum, Demminum, Grisenhagum, & alia oppida perdiderat, Pomeraniâq; penè universam, à Cæsareanis, Polonis, Electoralibus, miserrimis modis haberi non nesciebat. Undè adeò non difficulter Svecis persuasum est à Gallicis Ministris, ut pacem sibi salutiferam & necessariam crederent. Sed cum utrinq; jam non
obscura

obscura ad paciscendum propensio videretur, multæ identidem, ut in re maximâ objectæ difficultates congressum fecialium retardaverunt. Nam de loco & tempore diu dubitatum est. Alia item, quæ præliminaria vocant, multum negotiû facessivêre. Ac quod non cum Polonis tantum, sed simul cum Cæsare & Electore Brandenburgico ut fæderatis Poloniæ, tractandum esset Svecis, incidebat controversia de Mediatore. Etsi enim Gallum, tam Polonia quam Svecia acceptaret, cum tamen recusabant fæderati. De loco tandem convenit inter partes, & nimirum. Olivense Monasterium, uno lapide à Gedano distans, utrinq; delectum est. Non procul indè maris littori adjacet pagus Czopotensis, multis Gedanensium prædiis hortisq; amænus. In eo data facultas commorandi Legatis Svecicis, Cæsareis, Polonicis, Electoralibus, partim in Urbe Gedanensi, partim in vicinis pagis designata hospitia. Legatus Gallicus Antonius de Lumbres, ut inter partes medius, intra ipsum Monasterium degerebat, utrinq; commeans, & obstacula, quæ subindè interponebantur, magnâ inge-

nii dexteritate & industriâ removens. A Cæsareis & Electoralibus hætenus is recipiebatur, ut nihil quidem coram illis proponeret, sed quæ is proposuisset Polonis, ea Poloni cum Fæderatorum Legatis communicarent, vicissimq; responsa eidem referrent. Verùm quia res magni operis & momenti hîc effecta est, pretium videtur operæ, nomina Legatorum cum titulis honorum huc apponere.

SACRÆ CÆSAREÆ MAJESTATIS LEGATI FUERUNT :

FRANCISCUS CAROLUS S. Rom. Imperii Comes de Collavrat Dominus in Reichenau, S. Cæs. Majestatis Consiliarius, Camerarius, Majoris Judicii Provincialis Assessor Regius, Locum tenens Regiarumq; Appellationum Præses in Arce Pragensi.

FRANCISCUS DE LISOLA, à Thise & Marienfeld S. Cæs. Majestatis Consiliarius Cameralis Aulicus.

SACRÆ REGIÆ MAJES. POLONIÆ ET SVECIÆ UT ET REGNI MAGNIQVE DUCATUS LITUVANIÆ &c.

JOAN-

JOANNES COMES à LESZNO,
Palatinus Pofnaniensis, Sæ. Reginalis
Majeftatis Mareſchallus, Generalis
Majoris Poloniæ, Mariæburgenſis,
Corſunenſis Præfectus.

GEORGIUS COMES IN VISNITZ
S. Rom. Imperii Princeps, Supremus
Regni idemque Campi-Mareſchal'us,
Generalis Minoris Poloniæ, Cracovi-
enſis, Sczepuſienſis, Chmielnicenſis,
Niſinenſis, Pereaslaviensis, Olſtinenſis,
Caſimirienſis Gubernator.

NICOLAUS IN PRASMOW PRAS-
MOWSKI, Supremus Regni Cancel-
larius, Nominatus Epifcopus Luceori-
enſis, Abbatia Sieciechoviensis perpe-
tuus administrator, Præpoſitus Cra-
coviensis.

CHRISTOPHORUS PAC, Supremus
Magni Ducatûs Lithvaniæ Cancellar-
ius, Vilkoviensis, Koziëricenſis, Cle-
ſczelenſis, Olſtrinenſis &c.

JOANNES ANDREAS MORSZTYN,
de Raciborſco, Referendarius Regni,
Covalienſis, Zavichostenſis.

VLADISLAUS DE NAGLOWCE
REY, Theſaurarius Curia Regni, Sa-
cræ

cra Reginalis Majestatis Cancellarius,
Neocorcinensis, Libusienſis.

JOANNES IN GNIN GNINSKI,
Succamerarius Palatinatus Pomeraniae, Gnesnensis, Gubernatores.

ELECTORALES BRANDEBURGICI FUERUNT:

JOANNES AB OVERBEECKE in
Euchmedien, Baranow, Geierswalde,
Domkow &c. Dominus & Haeres,
Sereniss. Electoris Brandenburgici Con-
siliarius Status intimus, Electoratusq;
Dapifer Haereditarius, Hohensteinen-
sis Praefectus.

LAURENTIUS CHRISTOPHORUS A
SOMNITZ in Grumsdorf & Drenow
&c. Dominus & Haeres, Sereniss. Ele-
ctoris Brandenburgici Consiliarius Sta-
tus intimus, & Orientalis Pomeraniae
Cancellarius, ejusdemq; Ducatus Cam-
merarius Haereditarius, Lavenburgen-
sis & Bitoviensis Praefectus.

ALBERTUS AB OSTAW in Narpken
&c. Dominus & Haeres Sereniss. Ele-
ctoris Brandenburg. in supremo Prusliae
Ducalis Appellationum Judicio Con-
siliarius.

EX

EX PARTE SVECICA
FUERUNT

MAGNUS GABRIEL DE LA GARDE,
Comes in Lecho & Arensburg, Regis
& Regni Sveciæ Senator & Thesaurarius;
Generalis Livoniæ Gubernator.

BENEDICTUS OXENSTIerna, Comes
in Korsholm & Wasa, Regis &
Regni Sveciæ Senator & Cancellariæ
Consiliarius.

CHRISTOPHORUS CAROLUS
SCHLIPPENBACHIUS, Comes in
Schövede, Regis & Regni Sveciæ
Senator & Consilii bellici Præses.

ANDREAS GULDENLAW, Regis
Consiliarius Statûs & per Pomeraniam
Regiminis ac Justitiæ Præses.

Aderat quoq; à Rege Daniæ Pasbergius:
Sed impetrare non potuit, ut res Danicæ
in hoc tractatu agerentur. Galliæ
Ministris eâ in re manifestè repugnantibus
Daniæ, quàm alioquin pleriq; procures
Poloni nolebant deferri. Neq; etiam
Ordinum Belgii fæderatorum Legatus
admissus est, quia Sveci cum nolebant, &
Hagæ Comitibus non ita dudum cum Gal-
lis

lis & Anglis de Danico bello componendo, Ordines illi, omisissis rebus Polonis, egerant.

Cæterùm ubi ineunte Anno 1660, ad tractandi initium deventum est, undiquaque difficultates maximæ objiciebantur. Circa quas ultra quatuor integros menses laboratum est, sed quicquid hîc actum, peculiari commentario complexus sum, jussu Regio præsens omnium spectator & ad Secretorum conscientiam admissus. Hic verò sufficiat latû laboriosissimæ negotiationis exitum adjecisse. Etsi enim acerrimè subindè æstuârunt consilia, nonnunquam etiam non procùl abesse totius negotii naufragium videbatur, à Mediatore tamen Gallico, viro magni ingenii, atq; inprimis etiam Regis nostri Reginæq; præsentia res subindè restituta in integrum est. Ne mors quidem Regis Sveciæ, quem Gotenburgi Comitia agitantem dira febris inter adversos undiq; rerum successûs hoc tempore abripuerat, turbavit cursum pacis, imò haud paulùm promovit. Nam cùm ille decessisset, qui res lapsantes magno & intrepido illo animo suo restituere potuissè videretur, cò
faciliùs

faciliùs Legati Svecici in multa nostrorum & fæderatorum postulata consensere. Tandemq; III. Maji plenè pax confecta; quâ Poloniæ restitutum est, quicquid post inducias Stumdorfianas ablatum, retentumq; hucusque erat à Suecis, sed & semina ulteriorum bellorum extincta; Rege inter alia hæreditarium suum in Regnum Svecicū jus, Republicâ autem Livoniam, quantum ejus dudum possidebatur à Suecis, remittente. Ita autem omnia ante bellum impetrare à Polonis Svecia potuit: si Legatos Anno 1655. Holmiam Regni illius metropolin, missos audire sustinuisset. Sed Martii Regis immodica spirans animus, æquitati aures præcludendo, provocavit fatum, quo permittente ea, quæ per pacificum tractatum, tenui negotio ante obtineri potuere, ingente sanguinis diluvio, & æquè grandi Ducum, atq; exercituum jacturâ, quàm provinciarum ac gentium pernicie emptæ sunt.

DN

Pol

D

Inter

CALENDÆ REGIÆ

Seu

De auspiciousissimo

Serenissimi ac Potentissimi Prin-
cipis ac Domini

DNI. JOANNIS
CASIMIRI,

Poloniæ & Sveciæ Regis, Magni
Ducis Litvaniæ, Rusiæ, Prusiæ,
Masoviæ, Samogitiæ
&c. &c.

In Obsesum à se & Feliciter
Recuperatum

THORUNIUM

Ingressu

Ipsis Calendis Januarii

Anno M DC LIX.

Celebrato.

Intermixta alia complura ad præsentem
Bellorum Polonicorum statum
pertinentia.

E e

Qui

Qui ad scribendum autoritate legitima, vel aliis non adspersandis impulsu causis accedunt: ii, quanto magis cetera sibi praeludia deesse intelligunt, tanto curiosius luculentum ac plautibile circumspicere argumentum solent, ut quàm in se non inveniunt gratiam, à rebus dicendis mutu-entur. Etenim oratio, quæ solis verborum freta coloribus, rerum pondere, & utilitate amcenâ non juvatur, facillè meritoque obnoxia est fastidio; nec quicquam citius vilescere cernimus, quàm facundiam sui securam, sui prodigam. Sed ea porro, nisi in dilectu, explicatuq; rerum magna adhibeatur circumspèctio, non modò gratiam non init, verum sœpè etiam incurrit offensam: præsertim ubi de publicis dicendum est negotiis, arduis ut plurimum perspectu, tractatu lubricis, ipso etiam sœpè attacku nimisquàm delicatis. Adeoq; prout ipsa variam judiciorum aleam subeunt, ita qui de iis publicè differere sustinent, quantumvis cautissimè agere videantur, vix tamen unquam æquas omnium frontes experiri, multò minus æquare spes ac vo-

RECUPERATUM.

651

ta, silent. Nimirum prout cujusq; in
id, quod dicitur, affectus est animus, ita
Spartam suam ornasse orator scriptorve,
ita parem imparemve argumento vim
ingenii, judicii, eloquentiæ, ita & decen-
tem veritatis curam judicatur attulisse.
Istarum rerum cogitatio alium fortassis,
antequam silentii securitatem dicendi
consilio postponeret, in ancipiti delibe-
randi cura, & quodam dubitationum
quasi æquilibrio aliquandiu teneret su-
spensum. Cæterum ego, etiam ad scriben-
dum minimè omnium præcept, & judicii
alieni haud quaquam profectò irreve-
rens, jam tamen ulere citra dedignatio-
nem obsequii, aut sequioris de rebus ju-
dicii suspensionem, haud possum. Quippe
aut non digna laude credenda sunt, quæ
his temporibus apud nos acta, publico fa-
mæ circumferuntur ore, aut rebus lau-
dem merentibus illaudabilis desidia no-
stra decus suum patietur deesse. Eam
notam quia vitare magis, quam deprecari
consilium est, age de novissimis rerum
nostrarum successibus, quantum vires in-
genii ferunt, & quantum licet per adver-
sa, quæ subinde adhuc interstrepunt, di-

camus: præsertim quando ita volunt Patroni, quando dicendorum seges dignitasq; excitat, & ipsa deniq; anni tempestas impellit. Revertente enim ad nos magno illo luminis promocondo Sole, Soli æterno, ejusq; in terris nostris Vicario sideri, hostiam gratiarum, hostiam laudum, qualis decet Christianos, mactare par est. Passim jam homines sibi aliisque de superatis anni prioris molestiis gratulatos vidimus, & in futurum nova prosperitatis voventes incrementa. Quod si autem comprecationes ejusmodi, bono & laudabili more, inter privatos percrebuere, multo utiq; justius palatia Regum Principumq; iisdem circumsonant. In Principum enim salute sita est populorum salus, nec melliore compendio vota pro Republ. univerſa fundi possunt, quàm si pro bono Reipubl. rectore fundantur. Quominus mirum est, si quæ nobis, sub hunc novi Anni reditum, pro Serenissimo Rege & Domino nostro, suspiria ominaque animum implevere, ea, cum præsens, ut constitueram, non possem, absens qualicunq; scriptiois conatu in publicum

publ
sing
dip
iplo
RUN
sit in
curri
tuit
annu
victo
bere
lum
Quid
cere
prim
tegru
pavit
fed u
Cori
direp
eret,
coron
Al
xima
inde
olim
dari

publicum evolvam. Quando inprimis singulari, & insolito quodam factorum dispositu, ita pulchrè cecidit res, ut eo ipso tempore Rex Serenissimus THORUNIUM tot mensibus obsecsum victor sit ingressus, quo Sol primum annui sui curriculi spatium ingreditur. Non potuit meliore exordio Princeps optimus annum auspicari, quàm ista tam illustri victoria; neq; augustius lemina inscribere factorum suorum fronti, quàm titulum occupatæ tam magnificæ Civitatis. Quid autem dico, occupatæ? Servatæ dicere debebam. At neque hoc ad rei exprimendæ magnitudinem sufficit: in integrum restitutæ dicere oportet. Occupavit Carthaginem Scipio Æmilianus, sed ut eam funditus deleret. Occupavit Corinthum Mummius, sed ut miserrimè direptam, præcinente publicè tuba, dirueret, populumque omnem venderet sub coronâ.

Alii alias urbes exitio destinatas, proximasve, eripuerè periculo, immortalem inde nominis gloriam assecuti. Atque olim ob unum etiam Civem servatum dari solebat corona Civica, coronarum

omnium, ut Plinius major judicat, non pretio, sed honore clarissima. Quanto illustrius decus est, Civitatem totam, Civitatem magnam & celebrem, Civitatem in extremo discrimine positam servasse? quanto major gloria, tot numero Cives, cosque asperrima quæque expectantes, in gratiam suscepisse? de salute denique anxiiis, libertatem, jura & decora omnia restituisse? Instupescit Orbis tantæ mansuetudini prodigio; ipsaq; Civitas paulò ante ad armorum Regionum fragorem attonita, nunc ad tam insolens beneficiæ Regiæ specimen hæret admirabunda. Apud eos, qui acceptam eminus tantæ rei famam usitatâ judiciorum trutina ponderant, laborat propè narrantium fides, & incredibilis his videtur lenitas, cujus rationem non capiunt. Alii longius quoque progrediuntur, & rem, quæ consuetudinem captumq; publicum excessit, modum etiam excessisse judicant. Indigni clementiâ homines, qui tam Divinam virtutem cavillari malunt, quàm vel candidis judiciis expendere, vel reverente saltem silentio venerari. Sed illos, quorû animos aut res ista minùs tangit, pene-

penetratve, aut aliena semper Virtus felicitasq; urit, suæ relinquamus ignorantiae nebulis, vel intemperiiis malignitatis. Tibi ò THORUNIUM, memorabile profectò, & æternâ recordatione dignum hoc anni auspiciū est. Nunquam felicius Tibi in isto Zodiaci spacio Sol luxit, nunquam lætius rediit, quam nunc cum Clementissimo Rege JOANNE CASIMIRO. Nec quicquam profectò absenti dicere videbimur, si simplicem aliis, Tibi geminum Solem, maximo Tuo emolumento, rediisse dicemus. Ac sidereus sanè Sol, qui omnibus lucet, Tibi etiam lucere nunquam desit, etsi tot calamitatibus obrutæ non tam gratum fortassis lumen ejus fuit. Sed alterum Solem tristis & miseranda Eclipsis eripuerat Tibi, fortè ut ipso hoc interceptu tanto liquidius pateret, quàm funesta sit absentia ejus, & ut reditum ejusdem tantò impensius desiderares. Verum de Te, ò THORUNIUM, erit paulò post illustrior dicendi locus: cum Sacræ Regiæ Majestatis labores, quos in Te recuperandâ insumpsit, curatiùs memorabimus. Atq; eos quidem historico intexi peplo convenit: &

intextentur suo tempore. Nam quæ æternitati scribuntur, tardiùs procedunt, ipsa intimæ veritatis inquisitione, quâ Historia omnis velut animâ respirat, aliquam temporis postulante moram. Mihi intereà primum animi fervorem, quò in hoc tam optato anni-exordio incalimus, liberiore sermone, sine cujusquam tamen injuriâ, fas erit effundere. Neque derogabit Oratorium hoc præludium operi historico, cum ut aliis, ita nobis quoq; non obscurum sit, alio hîc, alio illic opus esse & genere dicendi, & rerum tum delectu, tum ordine. Porro autem è re esse arbitror, ad grande hoc recuperatæ Urbis, clementiæq; Regiæ decus de prædicandum non ante accedere, quàm alia DEI libaverimus beneficia, quæ Serenissimo Regi, & inclyto Poloniæ Regno, anno proximè elapso, & paullo ante contigerunt. Postrema enim hæc, quæ nunc attonitum tenent Orbem, dependent ex superioribus, quæ nisi præcessissent, cœtera non modo non intelligi, sed prorsùs nec sequi potuissent. Commemoratis autem rebus anterioribus, apparebit tantò liquidius, quibus gradibus

defer-

deservescere Numinis erga nos ira, hosti-
umque retro ferri potentia, Poloniae ve-
rò felicitas, quod praefiscini dixerim, sen-
sim reflorescere coeperit. Eo ardentiori-
bus usque votis invocabitur supremum
Numen, ut non tantum porro nos vince-
re, sed victoriis etiam uti prius, quàm
frui doceat: & imprimis, ut animos ad
eradicanda vitia, verissimas scilicet ma-
lorum, quibus flagellati sumus, radices,
magis magisque excitet, atque inflammet.
Quò tandem his suppressis, studia Virtu-
tum, quibus felicitas Regnorum debetur,
splendidiùs efflorescere possint. Cate-
rum in memoriam retrò actorum regre-
dientibus haud altiùs jam narrationem
nostram ordiri lubet, quàm ab illo tem-
porum articulo, quo Dacica in regno no-
stro tempestas defævit. Nunquam enim
luculentius ultricem DEI manum hostes
nostri sensere. Nemo non intelligit, de
Palatino Transylvaniae Racocio me lo-
qui. Quem meministis, nexibus illis,
quibus jam olim terra ejus Regno nostro
arctissime devincta fuit, posthabitis, au-
toramentis præterea, quibus amicitiam
opemque ipsius studiosè imprimis quæsit,

meruitq; Polonia, neglectis, non Dacos tantum suos, sed Valachos, Muldavos, Hunnos, & quod maximi momenti erat, turbidissimos quosq; Cosacorum in Rempubl. hanc commovisse. Tot gentium robora trahenti facile fuit, in corpore semivivo & non sanguinem tantum, sed jam pene animam vomente, agere aliquantis per pro libitu suo. Itaq; magnam Poloniæ partem licentiissimè pervallavit, ipsumq; Regni Caput Cracoviam insedit. Sed ut iniquissima ejus causa, ita vitrea fortuna fuit. Fracta est, cum splendere vix capisset. Postquam enim Rex Sveciæ abiisset, hunc imparem ejus socium exercitus Austriacus magnitudinis suæ umbrâ illicè terruit, noster vero, sub Ducum Regni, & Palatini Rusiæ felicissimo regimine inferare, fundere, ac persequi non desistit, illatas etiam Regno injurias in ipsa Transylvaniâ, Duce Magno Regni Marechallo, comitante Castellanide Cracoviensi Joanne Sobiescio ac aliis præclaræ & nimis & fortitudinis viris, ultus est non perfunctorie. Tandem miser à pierisq; illis populis, quos in perniciem Poloniæ attraxerat, desertus, postquam Aquilas Polo-

Polo
pot
cus
di li
quid
& Po
tus
& q
Taur
Qua
Rac
toma
suo e
restat
hac
impe
Qui
tuni
ultr
ret
va, co
inve
toma
feci,
tem,
peric
mag

Polonicas nullâ fugæ celeritate effugere potuit, circumfessus, atq; ad incitas redactus, miserabili pactione vitam, & abeundi libertatem redemit. Atq; ita rediit quidem ipse in Patriam, sed pene inermis, & Polono magis, quam suo milite stipatus. Hic enim in Scythicas incidit manus, & quam Poloniæ intentaverat, ipse in Tauricâ Chersoneso subiit servitutem. Quas deinde adhuc calamitates eidem Racocio, jam reduci, indignatio aulae Otomannicæ conciverit, & ut principatu suo exutus, alienis jam viribus collapsam restaurare quærat fortunam, qui suis antehac amicissimo Regno, præter causam, impensè gravis fuit, nolo nunc referre. Qui & hæc, quæ dixi, nullâ alieno infortunio insultandi libidine à me dicta esse, ultrò & fidem testans, profiteor. Miseret enim me potius Principis, quem prava consilia opulentissimâ pace, quâ ad invidiam usq; frui visus est, exuere. Otomannici Imperii mentio, quam modò feci, revocat mihi in memoriam terrorem, quo ista Orientis potentia, vere superiori, cum nondum constaret, quem magnis illis belli apparatusibus peteret, sol-

licitum habuit Regnum nostrum. Circumstrepebant fines nostros ingentes viciniorum Bassarum exercitus, & constans volitabat fama, arma ista stringi in nos, qui ob exhaustas vires alienis conatibus maximè videremur opportuni. Neque dubium sanè erat, in Aulâ Ottomannicâ ab hostibus nostris nullum non motum esse lapidem, qui ad nos opprimendos crederetur facere posse. Sed aliter rem direxit, qui corda Principum frangat flectitque pro libitu suo. Ejus potente nutu evenit, ut quæ nobis minata videbatur tempestas, in proximas gentes, & eas imprimis, quæ paulo ante in hoc se Regnum vi immani infuderant, decumberet, pœnas veluti exigens eorum facinorum, quibus, dum nos flagellarent, gravius ipsæ flagellum meruerant.

Turcis juncta, atq; obnoxia Tartarorum gens est, illorumque adedò arbitrio hæc pacem, & bella capesit. Jam vetera eorum, & nomianis, sed seculis multis continua adversum nos bella quis ignorat? At iidem tamen postremis his temporibus, impensè in Regem, & Regnum nostrum benevoli, magnum profectò ad-

mini-

miniculum rebus nostris labentibus dedere: mirè DEO rem adgubernante, ut adversum Christianos, cognatos, & nullâ injuriâ læsos Principes gens barbara, gens olim perpetuò inimica, Regem nostrum sublevaret. Nequē enim tantum copiis identidem submissis terruit Poloniæ hostes, sed & apud aulam Ottonianicam cum curâ egit causam nostram, quodq; maxime omnium memorari meretur, Cosacos summo virium conatu eò adduxit, ut primùm manus abstinere à Poloniâ, & deniq; novo obsequii nexu eidem illigarentur.

Nunc ordo temporis ad commemorandum aliud DEI beneficium me vocat, & id tanti quidem momenti, ut non minimam illi salutis suæ partem debere videatur Polonia. Loquor autem de Serenissimi Electoris Brandenburgici reconciliatione. Is Princeps uti virtutibus animi, & potentiâ inter paucos hodie nominandus est, ita cuicunq; se parti adjungit, huic ingens profecto, confessione omnium, pondus adjicit. Eo tempore, quo Poloniæ nihil non, atque etiam ipsa sibi adversabatur, transmarino autem hosti

hosti fortuna velut sacramento dixisse videbatur, idem Sereniss. Elector magno illo publicæ infelicitatis torrente eò quoque tandem impulsus fuerat, ut quas primum infringere quæsiuerat, partes hostiles, fœderis deniq; nexu, & virium suarum accessu augeret. Ea societas quamdiu vixit, gravissimis sane damnis ut Electori, ita Poloniæ constitit. Mutuis enim iisq; longè atrocissimis incursionibus provinciæ affines vexabantur. Ictibus iisdem pulsabatur utriusq; Principis animus, miserans, ut probos populorum Pastores decet, subditorum suorum fortunam. Ac multis insuper aliis tum domesticis, tum externis stimulis ad redintegrandam cum Polonia necessitudinem accendebatur Elector, ipseq; etiam Serenissimus Rex, missis aliis, atq; aliis internunciis, sinum illi pristini affectus magno studio pandebat. Ac dudum is annuisset, (consciis loquor) nisi novus ex Transylvaniâ intervenisset obex. Eo lapide feliciter tandem amoto, facilius Elector Serenissimus Regiis & Cæsarianis hortatibus, quibus ad pacem cum Polonia stimulabatur, cessit. Cessit, & ejurata

ratâ hostium nostrorum societate, ad pristinam amicitiam novis legibus, interposito utrinq; in congressu Bidgostiensî, sacramento rediit. Hoc conciliatu, etsi is magno Poloniæ constitit, plurimum eo tempore rebus, & Regni, & Electoris commodatum est. Nam primum mutux terrarum populationes illicò conquievêre, Copiæ verò, quæ adversus Electorem excubuerant, ductæ sunt adversus hostem communem. Moscus reverentius mox Lithvaniam, Poloniamq; tractandam sibi putavit, postquam ad Regem accessisse cognoverat eum Principem, cujus amicitiam solícite semper, multisq; legationibus coluerat. Cosacis quoq; major Regni veneratio incescit, cum id brachio Electorali viderent subnixum. Quantum porro, & quàm benè ordinatum exercitum idem Princeps trahebat secùm? illum exercitum, cui magnam partem victoriæ Varsaviensis Sueciæ Rex debebat. Illos Duces, qui phalangem pedestrem phalangi, tormenta tormentis, ignem igni aptissimè nôrant opponere. Perspexerat id toties hostis, eò jam magis animo attonitus hæsit, cum quos, in nupero re-

rum nostrarum orgasmo, pro se, contra Polonos stare viderat, eos postea pro Polonis contra se stare sentiret. Jam illud quanti momenti, quod redintegrata hæc amicitia portus electorales obstruxit hostibus, iisdemq; omne maritimum in his oris commercium, omnemq; adeo auxilii spem, & ipsa quodammodo spiracula interclusit? Ad hæc cum latissimè pateant ditiones Electorales, ex omnibus penè istis ad primum hostis classicum, & multo magis deinceps ad magnum subito exsplendescentis fortunæ fulgur plurimi accurrerant. Post compositionem advocati sunt isti, & divites illæ scaturigines, ex quibus militum copiæ affluerant hosti, obturatæ, aut alio aversæ. Postremò quot quantosq; Principes, catena ista amicitia Electoralis traxit? Quam multi in Germaniâ utraque amicitia æstimare coeperunt partes nostras, postquam pro illis pugnantes viderunt Principem, sanguinis, sacrorum, alioque fœderum vinculo ipsis arctè innexum? Ut extemplo mutavere nonnulli castra, nec committendum sibi putarunt, ut contra eos arma fringerent, cum quibus sua conjunxisset:

Electores?

Electoꝝ? Tanti ponderis, tantiq; emolumentu conciliatio, longo labori, & singulari dexteritati VENCESLAI COMITIS DE LESNO, Episcopi tum Varmienſis, nunc Regni Poloniæ PRIMATIS DESIGNATI potiſſimũ debetur, cui eodem in opere, cura perpetua Fratris PALATINI POSNANIENSIS, ſapienſiſſimi, & de patriâ præclariffimè merentis Senatoris, etſi eminus, efficaciffimè tamen, ſemper reſpondit. Autoritate porro publicâ, illuſtriſſimo Antiftiti, magnus Theſaurarius, idemq; Campiductoꝝ Lithvaniæ VINCENTIUS GOSIEVIUS ſpectatiſſimi animi conſiliq; Senator, hoc in negotio, datus erat Collega. Enimverò prægrande ad eandem rem momentum attulit Auguſtiſſima DOMUS AUSTRIACA. Hæc jam antè laboranti Poloniæ Regno validum ſubmiſerat Exercitum, ipſo impulſa vicini periculi intuitu, multoq; magnorum Virorum indefeſſo labore jam dudum excitata, poſtremò autem, ubi tempore res maturuerat, feliciffimâ ſummi Viri BOGUSLAI COMITIS DE LESNO, tum magni Theſaurarii, nunc Vice-Cancellarii operâ,

ad

ad belli societate adducta. Ac fatari profectò oportet, rem maximi momenti tum confectam, quia ipsa, quam novus ac tantæ molis Clypeus jaciebat, Umbra, etsi postea nonnullis apud nos minus grata, Transylvano tamen aliisque hostibus nostris, multum formidabilis, & ut praesidio suo, sic ipso magnitudinis Austriacæ horrore impensè fuit damnosa. Sed altero non minus illustri beneficio idem Imperator Rempubl. hanc devinxit, cum, ut dicere cœpi, misso experrectissimæ ingenii, & edecumata prudentiæ Legato, BARONE DE LISOLA, Serenissimum Electorem, & Regi nostro, & sibi, & toti huic causæ conciliavit. Utriusque negotii gravitatem vel ipsa effectus lentitudo abundè ostendit, & quæ intervenire obstackula, tam fuerunt grandia, atq; immania, ut non modo optatum diu sufflaminarint eventum, sed & spem ejus interdum prorsus interceperint. Mors præcipuè Imperatoris nonne scopulus ejusmodi erat, cui illisa negotiatio spes omninò nostras frustratura videbatur? Nonne enim ipse ille rerum transitus, per se semper miris, atque insperatis conatibus opportunus, novos hostibus animos,

coëteris novos afferebat metus? Nonne & ipsum Serenissimum Electorem, aliosq; idem negotium volventes, cum adversæ partis machinamenta inspicerent, iusta suspendebat sollicitudo, ac timor, ne à domo Regnatricæ aberraret electio? Quod si contigisset, nec ipsa Domus illa, nec Elector tutum sibi putasset, novo se & res suas implicare bello. Sed qui in alto res mortalium dispensat, ita consilia Germaniæ direxit, ut Septemvirale Collegium sumere Principem mallet, quàm quærere. Hoc præterea effecit, ut de publico Germanici Imperii consilio ad hostem mitterentur Legati, honestis conditionibus suaturi, ut ex finibus imperii arma efferret. Nihil impetrarunt illi, & Holsatiâ, Jutiâque, provinciis Germaniæ, adeo hostis non excessit ultrò, ut annulus sit potius æternum facere suas. Uno impetu potiores Holsatiæ urbes opprimere instituit, eodemque tempore Serenissimum Daniæ Regem, factæ novissimè paci fidentem, & jam pene inermem, calidissimo consilio, denuò invasit, ac omni propè Regno exuit. Intra unius Hafniæ fortitudinem stetit totius Regiæ Domus, sceptrique Dani-

ci

ci salus, quasi ostendere volentibus fati,
nullam esse tantam potentiam, nullam
audaciam, quam virtus, ubi veris stimulis,
& honestâ desperatione incaluerit, cælo
auspice, sistere non possit. Stitit acerrimum Regem una Urbs, non tam vallo-
rum circuitu tum, quàm fortium, & Regi
suo fidorum pectorum oppositu munita,
sed inprimis protectore DEO, & Domini
sui præsentia animosa. Stitit, inquam,
Principem, quem non cætera Dania, usi-
tatis nudata præsidiiis, non hyems hosti
nimirum propitia, non flumina, non ma-
ria ipsa cohibuerant; exercitumq; nihil
non domare posse creditum, invictâ con-
stantiâ à mœnibus suis prohibuit, ingens
hactenus scopulus fortunæ hostilis, & il-
lustrem in posterum Deo volente habitura
locum, inter Civitates, præclarâ erga Do-
minos suos fide celebres, quales sunt, ut
alias nunc taceam, Aurelia, Metæ, Vien-
na, Praga, Lovanium, Brunna, Freiberga,
Dantiscum, Zamoscium. Neque passus
est Deus periclitanti unâ cum Rege suo
Urbi deesse auxiliares. Nam cum ter-
ræ ei succurri à Principibus amicis, quan-
tumvis nihil intentatum relinquentibus,

non

non posset, mari classis Batava subvenit,
& per infestas freti Danici angustias, per
obstantes undique hostium acerrimè pu-
gnantium ignes manusque, cruentâ qui-
dem, nec parvo emptâ, magnificâ tamen
victoriâ opem intulit; non sine eximiâ
& æternâ laude Thalassiarchi Baronis
Wallenarii, qui ejusdem classis Pro-Præ-
fectis Wittio, & Florissio illie occisis su-
perstes, non minus fortiter, quàm qui pe-
triêrunt, sed magis feliciter dimicavit.
Cæterùm dum hæc aguntur, tota interim
commota Europa bello Dano-Polónico
magis magisque intendit animos, & nul-
lus pene Princeps, nulla provincia est, quæ
hoc incendium ad se non putet pertinere.
Quâ in re quomodo non reverentibus a-
nimis admitemur singularem DEI super
Republ. nostrâ curam? quâ effectum vi-
demus, ut causam nostram olim deser-
tam, major tandem pars Orbis, facto ar-
morum consiliorumq; concursu, agen-
dam susceperit. Non est equidem pie-
tatis nostræ, latius se indies spargentibus
belli flammis lætari; potius verò calami-
tatibus, quas Dania fœderata, & tot aliæ
terræ gravissimas patiuntur, ita, ut par
est,

est, ingemiscimus, atque ut honestissimā
 tandem pace tam fœda certamina com-
 ponantur; & improbus bellandi amor
 exterminetur, animis optamus. Attamenē
 fateri necesse est, nobis multitudinem hostiū
 variorum obrutis, longè graviolem futu-
 rum fuisse hunc Regem, nisi alibi reperis-
 set, cui infringeret potentia suæ genninū.
 Ubi vero tot populi in idem bellum con-
 spirarunt, nostri interim Exercitus viam
 sibi stravere ad hostem ibi quærendum,
 ubi multis abhinc seculis pedem Poloni
 non posuerant. Quas ô superi! vices
 habent res mortalium! Nondum trien-
 nium effluxit, cum intimis regni nostri
 visceribus incubaret hostis; illudq; velut
 belli spoliū inter Duces suos distribuere
 cogitaret. Brevi post excussū est cervi-
 cibus jugum, & surrexerunt Camilli, qui
 excitatā veteri Sarmatarum virtute, vo-
 catoque in libertatis vindicias fortissi-
 mo quoque, passim præter opinionem fa-
 tigavere invasores, & extremo virium
 conatu id effecere, ut externæ potentia
 virtus à mediis Polonia præcordiis, in ex-
 tremos ejusdem margines ejiceretur.
 Pauci tamen, in illo redeuntis fortunæ
 quasi

quasi crepusculo, tam amplæ spei erant, ut brevi fulsurum crederent diem, quo Polonia hostem in cubilibus ejus, Livoniâ, Pomeraniâ, postea vero in ipsis Cimbrorum intimis recessibus vestigaret. Id tamen ecce fieri jam imò factum conspicit, miraturq; Orbis. Sensit non ita dudum vim Sarmaticam Pomerania omnis, quæque antea hostis apud nos peccaverat, illa maximâ clade suâ expiavit, fortassis in posterum etiam expiare perget. Non sine stupore Germania, & Europa penè universa audit, Aquilas nostras circumvolitare Cimbrici maris littora, ibique præeunte fortissimè Stephano Czarnecio, Palatino Russiæ, & altero Podlachia Petro Opalinio cæterisque Ductoribus, viris strenuissimis, summâ passim celeritate famam sui anteire, admirabili audaciâ magna, & aliis invia flumina, sine pontium beneficio, trajicere, incredibili alacritate difficillimas quasque belli operas sibi ultrò deposcere, maxima adire pericula, capere urbes munitas, insulas nando invadere, atque occupare, hostes passim fugare, sternere, persequi, præclaris deniq; ausis gentis suæ gloriam latissimè per orbem diffundere,

Sed jam tandem sermo ab extremis Balthici maris anfractibus ad Borysthenem & ultimos Rusiæ fines trajiciendus est. Non nescit orbis, primam inde tempestatem surrexisse Poloniæ, quâ ita concussa illa est, ut fessa denique & propè nuda, miserabili modo patuerit aliorum vicinorum libidini. Atque horum occulta quædam, & fortasse fatalis in nos conspiratio fuit. Certè, quò diutius hæc Respublica vapularet, singulis, DEO permitte, velut per manus, tradita est flagellanda. Sed, ut ignui modò prima virga, quâ castigati sumus, agrestis fuit, tantoq; adeò acerbior, quia famulâ manu infligebatur ingenuis, & in corpus tum adhuc integrum, delicatum & talium plagarum insolens, inciderat. Facilis cuiq; conjectura est, de Cosacis me loqui, genere hominum duro, laborum tolerante, libertatis, & magis licentiæ avido, Reipubl. cum ad bona se vertit, præsidio egregio, cum secus, pestilentissimo veneno. Nam ut adversum Turcas, Tartaros, Moschos, utilem subinde Regno præstitit operam, ita facile semper, quoties aut robore suo placuit sibi, aut servitute displicuit, rebel-

lavit,

lavit, simulatque inprimis caput reperit
prorum, idoneumq; ad res novas. No-
vislime Chmelnicium reppererat, homi-
nem à teneris inanutritum militiæ, nec li-
terarum rudem, aulæ vero nostræ, & im-
becillitatum publicarum, plu- quàm ex-
pediebat nobis, gnarum. Is cum lite pri-
vatâ partem agri amisisset, damni & con-
tumeliæ impatiens, provocavit ad arma,
& collectâ primùm intra scopulos Bory-
sthenis exiguâ sui similium manu, mox
Scythas vicinos allexit, eorumq; mini-
sterio excubitores Regni exercitus, cum
quicquid ibi Cosacici sanguinis sub signis
Polonis militaret, corrupisset, repente
circumvenit, floremq; adeo militiæ Po-
lonæ aut cecidit, aut unâ cum Ducibus in
Tauricam misit. Dein iis, cum durante
Interregno pro libitu scrutatus esset ma-
tis Reipubl. viscera, tandem exsplende-
sciente novi Regis Majestâte flecti se pas-
sus est, ut fortunæ suæ moderaretur. Sed
quoties postea sensit, lacertos denuo Po-
loniam movere, vim illicò aut repulit, aut
prævenit. Fusus aliquando, sed multitu-
dine astuque sæpius prævaluit. Pactis
identidem Reipublicæ conciliatus, sed

nunquam fidens, & in ipsâ semper quiete inquires, animos suorum perpetuò adversum Poloniam tenuit armatos, atque externa insuper fœdera, quibus potentiam suam muniret, circumspexit. Hæc porro ipsa, prout rebus suis expedire videbatur, mutabat. Nam cum Tartari, quorum viribus ante surrexerat, in gratiam cum Rege & Regno nostro rediissent, ille uni eisdemque cum nostris parieti inniti nolens, ad Mosci patrocinium confugit, ejusque potestati Kioviam, aliaq; præcipua illius Russiæ oppida tradidit, in precium scilicet tutelæ, & fidei autoramentum. Atque istâ tanti exercitus, & tot munimentorum accessione animatus Moschus, eò profundius unguet barbaros in Litvaniæ præcordia immisit. Postea equidem subito emicans potentia Svecicæ fulgor sumpta in nos arma Moscorum stetit aliquandiu; nihilominus pars Confacorum, connivente Chmelnicio, stimulantibusque occultè aliis, Racocii Transylvaniæ Palatini adversum nos robur auxit, eoque Duce, Poloniam fœdisimè devastavit. Ita homo ille, utcumque simularet amicitiam, per abdita, & magis fida

ad hostes inclinans, occasionem nullam nervos Polonorum incidendi prætermittabat. Ac à Moschici quidem Dominatus nexu haud temerè unquam is recessurus videbatur, quia abjectâ solidæ cum Republ. conciliationis fiduciâ, sacramento se obstrinxerat Despotæ illi, neq; aliud firmitus contra Tartaros æquè ac Polonos præsidium reperire se posse putabat. Unde vix spei quicquam supererat, vivo illo, Cosacos ad obsequium Poloniæ redituros. DE O autem, ut ex eventu didicimus, placuit restituere eos Reipublicæ, à quâ malo fato erant avulsi. Itaq; obices omnes amovere oportuit, & in illis ipsum quoq; Bogdanum Chmelnicium, quo sublato in diversa quidem ivère Cosaci, potior tamen pars, Ductore VIHOVIO, homine sagaci & intimorum defuncti Chmelnicii Ducis consiliorum socio, Tartaris præcipuè instigantibus, in Poloniam reflectere capit animos. Nec præbenti se fortunæ defuit utraq; Majestas Regia: sed per viros gravissimos prudentissimosq; quorum princeps STANISLAUS CASIMIRUS BINEVIUS, Castellanus Volhiniæ fuit, surgentem in

E f. z.

illis.

illis bonæ erga Rempubl. propensionis affectum, sollicitè aluit, fovitque. Interim verò, re magis magisque indies mature-
 scente, optimi, & sincerissimi quique Co-
 saci Moschicæ servitutis jugum quaterere,
 atque excutere incipiunt: confestim etiã
 alios sibi adversos, Duce VIHOVIO, ar-
 mis aggrediuntur, & ope Scythicâ subni-
 xi, profligant, ipsum vero Ductorem,
 Puskarencum nomine, palo suffigunt, o-
 stentui cœteris, qui Moschici regiminis
 pertinaces, libertatem oppugnare quàm
 defendere mallent. His certaminibus
 illi, quò magis apud Moschum spem sibi
 veniæ præcidisse viderentur, eò alacrius
 aures præbuerunt Regiæ clementiæ pro-
 missis. Tandemque annitentibus utrin-
 que delegatis, in certa capita, quibus illos
 in unum secū corpus coalescere Reipubl.
 voluit, conventum est: misliq; ad Sere-
 nissimum Regem, apud Thoranium, in
 Castris, tūm agentem, internuncii, qui
 VIHOVII, & cœteri exercitus Zaporovi-
 ani nomine, sacramentum Majestati Re-
 giæ, & Reipubl. dixere. Magno equi-
 dem conatu, magno etiam rerum, quas
 Reipubl. pro carissimis habuit, impensio,
 nec

nec libertatis tantum, sed summorum decorum suorum communicatione consistit ista conciliatio. Sed fructum, quos eadem illa nobis promittit, ubertas solatur & pensat omnem precii magnitudinem. Ego nunc emolumenta ejus pacificationis omnia recensere hic nolo. Hoc tantum addo, quod in confesso apud omnes temporum callidos est, magnum eo nomine beneficium DEO Poloniam debere: eumque porro orandum, ut tanto muneri addat perennitatem, atque initæ conjunctionis nodum fortius indies adducat.

Tandem verò jam ad Te, THORUN-
UM, redeo, quia, ut sermonis initium fuisse, sic ejusdem Te finem esse volo: ita tamen dictionem temperare meditans, ut minime fortuna Tuæ insultare, sed potius de tam miti malorum Tuorum termino videar Tibi gratulari. Non enim lubet, nec decet acerbitate verborum gravem esse illis, quibus victor Rex tam voluit esse propitius. Quamquam tristioribus nonnullorum gentis, & nodum in scirpo querentibus, nulla fortassis orationis molli-
ties satisfaciet. Tales enim vel levisimi

attactis umbrâ ac suspicione vulnerantur, & sub quovis etiam balsamo causticum metuent.

Equidem Tibi, ô pulcherrima Urbium, antiquitas Tua, tum continua in Poloniam fides, jam olim inter primas Borussia civitates Principem locum dedit. Tibi Legum, juriumq; suorum Archivum credit Borussia. Tu Pactolum Sarmaticum Istulam, cum Borusiam ingreditur, prima omnium excipis; Tu ubertate illius, totque aded feracis Poloniæ muneribus prima letaris. Te & vicinia ipsa & linguæ communio, & commerciorum prior usus præ aliis Regno ætatisimè inmixuit. Certè, quàm indissolubili necessitudine illi injuncta hæreret, ipsa satis palam fecisti, cum priore bello Suecico, audaces Wrangelii impetus, & inopinatò mœnibus imminentem vim consilio & ductu magni Viri Gerhardi Dönhoffi, invictâ fortitudine repulisti, eo nomine & apud Polonos summam gratiam, & domi facundissimos præcones, & deniq; apud posteritatem immortale nominis decus adepti. Novissimâ hæc rerum vertigine, tempestas publica communi Te

cum aliis multis naufragio implicuit. Equidem proditionis labe intactam Te, & cum hoste, antequam ei subesses, nunquam consilia sociasse scimus. Potius vero iniisse Te fatemur rationes, quibus vim illius à mœnibus Tuis quàm longissimè arceres. Cæterum postquam idem, prolabentibus ad obsequium ejus & exercitiis, & Provinciis, ipsâque Regni metropoli, in Prusiam rediret, fortuna venientis ita Te attonuit, ita etiam juncta fortunæ suada se infudit animo Tuo, ut maximæ imprudentiæ esse crederes, portas claudere illi, cui nemo putabatur clausisse, aut clausurus esse. Admisisti igitur Dominum novum, & cum eo numerosum præsidium, novum scilicet cum novo Domino capistrum. Prorsusque ita alterius esse cœpisti, ut propè desineres esse tua. Quantumvis enim lene admodum videretur, cui humeros submittebas, dominium, tale tamen erat, ut id tuo arbitrio excuti non posset, alieno semper posset intendi. Ac sub novâ hac potestate defluxere Tibi tres propemodùm anni, ægrius nimirum lentiusque ex fluctibus suis emergente Poloniâ, quam ut Tibi il-

licò manum posset porrigere. Post Cracoviam recuperatam destinatus equidem in Tui vindicias tendere cœpit exercitus. Sed is hiemis viciniam, & nescio quæ alia obstacula cansatus, non multò post, cum Duce annis fessò, ante hyemem ingressus est hyberna. Pars tamen equitatus Polonici, Ductore JOHANN E SAPIEHA, exercituum Regni Commissario generali, eminùs circumfidere Te cœpit, Tibique com meatum; & cum reliquis hostium præsidiis commercium intercludere conata est. Ubi velitationibus creberrimis commissi utrinq; excusores, multo subinde crûore campum respersêre. Perpetuoque cum præsidio Tuo pugnavit magnanimus Sapieha, donec in suburbiis Tuis consisteret. Supervenêre postea sub regimine Generalis excubiarum Magistri SÜCHII, viri militari laude præclarissimi, Austriacæ aliquot legiones.

Quæ fortiter circa Te figere pedem, & peditatu suo aggeres struere, tandemque machinis admotis opera hostium & Tua verberare cœperant. Crevit indies obsessor exercitus, quia & illæ copiæ Austriacæ, quæ in Warmiensi Episcopatu hyemaverant,

maverant, accessere, Ducis sui HESTERI inopinatâ captivitate nuper tristes, mox reditu ejusdem tantò lætiores, quia is altu-
 astum pulchrè ultus, è carcere Mariebur-
 gensi feliciter evaserat. Accessit quoq;
 CHRISTOPHORUS GRODZICIUS
 Generalis rei armamentariæ per Poloni-
 am Magister, idemque meritissimus Re-
 gni Senator, qui oppida Vistulæ adlita, &
 quicquid hac parte hostilibus rapinis pa-
 tuisset, legionibus suis strenuè hætenus
 propugnârat. Ita omni ex parte deniq;
 cincta Urbs fuit, & hostis intra mœnia,
 parvamque insulam, in medio Vistulâ si-
 tam, conclusus. Interim verò non defuit
 ille sibi, captans subinde, atque aperiens
 etiam sibi occasiones erumpendi. Præ-
 cipuè autem copias Austriacas assiduè,
 & insidiis & aggressionibus sollicitabat.
 In has enim & præsidarii, & cives ipsi
 singulari quodam ferebantur odio. Quia
 nimirum animis infederat opinio, urbem
 obsessam, si quando ad deditiônem venien-
 dum foret, non veteris Domini, sed Au-
 striacum regimen subituram. Quod ut
 externum, & religioni suæ formidolosum
 populus omnis mirificè abhorrebat. Bi-
 loviam

lovium porro, cui Civitatis defensio commissa erat, super insitam indolem, acrem, cautamque & prorsus ad ardua comparatam, famæ suæ cura stimulabat, ut summâ vigilantia & contentione ageret, quæ Virum nobilem, veterem militiæ, ejusmodi obsidia sæpius cum laude expertum, Generalis deniq; excubiarum Magistrî munere præditum decerent. Dabat itaque sollicitè operam, ut in Urbe quam ordinatissimè omnia procederent. Cives advenasque (quorum sanè plurimi ex proximis agris confluerant, ipsâ rei familiaris jacturâ in populatores nostros mirificè exacerbatî) non modò ad obsidionis tolerantiam, sed ad arma etiam gerenda firmabat. Intùs benevolentiam, quantum posset, servans sibi, extra obsessoribus noctu diuque nocere quærens; eruptionibus potissimum, quas ità frequentavit, ut qui omnes illas ab initio ad finem annotarunt, plusquam trecentas nobis annumerent. Cæterum his opera equidem nostrorum multùm subinde turbata, & ipsè peditatus, auxiliaris præsertim, non leviter labefactatus; Sed non minus prædiariorum quoque numerus accisus

cisus est. Ac tametsi hostis identidem aliquos ex nostris caperet cœderetvè, nunquam tamen eò profecit, ut ullum vel militem auxiliarem à suis, vel com-
meatum unquàm reciperet. Nostri enim vias, quibus subsidia ventura crede-
bantur, excurrentibus longè latèque tur-
mis equestribus, undiquaq; obsepserant;
& ut ipsi largiore rerum necessariarum
copiâ fruerentur, strato ponte junxerant
utramque Vistulæ ripam. Sed hostis mu-
nitionum suarum robore, tum suppeten-
te victûs necessarii sat ubere usque copiâ
fretus, haud quicquam adhuc submitte-
bat animos. Prorsusque adeò major vis
ad cicurandam ejus audaciam videbatur
requiri. Meritò hîc mirum miserumq;
rerum humanarum genium agnoscimus;
quarum adeò remedia longè tardiora
sunt, quam mala. Morbi repente subin-
de ingruunt, ac si fatalis hora adest, re-
pente etiam occidunt. Ut vero curentur,
mensibus opus est, aliquando & an-
nis. Non unius præterea Medici indu-
striam fatigant, multas pyxides Pharma-
copæorum deplent, & ut ægrotantium
corpora, sic crumenas eorundem, aut iis

proximorum exhauriunt. Ægrotabas Tu quoq; Thorunium, & repentinus quidem, sed idem gravissimus æstus præter opinionem Te Polonia & Tibi ipsi eripuerat. Utinam prior valetudo æquè citò redonari agræ potuisset, quàm erat erepta? Sed lentè procescit restitutio Tuâ. Iterum quasi parere Te sibi Polonia debuit; & ut feliciter pareret, plusquam novimestre tadium coacta est ferre. Tulit æstivi solis ignes, tulit autumnî nimbos & procellas, tulit brumæ rigores, tulit mille molestias ac incommoda, ut Te ægritudine Tuâ, à quâ possidebaris, liberaret. Nec cessisset forsitan usque illa, nisi præsentem Regiæ Majestatis vim sensisset. Præviùm id maturè à Rege ipso, & Regni Ordinibus, adeoque omnium consensu sancitum est, ut ægri illius restitutioni Rex, non autoritatis tantùm auspicia, sed & manûs suæ ductum commodaret.

Nec cunctatus SERENISSIMUS REX, simul ut Comitiorum laboribus defunctus esset, abiit in castra, comitante SERENISSIMA REGINA; utroque Regni CANCELLARIO, & aliis Proceribus. Sed venit quoq; inprimis alter exerci-

exercituum Polonicorum Dux, idemque Regni Mareschallus GEORGIVS LUBOMIERSCIUS S. R. J. Princeps, Comes de Vifnice, accelerando cœptæ obfidionis operi, summâ illa autoritate, quam immensis virtutibus, maximisq; in patriam meritis, dudum comparavit, ingens daturus robur ac pondus. Qui jam etiam magnam exercitus sui partem, florem militiæ nostræ, eodem præmiserat. Tum verò validissimè demùm fervere cœpit obsidio, tot nimirum diversorum nominum, populorumque legionibus, nobili virtutis amulatione, in hostem certatim undique pugnantibus. Excitati jam ante erant nonnulli suggestus, de quibus in urbem non infeliciter quotidie fulminabatur. Ne inferiores cœteris essent, qui post cœteros venerant, excitarunt & ipsi suos, quo nullâ parte quies esset obsessis. Qui vicissim noctu diuque aut eminùs jaculando respondebant nostris, aut cominùs factâ excursionem instabant. Et si autem cruenta hæc certamina crebescerent, neq; obsessi ulla melioris inclinationis præberent indicia, Rex tamen Serenissimus, ut ab initio alterâ manu arma pertinacibus, alterâ

alterâ clementiam respicientibus ostentaverat, ita subinde adhuc scriptis per NICOLAUM PRASMOVIIUM EPISCOPUM LUCEORIENSEM & MAGNUM REGNI CANCELLARIUM literis æquisssimam pacem omnibus offerebat. Nimirum tibi, Christianissime Princeps, prius, & antiquius erat, Temet vincere, quàm hostem, & minus fortitudini permittere, ut minus sanguinis funderetur. Parcere volebas, ut Tuis, etsi Tui esse desissent, & abscissa membra integra malebas corpori reddere, dum & ipsa modo reddi corpori, quam deleri mallent. Sed qui rerum in urbe potiebantur, hostes, non minus ad verba clementiæ quàm ad ictus telorum occalluerant, seu spe auxilii se sustentantes, seu inania gloriæ tum suæ, tum civium præponentes salutis. Cives autem potestatem sui amiserant. Ad portum salutis & libertatem adspirare apertè, erat res plena periculi. Multi itaque nubilis mentibus serenos inducunt vultus, ut præsentibus rebus contenti viderentur, quas tacito voto mutatas volebant. Sed erant quoque in numero obsessorum aliqui, novo dominio

minio eò usq; addicti, ut non nisi ferro ab eo divelli posse viderentur. Quos adeo clementia Regia non mollebat, sed obdurabat. Nolebant agnoscere malorum suorum sanatricem manum, quia non agnoscebant morbum, & patientiam præbere remediis recusabant, quia quod remedium erat, morbum putabant. Cœterùm ubi Regia Majestas benignitate nihil profici vidit, cedendum deniq; putavit bellatorum legibus, quæ quidvis permittunt in hostem cedere notentem.

Machinis itaque quæ ad vim majorem à nobilissimo ac solertissimo Archimede Regio GÖDKANTIO magnâ & hæcenus inauditâ artis Pyrotechnicæ industriâ, comparatæ erant, saxa & tela ignea tandem immitti placuit in urbem. Juxtà vero omnem exercitum ad faciendum undiquaque insultum præstò adesse jusserrat magnus Mareschalcus. Neque longis hortationibus invitandus, aut erigendus erat miles. Jamdudum is operosis precibus aggressione ejusmodi ambiverat. Multos opulentæ spes prædæ incendebat. Alii generosiores stimulis gloriæ agitabantur, & indecoram suæ genti
tantam

tantam apud unam urbem existimantes
moram, majore severitate aggrediundos
suadebant, qui lenitate hæcenus abuti
viderentur. Plurimis etiam ingruentia
hyemis incommoda lentæ obsidionis tæ-
dium moverant. Magno itaque labore,
multisq; argumentis hæcenus expugnan-
dus fuerat miles, ne tanto & suo, & Urbis
periculo, violentam oppugnationem
præcipitaret. Eoque gratius illi jam fuit
Regiæ Majestatis de urbe adoriendâ de-
cretum. Erat decima septima dies No-
vembris, cum tempestas ignea favire,
cumque pariter exercitus obsessor incre-
dibili impetu in propugnacula mœnium
undiquaque ruere cœpit. Urbs universa
subito colluxit, ac si undiq; oblecta flam-
mis esset, eademq; inter irruentia undiq;
fulmina tota contremuit, non secus ac si
atrocissimo terræ motu concuteretur.
Sed quas stationes quæque legio, & quo
eventu oppugnarit, quæ damna in Urbe
ignes lapidesq; molares injecti dederint,
historia deinceps plenius exponet; uni-
cuiq; etiam Bellatorum decus suam, ex
fide & merito repensura. Nunc levi men-
tione illud duntaxat propugnaculum
tango,

tango, in quo præcipuum operæ preti-
um oppugnatores fecêre. Magnus ipse
Mareschallus adortus illud erat, eâ
inprimis legione, cui Ductorem GIZAM,
spectatissimum militiæ Tribunum præ-
fecerat. Egregiâque Ductorum ac mili-
tum virtute ibi pugnatum est, ac multi ab
obfessis tum sauciati, non pauci etiam cæsi
fuêre. Adeo ut pene hæere animi inci-
perent, an continuanda esset aggressio,
quæ iacturam militum Ductorumque exi-
guo hætenus fructu pensaret. Sed Ma-
reschallus cedere nescius, iteratis horta-
minibus, missôq; subsidio novum ardo-
rem iniecit suis; adeò, ut hi deniq; omnes
acerrimo impetu connisi hostem propu-
gnaculo ejicerent, in quo ille plurimum
spei reposuerat. Pariter aliis nonnullis
stationibus, tum hoc ipso tempore, tum
post breve intervallum, feliciter res gesta
est, ita ut nostri intra paucos dies, aliquot
hostium munimenta occuparent, inque
ipsis adeo moenibus figerent pedem. Sensit
hostis exercitui nostro non modò ad pu-
gnandum satis animorum (hos enim jam-
dudum campis patentibus, & ubi manibus
res gerenda fuit, expertus erat) sed ad ex-
pugnandas

pugnandas etiam munitiones satis jam esse industriæ. Itaq; remittere is tandem paulatim cœpit animos, idque eò magis, quòd facile conjiceret, Polonos nullâ hætenus vi adversâ, nulla cœli inclementiâ, ab inceptâ obsidiõne avocatos, nunc tantis successibus animosos, eò alacrius operi ad finem jam præcipitanti incubituros. In urbe contrâ præsidiorum numerus, tùm vi nostrorum, tùm novis morborum generibus, magis magisque atterebatur. Nescio quæ enim Sceletyrbe, lentè aliquin homines conficere solens, hîc præter morem rapida, in necem subitam agebat milites. Ita ut denique vix trecenti incolumes & ad pugnandum idonei superessent. Eò magis consternati etiam cives, faciliores jam aures præbebant prudentibus, qui præveniendam esse necessitatem ultimam judicabant. Serenissimus vero Rex, etsi ad iterandam aggressionem generalem omnia haberet parata, & præterea multis precibus, atque etiam quiritationibus militum usq; sollicitaretur, ut vi militari urbem expugnari sineret, suæ tamen benignitati magis, quàm votis aliorum obsecutus, denuò per lite-

ras hortatur obseſſos (quamvis nemo inde quicquam benevolentiaẽ ostenderet) ne porro fatum, iramque in se Regiam inani pertinacia lacerarent. Capiti imprimis praesidiariorum non obscure ob oculos poni jubet; quid expectandum haberet, si urbem tam nobile suae potius obstinationis victimam, quam Regiae clementiae fieri vellet exemplum. Cum inter ista, Urbis simul mania tormentis majoribus arietarentur, à terrore ipso vim eò efficaciorẽ habuere literae Regiae. Proindeque colloquia de transactione primum per I R A B U C U M Reg. Maj. Secretarium, postea inter praecipua utriusque partis Capita haberi coeperunt, & cum nulla transactio aut fieri, aut valere posset, nisi quae Principis Adolphi Generalissimi Succorum in Prussia Gubernatoris consensu niteretur, datum est obseſſis armistitium, spatiumque & potestas mittendi Mariaeburgum. Postquam rediissent, qui missi erant, & jam jam violentiae militari lenitas Regia, nisi festinata transactio praeveniret, cessura videretur, venerunt ex urbe faciales, qui cum VIRIS ILLUSTRIS. ANDREA MOR-

MORSTINIO Regni Referendario,
VLADISLAO REY, Serenissimæ Re-
ginæ Cancellario, & BARTHOLDO à
Hautenfels/ Reginæ Maj. Secretario,
congressi, in eas cum Rege Serenissimo
leges convenère, quas nescio an unquam
spe conceperint, accipere quidem vix ab
ullo alio, quàm ab ipsâ Clementiâ potuê-
re. Apud exteras sanè gentes fidem pro-
pè excedit, hostem, qui nihil unquam eo-
rum, quæ summa Martis sævities com-
mittere solet, omiserit; qui toto propè
anno eminus cominusq; circumjectos
exercitus nostros exercuerit, ipsam Regi-
am Majestatem utramq; sub Jove frigi-
do, & variis cœli injuriis tandiu detinu-
erit, tandem imminentibus jam omnibus
extremis, tam æquis tamen, tamq; opta-
bilibus conditionibus, Urbe egressum es-
se. Sed nimirum Serenissimus Rex no-
ster minimè unquam sitiens sanguinis
humani victorias suas eò majores putat,
quò magis sunt incruentæ: & gloriæ sibi
ducit, hostem armis quidem, sed simul &
mansuetudine superasse. Armis quippe
vicisse, felicitatis sæpe laus est, ignovisse
victis, solius decus est virtutis. Inter præ-
cipuas

cipuas porro clementiæ istius causas, Urbs ipsa erat. Potius enim Regia Majestas præsidium cum Urbe servari, quàm Urbem cum præsidio perire voluit. Perisset autem hæc, & nimirum in sanguine Civium, matronarum, infantum nataisset, si furentis permissa fuisset libidini militis. Nec ignota erat hosti Regia lenitas, quæque animo ejus federat, servandæ Urbis sententia. Hoc itaq; Regis consilio, optimo sane, & maxime commendabili, in rem ille suam usus, urbem tam arctè amplexus est, ut interire ipse non posset, nisi per latus civium, modumq; invenit, quo Urbis obsessæ incolumitatem faceret pretium honoræ pacis. Nimirum cum aliud jam, quod opponeret, non inveniret hostis, Te Tibi, Rex Serenissime, opposuit: & cum elabendi nulla via esset, in Naturæ Tuæ genio ostium salutis reperit. Instabat illi vel mortis, vel abjectæ pactionis necessitas: sed novâ arte Tibi per Temetipsum necessitatem intulit honestæ dimissionis. Alphonsus Arragoniæ Rex, clementiâ Tibi simillimus, dixisse olim fertur, nullâ re magis adversariorum animos flecti, & conciliari solere, quàm

quàm placabilitatis, & mansuetudinis nomine. Quod dixit, expertus erat, ac cum multos inimicos habuerit, multos solâ lenitate superavit, & amicos sibi fecit. Utinam æquê felix Tua clementia sit, &, quos perdere in Urbe hostes noluiti, cum posses, eos, admiratio virtutis Tuæ emendet, non effugituros alioqui vindicem Nemesin, si pertinaciæ fomentum esse patiantur, quod correctionis debet esse incitamentum. Facessant vero hinc illi, qui nihil in Regibus nisi solam armorum gloriam admirantur, verum autem fortitudinis nec modum, nec finem nōrunt; rati scilicet moderationem duntaxat succumbentibus esse propriam. Nec Clementiam nisi parvarum mentium virtutem ducunt; ignari, Deum ipsum non minus optimum dici, quàm maximum; nec magis Domini, quam Patris nomine honorari, ad Deum porrò homines nullâ re propiùs quàm benignitate accedere posse.

-- -- -- *Nam cum vincamur in omni Munere, sola Deos æquat clementia nobis.*

Illa autem gratiâ, quâ urbem completus es, Rex Serenissime, quibus præconiis offeren-

efferenda est; & quæ eloquentia dignè
illam extollet? Primum enim quantæ
benignitatis est, quod salvam esse eam
voluisti, quam aliorum Tui dissimilium
Regum asper genius dudum fortassis ad
exitium damnaſſet. Causam ejus Tu ap-
ud Te, benignus idem Patronus & Iudex
æquisſimus egisti: reamq; non à suppli-
cio tantum, sed à crimine etiam absolvi-
ſti. Quicquid peccatum videbatur, nulli
dolo malo, sed sinisteritati temporum tri-
buit æquitas Tua, & quicquid displicuit,
non ut macula indignationem merens,
sed ut vulnus miseratione dignum, fidei
& constantiæ prioris memoriâ absterſum
est. Meminimus, ferventibus extremi hu-
jus belli initiis, audire nos ex Te, Rex
Serenissime, in tanrâ lapſorum multitu-
dine Te aliis jamdudum ultrò ac lubenter
ignoviſſe, aliorum caſtigationem DEO
delegaviſſe: ſolum illum optimè & digno-
ſcere, & ulciſci poſſe, quantum quisque
deliquerit: nec paucos eorum, qui in Te
peccarint, Te etiam quieſcente, caſtiga-
tos. Et de ipſâ hâc Urbe fateri ſanè opor-
tet, illi tranſitum ad hoſtes, etſi haud
ſpontaneum, certè haud quæſitum, tamen
magno

magno admodum constituisse. Tot enim mala, & æruminas passa, tot fatigata laboribus belli, tot affecta damnis, tot denique ictibus lacerata est, ut porro à Te nonnisi per vulnera ipsa percuti, & nihil penè ampliùs, quàm spiritum amittere posset. Cepit Te calamitatum ejus miserratio, & cum ab initio obsidii, Civibus impunitatem spopondisses, postea etiam, etsi justam mutandi causam habere videris, non mutasti propositum: fidei scilicet datæ constantiam & auctoritatem obtendens. Nimirum, quia nullà re magis, quàm clementià gaudes, facile, & ultrò suscipis vincula, quibus ad eam obstringaris, & nodos fidei, quos alii nullo negotio rumperent, Tibi benignitas animi Tui reddit insolubiles. Atq; eadem hâc virtute effectum est, ut non Urbem modò, sed omnia etiam jura ejus salva esse volueris. Nescivit bonitas Tua partiri beneficia; totam sibi restituiti, ut totam se denudò Tibi deberet. Non autem arctius illam Tibi obligare potuisti quàm cum, ut antè fuit, immunem esse justiti. Fidissimum in subditis vinculum animorum est libertas, Neq; ulli imperio liben-

ius quisq; paret, quam sub quo suus esse potest. Quanquam, ut omnis felicitatis, ita libertatis etiam nonnunquam abusus usu venit. Et sæpè nimium sibi permittunt, quibus multum licet; ipsiusq; tandem libertatis vitiis non in servitutem modò, sed in perniciem ruitur. Tu liberrimæ Nationis Rex, tametsi exundantis subinde libertatis æstus, magno & Tuo, & Reipubl. periculo, expertus es, neminem tamen gentilitio hoc bono exuis. Scilicet unumquemq; jam tandem malis domesticis satis edoctum credis, libertatem generoso equo similem esse, qui, si fræna excutiat, & se & sessorem cutrumve, cui junctus est, rapiat in præceps: sed si modestè ea habeatur, nihil esse in mundo generi humano vel gratius, vel utilius. Nostrium certè Regnum, nullâ magis re, quàm libertate ad tantam molem, & ad tantæ potentiæ florem pervenit. Hoc enim maximè illicio invitatæ gentes vicinæ lubenter olim cum regno coaluerunt; & vi aliquâ avulsæ, eidem semper optârunt rejugi. Urbis quoq; ista, cum multas lætandi jam habeat causas, hanc habet potissimam, quod benignitate Re-

giâ & Regno, & pristinae libertati restituta est. Ac meritò Tullium sibi optat, qui tantam clementiam dignis efferat encomiis. Olim Rex ille eloquentiæ Romanæ gratias Cæsari egit, cum is M. Marcello ignovisset. Sed Cæsar viro uni ignovit, tali præterea viro, qui olim æqualis ipsi atq; etiam, cum Consulatum, validâ adhuc Republicâ, gereret, superior fuerat: qui præterea, si Cæsarem offenderat, patriæ, & libertatis amore credi poterat offendisse. Ignovit porro absenti, ignovit quieto, & nihil jam amplius hostile molienti; ignovit denique cum non tantum frater pro fratre supplicaret, sed & totus surgens Senatus interponeret preces. Rex vero noster multitudini hominum ingenti, multitudini subditæ, & jurejurando sibi obstrictæ, multitudini unâ cum Capitibus suis sub alterius potestatem, & ad arma adversus legitimum Dominum, tandèmq; hinc in extrema omnia prolapsæ, ultro, nulloq; prorsus deprecante, plurimis inò ultionem nimis quàm acerbè flagitantibus, veniam dedit. De quâ postquam per Cancellarios certa jam Uls esset, delecti ex Magistratu, & Civibus,

bus, venerunt in castra, & præeunte Seniore & Majorum suisq; meritis Aulæ Polonicæ notissimo Præ-Consule JOANNE PRUSO, adversa omnia, quæ necessitas extorsisset, deprecati, pro clementiâ Majestati Regiæ gratias egere. Benignè excepti sunt, nec nisi paternè admoniti eorum, quibus Regiæ Majestas hætenùs sit offensa. Exin præsidium, quod ex ter mille hominibus ad quadringentos, eosq; magnam partem ægros redactum erat, à Gubernatore BILOVIO, Skittio, Draco, Hammiltono, Zögio, Boko, Tribunis & Pro-tribunis propriis. Cal. Januar. editum est. Egressus etiam, insigni gratiæ Regiæ documento, BENEDICTUS OXENSTIERNIUS Comes, & hoc bello à Rege Sueciæ Palatinatui Culmensi præfectus. His præsidium Regium, cujus pars, jam ante, secundum pacta, portam unam urbis infederat, sub regimine Castellani Camenecensis CHRISTOPHORI GRODZICII, ductu autem PAULI CELLARII, Generalis excubiarum Magistri, successit. Neque enim custodiæ suæ Urbs visa est sufficere, præsertim bello usque in Prusiæ viscera sæviente. Nani-

eis armorum suspensio agitari coeperat, ea tamen per gravitatem conditionum, & quod Confœderatos offensura videbatur, caruit successu. Interim de pace perpetuâ jamdudum placuerat aliqua institui tentamenta. Eamque ad rem Rex Serenissimus ipsam hanc Urbem novissimè recuperatam Illustrissimis & Excellentissimis Delegatis suis, Magno Regni CANCELLARIO, & PALATINO POSNANIENSI, Magni denique Ducatus Lithvaniæ Vice-CANCELLARIO; assignavit, invitatis eòdem Confœderatis suis, quos belli necessitudine secum sociatos, negotiatione pacis nefas putabat Polonia à se disjungere. Votum est omnium bonorum, ut res prospere cedat, utque Urbs, quæ prima, hoc bello, armorum hostilium in Prussiâ sedes fuit, felix tandem sit pacis officina. Cæterum ubi Calendæ Januariæ illuxerant, S. Regia Majestas, splendido Senatorum præsentium, & aulico comitatu, præviis equestribus turmis Urbem, inter armatos Civium ordines ingressa, rectâ ad templum S. Johannis processit, comitante eòdem Serenissimâ REGINA. Excepit venientes ILLU-

STRIS.

STRISSIMUS JOANNES KOS Episcopus Culmenſis. Mox ſacra ritè peracta, Deoq; hymnus pro victoriâ cantatus, Muſicis templi organis interſonantibus, quia hoſtili deſtructa violentiâ jamdudum obmutuerant. Ex Templo in Curiam itum eſt, ubi Magiſtratus Urbanus novo ſacramento ſidem Majeſtati Regiæ obſtrinxit. Quod idem poſtridiè Cives congregati in foro fecere. Poſteà pauci dies extracti ſunt, ordinandis rebus pace belloque neceſſariis, animis que hoſtium, quàm ſeriò ad pacem inclinarent, pertentandis. Sed apud hos omnia & intricata tum nimis, & infra votum deprehenſa. Regem vero alia negotia, & imprimis Comitiorum habendorum cura Varſaviam, Magnum quoq; Mareſchallum inſtans cum exercitibus ſuper ſtipendiorum ſolutione Commiſſio Lublinum vocabat. Itaq; & Aula, & Militia omnis diſceſſit, relictis præſidiis, quæ cohibendis quidem cohortibus Hoſtis in Pruſſiâ tum ſtabulantibus, non item novo exercitui aliunde venienti, ſufficiebant. Sed quæ poſteà contigerunt, quæque alia in hac narratione omiſſa ſunt, Hiſtoricorum

labor suo tempore narrabit. Ego jam ad Regem Regum & Dominum Dominorū me converto. Nihil enim omni hoc dictionis nostræ conatu egero, nisi illius clementiæ, id quod ante omnia, sub hoc novi anni auspiciū, propositum fixumque habui, qualecunq; animi grati anathema suspendero. Ejus beneficio Rex Serenissimus, in hoc insigni ætatis suæ climactere, tot gravissimos togæ sagiq; labores, tot objectas difficultates, tot aeris injurias, illasā superavit valetudine, annumque ipsam illustri victoriā obsignavit. Ejus beneficio Serenissima Regina, ut vitæ sociā, sic laborum Regionum comes, inconcussū corporis animiq; vigorem experitur. Ejus beneficio Illustrissimus Poloniæ Senatus, inclytusque Nobilitatis ordo, atque adeo Reipubl. universa, ex fatali illā calamitatum congerie respirare cœpit, hostium aliis debellatis, aliis conciliatis, aliis in diversa terrarum bellorumq; distractis. Ejus beneficio magnanimi Duces militiæ, ipsiq; exercitus matri Reipubl., etsi jam exsuccæ, & in stipendia ægrè sufficienti, promptissimam tamen, fidamq; operam navarunt, patriæ-

patriæque decus longè extrâ fines magnificè protulerunt. Eundem Deum Optim. Max. veneramur supplices, ut Pietati, omnique Virtuti vigorem, atque accrementum, Regiæ Majestati utrique longævam & omnigenâ prosperitate cumulatam vitam, Senatui saluberrima consilia, Ducibus fortunatam militiam, vigilemq; necessariæ disciplinæ custodiam, Nobilitati moderatos ac concordēs animos, Exercitibus alacre ad nobiles operas obsequium, Urbibus redivivum artium & commerciorum florem, agris quietæ fertilitatis uber, Regno universo Aquilæ juven-
ventam, & pristinam ex felici rerum

successu Majestatem, donet, augeat, conservet.

C
B
fr

P
um
tam
celli
fudi
nec
tra
thed
extra
pore
diigu
licon
um R

AURORA PACIS,

Seu oratio præsentibus
LEGATIS

Cæsareis, Regis Poloniæ &
Brandenburgicis Gedani in maximâ
frequentia circa initia tractatum
Olivensum habitâ.

Post adoratum supremum Numen,
sine quo nihil ritè, nihil auspicatò
procedis mortalibus, primo omni-
um mihi veniam dari obsecro, si in hoc
tam illustri theatro dicere ordienti, per-
celli nonnihil animus videtur. Circum-
fudit me inusitatus huic loco splendor,
nec inficior, conspectis tot sideribus, ex-
tra sphæram suam, circa me & hanc ca-
thedram undiquaq; lucentibus, me rapi
extra me, non tam metu aliquo quàm stu-
pore & insigni quodam reverentiæ, gau-
diiq; sensu. Stupore abripior, cum He-
liconem hunc in quoddam quasi palati-
um Regium, dicam liberius, in Olympum.

G g s novâ.

novâ aliquâ metamorphosi vertisse video, meq; adeò, præter morem, stare in medio Deorum, & universo eorundem tacente concilio, solum loqui, omniumq; in me oculos, aures, animosq; conspikor esse arrectos. Jure hînc reverentia simul animum subit, qualis quemlibet hominem decet, qui aut Principes, Dei in terris vicarios, aut vicarios Principum Legatos alloquitur. Accedit præterea ingens vis lætitiæ, quando honorem considero, qui hoc die literis contingit, cum magna mundi capita, cum oracula Principum, sepositis interim, quibus publica salus innititur, curis sublimibus, Athenæum hoc ingredi voluere. Ac tanto magis exuberat gaudium, quod ista, quæ hic splendere video, sidera, sunt ejusmodi, ut illustre lumen suum ad inveniendam publicæ Pacis ac tranquillitatis viam pronissimè cupiant commodare. Pacis autem filia sunt Musæ nostræ, malè convenit illis cum Bellonâ, quoniam illæ fontes Pierios, hæc sanguinem appetit, illæ honestatem docent, hæc ut plurimum evertit, illæ liberale otium adamant, hæc quæta omnia perturbat. Nihil igitur Deabus istis contingere

tingere potest jucundius, quam intueri hic magnos magnorum Principum ministros, sed eosdem jam pacis feciales, paulo post, si Cælum faverit, Angelos pacis futuros. Assedit hic equidem cum aliis Senatoribus togatis, potens Bellonæ filius: sed idem, exutis tantisper armis, hosti metuendis, Martiâq; positâ severitate, nostris & ipse Musis benignissimè se hîc attemperat, plenum gratiis vultum, plenum amore erga literas, plenum & literis animum ostendens. Quod pulvinar autem, quam aram, tantis Nutriciis & Vindicibus suis ponent Musæ, quo libamine eorum benevolentia litabunt? Non habent aliud, quod offerant, quàm sacrificium labiorum, quod ita Illustriss. Domini, vobis offerunt, ut qui hîc splendidissimæ & virtuti & dignitati Vestræ paratur honor, eum bonâ pace vestrâ, summi Regis Regum honore eadem cupiant præverti. Sequar eâ in re opportunitatem temporis hujus, quo & templa, & palatia, & fora, parietes denique publici & privati bonis omnibus ac votis circum sonuere. Eodem officio mihi quoq; publicè jam defungi fas erit: atque hinc, ut tan-

to acrioribus stimulis ad mutuas gratulationes excitemur omnes, proximi anni cursum, quem juxta cum Sole emensi sumus, gratiâ & comitate Vestrâ animosus, remetiari, novum genus fastorum conditurus, cum, quemadmodum diebus mensibusq; annum describere Astronomi solent, ita ego spatia ejus, singularibus Dei beneficiis, ceu oculiferis maximè splendidis, maximè augustis, signavero. Nec tamen nisi ea cæli munera commemorabo, quæ ad publicam Regni universi, totiusque adeò Orbis Christiani salutem pertinent. Privata quisq; domi secum, memori mente revolvat, & grato erga Deum ore deprædicet. Huic quod ex tantis Orbis luminibus constat, Auditorio non nisi publica & tam latè scilicet, quàm fœdera nostra patent, diffusa convenire videntur. Neque enim latet, necessitatem publicam & communis curam salutis multos ingentes Principes populosque cum Serenissimo Rege & Regno nostro sociasse, & esse hanc tam arctam necessitudinem, ut quæ singulis illorum divinitus contingunt bona, ea in nostras acceptorum tabulas jure referamus, æquè pro

illis

illis in Deum grati, ac si nobis contigissent. Unde adeò nemini mirum jam videbitur, si quos fœderum sanctitas copulavit, eos oratio nostra non sejungat: potius autem lætam dicendi messem, undecunque jure potest, collectura, per multas sese Orbis ditiones, provincias & Regna circumferat; itura alicubi per rosas, itura etiam per spinas, eâ tamen, quantum fieri maximè poterit, cautione, ut eum censor severus alia forsan hîc, quæculpet, reperturus sit, modestiam tamen & decentem veri curam nemo æquus, & ne hostis quidem, nisi idem & æquitati & humanitati ipsi hostis esse velit, desiderare meritò possit.

Cæterum ritè atq; ordine rem aggressus, jure à summo Capite nostro ordimur, Serenissimo nimirum Rege, Domino D. nostro clementissimo. Qui singulari divini Numinis favore, annum præterlapsus, recuperato feliciter Thorunio, inter laureas triumphales, Serenissimâ Reginâ cœmitatus, inchoavit. Quæ tum vota pro Majestate utrâq; ad Deum misimus, eorum, insigni Divinæ gratiæ autoramento, dominatos nos esse lætamur. Inter
prima.

prima vota erat prospera valetudo Regia, quippe in quâ vertitur cardo publicæ salutis. Exauditi sumus, & memorabili Dei beneficio Majestas Ultraquæ annum hunc integrum inoffenso sanitatis tenore transegit. Nihil illam gravissima curarum perennium, nihil indefinentium laborum catena, indivulsa alioquin Regalis fastigii, his inprimis temporibus, comes, debilitavit.

Valetudini etiam fortuna ut plurimum respondit. Etsi enim illa non omnibus prorsus momentis æque risit (ecquæ enim mortalibus, etiam potentissimis, sine aliquâ acerbitalis mixturâ contingit felicitas?) favit tamen semper, adeò ut & vetera mala, quibus domum Regiam & Rempubl. universam diu satis nec perfunctoriè exercuit, optatis successibus nunc excusasse quodammodo videatur. Nimirum explicat se jam cælum & profitetur, immittas esse illas calamitates, partim ut fides & Virtus, velut injectis auro flammis, tanto fulgidius exsplendesceret, partim ut eadem, quasi incussis robustæ Ilici bipennibus, solidaretur, atque ab ipso duceret opes animamq; ferro: partim

tim denique, ut eadem illa mala, prout oneri erant, ita remedio nobis essent, fustumque adeò plethoræ sangvinem, ne luxuriaret, & ne suâ sibi mole gravis foret, datum deniq; nobis Hidroticum ingens: ut nocitura gnaviter exsudaremus. Utinam sanantis nos DEI mentem recte intellexissimus atque etiamnum intelligamus, ne peccatis amplius nostris fatigemur patientiam cæli, ne & ipsum nos de novo fatiget flagellis. Neq; enim unquam post calamitates verè erimus felices, nisi post flagella fuerimus meliores.

Sed qui erga Remp^l. Numinis favor, idem erga præcipua Reipubl. Capita, Senat^{um}q; universum eluxit. Incolumem enim servavit, & non nisi paucos ex tanto numero passus est implere legem mortalitatis. Sigillum equidem Regni non adeò pridem alterum sui Custodem, Boguslaum Comitem de Lesno, virum ut splendore natalium, ita ingenio ac prudentiâ maximum amisit, inq; eo Sereniss. Rex noster magno consiliorum & promo-condo & interprete, Illustrissimus verò & Reverendissimus Regni Cancellarius (quem ut præclarissimè de Republ. mereu-

merentem Senatorem diu superesse superi velint) conjunctissimo Collegâ orbarus est. Sed eadem, quæ tanti viri mater fuit, & hunc firculum gravissimè adhuc maret, Arbor, Arbor antiqua, arbor generosissima, ex semetipsâ supplevit ingens vulnus, inventusq; est in illa Ramus aureus, qui jacturam publicam, summo & Regiarum Majestatum solatio & Regni totius levamine sarciret.

De domestico regimine, salvisq; ejus Columnis obiter nobis gratulati, jure ulterius ad Socios & Amicos Regni ad S. Cæsaream Majestatem, ad Serenissimos. potentissimosq; Reges & Principes mittimus oculum. Quos pariter omnes hunc annum incolumes transegisse, est profectò, cur plurimum gaudeamus. Si quid. enim sinistri vel in unum fæderatorum sibi permisisset fatum, multum utiq; turbata rationes publicæ, neq; modicè omnis luxata consiliorum fuisset compages. Sed. memorabili Dei beneficio omnes illi sospites, & ipsa fœderum vincula illæsa mansêre. Jam supplices veneramur æternum Numen, ut perennitatem addat muneribus suis, adeoq; tum Sacram Regiam.

Maje-

Majestatem; tum omnes Principes Fœderatos unâ cum Imperio, Regnis & provinciis quàm diutissimè florere velit. Servet porrò Causæ nostræ vindices Alcidas, servet Poloniæ, Lithvaniæ & innexarum provinciarum Camillos, Lælios, Scipiones, Valerios. Idem prout hætenus Urbi huic, ejusdemque Capitibus, & juxta membris universis gratia suâ, inter res ancipites, atque inter summa sæpè discrimina adfuit, ita porrò cœlitùs omnigenæ virtutis robur servet augeatq; , & perpetuam optatæ felicitatis constantiam largiatur. Hæc generatim, sed animitùs precati, jam ad singula DEI beneficia, quibus hoc anno elapso fortuna Poloniæ nostræ utcunquè effloruit, accedemus, ituri per summa rerum fastigia, quia accurata omnium narratio justo Historiæ operi debetur. Atq; ut ab ipso anni illius exordio incipiamus, id equidem longè omnium auspiciatissimum futuris successibus pulcherrimè prælusit. Quò enim die claviger anni Jamus novum redeunti Soli curriculum aperiebat, eò favor Divinus, eò efficacissima pariter & felicissima Regiarum, Majestatum præsentia,

sentia, eò Illustrissimi Mareſchalli & Ducis exercituum imperterrita Virtus, primum Prussiæ clauſtrum Thorunium, Poloniae nostræ, reclusit. Quanti res momenti tum effecta sit, docuere plausus, docuere gratulationes, quæ illo tempore per Prussiam nostram perq; omnes successibus nostris faventes terras latè exsonuere. Caterum quia & provinciam hanc universam belli calamitas exhauscerat, & militem nostrum per duras autumnæ tempestates in ipsam usque hiemem Thorunii fatigaverat obsidio, tanto magis post occupatum illud, & militi à labore, & Prussiæ à milite danda videbatur respiratio: ne & ille & hæc inopiâ annuæ prorſus elangveſceret. Quæſita igitur sunt militi hyberna extra Prussiam, relicto Thorunii & in aliis oppidis pediatu, cui viri & generis & militiæ decoribus præsignes Butlerus Generalis vigilum præfectus, & Grothusius Tribunus primarius, super omnes autem Christophorus Grodzicius, Castellanus Kioviensis idemque Generalis rei armamentariæ magister præfuit. Tanti nominis mentio vulnerat, omnium, ut video, animos, quia
nuper

nuper ah! desit vivere, quem diutissime
vivere publicæ rei intererat. Amisit fi-
delem ministrum, fidelem sui vindicem
Rex Serenissimus, amisit magnum colle-
gam Senatus, magnum bellatorem mili-
tia, magnum amicum Illustrissimus Ma-
reschallus, magnum decus Polonia uni-
versa. Grandem in illo indolem educa-
tio non mollis, tum generosus juventæ
ardor, per terras peregrinas, per labores
varios, per omnes militiæ gradus, transe-
git, eandemq; post deposita bello Turci-
co tirocinia, sub Magno Koniecpolscio
Prussia, sub Valstenio Duce Germania e-
xercuit. Inde revocatum, ut tanto ma-
jorem elaboraret virum fortuna, mirifi-
cè agitavit, novercam prorsus simulans,
cum tamen mater esset. Per ipsas enim
ærumnas belli, carceresq; hostiles idone-
um effecit, qui olim publicis Regni cala-
mitatibus, ut magnum columnen & præ-
sidium, opponi posset. Prima ei vincu-
la rebellium Cosocorum perfidia iniecit:
quibus se non alia ratione expedire potu-
it, quam fugâ ad Tartaros. Terribilem
fuisse servitutem oportuit, cui à Scythiis
illis quæsitum est remedium. Inde ami-

co Religiosi viri, Patris Hilarii Carmelitæ ministerio redemptum Cannæ Bato- vienses denuò Tartari reddiderunt, felice miseriâ, quòd contracta ante inter Tartaros amicitia servavit penè unum, cum alios omnes Duces, Tribunosq; exceptis paucissimis ferè & milites omnes, crudelitas hostilis hausisset. Iterum ab eodem Monacho exemptus est vinculis, ut mox afflictam & paulò post penè in vincula euntem Rempublicam cum cæteris Camillis servaret. Minabatur huic Patriæ catenas Moscus cum Cosacis, ex Russiâ, minabatur alteras ex mari Balthico Gothus. Prior ille plus quam centum viginti millibus hominum Leopoldin, & in eâ nostrum hanc Bellatorem, tum jam armamentario Regni totius præfectum, obsedit. Hic noster cum tantum exercitum per decem pene hebdomadas incredibili virtute represisset, invictâ tandem constantiâ suâ victum hoste ad amicitiam pertraxit, idque eo tempore, quo transmarina tempestas Rempubl. nostram inundaverat. Calamitas aliquin fugare amicos solet, hinc calamitas eos, qui capitales florentibus nobis ini-

mici

mici fuerant, oppressis fecit amicos. Nimirum per mera miracula servare Serenissimum Regem & Rempubl. voluit Deus, ut ipsi soli gloria tanti beneficii deberetur. Illo jubente factum, ut quod antehac venenum Regno fuerat, postea esset remedium: illo jubente factum, ut contra Christiani & cognati sanguinis hostes, gens Christiani sanguinis inimica, primum afflictis ferret auxilium. Channus certè Tartarorum, at quantus olim hostis Poloniae! tum militiam nostram, extra fidei orbitas prolapsam, minis revocavit ad obsequium, tum Chmelnicum minus jam, aut certè infelicitè repugnantem, in verba extorris adegit Majestatis, hancque ipsam per missum à defuncto nostro familiarem Valerianum Morstinium Centurionem, nunc Vice-Trib. animavit, effecitque, ut revocantis Dei digito, tum consilio Procerum, ab epidemii erroris labe intactorum obsecut non cederet fortunæ, irasci visæ, non cederet hosti irato, sed & hunc & illam constantiâ superaret. Divinum hoc consilium fuisse, agnovit postea eventu judice Orbis, fallusque est, cælitus erigi
fortu-

næ Regiæ MANIPULUM, cælitus Po-
 loniam defendi. Eodem tempore idem
 hic noster defunctus, præter Leopolin,
 ubi is reversum deinde excepit Serenissi-
 mum Camenecense etiam Samoscianum-
 que in fide servavit præsidium. Exin mi-
 litia etiam cætera resipuit, & conspirans
 mox undiq; Polonia concussit imminens.
 humeris jugum, inque plenam se liber-
 tatem, Deo auspice, asseruit, nostro hoc
 inter cæteros Hectoras, fortissimam ubi-
 que operam connavante, ut tempore suo
 historia plenius docebit Nunc enim bea-
 tis tantum Castellani nostri Manibus
 qualemcumq; honorem quasi propter vi-
 am exhibitori, pauca hæc ab alto repe-
 tere, atque obiter hic delibare voluimus;
 ut tanto clarius appareat, cur Senatoris
 istius mortem Serenissimus Rex & Prin-
 cipes Reipubl. Viri, & omnes qui illum,
 omnes qui Rempubl. norunt, tam vehe-
 menter doleant. Jam in Prusiam nostram
 reverti debebam, quam superiori hyeme
 Serenissimus Rex & supremus Regni Ma-
 reschalcus illustrissimo huic Castellano
 tuendam commiserat. Sed illuc prope-
 ranti interponit se mihi Dania fæderata,

& potissimum Princeps ejus Civitas, quā
tempore eodem communis noster hostis
calidissimo consilio, acerrimoq; impetu
expugnare contendit, in eo velut com-
pendio & Serenissimum Daniæ Regem, &
omnem sanguinem Regium, omnem Se-
natum, florem nobilitatis, insignia, or-
namenta, & opes Regni omnes oppressu-
rus. Sed felice Serenissimi Regis præsen-
tiâ, tum ductu strenuissimi Schakij, nec
non illustris Thalassiarchi Hollandici Ba-
ronis Vassenarii, fortissimè repressus, ac
clade æternum memorabili mulctatus
recessit. Avocant me fortissimorum Sar-
matarum nostrorum facinora, in penitis-
siniis Cimbrici soli recessibus Ducibus
Stephano Czarnecio Palatino Russiæ, &
Petro Opalinio Palatino Podlachiæ, sum-
mò fæderatorum nostrorum fructu, sum-
mo Poloniæ ornamento patrata. Inpri-
mis autem avocat me Serenissimus Ele-
ctor Brandenburgicus, qui Holsatiam, Jut-
landiam, & procedentibus cum tempore
victoriis, inaccessam Alsen exercitu fæde-
rato, & suo, hostibus eripuit, si Neptunus
vela submisisset, Daniam totam, iisdem
ereptam, redditurus Regi suo. Cæterum
cum.

cum omnia, quæcunq; summa fortitudo, dexteritas, & prudentia agere potest, istic acta essent, tandem hostem in proprio ejus cubili quærere visum est, & Pomerani-
 am victricibus copiis aggredi. Quam & geminus Cæsareæ Majestatis exercitus, quasi torrente quodam Martio corripuit. Occupatum primò Duce Suchio Barone, Grifenhagenium est, occupatum deinde Dammum, oppidum longè firmissimum, & ipsius Stetini velut antemurale. Occupatæ insulæ Volinum, & Isendomia. Capta item viribus conjunctis multa alia, nec parvi momenti loca. Urbes etiam majores, partim eminùs, partim cominùs, obseptæ sunt penè omnes. Potiri autem omnibus præsertim ingenio situs & industriâ artis adeò mirificè munitis, tanto prætereà præsidio, tanto nobilium agrestiumque concursu defensis, nullius denique rei necessariæ egentibus, non erat unius anni opus, non utique anni in hyemem jam præcipitantis. Cæterum omnes tamen gravissimam vim Martis intimè persensêre, ipsa etiam Princeps regionis Civitas acerrimè oppugnata ac plerisque jam nudata propugnaculis,

culis, in manibus deniq̃ suis stantem conspexit hostem, & ægerrimè, nec sine præsentissimo periculo, virtute Würzii hætenus victrices manuseffugit. Interim si uno ictu tanta Arbor non cecidit, iterato, nisi pax aliqua intervenerit, cadere potest. Quos primi impetûs fervor non perdomuit, diuturnitas tandem belli lassabit. Alimenta, aliaq; & vitæ & bellæ præsidia dies ipsa consumet. Non semper etiam eruptionibus securitas pariter custodum aut casus favebit. Intereâ habent jam Fæderati satis magnum expeditionis suæ, habent laborum, molestiarû, adversitatum etiam pretium. Tenet Serenissimus Elector cum alia non pauca oppida, tum inprimis Damum, ingens antehac Stetini propugnaculum, nunc frænum, tenet Demminum, fortissimum Pomeraniæ claustrum, & validum adversus Vismariam aliaq; loca hostilia, munimentum. Nec hoc equidem citra Martium sudorem cessit victori. Operosâ ab Electoralibus cinctum obsidione, gnaviger quoque ab hoste defensum est. Non enim præsidium duntaxat animosè obsessoribus restitit, sed & missæ Vismariæ

suppetiæ abstrahere illos, & sic porrò ob-
 sellis auxiliari tentavêre. Sed omnis &
 præsidiorum industria, & auxiliatorum
 conatus frustra fuit. Pervicit laudatis-
 simi Ducis Electoralis Sparrii vigilantia,
 dexteritas, fortitudo, pervicit militum
 ejus alacritas, & constantia; adeoq; tan-
 dem in Serenissimi Electoris manus tra-
 ditus est locus, qui multorum prudentium
 iudicio maximi aestimatur. Qui iidem
 certè, duobus his Pomeraniæ propugna-
 culis, Damo, & Demmino expugnatis,
 plus omnino obtentum, quam Stetinc
 non expugnato amissum arbitrantur.
 Omnia hæc equidem, prout in Holsatia
 Insulis Daniæ, inque ipsa tandem Pome-
 raniâ gesta sunt, commemorare hic pos-
 sem. Sed aut nimis angustis spatiis stran-
 gulandæ res tantæ, aut nimîa prolixitatè
 fatiganda tam Illustris Auditorum coro-
 na foret. Itaque illa alii reservare tem-
 pori, meæ autem orationis molem, quàm
 gratiam minui malo. Nunc verò do-
 mum rediens, quæ Prussia nostra egit &
 passa est, brevissimè narrabo. Cum, u-
 dixi antehac, post Thorunium recupera-
 tum, militiam equestrem cura annona

per Poloniæ hyberna distribui jussisset, eâ occasione illectus hostis novas ex Pomeraniâ copias adduxit, quibus & Regiæ & Electorali Prussiæ aliquantisper, nonnullo quidem damno nostro, at nullo fructu suo insultavit. Quin ostendit eventus, haud aliud facilè consilium toto hoc bello nequius ei evenisse. Nihil enim solidi in rem suam hîc tum effecit, & paulo post didicit, in id potissimum adductum à se militem, ut hic vel Marte nostro, vel tabe spontaneâ consumeretur. Pomerania verò interim nudata milite, Federatorum nostrorum violentiæ tanto facilius patuit. Verum primis aliquot mensibus favere illi aliquantum visa est fortuna, neq; statim apparuit hamus latens sub illâ quasi escâ felicitatis. Corripuere nimirum in illo æstu Choiniciam, Culmam, Lipsstadium, Salfeldum, Stargardiam, Dersaviam, sed eo eventu, ut quicquid corripuissent, vel vi vel sponte paulo post redderent, velut confessi, se id tueri non posse. Nostram quoq; hanc Urbem Gedanensem circumstrepuit armis suis, & excitato in proximis agris incendio, plures ejusmodi ignes minatus est. Mira

fuit hostis nostri immanitas, quæ cum aquâ & igni nobis interdixisset, aquâ tamen & igni nos obruere conata est. Aquâ primum perniciem nobis minabatur, cum positis Vistulæ, ipsiq; Naturæ obicibus; invitum flumen in nos detorsit, aggeres vero flumini oppositos demolitus est, ut tanto proclivius licentiâ aquarum inundaremur. Sed sensit ille, sibi à nobis ex mediis etiam aquis, vultum atque animum æquè intrepidum obverti. Sensit idem pariter, ignes de prædiis nostris extructos, nulli alii rei serviisse, quàm ut & his flammis lucentibus fides nostra tanto splendidiùs effulgeret.

Prusix porro nostræ eadem illa hiems calamitatibus similem reddiderat Curlandiam, atq; etiam, si recte rem expendimus, multò infelicio rem. Jam ante Provincia illa orbata erat Celsissimo Duce suo, qui inter Reges dimicantes medicus, Ducem militiæ transmarinæ, quem amicum sibi crediderat, hostem subito expertus est; Et illaudabilis istius Viri astus Principi securo, tum Serenissimæ ipsius Conjugi, & Soboli omni, cunctis præterea Provinciæ Primoribus, primariam

Du-

Ducum sedem, præter opinionem omnium, in carcerem vertit. Postea captivos Principes cum omni familiâ in solium alienum mittere placuit, deductumque est miserabile agmen Rigam primum, paulò post Narvam, deniq; Ivanogrodiam, locum à nominatissimo Moscorum Tyranno nomen, sono ipso horribile, habentem. Sed hæc nolo hîc exquisitius persequi, partim quia ante ingressum anni superioris facta sunt, & propositi mei lineas excedunt: partim, ne res miserandas memorans, novâ dolorum nube offuscem orationem meam. De Provinciâ ipsâ, facundâ semper fortium virorum parente, facere non possum, quin aliquid addam. Ea tum ad primam capti Principis sui famam, incolas equidem omnes, præsertim Equestris Ordinis, in publicæ libertatis vindicias excivit. Sed novo magnam partem, & tumultuariè armato exercitui regimen decens, & proinde ut in regimine incerto fieri solet, concordia defuit. Quæ res Comiti Duglassio ex Arce Mitaviensi in omnes occupandæ provinciæ occasiones excubanti, tantò patientiorem januam fecit voto suo poti-

endi. Progressus ille vicina primum oppida, paulo post, cum sine ordine palantes incolarum copias carptim subinde attrivisset, universam Curlandiam occupavit, Lithvanicis exercitibus, qui alioquin laboranti vicinæ lubenter opem tulissent, & postea generosè feliciterq; tulerunt, circa Moshum lacertos tum moventibus. Sed quomodo tandem occupator Curlandiæ Duglasius, eâdem excedere coactus sit, paulo post, si temporis angustia patietur, memorabimus.

Nunc ex Curlandiâ in mediam Poloniam, & nempe à sago ad togam, ex campo tendimus ad Comitia, solenne remedium, quo morbis suis mederi Respublica nostra consuevit. Si quæ autem unquam, hæc certè, quæ Anno superiore habita sunt, varietate & pondere negotiorum implicatissima, adeoque præter solitum per tres integros menses extracta fuere, magnâ molestiâ S. Regiæ Majestatis, magnâ Senatûs totius, magnâ Equestris Ordinis, cui tum director contigerat vir prælustis & ingenio dexterrimus Joannes Gninsky, Succamerarius Pomeraniæ & Gnesnensis Præfectus, nunc Illustris-

morum

morum Pacis Fecialium Collega. Præcipuè verò in Cosacorum negotio publica æstuârunt consilia. Qui non multo ante cum Regno, novis magnisq; auctoramentis, conciliati, delegatos jam miserant stabiliendis conciliationis pactis. Sed hi tum arduis maximè postulatis sollicitabant Rempublicam; atq; imprimis sacra inter Romani Græciq; ritûs Ecclesias vincula rumpere minabantur. In re tantâ igitur mirificè hæsitavit Respublica. Neque deerant, qui ob istiusmodi difficultates minus felicem Comitii exitum, novasq; ex Rusiâ turbas ominarentur. Sed idem ille, qui Rempubl. inter extrema sæpè discrimina servaverat, Deus, ostendit nunc quoq; filium, cujus auxilio illa ex hoc se Labyrintho expediret. Atque inter alia adminicula, quæ publica omnium Ordinum prudentia conquissivit, plurimùm profectò contulit fiducia, quam Cosaci erga Cancellarium Magnum, dexteritate, comitate & munificentia ejus deleniti, conceperant. Et sic tandem sine satis optabili soluta sunt Comitiae. Jam ad alias Regni nostri prosperitates properanti, magna adhuc &

periculosa Regno attingenda est tempestas, ut tanto clarius liqueat, quam magno nobis constiterit, & quam diras nubes secuta sit fortunæ serenitas, quæ postea eluxit. Exercitibus nostris uti mala Reipubl. & tot undiq; coorti hostes plurimum dederant negotii, ita stipendia militiæ ob egestatem publicam minus rectè procefferant. Inde fremebat miles, & inter publicæ patriæ damna, sua esse maxuma ratus, indignabatur, non iusto modo præmia laborum, sed & necessaria præsevitæ præsidia deesse iis, quibus vitam Respubl. videretur debere. In hybernis potissimum fervebant querelæ, & consilia male contentorum: nec unquam negotiosior, quam in illo otio erat confederatio. Bellicis igitur Regni Ducibus negare obsequium turbidi, constituere inter se capita capere, scribere denique leges, speciosas quædem & quæ nihil adversum Serenissimo Regi & Regno viderentur sapere, multum tamen è Republicâ peterent. Quò compositior, quò coloratior, eò formidabilior erat secessio. Malo autem surgenti Rex Serenissimus omni decorâ ratione mederi studebat, nihilque

intenc-

intentatum relinquebat Senatus, nihil grandes Viri à Rege & Republ. singulariter delecti ad hoc negotium, & huic soli, prævio Illustr. Stanislao Potocio Palatino Cracoviensi & supremo exercituum Duce, Demetrio Duce Visnovecio magnis bellatoribus, sat longum tempus, non sine grandi molestiâ & impensâ, gratificati. Cum nihil ibi profectum foret, à Comitibus tandem quæsitum est remedium. Deliberavit super tam difficili morbo suo Respubl. universa, sed & singulari Dei benevolentia, in medio deliberationum æstu, ab ipso exercitu adversus exercitum ingens alexiterium, ingens solatium accepit: cum omnes peregrinæ armaturæ milites, magna profectò & conspicua militiæ nostræ pars, in facie Reipubl. legitimis exercituum Ducibus obsequium, sanctè promitterent, illis autem vitio creatis Directoribus renunciarent, stipendiorum denique solutionem & ipsi quidem poscerent, ita tamen, ut & patientiam moræ, & interim prona semper in Reipubl. usum defensionemque studia sua alacriter offerrent. Horum exemplo cæteros quoq; tandem ad obsequium re-

H h f

dituros

dituros sperabamus. Sed illi veterum postulatorum pertinaces, vix temperarunt sibi, quin à patriâ exsuccâ sangvinolenta stipendia gladio extorquerent, & quamvis postea destinata eorum pessima melioribus tandem consiliis, vel potius propitio in Rempubl. fato cederent; tamen opportuna & bono publico utilisima tempora inani cunctatione perdididerunt. Ducem interim Salus Reipubl., movit ne inflexiles illos expectaret. Quicquid igitur usquam militiæ Polonæ sincerum manserat, contraxit, iivitque Deo & Rege auspice fretus, comitatusque auxiliaribus Cæsareæ Majestatis copiis, quas Generalis vigiliam Præfectus Hesterus, vir militiæ decoribus eminens, ducebat, in Prussiam nostram. Hâc ordinatis ritè rebus, & strictâ in eos, qui perperam interim rem gessisse comperti essent, acie disciplinæ militaris, hostem, quem, oppidis incubantem, aperti Martis aleam sciebat declinaturum, nidis suis excutere statuit, atque inprimis compedes laxare Vistulæ impositas. Prima vis armorum Grudentum corripuit, oppidum antiquum, Vistulam præterlaben-

tem ex alto monte despicieus, à Cruciferris olim muro & Arce eminentissima, postea verò ab hoste variis operibus, & quingentorum præter propter militum custodiâ munitum, ita ut id festinantem ad majora fortissimum Ducem aliquantisper sistere posse videretur. Sed cum cælum suffragatur, frustra muri, frustra propugnacula, frustra manus Martiæ obsistunt virtuti. Admovet Mareschallus oppido exercitum, struit more militari accessus, quibus impunè ad ipsa hostis munimenta pervadere, struit suggestus, unde fulminare in locum obsessum posset. Tam propè suggestus tandem est, ut rectè atq; ordine videretur facturus, si cominus propugnacula adoriretur, & vi sibi faceret viam in oppidum. Dum id agitur, jacet interim artis fulminatricis industriâ vastissimi & ignem circumquaq; vibrantes globi. Illiduntur illi, quâ ars vel fortuna tulit, culminibus, fragmenta tectorum & sua longè lateq; spargentes. Utinam his ictibus ut in tecta ædium & muros, sic in animos obsessorum penetratum esset: effectumq;, ut curæ isti habuissent, tempestivâ submissione imminenti sese

discrimini eximere. Sed fatum suum nemo maturus effugit. Miserrimi incolæ, seu suâ, seu alienâ obstinatione occæcati, certè ne servare se quidem Svecis invitis ausi, clausêre sibi januam salutis, quam Optimi Principis benignitas clausis aperuit. Misus enim ab illo tubicen, qui deditibus se veniam offerret, spretus & parum honorificè dimissus est. Exin quod tuba pacis efficere nequirit, tubo iterum Martio commissum est. Nec multo post, velut compendio rem conficere volente fortunâ, contigit, ut globi aliqui, supremâ Urbi nocte, in fanum sub tecto servatum inciderent. Ibi concepta, at tamen clausa adhuc flamma, fumo primum monuit obsessores, ut in locum eundem plures ejusmodi globos, sed & alios simul alios ejacularentur. Quod cum facere Pyrotechnitæ, quâ cuique visum, certarent, ignib⁹ colluxit undiq; oppidū, & brevi tempore ita invaluere flammæ, ut quantum quantum esset, totum in pyram videretur conversum. Incendiis istis, ut quisque facile conjicit, exterior oppidi defensio non parùm mox refrixit. Certè non incolæ tantum, sed & milites nonnulli.

nulli, non adeò quidem ad ignem restin-
gendum, sed ad servandas potius res suas
diluerrere. Interea jussu Ducis, in val-
la & propugnacula undiq; eluctatur mi-
les obsessor, intrat oppidum, cædit obvi-
os, spoliat domos, facit deniq;, quod in
Urbibus expugnatis facere victoriæ ar-
dor solet. Atq; eò hic excusatioer erat
quod quæ auferrentur, non civibus, sed
flaminis subduci, fervariq; adeò videban-
tur, quæ nullo cujusquam fructu ac com-
modo peritura erant. Cœterùm in op-
pido ipso, & si ignis quidem non prius
penè cessaret, quàm cum non haberet am-
plius, quod depasceret, hostilitas tamen
in Cives, simul cum nocte cessavit, sisten-
te eam edicto Magni Marschalli. Qui
fortunam municipii miseratus, gratias
Deo agebat, quod tanti momenti locum
sine multo suorum sanguine occupasset,
sed simul sibi gratulabatur, quisi incola-
rum fluxisset sanguis, eum sine culpâ suâ
fluxisse. Bellissimè enim oppidi ruina,
acceptatione clementiæ oblata, multo
magis autem maturo ejusdem desiderio
redimi atque averti potuisset. Sed pars
oppidanorum, cum & ignes & victorem
militem

militem prævalescere videret, receperat sese cum milite prædiario in Castellum. Ubi plerique equidem primum victoris gladii fervorem effugere. At cum illic aquâ mox destituerentur, & pariter à Cæsareanis se circumfessos, cæteros vero victores jam pariter ingruere viderent, Tribunum primo suum hortari cæperunt, ut deditioe spontaneâ extrema præverteret, cum is abnueret, Cæsareanis aperuere portas, Tribunus vero ex turris cujusdam latibulo protractus, cum viginti aliis militiæ antesignanis, gregariis centum octoginta, tormentis triginta quatuor, in potestatem venit victoris. Atq; ad hunc quidem modum brevi temporis spatio recuperatum est Grudentum, iisdem Serenissimi Regis nostri auspiciis, Duce etiam eodem, quo ante hæc Thorunium, sed fato non eodem. Thorunium enim integrum ferè, aut certè non nisi paucis cicatricibus deforme, hoc verò miserrimum & vix nisi parvis sui reliquiis à cineribus emicans, sub imperium Domini sui rediit. Victoriæ cursum profecuturus Mareschallus non multò post ducit exercitum versus Mariæburgum, principem

olim

olim
hosti
um.
præp
datus
opin
ri po
quæ
habe
rem
temp
um l
gem
pien
stem
milit
tans
fuit,
ille
Inge
toler
ra di
exter
apud
nore
mnes
totan
rigen

olim Cruciferorum sedem, nunc pariter hostis primarium & receptum & penarium. Undiq; enim locus iste feracissimis præpingvium insularum agris circumdatus, haurire inde consuevit ubertatis opimū, quale in his terris quæri aut optari potest maximū. Arce porro protegitur, quæ murorū operumque robore paucas habere pares putatur. Igitur Marschallus rem sese maximè arduam, nec modici temporis, aggredi gnarus, primò omnium loco illi promptuarium annonæ, gemmam Cereris, Insulam majorem, eripiendam putavit: ita simul id, quod hostem præcipuè hætenus pavisset, in sui militis alimentum conversurus. Id agitando prima castra ad Album montem posuit, ab ipso Insulæ velut apice, cui mons ille imminet, opus suum auspicaturus. Ingens in ipso, uti antea semper, ita hic tolerantia laboris, parsimonia somni, cura disciplinæ, autoritas apud suos pariter exterosque, liberalitas erga milites, amor apud omnes, (sed incorrupto Ducis honore) eluxit, maxima in primis & per omnes castrorum sinus, perque Prussiam totam & in ipsa hostium arcana sese porrigens vigilantia. Cæterum ut tum con-

filia tum vires hostis distraherentur, habi-
 tā non perfunctoria consultatione, con-
 clusit Princeps, ut, dum copiæ Polonicæ
 dicto illi Insulæ apici instarent, manumq;
 injicerent, Electorales alibi, suo etiam
 loco Gedanenses irrumperent in Insulam,
 destinatos huc à Mareschallo magni, 'no-
 minis Ductores', Butlerum inprimis, co-
 mitati. Erat molimini tanto designatus
 dies Septembris vigesimus sextus. Venē-
 re nostri ad locum destinatum, & quia
 machinis rebusque necessariis instructi
 venerant, nil cunctandum rati, & jam so-
 cios operis non procul abesse gnari, tra-
 jiciunt flumen, hosti prorsus inobservati.
 Sequitur eadem nocte copiarum Poloni-
 carum pars. Cæteri quoq; postea, quan-
 tum per objecta impedimenta licuit, ac-
 celeravēre. Nam aliquorum festinatio-
 nem venti adversi retardarunt. Juxta
 verò, tempore eodem, Mareschallus ad
 ipsum Marienburgum turmas Cæsareas Po-
 lonicasque miserat, quæ facto in suburbi-
 um impetu, hostem laudabili diversione
 distraxēre. Tot millium pugnatorum
 in Insulam ingressus ut prudentiam ita fi-
 dem hostium superavit, eoq; major inter
 illos

illos terror ortus, qui dispersas per Insulam copias ipsorum subito in unum concivit. Cumque in Montaviense Caput Insulæ, præfens ipse Mareschallus, cum suis, omni nisu, terrâ & aquâ incumberet, tandem hostis tantis sese impugnationibus imparem videns, & aliis, qui alibi Insulam intraverant, tergo suo metuens, dictum illud Caput ultrò deseruit. Ita magnum Mareschalli molimen singulari Dei gratia, sub Serenissim! Regis auspiciis, spe omni & maiorem & celeriore habuit successum. Neque enim quisquam & nec ipse, qui Princeps consilii & autor fuit, crediderat, tam properè & adeò citra sanguinem, tam delicatâ sui nutrice Insulâ cessurum hostem. Cessit eni, urgente euni fato suo, cessit, & nullâ in apertis camporum aut pugnâ aut velitatione tentatâ, tribus se claustris Elbingæ, Mariæburgo, Haupto passus est includi. Nam & Derslaviam, vicinum nobis oppidum, & ex quo, superiori hieme magnâ ferociâ nobis insultaverat, ad primam innox Grudento venientis supremi Mareschalli famam, ille trepidus deseruit, & paulo ante Stargardiæ quoque, egregio Pomerellæ muni-

municipio, post multiplices depeculationes, invitus quidem, sed deprehendi à Polonis metuens, valedixerat: omni adeò operæ pretio, quod prior hyems illi dedisse videbatur, brevi tempore privatus. Sed Mareschallus, non ignarus, magnâ hostilium copiarum parte infestum teneri Mariæburgum, hoc illis Pergamum, hanc quasi Arcem Tarpejam esse, protenus equidem locum hunc arctissimâ indagine, ac plena in orbem obsidione circumsepire optavit. Sed ea res exercitum multo maximum requirebat. Longo admodum spatio secundum Nogati fluminis ripam extenditur oppidum: non minus longo porrigitur Arx, tam vasta, ut ampli satis oppidi superet, certè æquet magnitudinem. Ut plenum & numeris suis omnibus perfectum obsidium foret, potens esse debebat utriusque ripæ, & nempe ultra citraque Nogatum toti illi oppidi Arcisq; compagi circumfundendus exercitus erat, quo ita ab Elbingâ Stumâ aliisque hostium locis viæ omnes intercluderentur, omnis ei pabulandi, omnis excurrendi præcideretur facultas. Nemo præterea non videbat, multorum mensium hoc opus

opus fore, quia loco ad prodigium usque munito sufficiens militum numerus, militibus prudens & bello plurimum spectatus gubernator, abundans præterea alimentorum copia aderat. Sed Ducem ad maxima quæque natum eductumque difficultates rerum non absterrent, sed acuunt.

Interim quod magnitudinem Ducis minimè gentium superabat, superabat magnitudinem exercitus. Etsi enim hic & strenuissimus & mole non parvus, minor tamen numero erat, quam ut pro longitudine loci extendi posset, minor, quam ut utramque ripam obsepire custodiis, & omnia oppidi Arcisque latera opere consummato circumdare posset. Neque enim solitis & ordinariis Regni viribus succinctus venerat Dux: & frustra diu expectavit supplementa, quæ infelix confœderatio morabatur: & jam facilis conjectura erat, non ventura illa eo numero, quo oportebat, ventura itidem tardè, & tum demum, cum in terrâ desolatissimâ copia alimentorum defutura esset militi. Non enim huic ita, ut fas erat, (fatendum est enim) liberalitas publica prospexerat: suo

suo plurimum Dux ingenio, suâ ope, curâ, industriâ procurabat annonam, quâ poterat: videns omninò, majore sibi longè contentione adversus penuriam victûs pugnandum esse, quàm cum hoste, quantumvis potente. Ex his itaque causis cum locus tam spatiosus justâ undiquaq; obsidione circumveniri non posset, faciendis equidem ultra Nogatum excursionibus, structo ponte patefactus est campus, & hunc perpetuis infestationibus ita frequentavit equitatus noster, ut hosti exire vix unquam liceret impunè. Caterum ipsius veræ obsidionis fervor citra Nogatum stetit. Ibi castra longè latèque circumposita, ibi struâs decentissimâ & arte & industriâ accessibus, ita prope Nostri hostium se admovère propugnaculis, ita tum in pontem tum in oppidum fulminavère, ut tandem cives inter injectos perpetuò ignes, inter illabentes undique globorum immanium nimbos, vitam suam non ampliùs credere ædibus audeant, sed in Arcem pleriquè se & sua reciperent. Summâ profecto virtute, etsi inter magnas annonæ difficultates processit obsidio, & nihil omnino earum re-

rum

rum omiſſum eſt, quæ à Magno Duce, quæ à præluſtri Regni Vexillifero, à generalibus præfectis, Strenuiſſimis Tribunis & Ductoribus, quæ deniq; à forti, induſtrioque milite requiri aut expectari ſolent.

Cæterum omnium Mareſchalli conſiliorum caput tum erat, Inſulam feliciter occupatam, fortiter tueri, & Viſtulæ imprimis, prout auſpicatò glorioſeq; coepiſſet, plenam reſtituere libertatem. Hoc enim non Prusiæ ſolùm, nec Poloniæ modò, ſed Europæ totius nutricio vindicato, ingens aſſidui laboris & pervigiliorum ſuorum pretium ablaturus erat, toti autem Reipubl. tale præſtiturus beneficium, quali toto hoc bello majus & glorioſius non poſſet. Atque idcirco, cum ab hoſte flumen iſtud non niſi uno adhuc frano teneri ſciret, hoc imprimis rumpendum excutiendumq; putavit. Quisque ſagacium facillimè aſſequitur, de Hauptome loqui, caſtello prioribus jam bellis celebratiſſimo, nunc autem ab hoſte, avum forſitan hîc agere cogitante, ad miraculum uſque munito. Certè Ars & Natura ibi certafſe, & quicquid utraque ad loci cujuſquam robur aſſerre poſeſt, huc videtur

tur impendisse. Procurrunt omni ex latere altissima valla, eademque angularibus undiquaque propugnaculis validissime præincta. Vistula affundit sese lateribus, sed facto aquarum divertio ita bipartitus, ut gemino quasi brachio locum amplectatur defendatque. Quâ parte aquam Natura negaverat, ductâ per transversum fossâ labor accersivit, secutusque artis ingenium fluvius insulam efficit, ubi non fuit. Fossæ quoque ipsi multa magnæ molis anteposita opera obsessoris maximas moras objiciunt. Illud porro brachium, quod ad Urbem nostram amicissimus porrigit fluvius, ducto jam dudum ab hostibus per medias aquas aggere, ita quasi ligatum est, ut nihil Civitati nostræ, nihil obsidentium castris polliceri aut dare subsidii posset. Paulo superius autem idem brachium, dejectis ab hoste aggeribus nudatum, apertis omnibus quasi venis, in Insulam nostram & ad ipsâ Urbis mœnia tantum aquarum profundit, ut novum veluti mare nos circumfluere videatur. Alterum fluminis brachium structa ab hoste ad ripam opera validissimis pariter vinculis implicuere.

Uttram-

Utramque verò ripam idem hostis ponte junxerat, ut ita tergo suo miser fluvius iniquos Dominos, ipsaque servitutis suæ alimenta, & sava libertatis venena portare cogeretur. Pontis enim istius beneficio non ex insulâ tantum majore sed Mariæburgo quoque & Elbingâ petere poterat loci gubernator, quicquid desideraret. Et profecto irritus erat omnis obsidere volentium conatus, nisi pons ille destructus, & omnis in Insulam trajectus esset interclusus. Pro utroque acerrimè pugnabat hostis, non nescius, his quasi spiraculis animam loci istius trahi. At in Insulâ repurganda uti jam dudum missæ ab Illustrissimo Mareschallo copiae egregiam navaverant operam, ita nunc quoque nobis minimè defuere. Certè enim cum Suecis ex ipso hoc Haupto erumpentibus & munitionum suarum, passim istic sparsarum, beneficio usis, fortissimè pugnarent, peditatu tandem, cum omnem jam pyrium pulverem absumisset, laboraturo, nisi insignis Ductoris industria repente subsidium adduxisset. Nostrorum pariter ut primi sic vehementissimi circa pontem & apposita illi munimenta

menta conatus fuere. Hosti profecto, omni vi sua irruenti, nobili virtute relierunt; adeo & fortiter & feliciter, uti alibi, sic intra obvia horti septa, quæ fors dederat, cum illo luctati, ac si intra muros ac valla stetissent. Sed hæc ut & cætera suo tempore curatius edisseret historia, omnibus singulisque decus suum pro merito cujusque, ex vero, ad mensura. Cum Octobri, ut brevissimè rem complectar, capit hæc obsidio, magnâ & memorabili fiduciâ Urbis, cum satis liquidò constaret, pro loco isto, quem tot annorum, tot sumptuum, tot laborum impendio, hostis firmasset, & unde toti Nerigæ, omnique Vistulæ leges dedisset, non segniùs quàm pro aris & focis pugnaturum. Sed animabat Urbem spes posita in Deo, qui ut ante inter summa discrimina, inter desperatas Prussiæ, prope & Poloniæ res, inter accisas domi opes, inter aquarum ab hoste immissarum diluvia, inter ignes & gladios circumfulgentes, breviter ut dicam, inter malleum & saxum, inter Scyllam & Charybdin, fidem nostram integram, & animos imperterritos servaverat, ita porro pro optima,

cau-

causa, pro Regia Majestate, pro publico
egregio, pro fide, libertate, fortunâ nostrâ
pugnantibus bona consilia, pectora ma-
scula, vires sumptui laboriq; ferendo pa-
res, prosperumq; ad eod arduorum moli-
minum largiturus esset successum. Ani-
mabat præterea S. Reg. Majestatis Utri-
usque favor, qui ex insitâ ipsis erga subdi-
tos fideles benignitate, nobis, in re ma-
ximè & arduâ & honestâ & utili versan-
tibus, minimè defuturus credebatur.
Animabat proximè, Marefchalli ejus-
demque exercituum Ducis benevolentia,
qui causam propriam publicamq; agentibus,
nunc verò Caput, unde nervi & opes
Reipubl. magnam partem dependerent,
asserere conaturis, manum auxiliarem &
porrexerat jam benignissimè, & deinceps
non negaturus erat. Nec profectò illam
unquam nobis negavit. Nam & validam
Cæsareani Poloniq; exercitus legionem
sub prælustis Baronis Ratschinii regimi-
ne in subsidium misit & ipse, qua in re
cardo negotii totius vertebatur, hostem
intra Mariæburgum, Elbingam, & cate-
ra septa ita fortiter conclusum tenuit, ut
nullo postea incurfu institutum nostrum
turbare,

turbare, nulla ope præfidiariis intra Hauptum clausis subvenire potuerit.

Interim Urbs quæq; hæc tanto Patrocinio freta, capto suo omni virium suarum nisu incubuit. Nihil in se passi sunt desiderari Urbis Primores, nihil bellici Consilii Præses, nihil collegæ ejus qui omnes sanè diu noctuq; invigilarunt operi, necessariaq; omnia summâ cura, dexteritate, & prudentiâ procurarunt, aliqui etiam eum in finem toto hoc obsidii tempore, in castris versati sunt, variarum & incommoditatum & ærumnarum participes. Conspiravit ad idem opus universa Urbs, civiumq; alii missis ad Deum votis, alii sumptibus & armis rem juverunt, pleriq; certè, ne miles ibi necessarius custodiis urbanis distineretur, ipsi met tot mensibus, direttore vigiliarum Burggrabio Regio Adriano de Lindâ, excubias diurnas nocturnasq; pro manibus suis omnibusque Urbis munimentis, egêrunt Dignus est insigni laudis adorea strenuus Tribunus Urbis, qui operas militares prudentissimè distribuit, ipse exemplum laboris, exemplum virtutis, qui tot accessuum suum suggestumq; bellicorum fabrica ingenio.

inge
lerti
sit or
etiar
gni
occu
ribus
temp
pram
mni
libus
lumq
lum
est vo
priis
ra &
in po
nisim
favor
do Ur
stra fe
raret
statis
rec. Si
poris
idem

ingeniosâ machinatorum Martiorum solertiâ extruxit, qui lustravit, direxit, ur-
sit omnia impiger & indefessus. Digni
etiam gloriâ, qui à Tribuno proximi, di-
gni reliqui omnes Ductores, quorum alii
occupatis munimentis, alii aliis facino-
ribus editis, cuncti verò insigni vitæ con-
temptu de publico bene meruere. Digna
præmiis militia universa, quæ inter autû-
mni & hyemis ingruentis aspera, sub pel-
libus, sub Dio, sine murmure egit, nul-
lumque unquam laborem, nullum pericu-
lum recusavit. Ad hunc modum potita
est voto suo Respubl., hostis retribus pro-
priis inclusus captusque superata tot ope-
ra & munimenta, Castrum deniq; ipsum
in potestatem Urbis, ipsiusque adeò Sere-
nissimi Regis rediit, quem singularis cæli
favor hoc ipso tempore, non in hanc mo-
do Urbem suam, sed in ipsâ quoque Ca-
stra feliciter deduxit, ut & terrore matu-
raret deditiorem, sed faustissimâ Maje-
statis suæ præsentia totum opus corona-
ret. Sic itaq; magno magni Reipubl. Cor-
poris Capiti minus Caput * se submitit, ita
idem hoc corpori suo restitutum est: re-

I i 2

stitutum

* allusio ad nomen Hæupt.

stitutum simul Neringianæ insulæ asylum
 securitatis, soluta, quam hostes Vistulæ
 injecerant, catena servitutis, apertus Ce-
 reri Poloniæ, datus commercii liber cur-
 sus, referatum nobis verissimum Copiæ
 cornu. Hosti contra magnum militiæ
 suæ robur, magnum prædarum recepta-
 culum, uberrimum annonæ horreum, di-
 cam amplius, magnum causæ totius præ-
 sidium præcipuumq; quod in Prussia ha-
 buit, bonæ spei Caput quodammodo præ-
 cisum est. Non equidem parvo nobis
 constitit victoria, multis ærumnis, discri-
 minibus, sumptibus, multis etiam vulne-
 ribus, sanguinisque impendiis empta est.
 Interim non piget armorum, quibus suus
 constat fructus, non piget molestiarum,
 quas optati finis præmium solatur: non
 poenitet sanguinis, quando terram, pro
 quâ fusus est, tenemus. Hæret jam hostis
 intra duarum tantum Urbium angustias,
 eò nimirum, quod præfiscini dixerim, fe-
 licibus Serenissimi Regis auspiciis, eò
 fortissimi exercitus Poloni armis reda-
 ctus, ut viam se servandi vix nisi à pace
 sperare posse videatur.

Sed

Sed mihi ad proxima & novissima Dei beneficia delapso reflectere non nihil cursum necesse est, & quæ ejusdem DEI benignitas in vicinis Sociisque nostris præstitit nobis, breviter memorare. Ac primum in Curlandiam aliquantisper redeundum est. In quâ equidem Moschus, Lithvanicas distinens copias, proclives aliquandiu Duglassio fecit progressus; sed & ita tamen proclives, ut subinde eos aliqua cladium mixtura interpelleret. Possem, si tempus permetteret, memorare insignem jacturam, quam dudum fecit hostis, cum à magni generis, nominisq; ductore Michaële Pacio, Palatinide, tum Tribuno primario, nunc Castrorum Magni Ducatus Lithvaniæ præfecto profligatus est Columba, Tribunus hostilis, cum Uxelius Vice tribunus captus, Vrangeli junior cæsus, & omnes illorum copiarum aut prostratarum, aut in fugam, vel vincula actæ sunt. Possem referre, quâ felicitate Libnicus Tribunus alterum Vrangeli Vice-Tribunum fuderit ad Janiczky oppidum, quâ item dexteritate & fortitudine celebratissimus ille nominati ante Castrorum Præfecti decessor Comorovius,

postquam Moscho feliciter fugato inducias extorsisset, Duglassio ad Würtziana auxilia intercluserit viam: tum eundem Columbam, quem ex priori clade superstitem fortuna servaverat, ut jam denuò vinci posset, ceciderit. Possem adungere oppressas à Nobili illo Gosseviano ductore Swartzhofio, & Joanne Lubeko suppetias, quibus Duglassum Aderkasius Tribunus, multis aliis ductoribus, & plusquam mille equitibus comitatus sublevatum ibat, captus ipse tum ad Bauscum in confidui, & unà cum plerisque Comitibus suis, quotquot victorem gladium effugerant, Varsaviam deductus, non minus clementem ibi Regem experturus, quam inclementem belli fortunam fuerat expertus. Possem attexere Mitaviam, primariam Curlandiæ Civitatem, quam eandem à Comorovio Duce missus Swartzhofius, & ejus Comes Lubecus admirabili celeritate occupavit, non unà dignus uterque laureâ, cum eadem, quâ plurimis hostium vincula tum iniecere, manu, libertatē captivis Curlandiæ Proceribus restituerint. Inprimis verò egregium nobis excurrendi campum præbe-

ret Neuenburgum, quod Generosissimæ
Virtutis Palatinides Alexander Polubin-
scius, exercituum Magni Ducatus Lithva-
niæ Notarius expugnavit, & mox Gol-
dinga, tum temporis hosti cedenti præci-
pius receptus. Sed ipsum equidem op-
pidum fortibus Ductorum nostrorum,
tum Electoralium Schönaichii, & Polensii
facile cessit armis. Arcem tot illi à Du-
glassio relictæ Ductores & copioso milite,
& magna vi impedimentorum spolio-
rumque impleverant animis in extremo-
rum omnium patientiam obfirmati. Ne-
que vero machinis, ut solet, res acta est;
cum nullæ ad tantum opus idoneæ ades-
sent. Constantia nostrorum obsessos ad
famem, fames ad deditioem coegit: ita
ut mille quingenti circiter homines cum
Ductoribus suis, cumque uberrimâ præda
venerint ibi in manus Victorum. Sed &
durante obsidio, cum Duglassius, factâ in
Samogitiam excursionem abstrahere obses-
siones conaretur, populatrices ejus turmæ
à non semel nominato Pacio, & Kmitzi-
tzo, quem Polubinscius miserat, insigni
clade multatæ sunt. Exin nullo loco con-
sistere potuit hostis, persequente illum ad

ipſos Livoniæ fines Pacio, aliis oppida
Curlandiæ liberantibus à manu hoſtili.
Recepta Vindavia, Seronda, Lubavia.
Nec niſi tres Arces retinuit hoſtis, quas
& ipſas tamen jam tùm cingi cœptas duo
militiæ Lithvanæ, poſt ipſos Duces, deco-
ra Polubinſcius, & Paci⁹ inſhunc uſque di-
em, magnâ optimi ſucceſſus ſpe tenent
obſeſſas. *

* Cum iſta publice dicerentur erat XIII.
Jan. Quatriduo ante, Mitavienſis arx,
præcipua Ducum ſedes, ab Illuſtriſ. Polu-
binſcio, cui duo millia peditum in auxilium
miſerat Illuſtriſ. Michael Pacius, occupata
eſt, deſtrudante eam, cum alteram ſibi im-
minere aggreſſionem ſentiret, Suecico Ge-
nerali Vigilium præſeſto, atq; inde una cum
ducentis cœtoginta validis militibus, aggreſ-
ſus centum quinquaginta, ita ut paſſus erat,
Rigam tendente.

Tum vero inter alia Grubinum etiam,
quod ad vim ſuſtinendam præ aliis arma-
verat hoſtis, ab Illuſtriſ. Principe Radzi-
villio Pruſiæ Electoralis nunc Guberna-
tore oppugnatum, atque intra dies qua-
tuor, fortem inter alios operam adnavan-
te Villielmo Paterſonio Tribuno, expu-
gnatum.

gnatum est. Qui idem Dux ex Curlandia in Prussiam revocatus (huc enim oratio quoque mea jam redit) repentino in ipsa Elbingæ suburbia insultu damna hosti, & juxta terrorem tantum iniecit, ut is improviso aliquo dolo se proditum ratus, nec egredi mœnibus auderet, nec intra mœnia se tutum existimaret. Paulo ante autem idem hostis ab Illustrissimi Regni Campique Mareschalli equitatu non levi ictu in fugam erat compulsus; cum egregius ductor Czaplicius in Varmiam, jussu Ducis tendens, submissis quinquaginta equitibus, omnem equitatum hostilem ipsumq; Gubernatorem militiæ eliciisset, mox omni vi eundem adortus, conturbasset ordines, cæsisq; quam plurimis, captis non paucis, reliquis ad ipsa usque mania institisset.

Sed eodem tempore rem insignem & ad summam belli haud parùm profecto facientem ipse terror armorum Poloniæ, ac sola Mareschalli autoritas sine sanguine confecit. Brodniciam enim ad spontaneam deditionem coëgit, Oppidum ingenio sitûs validissimum, & jam ante bellis veteribus nobilitatum, Nunc ve-

rò Tribunus hostilis, jam dudum machinali scientiâ Serenissimo Regi & Regno, cui servierat, notus, mirificè id contra Regem & Regnum permunierat, defenderatque ad hoc usque tempus; sed cum tandem longius se à suis & à spe subsidii remotum, missas verò ab Illustrissimo Mareſchallo turmas sibi propius jam incubare videret, maluit tandem aquis conditionibus liberum exitum pacisci, quam irritâ obſtinatione præſtolari extrema. Ille igitur, habito colloquio cum illustri emeritoque Tribuno Joanne Dönhoffo, Præſecto Stargardiensi, quem Magnus Mareſchallus idèò miſerat, locum eximium, locum inter firmissima Prusiæ præſidia numerandum, Serenissimi Regis nostri obsequio reddidit.

Propè jam timere incipio, ne prolixitate mea tanti Auditorii patientiâ nimis intemperanter videar abuti. Sed decurrit jam dictio nostra unâ cum Anno suo ad finem, nec nisi paucissima restant ad imponendam proposito nostro coronidem. Ac primum levi admodum brachio attingam ea, quæ ultra Boryſthenem gesta sunt. Ubi Coſaci, anno superiore

Reipubl.

Reipubl. nostræ reconciliati, ductore Vi-
hovichio, Palatino Kioviensi, adjutore Cha-
no Tartarico, nostro etiam sub ductu illu-
strium Virorum Andreae Potocii, Jabło-
novii, aliorumq; auxiliante Equitatu, e-
gregiam de Moscis, ad Conotopum, vi-
ctoriam reportavêre. Ad quindecim
enim millia hominum, ac præter cæteros
omnis ordinis & farinae milites, ducto-
resque, duo præcipui hostium Duces, Po-
zarski & Leo perierunt. Ipse supremus
Dux militiæ Romadanovius diu pro cæso
habitus, ægerrimâ fugâ evasit. Trube-
cius alter Dux, & paulo ante Conotopi-
ensis oppidi, atque in eo Vlanovii egre-
gii Cosacorum Ductoris obsessor, copias
perpetuis tam Scytharum, quam Cosaco-
rum incurfibus laceratas, cum summo di-
scrimine, Putivlum, primum Moscorum
in illo tractu oppidum, fugienti quam
dimicanti similior, reduxit. Exin Co-
saci in finitimas Moscoviæ ditiones, Tar-
tari verò in penitissima vasti illius Domi-
natûs viscera sese infudêre, ad ipsam usq;
principis ibi Urbis viciniam ferro & igne
longè lateque populati omnia, & deniq;
cum incredibili prædâ & innumerâ ho-

minum captivorum multitudine domum
 impunè & secure reversi. A Borysthene
 ad Balticum mare, magno quidem, sed
 innoxio nec injucundo saltu trajicimus.
 Res, quæ ibi novissimè gesta est, ut est ma-
 ximi momenti, ita occupatos usque tenet
 animos Orbis, & commemoratione ejus
 omnia prope compita nuper personuere.
 Ingens profectò victoriæ istic prodigiū,
 ingens Orbi spectaculum, Socia nobis
 Dania & in primis Fionia præbuit. Quan-
 do Insula ista intra triduum, à duobus
 Serenissimi Daniæ Regis Ducibus, sed ju-
 vantibus plurimum Confœderatis, occu-
 pata est universa. Quando omnis exer-
 citus hostilis, Septem penè millium capi-
 tum, exercitus veterano milite, veteranis
 Ducibus ductoribusq; constans, ipso die,
 qui Serenissimo Regi Daniæ nominalis
 erat, prælio victus, duo millia suorum
 desideravit, mox omnis undiquaque cir-
 cumfessus, deditione spontaneâ arbitrio
 victorum totus cessit. Obstupuit ista au-
 diens nuper Orbis, sed pariter eadem re-
 ferens Oratio stupefcit quodammodo, ne-
 que par est dignè evolvere nomina cap-
 torum, Principum, Comitum, aliorumq;

omni

omnis generis Ducum, Tribunorumque
celebrium. Strepit per tot annorum tra-
ctatus commissa inter se Europa bellis fe-
rè continuis; at vix omnibus his bellis
majorem Suecorum cladem, facile quis-
quam meminit. Sed ad rem tantam ut
dixi, non modicum Batavi Fæderati, ter-
rà marique, ductu Reiteri, Vice-Thalas-
siarchi, aliorumque fortissimorum viro-
rum, contulère: contulère item reliqui
auxiliares exercitus, & inter alios Polo-
nicus noster. Jam dudum is sub Illustri-
simis fortissimisque Palatinis Russiæ &
Podlachix, cæterisq; Comitibus, Aquilas
Sarmaticas per campos & maria Cimbri-
um prosperrimè duxerat, positis ubique
Virtutis Polonæ victricibus laureis &
trophæis gloriæ. Nunc postquam major
ejusdem pars in Patriam cum Ducibus su-
is remeasset, relictis istis fuerunt mille bel-
latores, qui sub illustris Tribuni Casimiri
Piasiecinii regimine, bello Danico, cum
fœderatis cæteris, colophonem forti &
gloriosâ manu, Deo volente, imponent.
Navigarunt isti cum aliis in Fioniam: &
ipso adyentu suomirificè terruère hostem,
adeò ut ad frameas Polonas, nondum tam
in

in manibus, quàm in ore se mutuo cohortantium sonantes, insula tremisceret, & postea, cum ad pugnam ventum est, vix aliunde illa plus cruoris, quàm ex manibus Polonorum hausit. Sed erat in fatiis, ut generosus ille bellator Piassecinius, dum ardentissime pugnat, morte suâ eandem & Insulam & Victoriâ nobilitaret: militibus suis primo virtutis exemplum, postea stimulus vindictæ; nam eò acius præliati sunt, postquam Ducem suum amisissent. Toties vir nobilissimus in Patriâ contra Tartaros, Cosacos, Svecos, dimicaverat, fortiter ubique, & tum hostili, tum suo sanguine non cruentus magis, quàm decorus. Sed tot illis pulcherrimis vulneribus animam in patriâ effundere non potuit, non debuit, qui hostem patriæ, longè extra patriam persequi debebat, qui gloriam Poloniæ ad intimos Cimbriorum recessus deferre, & trophæa Sarmatica in finibus illis renovare, in quibus olim à primo Poloniæ Rege Chrobræo erant locata. Cecidisti igitur, fortissime Piassecini, in terrâ, pro quâ pugnavisti, cecidisti victor, & victoriæ pretium Insulam, cum aliis gloriæ tuæ sociis, Regi fæderato

derato
corpe
illâ, q
scet.
nabu
simæ
Dano
gnor
siecini
rerum
nolo
mora
istæ j
ne ca
& au
U
barba
Chri
semu
ille d
nam
in m
suis r
Lace
Scep
vom
inced

derato moriens reddidisti. Cæterum cum corpore tuo fama tua non cecidit, in ipsâ illâ, quæ cadentem excepit, arenâ virefcet. Sonabunt eam annales patrii, sonabunt peregrini, nec modicum nobilissimæ familiæ tuæ decus erit, Fionicam Danorum victoriam, inter plurimas magnorum hominum cædes & vincula, Piasiecinii quoque vitâ emptam esse. Cæterum quod ad victoriam ipsam attinet, nolo nunc eâ operosè recensendâ diutius morari tam Illustre auditorium; cum res istæ jam sint declamatissimæ, & narratione earum ubiq; adhuc hominum linguæ & aures calèant.

Utinam si bella dicenda erant, inter barbaras omnino gentes, citra sanguinis Christiani profusionem gesta dicere possemus. Sed nimirum rebellis ille Deo, ille hominibus inimicus Spiritus adeò bonam mentem excantavit Christianis, ut in mutua & cognata viscera sævire, quàm suis rebus contenti, pacem colere malint. Laceffuntur Reges à Regibus, Sceptrum Sceptro illiditur, madent cruore Regna, vomit Oceanus cadavera, fumant Urbes incendiis, aut intra cineres suos jacent
sepul-

sepultæ; agri in vepreta, arces in rudera,
 templa in ferarum spelæa abeunt, pietas,
 justitia, castitas vana nomina sunt, vis,
 avaritia, crudelitas, libido & omne scele-
 rum genus superbè & impunè dominatur.
 O quàm acerba, quàm tristitia hæc argu-
 menta sunt dicere vel scribere volenti-
 bus! Quanto gloriosius, quanto svavius
 foret, Templis sanctitatem, Curiis & Tri-
 bunalibus justiciam, agros colonis, colo-
 nos, fora & portus commerciis, florem
 Civitatibus, Musis honorem, virtuti de-
 cus, meritis præmia, vel servata vel reddita
 memorare! Sed sperari hæc felicitas non
 potest, nisi bellis non necessariis, iniquis,
 impiis bellum indicatur publicâ Regum
 Principumq; consensione, nisi pax bonis
 legibus fundata, & rectæ disciplinæ regi-
 mini innixa redeat. Vir togatus hoc lo-
 quor, qui bella scribere teneor, non tene-
 or amare. Unde aded pacem animitus
 opto, quanquam non præcipitem, nec nisi
 gloriosam, nisi æquam, & securam. Cæ-
 terum, quod Deus Opt. Max. felix & for-
 tunatum esse jubeat, novam jam & ad-
 mirandum Pacis Astrum nuper in Occi-
 dente emicuit. Astrum ingens, & siquid
 judicare

judicare possum, inter Divina pariter anni, quem emensi sumus, beneficia meritò numerandum. Nec peccabo forsan, si id aliquo modo simile illi esse stellæ dixerò, quæ tres ab Oriente Reges ad cunas Dei servatoris excivit. Nam & hæc profectò stella index fuit altissimæ pacis, quæ sub Augusto Cæsare illuxerat Orbi, duxitque Magos ad Dominum pacis, ad Regem illum, cui nuper nato Angeli ipsi, cælitùs delapsi, hymnum pacis, coram Pastoribus, accinuerant. Omnium istarum rerum memoriam Tempia universa religione publicâ celebrant his diebus, quibus ad condendum Pacis templum, vos, Illustriss. Legati, acceditis. Filii pacis bonum inde omen capiunt, Astriq; illius nuper orti radios ad Septentrionem quoque nostrum pertinere existimant, & quia magnæ illæ occidentis Sphæræ procul vim suam mittere amant, multi Augusteum sibi in Europâ seculum polliceri audent. Non minus quoq; lætum illis augurium OLIVENSE cænobiũ in quo Pacis consilia agitantur, præbet. Cum olim Rex pacis, Dominus & servator Orbis Hierosolymam, Urbem à pace nomen habente m

bentem tenderet, prius ad montem Olivarum venit. Inde ad peragendum pacis sacrificium, inter lætas populi acclamationes, inter strata passim vestimenta, verus Melchisedecus, verus Salomon sanctam civitatem, intravit. Olim quoque cum Nehemias Urbem sanctam tristissimâ Babylonicâ Captivitate everfam aut labefactam instauraret, festum tabernaculorum instituit, & ad struenda tabernacula exire populum in montana, atq; interalia, ramos *Olivarum* afferre jussit. Utrobique lætuni illud Hosanna, hoc est, serva quæso, ingeminabatur. Nos bonis omnibus, utcunq; res ceciderit, nihil peccari posse rati, Deum Opt. Max. veneramur supplices, ut quemadmodum olim suspensio cælitus astro Regibus domum ostendit, in quâ noviter natus Evangelicæ pacis princeps jaceret, ita nunc illustrare animos & dirigere oculos velit, quò videant, ubi & quomodo salutare illud & diu optatum pacis bonum inveniri queat. O ex cælesti tandem Olivarum monte maximum propitii Dei munus, tranquillitas publica ad nos descendat! En manus piorum paratæ sunt substernere vestimenta

li- sua ad molliendam tanto Hospiti viam ;
 pa- paratæ sunt portare ramos olivæ ad stru-
 la- endum illi tabernaculum. Parturiunt
 ta- templa Dei altissimi, parturiunt templa
 n- Musarum lætissimum Hosanna. Tu ô
 ue Sancte Spiritus, qui olim in specie colum-
 nâ bæ descendisti super æternum pacis Magi-
 e- strum, descende super Regum Orbis Mi-
 o- nistros, fac, ut iidem isti nobis Nuncii pa-
 la- cis esse possint : & quemadmodum tuo
 o- olim ductu, Sanctissimo Noæ, inter aquas
 va diluvii tot mensibus, jactato, columba
 ni- tandem ramum Olivæ, in reslorescentis
 ri- terræ signum, attulit : ita nobis per tot
 ur annos inter sævissimas bellorum tempe-
 n- states mirificè quasfatis, Tu, ô germana
 it, ô æterna pacis Columba, apporta verum,
 is salutarem, & perennaturum felicitis
 ni- Olivæ ramum, Pacem !
 nt, DIXI.



F
SER

M

Mag
Frull
Sm

In

Die

Joach
E

DIADEMA
GLORIÆ

FELICIBUS AUSPICIIS,
SERENISSIMI AC POTENTISSIMI
PRINCIPIS ET DOMINI
MICHAELIS,

DEI GRATIA
REGIS POLONIÆ,

Magni Ducis Lithvaniæ, Russiæ;
Prussiæ, Masoviæ, Samogitiæ, Livoniæ,
Smolensciæ, Kijoviæ, Volhiniæ, Po-
doliæ, Podlachiæ, Czerniecho-
viæ, &c. &c.

CRACOVIAE

In Cathedrali Aede S. Stanislai

ANNO CHRISTI M. DC. LXIX.

Die PRINCIPI ANGELORUM Dicata

CORONAM SUSCIPIENTIS

CONSECRATUM-

A

JOACHIMO De Hirtenberg PASTORI,
Equite, Commissar. & Historico
R. MAJEST.

AD
SACRAM REGIAM MA-
JESTATEM
DIE SANCTI MICHAELIS
ARCHANGELI,
CORONANDAM.

Nate Jagelloniâ Regum de Stirpe
MONARCHA,
Sol CORIBUTIADUM, SARMATIAE
Tuae.

ANGELICUS Princeps nomen Tibi pra-
buit olim,

Adfuit is fatis Duxq, Comesq, Tuus.
Obtulit ANGELICUS Princeps, Duce Nu-
mine, Sceptrum.

ANGELICUS tribuit nunc Diadema
dies.

Ipsa suo Caeli jam Regia munere gaudet,
Gaudet delicio LECHICA Terra suo.
Functa puerperio grandi Respublica
MATER

Læta stupet, PATREM se peperisse sibi.
Exultant Manes Regum, veneranda Pa-
tronum

Excipiunt Sancti MARTYRIS Offa
novum.

In

In plausus gens tota ruit, cuncta adstrepit
etas,
Te fora, Te Regem pulpita sacra sonant.
Attonitus dudum tanto certamine Phæbus
Exciit Aonii, numina cuncta Chori.
At CORIBUTEAS, ZAMOSCANAS QVE
Curules,
Et KOSTKAS reputans, OSTROGIOS-
QVE Duces,
CÆSAREOS QVE videns fascēs, RE-
GUM QVE tiaras,
Palmarumq; strues, laurigerasq; comas:
Et Tibi Divinā partem Virtute CORO-
NAM,
Filaq; Fortunæ prodigiosa TULÆ:
Horret, ait, vastum Parnassia Turba laborē,
Moleq; sub nimia noster anhelat apex.
Hic opus, æthereæ MIRACULA pandere
DEXTRÆ,
Fatorum arcanos hic reserare sinus.
ANGELICÆ sunt illa manūs, sunt Orsa
Tonantis:
ANGELICAS poscunt, quas meruere,
tubas.

Sere-

Serenissime ac Potentissime REX
Domine Domine clementis.

REjuvenescit Sarmatiæ nostræ Aquila, & ad benignum novi SIDERIS exortum, novo spiritu, novo vigore exsurgit. Reviviscunt simul ingenia, & suscitare jam nervos, calamosq; movere etiam illi Scriptores incipiunt, quibus longa desuetudo stylum obtudit, ætasque ipsa talium officiorum gratiam fecit. Inter alios vegetioris ad scribendum facultatis Viros, mihi quoque, etsi ob vergentes annos, & alias occupationes, talium jam laborum insolenti, venit tamen impetus promendi ea, quæ, in hac publicâ gaudiorum exundatione, turgens animus concipit vota, addendiq; alia, quæ præsentē latissimi temporis serenitate, ex familiari nobis Historiæ campo evocata, festinant ad Majestatis Tuæ Solem, ut majorem inde lucem accipiant. Enimverò inter cumulos felicitatis, quâ jam omnes exultamus, hoc peculiare etiam beneficium favor Cælestis præbet nunc Scriptoribus, ut non opus habeant in arvis peregrinis quærere Segetem scribendi, aut flo-

res, quos adspergant Soli Tuo. Tu enim Domi, & sub cælo nostro prognatus, domesticæ TECUM adfers decora, quæ occupandis affatim ingeniis sufficiunt. Principem in laudibus TUIS locum vindicat sibi Polonia Mater, quæ jure maximo gloriatur, & summâ lætitiâ triumphat, quod ejusmodi FILIUM sibi peperit, à quo ipsa regi & possit & velit: cum antehac gignendis quidem magnis sceptroque dignissimis capitibus satis fœcunda, sæpè tamen aliunde potiùs, quàm à se petere consueverit rectores. Nimirum produxit illa quidem semper Viros, qui fratribus imperare possent, sed plures semper genuit, qui fratribus dare nollent imperium. Timuit libertati suæ æqualitas civium, & libertas æqualitatem, Matrem suam, perdere trepidavit. Te jam, REX SERENISSIME, invenit Polonia, à quo nec æqualitati, nec libertati suæ vereri possit aut velit periculum. De Indole & Virtutibus TUIS tam benè judicavit Respublica, ut nihil non præclarum ac salutare à Te expectare, nihil deforme aut obfuturum timere ausit. TE ita diligit, ita reueretur, ut neutiquam formidet

TE ita æstimat, ut per Te aliis, qui Poloniam non amant, formidanda effici speret. Desideratum diu Polonis bonum, mutua fiducia redit, valere cum causis suis iussu suspicione & diffidentia, quæ animos Civium inter se nimis heu diu commisit, & vires Regni, cum laude alibi exferendas, domi malè detinuit, domi periculosè collisit. Tandem & ingens illa, plurimumq; formidata cautes amota est æmulationis, quæ æqualibus cedere impotens, parère alibi natis non recusavit, ne pareret indigenis. Nunc novo exemplo enotuit arcanum, quod aliquot seculis penè fidem perdiderat, posse Civem Civibus imperare. Non jam expectanda nobis sunt septennia, quibus Rex populi sui genio, aut moribus Regiis populus advescat. Non per interpretes de capitibus & fortunis nostris informatur, aut pronunciat Princeps. Non necesse jam est vorare alienarum gentium fastidia. Tu, REX SERENISSIME, omnia ea tenes, quæ alii discenda fuissent, nihilque affers TECUM ad Sceptrum, quod dediscere oporteat. Non aliò consilia dirigis, quàm in Patriam, quò animi Tui affectum

affectum ipse naturæ ductus impellit. Non extra finum subditorum circumspicis, ubi conquirere vel possis, vel velis. Optimè regnaturus esse crederis meritò, quia à teneris obsequi didicisti. Rectissimè Civibus consulturus es, quia meministi, quid volueris noluerisve sub alio Principe. Amas Poloniam, quia TIBI Patria est. Amas subditos, quia Cives & fratres habuisti. Amaris vicissim à subditis, quia merissimus eligentium fætus es: non os tantum de ossibus eorum, sed & spontaneo ipsorum motu ad Sceptrum Electus, cum potuissent non eligere. Habes illustre & caritatis & æstimationis argumentum ipsam Electionem. Non enim aliis TE prætulissent Cives TUI, nisi præ aliis & amore & Sceptro dignum putassent. Non TU prensasti unquam suffragia, aut amicos clientelve subornasti, qui animos TIBI conciliarent. Sediti in Comitio pars Eligentium, sedisti par cæteris, donec Electio Te omnibus superiorem esse jussit. Audivisti publicè perorantes Legatos, qui Principes natalium dignitate summos, virtutibus, vel invidiâ ipsâ fatente, eximios, fortunis splendidisimè

disimè dotatos, amicitiiis, affinitatibus, fæderibus prævalidos, commendabant. Effervescentes inter diversa studia animos Civium vidisti, exundantes etiam gentilitiæ libertatis torrentes, nihilq; mi- te aut pacatum spirantia suffragiorum certamina, præsens spectâsti. Quibus eò interdum Respublica redacta videbatur, ut scissuræ, & præcipitii periculo proximam crederent illi, qui liberæ nationis ignorant genium, fervido subinde spiri- tu, & dissonis aliquandiu vocibus in di- versa tendentem, sed inopinatâ tandem celeritate amplectentem id, quod libertas & salus publica suasit: communi discrimine ad concordiam deniq; ducente ani- mos; atque ipsâ inprimis plerumque in- terveniente DEI benignitate, quæ (quod præfiscine dixerim) plenissimam huic Re- gno libertatem induiget, pereundi licen- tiam hætenus adimit. Illa in hoc etiam Electionis negotio manifestissimis indi- ciis Orbi sese præbuit conspiciendam. Laborantibus enim inter summa dissidia animis, cum quæque pars pro Candidato suo nihil non egisset, nihil tamen ulla ef- fecit, nec efficere potuit, quia aliud age-
bat

bat Deus, qui Sceptrum, quod Tibi destinarat, nulli alii permittebat dari. Ille tam amanter, tam providè honori Tuo consuluit, ut alios Regni Candidatos, at non Reges esse sineret: Te non Candidatum, & tamen Regem esse vellet ac faceret. Ille ambientes dimisit voti irritos, Te non cogitantem imò & recusantem protraxit. Cum enim suffragiorum consensus Te nominasset Regem, Tu ad rem inopinatam stupens & attonitus, non verbis solum, sed & lacrymis deprecatus es onus, cui Modestia Tua se imparum esse credebatur. Id ipsum Eligentium erga Te studia exacuit, atque eò magis regnare debere visus es, quò minùs regnare volebas. Certè ut aliis obsuit, per externa suffragia calidiùs quassivisse Reipubl. favorem; sic Tibi profuit, spontè oblatum, quantum modestè poteras, abnuisse. Non post repulsam quoque datam placuisti amplius Civibus, nec cessatum est pro Te contra Te certari; etsi Te subducere certaminibus laborares. Quin eò acriùs Tibi institit ardor Quiritium, donec penè imperaretur Tibi, ut imperares. Cessasti Tu tandem tam sinceræ, tam immo-

te tot capitum consensione, cui diutius repugnare, non jam modestiæ, sed obstinationis fore videbatur. Et religio denique fuit Tibi, non audire vocem Populi, in quâ clarè satis vox Dei ipsius audiebatur. Mox etiam cessit Tibi omnis industria Legatorum, cessit Principum pro aliis laborantium autoritas, favor & potentia, cessit, inquam, Tibi, etsi partes Tuas nullus tum Principum seculi tuebatur. Sed TECUM erat Princeps Principum, qui omnia, quæ voluit, facere solus potest. Ille, Te quiescente, pro Te vigilavit, ille in Te, dilecto gloriæ suæ organo, vicit & triumphavit. Ille, quàm benè Tibi vellet, miraculo non uno ostendit: verèq; adeò *dextera Domini*, quod Tu ipsâ missilium nummorum inscriptione gratus profiteris, *fecit virtutem*. Ille in Solium Te extulit, cum brachium mundi aliò niteretur. Cor populi Tui flexit in Te, ne externis quicquam deberes. Illius quoq; providâ gubernatione factum, ut diu ante Electionem, unus ex magnis Senatoribus, Columnis & Ministris Status nostri primariis, postquam libero iudicio omnes Regni nostri Candidatos ex-

cuss-

cūisset, Te, etsi non Candidatum, suo tamen calculo, longè lateq; vulgato, dignū impetio censeret, & sic Nomen TUUM, illustri stylo suo, pectoribus Civium penitissimè inscriptum, altiꝑ; deinceps silentiū quasi annulo obsignatum, tantisper ibi relinqueret, donec illucesceret hora, quā publicari in terrā oportuit, quod in cælo erat decretum. Certè fidem omnem supergreditur, & miraculo plenissimum est secretum, quo Numen Divinum, id, quod operabatur, tempore non modico operuit. Pressit consilium suum ad ipsam usque Electionis ultimam luctam, quia Tuā intererat, ne, nisi re maturā, sese explicaret. Nimirū in contentionem Te cum aliis venire vetuit, sed in momento deinvincere Te voluit omnes, qui pro aliis contenderant. Neque enim nisi post longa circa externos certamina Te passus est nominari: sed simul ut primā Calisicensis Palatinatūs voce, prævio ejus Capite, illustrissimo Opalinio, nomen TUUM exsonuit, illicò reliquī omnes idem succlamavēre. Num sine prodigio factum est, ut omnium Palatinatum calculi, qui in cæteris gravissimè discrepuerant, in Te

nominando, incredibili protenus harmoniâ consonarent? Unde tam multorum & grandium Capitum, unce plusquam duodecim legionum, unde tot Provincialium Nunciorum tam subitus consensus, nisi à rectore cordium Deo? Cujus adeò nutum omnes jam, etiam qui tardiùs eum principiò agnoverant, reverentibus animis venerantur. Nemo enim non animadvertit, quanto discrimine constitutus fuerit externus, quicunque præpolluisset. Nam nec Competitores Regni, nec Cives ipsi, cessuri sibi invicem erant sine sanguine mutuo. Coruscet adhuc ante oculos nostros acies illa gladii civilis, nodum hunc Gordium, qui nitentibus in diversa studiis indies magis implicabatur, vi tandem dillecturi, nisi eum dextera Domini per Te, datum carlitùs MICHAELEM, inopinatò solvisset. Oberrat usque animis imago populi, in nova vulnèra, antequam vetera coalescerant, prono impetu ruentis. Occursat facies optimæ Matris Reipubl., infestis filiorum suorum & mox peregrinorum simul unguibus concerpendæ, atque, ob alienum ambitum, suis dissidiis peltam

ituræ.

itura. Certè, nisi Tu, REX SERENIS-
SIME, divino dispositu intervenisses, mi-
serabili scissurâ in partes, sub diversis Du-
cibus, ivisset Respublica, aut unus Can-
didatorum, depulso æmulo, per stragem
hominum, tramite cruento venisset ad
Solum, factâq; dein post solitudinem pa-
ce, libertati, delicatissimo gentis nostræ
bono, gravis aut saltem formidabilis ex-
titisset. Nunc non citra tempestuosos
quidem æstus commotæ multitudinis;
attamen citra sanguinem, libertate non
solum in præsens incolumi, sed & inpo-
sterum securâ, confectum habemus nego-
tium, & jure nobis gratulari debent,
etiam qui postpositi videntur. Agno-
scendum enim est, Deo, Naturæ, pruden-
tiæ & æquitati repugnaturum fuisse;
quisquis huic Electioni repugnare ausus
esset. Deus, ut in populo olim sibi unice
dilecto, ita nunc in Poloniâ, fratrem fra-
tribus imperare voluit. Natura sangui-
nem proprium anteponi jussit alieno.
Prudentia prohibuit quæri foris, quod
domi inveniri potuit. Æquitas poposcit,
ut liberrimo Populo plena & integra eli-
gendi potestas relinqueretur, nec Reipubl.

imponeretur Dominus, nisi cui se ipsa ultro submitteret. Et jure illa ostendere Orbi debuit, se, quid sibi conducatur, rectius intelligere, quàm quisquam externus, nimiamq; adeò curam remittere iis, qui res Poloniae suis merè utilitatibus metiri solent. Sed si ullus adhuc superest, qui Te electum mirari pergat, is palam facit, se Natales Tuos nescire, se virtutes etiam Majorum & Tuas ignorare, aut malignius cepisse. Nemo, qui vel à primo limine terram aut annales Polonorum salutavit, antiquissima *Ducum Visnioveciorum* decora non aut legit, aut fando accepit. Prima equidem inclytae hujus Domus initia, uti ferè omnium, quæ vetustate præcellunt, memorias excedunt temporum. Quod in primis in hoc Septentrione minus mirandum est, cui radii literarum seriùs illuxêre. Sed sufficit nobis, ab annis plus *quadringentis* Seriem Progenitorum Tuorum recenseri posse. Ad gloriam vero satis hoc illustre & magnificum est. quod iisdem Natalibus *Visnovicii* censeantur, quibus ortus est Regum clarissimus *Vladislaus Jagiello*, qui primus Lithvaniam ad Sacra Christiana & simul ad Unionem

nem Regni Polonici adduxit. Is quippe *Olgerdi*, Magni Ducis Lithvaniæ filius fuit, sed ejusdem filius quoque fuit *Coributus*, *Dux Sererie*, à quo & originem & nomen illustrissima familia Vestra ducit

Quatuor penè seculis regnavit hîc posteritas Jagiellonis, & adcò ob egregia merita, æstimata est à Polonis, ut ultra mare etiam, & in sexu sequiore aliquando sit quæsitæ. Nunc postquam ultimus ejus *surculus*, Serenissimus Rex JOANNES CASIMIRUS sceptro quietem ante habuit, in fraternum Jagiellonis sanguinem felice transitu incidit Electio. Quod si igitur generis ornamenta spectentur, non est, REX SERENISSIME, cur cuiquam Principum postponi debuisse videaris, est, cur anteponi debueris omnibus. TUUM est, quicquid Jagiellonia Domus possidet decorum: quicquid eadem affinitatum cum Europæ Principibus, Regibus, Imperatoribus habet, ad Te pertinet. In Te deficiens Jagiellonica stirpis gloria & nomen verissimè jam resplendescit. A Te insuper novam lucem accipiunt Majores Tui, quorum cognatum lumen Regius Jagellonici Solis splendor diu quasi præ-

strinxit, quemadmodum fieri solet in his oris, ubi Regibus non est integrum, domum suam magnis honoribus, aut opibus publicis altè attollere. Interim illi, etsi agnatis Regibus minores, egregiis semper facinoribus animum excelsò genere dignum ostendère. Memorant annales nostri, *Demetrium Coributum*, cum tribus filiis, in celeberrimo magni *Vitoldi*, contra *Tamerlanem* orbis totius terrorem, conflictu, fortissimè pugnando, cecidisse. De *Coributéo* etiam genere fuit ille *Sigismundus*, quem ob Virtutis famam Bohemi aliquando domi discordes, & infide diffoni, ad Sceptrum vocavère. Cui, uti eà in re favit *Vitoldus*, ita adversatus est *Vladislaus Jagiello* Rex *Poloniæ*, cum ob alias pias causas, tùm quod *Sigismundo* *Cæsari*, æmulum illum, ægerrimè terrenti, gratificari vellet. Memorabilis est pugna illa, quâ *Constantinus Dux Ostrogus*, inter inclytæ *Matris* *Tuæ* atque adeò *Tuos* progenitores, ut infrà patebit, numerandus, viginti millia *Tartarorum* ad *Lopusnam* cecidit. At pars magna prælii illius fuit *MICHAEL Dux Vîsnovecius* cum filiis suis, Is deinceps quoq; proprio

prio ductu eosdem subinde hostes feliciter
fudit, ipsum etiam cubile Scythicum,
Tauricam Cheronesum invadere ausus, &
multâ istic strage datâ, magnos Christiano-
rum greges vinculis Scythicis liberare
solitus. Amplissimum hodieq; virtutis
virtutis Visniovecianæ monumentum
est, Insula quædam Borysthene circum-
flua, quæ quod olim *Demetrio* Visniove-
cio à Tartaricis conflictibus revertenti,
suffugium dederat, nomen ab illo accep-
pit. Jure dixerimus, gloriosissimam
Familiam vestram domandis Tartaris,
vindicanisque contra infideles populos
Christianis consecratam esse, atque inde
CRUCEM, insigne Christianorum, LU-
NÆ & STELLÆ superpositam, in Stem-
mate gestare. Facile etiam perspicere po-
test, Pietatem tam Prælustris DOMUS,
jam tandem CORONA in his etiam ter-
ris dignam à Deo judicatam esse, nihilq;
non præclarum Religioni Christianæ pro-
mittere. Fuderunt, REX SERENISSI-
ME, Majores Tui inimicum Christo san-
guinem, fuderunt etiam, pro gloriâ Chri-
stiani nominis, suum. Ille ipse sanguis
nunc in Te accipit brabæum Regium,
nunc

nunc in purpurâ Tuâ nitefcit. Sub Sigismundo Augufto *Demetrius* Viſniovecius, Michaëlis filius, ad Valachiæ Principatum vocatùs fortiter & glorioſè aliquandiu tenuit clavum, ſed ingenti potentia Turcicæ moli tandem impar, Solymanianæ crudelitatis poſtremò extitit victima. Sub Sigismundo III. glorioſiſimæ memoriæ Rege, *Constantinus* Dux Viſniovecius non modicis copiis juvit magnum Regni Ducem & Cancellarium Joannem Zamofcium, Proavum Tuum, cùm is anno milleſimo ſexcentefimo, arreptis contra Michcelem, nominatiſſimum eo tempore & multis formidatum Moldaviæ invaforem, armis, nobilem illam ad Teleſinum annem Victoriâ reportavit, debellatoq; Michaële, duos Palatinos, Simonem & Jeremiam, illum Valachiâ, hunc Moldaviâ à Michaële violenter ejeſtum, dignitati ſuæ reſtituit. *Constantinus* item inter præcipuos fuit illorum, qui notâ Orbi univerſo Demetrianâ procellâ vaſtiſſimum Moſcoviæ Imperium concuſſere: quo tempore, niſi Virtutem Poloniam hæſitans Aula noſtra deſtituiſſet, omnis illa Moſcorum potentia ſub Jagiellonii ſangvi-

sanguinis fasces venire potuit. Ex *Constantino Visniovecio* Palatino Ruffiæ, quæ grandævum juvenis noveram, natus fuit Janussius Supremus Stabuli Regni Præfectus, Gubernator Cremenecensis, Dux generosissimi animi, & domi forisque de Patriâ benè mereri amans, hæres *Zbarasiorum* Ducum, qui ex eadem Stirpe *Coributeâ* oriundi, præclaris Virtutibus ad illustrem famam & in Republicâ autoritatem pervenerant. Meminimus ex eo genere duos fratres *Georgium* & *Christophorum*, quorum ille Castellanus Cracoviensis, & sic Princeps Senatûs, alter Archi-Hippocomus Regni, studiis popularibus Ordini Equestri dilectissimus, illustri imprimis ad Portam Ottomanicam Legatione Orbi innotuit. Sed uterque cælebs mortuus, decora & fortunas amplissimas in proximam, ut dixi, Domum TUAM transfudit. Janussius Dux, quem nominavi, cum non unam reliquisset prolem, jam inprimis famam magnæ Domûs, unâ cum Fratre strenuissimo D. *Constantino*, illustrat fortissimus Dux. *

* *Hi duo fratres hoc tempore, quo ista iteratè eduntur, post res contra Cosacos,*

Tar-

Tartaros, Turcas præclarè gestas, alius e-
pecti, & Dux quidem Demetrius non solum
summum in exercitus Regni imperium, sed
& Palatini Cracoviensis dignitatem assen-
tus, alter Palatini Belzensis renunciatus est.
Demetrius Palatinus Belzensis, militiæ
Campestris Ductor, amor Civium, decus
Russiæ, totiusq; Reipublicæ, quam cum
cæteris Poloniæ Hectoribus animose de-
fendit. Sed ad Progenitores Tuos, REX
SERENISSIME, revertimur. Sunt anni
amplius quinquaginta, cum Avus TUUS
Michael Dux Vîlniovecius, ductâ Vala-
chiæ Palatini filiâ, contra Tomzam, qui
Turcicæ potentiæ patrocínio innixus,
legitimum Palatinum dignitate suâ de-
pulerat, privatis auspiciis, sociante ope-
ram affine suo, Samuele Corecio, Viro ob
fortitudinem celeberrimo, bellum gessit,
& multis quidem congressibus (quinde-
cim illustris Scriptor Piascius innuit) Vi-
ctor extitit, sed prævalente Turcarum po-
tentiâ, & fati præcociis sævitiâ, vitam pri-
us, quàm bellum finiit. Jam inclyti Patris
Tui, Jeremiæ, Palatini Russiæ, res gestas,
quæ industria styli, quæ verborum copia
dignè edisserat? Cujus tota vita verissi-

ma fuit militia. Ingenio ad Martem
compositus, à primis statim adolescentiæ
annis ad tutandos ampliandosq; fines se
applicuerat. Et mirificâ quâdam dex-
teritate, eò vix puber pervenit, ut simul
miles, & Dux militum esset; Fortuna Ma-
jorum ita ditatus, ut exercitum suo are,
intra brevissimum temporis spatium,
conficere posset, ita porro indole & vir-
tute suâ comparatus, ut quos confecerat,
ipse bellissimè & regeret & duceret in ho-
stem. Unde Magno illi *Stanislao Coni-*
ecpolscio in frænandis Cosacis compe-
scendisq; Tartaris, præcipuus semper co-
mes atque adiutor exstitit. Præclara ip-
sius, ut alibi, sic in prælio Ochmatovia-
no, quo Tartari, anno 1644. memorabi-
lem cladem accepere, fortitudo enituit.
Et postea inclytis etiam successoribus *Co-*
niecpolscii, *Potociis Ducibus*, ob promptis-
sima, quæ subinde defendendis Reipubl.
limitibus addicebat, auxilia, dilectus cul-
tusque fuit. Sed apud alios quosdam, u-
triusq; titato magnorum Virorum fato, plus in-
vidiæ, quàm gratiæ expertus est, non aliâ
fere ex causâ, quàm quod laudes ejus & me-
rita, aurâ populari, altius vehi viderentur.

Et

nominando, incredibili protenus harmoniâ consonarent? Unde tam multorum & grandium Capitum, unce plusquam duodecim legionum, unde tot Provincialium Nunciorum tam subitus consensus, nisi à rectore cordium Deo? Cujus adedò nutum omnes jam, etiam qui tardiùs eum principiò agnoverant, reverentibus animis venerantur. Nemo enim non animadvertit, quanto discrimine constitutus fuerit externus, quicumque præpolluisset. Nam nec Competitores Regni, nec Cives ipsi, cellari sibi invicem erant sine sanguine mutuo. Coruscat adhuc ante oculos nostros acies illa gladii civilis, nodum hunc Gordium, qui nitentibus in diversa studiis indies magis implicabatur, vi tandem dillecturi, nisi eum dextera Domini per Te, datum cælitùs MICHAELEM, inopinatò solvisset. Oberrat usque animis imago populi, in nova vulnera, antequam vetera coaluerant, prono impetu ruentis. Occursat facies optimæ Matris Reipubl., infestis filiorum suorum & mox peregrinorum simul unguibus concerpendæ, atque, ob alienum ambitum, suis disfidis pestum

itura.

itura. Certè, nisi Tu, REX SERENIS-
SIME, divino dispositu intervenisses, mi-
serabili scissurâ in partes, sub diversis Du-
cibus, ivisset Respublica, aut unus Can-
didatorum, depulso æmulo, per stragem
hominum, tramite cruento venisset ad
Solum, factâq; dein post solitudinem pa-
ce, libertati, delicatissimo gentis nostræ
bono, gravis aut saltem formidabilis ex-
titisset. Nunc non citra tempestuosos
quidem æstus commotæ multitudinis;
attamen citra sanguinem, libertate non
solum in præsens incolumi, sed & inpo-
sterum securâ, confectum habemus nego-
tium, & jure nobis gratulari debent,
etiam qui postpositi videntur. Agno-
scendum enim est, Deo, Naturæ, pruden-
tiæ & æquitati repugnaturum fuisse;
quisquis huic Electioni repugnare ausus
esset. Deus, ut in populo olim sibi unicè
dilecto, ita nunc in Poloniâ, fratrem fra-
tribus imperare voluit. Natura sangui-
nem proprium anteponi jussit alieno.
Prudentia prohibuit quærì foris, quod
domi inveniri potuit. Æquitas poposcit,
ut liberrimo Populo plena & integra eli-
gendi potestas relinqueretur, nec Reipubl.

imponeretur Dominus, nisi cui se ipsa ultro submitteret. Et jure illa ostendere Orbi debuit, se, quid sibi conducatur, rectius intelligere, quam quisquam externus, nimiamque adeo curam remittere iis, qui res Poloniae suis merè utilitatibus metiri solent. Sed si ullus adhuc superest, qui Te electum mirari pergat, is palam facit, se Natales Tuos nescire, se virtutes etiam Majorum & Tuas ignorare, aut malignius cepisse. Nemo, qui vel à primo limine terram aut annales Polonorum salutavit, antiquissima *Ducum Visnoveciorum* decora non aut legit, aut fando accepit. Prima equidem inclytæ hujus Domus initia, uti ferè omnium, quæ vetustate præcellunt, memorias excedunt temporum. Quod imprimis in hoc Septentrione minus mirandum est, cui radii literarum seriùs illuxere. Sed sufficit nobis, ab annis plus *quadringentis* Seriem Progenitorum Tuorum recenseri posse. Ad gloriam vero satis hoc illustre & magnificum est. quod iisdem Natalibus *Visnovicii* censeantur, quibus ortus est Regum clarissimus *Vladislaus Jagiello*, qui primus Lithvaniam ad Sacra Christiana & simul ad Unionem

nem
Olge
it, le
tus, i
nom
Qua
ritas
rita,
etiam
quasi
furnu
CAS
buit,
felice
igitur
est, R
Princ
cur a
est, q
deco
cum
rator
defici
men
insup
Tui,
Jagel

nem Regni Polonici adduxit. Is quippe *Olgerdi*, Magni Ducis Lithvaniæ filius fuit, sed ejusdem filius quoque fuit *Coributus*, *Dux Sereria*, à quo & originem & nomen illustrissima familia Vestra ducit. *Quatuor penè seculis* regnavit hîc posteritas Jagiellonis, & adeò ob egregia merita, æstimata est à Polonis, ut ultra mare etiam, & in sexu sequiore aliquando sit quæsita. Nunc postquam ultimus ejus *surculus*, Serenissimus Rex JOANNES CASIMIRUS sceptro quietem ante habuit, in fraternum Jagiellonis sanguinem felice transitu incidit Electio. Quod si igitur generis ornamenta spectentur, non est, REX SERENISSIME, cur cuiquam Principum postponi debuisse videaris, est, cur anteponi debueris omnibus. TUUM est, quicquid Jagiellonia Domus possidet decorum: quicquid eadem affinitatum cum Europæ Principibus, Regibus, Imperatoribus habet, ad Te pertinet. In Te deficiens Jagiellonica stirpis gloria & nomen verissimè jam resplendescit. A Te insuper novam lucem accipiunt Majores Tui, quorum cognatum lumen Regius Jagellonici Solis splendor diu quasi præ-

strinxit, quemadmodum fieri solet in his
 oris, ubi Regibus non est integrum, do-
 mum suam magnis honoribus, aut opi-
 bus publicis altè attollere. Interim illi,
 etsi agnatis Regibus minores, egregiis
 semper facinoribus animum excelsò ge-
 nere dignum ostendère. Memorant an-
 nales nostri, *Demetrium Coributum*, cum
 tribus filiis, in celeberrimo magni *Vitoldi*
di, contra *Tamerlanem* orbis totius ter-
 rorem, conflictu, fortissimè pugnando,
 cecidisse. De *Coributéo* etiam genere fuit
 ille *Sigismundus*, quem ob Virtutis famam
 Bohemi aliquando domi discordes, & in-
 fide dissoni, ad Sceptrum vocavère. Cui,
 uti eà in re favit *Vitoldus*, ita adversatus
 est *Vladislaus Jagiello* Rex *Poloniæ*, cum
 ob alias pias causas, tùm quod *Sigismun-*
do *Cæsari*, æmulum illum, ægerrimè te-
 renti, gratificari vellet. Memorabilis est
 pugna illa, quâ *Constantinus Dux Ostr-*
gins, inter inclytæ *Matris Tux* atque adeò
 Tuos progenitores, ut infrà patebit, nu-
 merandus, viginti millia *Tartarorum* ad
Lopusnam cecidit. At pars magna præ-
 lii illius fuit *MICHAEL Dux Visnoveci-*
us cum filiis suis, Is deinceps quoq; pro-
 prio

prio ductu eosdem subinde hostes feliciter fudit, ipsum etiam cubile Scythicum, Tauricam Chersonesum invadere ausus, & multâ istic strage datâ, magnos Christianorum greges vinculis Scythicis liberare solitus. Amplissimum hodieq; virtutis virtutis Visniovecianæ monumentum est, Insula quædam Borysthene circumflua, quæ quod olim *Demetrio* Visniovecio à Tartaricis conflictibus revertenti, suffugium dederat, nomen ab illo accepit. Jure dixerimus, gloriosissimam Familiam vestram domandis Tartaris, vindicandisque contra infideles populos Christianis consecratam esse, atque inde CRUCEM, insigne Christianorum, LUNÆ & STELLÆ superpositam, in Stemmate gestare. Facile etiam perspicipote, Pietatem tam Prælustris DOMUS, jam tandem CORONA in his etiam terris dignam à Deo judicatam esse, nihilq; non præclarum Religioni Christianæ promittere. Fuderunt, REX SERENISSIME, Majores Tui inimicum Christo sanguinem, fuderunt etiam, pro gloriâ Christiani nominis, suum. Ille ipse sanguis nunc in Te accipit brabæum Regium, nunc

nunc in purpurâ Tuâ nitescit. Sub Sigismundo Augusto *Demetrius* Visniovecius, Michaëlis filius, ad Valachiæ Principatum vocatus fortiter & gloriosè aliquandiu tenuit clavum, sed ingenti potentia Turcicæ moli tandem impar, Solymanianæ crudelitatis postremò extitit victima. Sub Sigismundo III. gloriosissimæ memoriæ Rege, *Constantinus* Dux Visniovecius non modicis copiis juvit magnum Regni Ducem & Cancellarium Joannem Zamoscium, Proavum Tuum, cùm is anno millesimo sexcentesimo, arreptis contra Michcelem, nominatissimum eo tempore & multis formidatum Moldaviæ invasorem, armis, nobilem illam ad Telefinum annem Victoriâ reportavit, debellatoq; Michaële, duos Palatinos, Simonem & Jeremiam, illum Valachiâ, hunc Moldaviâ à Michaële violenter ejectum, dignitati suæ restituit. *Constantinus* item inter præcipuos fuit illorum, qui notâ Orbi universo Demetrianâ procellâ vastissimum Moscoviæ Imperium concussere: quo tempore, nisi Virtutem Polonam hæsitans Aula nostra destituisset, omnis illa Moscorum potentia sub Jagiellonii

sangvi-

sanguinis fasces venire potuit. Ex *Constantino Visniovecio* Palatino *Russiæ*, quæ grandævum juvenis noveram, natus fuit *Janussius Supremus Stabuli Regni Præfectus*, *Gubernator Cremenecensis*, Dux generosissimi animi, & domi forisque de Patriâ benè mereri amans, hæres *Zbarasiorum Ducum*, qui ex eadem Stirpe *Coribuceâ* oriundi, præclaris Virtutibus ad illustrem famam & in Republicâ autoritatem pervenerant. Meminimus ex eo genere duos fratres *Georgium & Christophorum*, quorum ille *Castellanus Cracoviensis*, & sic Princeps Senatûs, alter *Archihippocomus Regni*, studiis popularibus Ordini Equestri dilectissimus, illustri imprimis ad Portam Ottomanicam Legatione Orbi innotuit. Sed uterque cælebs mortuus, decora & fortunas amplissimas in proximam, ut dixi, Domum TUAM transfudit. *Janussius Dux*, quem nominavi, cum non unam reliquisset prolem, jam inprimis famam magnæ Domûs, unâ cum Fratre strenuissimo *D. Constantino*, illustrat fortissimus Dux. *

* *Hi duo fratres hoc tempore, quo ista iteratè eduntur, post res contra Cosacos,*

Tar-

*Tartaros, Turcas præclare gestas, altius è-
 velti, & Dux quidem Demetrius non solum
 summum in exercitus Regni imperium, sed
 & Palatini Cracoviensis dignitatem assecu-
 tus, alter Palatino Belzensis renunciatus est.*
*Demetrius Palatinus Belzensis, militiæ
 Campestris Ductor, amor Civium, decus
 Ruffiæ, totiusq; Reipublicæ, quam cum
 cæteris Poloniæ Hectoribus animose de-
 fendit. Sed ad Progenitores Tuos, REX
 SERENISSIME, revertimur. Sunt anni
 amplius quinquaginta, cum Avus TUUS
 Michael Dux Vilniovecius, ducta Vala-
 chiæ Palatini filiâ, contra Tomzam, qui
 Turcicæ potentiæ patrocínio innixus,
 legitimum Palatinum dignitate suâ de-
 pulerat, privatis auspiciis, sociante ope-
 ram affine suo, Samuele Corecio, Viro ob
 fortitudinem celeberrimo, bellum gessit,
 & multis quidem congressibus (quindecim
 illustriſſis Scriptor Piaſecius innuit) Vi-
 ctor extitit, sed prævalente Turcarum po-
 tentiâ, & fati præcocis lævitiâ, vitam pri-
 us, quàm bellum finiit. Jam inclyti Patris
 Tui, Jeremiæ, Palatini Ruffiæ, res gestas,
 quæ industria ſtyli, quæ verborum copia
 dignè edifferat? Cujus tota vita veriſſi-*

ma fuit militia. Ingenio ad Martem
compositus, à primis statim adolescentiæ
annis ad tutandos ampliandosq; fines se
applicuerat. Et mirificâ quâdam dex-
teritate, eò vix puber pervenit, ut simul
miles, & Dux militum esset; Fortuna Ma-
jorum ita ditatus, ut exercitum suo ære,
intra brevissimum temporis spatium,
conficere posset, ita porro indole & vir-
tute suâ comparatus, ut quos confecerat,
ipse bellissimè & regeret & duceret in ho-
stem. Unde Magno illi *Stanislao Coni-*
ecpolscio in frænandis Cosacis compe-
scendisq; Tartaris, præcipuus semper co-
mes atque adiutor exstitit. Præclara ip-
sius, ut alibi, sic in prælio Ochmatovia-
no, quo Tartari, anno 1644. memorabi-
lem cladem accepere, fortitudo enituit.
Et postea inclytis etiam successoribus *Co-*
niecpolscii, *Potociis Ducibus*, ob promptis-
sima, quæ subinde defendendis Reipubl.
limitibus addicebat, auxilia, dilectus cul-
tusque fuit. Sed apud alios quosdam, u-
sitato magnorum Virorum fato, plus in-
vidiæ, quàm gratiæ expertus est, non aliâ
fere ex causâ, quàm quod laudes ejus & me-
rita, aurâ populari, altiùs vehi viderentur.

Et

Et ipse Virtute suâ fretus, censuque proprio dives, æmulos contemnere, quâpi conciliare malebat. Secutum postea est belli servilis incendium, quo uti indignis modis ambusta est fortuna ac potentia Principis, ita virtus clariùs exsplenduit: eo tamen maximè dolenda, quod iratum vitiis nostris cœlum necessitatem illi fecit in rebeli plebe exercendi ferrum, quod antehac sanguine Scythico pulchriùs rubuerat. Sed & illam Hydram satis feliciter domare cepit Sarmaticus hic Hercules, profligatis rebellibus copiis ad Constantinovum, & re nusquam non bene gestâ, ubi nutu suo agere potuit. Illis utique laureis tantùm rursus inter Cives favorem sibi peperit, ut, orbatâ & Capite & militiæ Ducibus Republicâ, non alius potiùs belli regimine dignus censeretur. Posthabitus, laborantis sub invidiâ factum virtutis agnovit, sed simul mox feratilia Reipublicæ vulnera vidit, quibus nemo non perspicere potuit, quæ esset illi injuria, quæ tantis calamitatibus expiaretur. Post Pilaucianæ militiæ diffusum, idem *magnus Parens Tuus*, collecti velut è naufragâ rate tabulis, Zamoscia

nam munimentum, hærede ejus Illustris-
mo Avunculo Tuo tum absente, contra
hostes firmavit, & alibi passim, quâ po-
tuit, Patriæ sidenti porrexit manum. Vel
in Zbarazianæ deinceps obsidionis tem-
pestate, quàm intrepidum ille animi vi-
gorem testatus est. Exigui oppidi termi-
nis inclusus, cum aliis illustribus Viris (in-
ter quos ex proximo sanguine fuit Dux
fortissimus Demetrius Visniovecius) &
omni penè militiæ Polonæ robore, quàm
ad præclara facinora, omnibus, & horta-
tu & exemplo, præivit? quàm gloriôsè
vastam illam Cosacorum Scytharumquæ,
quos Chanus impulsore Chmielnicio ad-
duxerat, multitudinem plusquam duobus
mensibus, non detinuit modò, sed cre-
berrimis excursionibus lassavit, attrivit-
que, sociantibus strenuè operam Ducibus,
militibusq;, qui illic simul erant? Super-
venit deinde DEUS è machinâ, quî & Se-
renissimum Regem alibi ad Zboroviam
periclitantem, & deinceps Patrem Tuum
cum tot eximiis Reipubl. capitibus, feli-
cissimâ transactione cum Chano factâ,
exemit discrimini, sed ut in aliud mox
thearrum deduceret, in quo & Rex, & Pa-

ter

imponeretur Dominus, nisi cui se ipsa ultro submitteret. Et jure illa ostendere Orbi debuit, se, quid sibi conducatur, rectius intelligere, quam quisquam externus, nimiamque adeo curam remittere iis, qui res Poloniae suis merè utilitatibus metiri solent. Sed si ullus adhuc superest, qui Te electum mirari pergat, is palam facit, se Natales Tuos nescire, se virtutes etiam Majorum & Tuas ignorare, aut malignius cepisse. Nemo, qui vel à primo limine terram aut annales Polonorum salutavit, antiquissima *Ducum Visnoveciorem* decora non aut legit, aut fando accepit. Prima equidem inclytæ hujus Domus initia, uti ferè omnium, quæ vetustate præcellunt, memorias excedunt temporum. Quod imprimis in hoc Septentrione minus mirandum est, cui radii literarum seriùs illuxere. Sed sufficit nobis, ab annis plus *quadringentis* Seriem Progenitorum Tuorum recenseri posse. Ad gloriam verò satis hoc illustre & magnificum est, quod iisdem Natalibus *Visnovecii* censeantur, quibus ortus est Regum clarissimus *Vladislaus Jagiello*, qui primus Lithvaniam ad Sacra Christiana & simul ad Unionem

nem
Olga
it, sec
tus, L
nom
Qua
ritas
rita, a
etiam
quasi
furcu
CASI
buit, i
felice
igitur
est, R
Princ
cur an
est, q
decor
cum E
ratori
defici
men v
insup
Tui,
Jagell
nem

nem Regni Polonici adduxit. Is quippe *Olgerdi*, Magni Ducis Lithvaniae filius fuit, sed ejusdem filius quoque fuit *Coributus*, *Dux Sererie*, à quo & originem & nomen illustrissima familia Vestra ducit *Quatuor penè seculis* regnavit hinc posteritas Jagiellonis, & adeò ob egregia merita, æstimata est à Polonis, ut ultra mare etiam, & in sexu sequiore aliquando sit quæsitæ. Nunc postquam ultimus ejus *surculus*, Serenissimus Rex JOANNES CASIMIRUS sceptro quietem ante habuit, in fraternum Jagiellonis sanguinem felice transitu incidit Electio. Quod si igitur generis ornamenta spectentur, non est, REX SERENISSIME, cur cuiquam Principum postponi debuisse videaris, est, cur anteponi debueris omnibus. TUUM est, quicquid Jagiellonia Domus possidet decorum: quicquid eadem affinitatum cum Europæ Principibus, Regibus, Imperatoribus habet, ad Te pertinet. In Te deficiens Jagiellonica stirpis gloria & nomen verissimè jam resplendescit. A Te insuper novam lucem accipiunt Majores Tui, quorum cognatum lumen Regius Jagellonici Solis splendor diu quasi præ-

strinxit, quemadmodum fieri solet in his
 oris, ubi Regibus non est integrum, do-
 mum suam magnis honoribus, aut opi-
 bus publicis altè attollere. Interim illi,
 etsi agnatis Regibus minores, egregiis
 semper facinoribus animum excelsò ge-
 nere dignum ostendêre. Memorant an-
 nales nostri, *Demetrium Coributum*, cum
 tribus filiis, in celeberrimo magni *Vitole-
 di*, contra *Tamerlanem* orbis totius ter-
 rorem, conflictu, fortissimè pugnando,
 cecidisse. De *Coributéo* etiam genere fuit
 ille *Sigismundus*, quem ob Virtutis famam
 Bohemi aliquando domi discordes, & in-
 fide dissoni, ad Sceptrum vocavêre. Cui,
 uti eâ in re favit *Vitoldus*, ita adversatus
 est *Vladislaus Jagiello* Rex Poloniæ, cùm
 ob alias pias causas, tùm quod *Sigismun-
 do* Cæsari, æmulum illum, ægerrimè te-
 renti, gratificari vellet. Memorabilis est
 pugna illa, quâ *Constantinus Dux Ostro-
 gius*, inter inclytæ *Matris* Tuæ atque adeò
 Tuos progenitores, ut infrà patebit, nu-
 merandus, viginti millia Tartarorum ad
Lopusnam cecidit. At pars magna præ-
 lii illius fuit *MICHAEL Dux Vîsnoveci-*
us cum filiis suis. Is deinceps quoq; pro-

prio

prio ductu eosdem subinde hostes feliciter fudit, ipsum etiam cubile Scythicum, TauricamChersonesum invadere ausus, & multâ istic strage datâ, magnos Christianorum greges vinculis Scythicis liberare solitus. Amplissimum hodieq; virtutis virtutis Visniovecianæ monumentum est, Insula quædam Borysthene circumflua, quæ quod olim *Demetrio* Visniovecio à Tartaricis conflictibus revertenti, suffugium dederat, nomen ab illo accepit. Jure dixerimus, gloriosissimam Familiam vestram domandis Tartaris, vindicandisque contra infideles populos Christianis consecratam esse, atque inde CRUCEM, insigne Christianorum, LUNÆ & STELLÆ superpositam, in Stemmate gestare. Facile etiam perspicipote, Pietatem tam Prælustris DOMUS, jam tandem CORONA in his etiam terris dignam à Deo judicatam esse, nihilq; non præclarumReligioniChristianæ promittere. Fuderunt, REX SERENISSIME, Majores Tui inimicum Christo sanguinem, fuderunt etiam, pro gloriâ Christiani nominis, suum. Ille ipse sanguis nunc in Te accipit brabéum Regium, nunc

nunc in purpurâ Tuâ nitefcit. Sub Sigismundo Augufto *Demetrius* Vifniovecius, Michaëlis filius, ad Valachiæ Principatum vocatûs fortiter & gloriofè aliquandiu tenuit clavum, fed ingenti potentia Turcicæ moli tandem impar, Solymanianæ crudelitatis poftremò exitit victima. Sub Sigismundo III. gloriofiffimæ memoriæ Rege, *Constantinus* Dux Vifniovecius non modicis copiis juvit magnum Regni Ducem & Cancellarium Joannem Zamofcium, Proavum Tuum, cùm is anno millefimo fexcentefimo, arreptis contra Michcelem, nominatifimum eo tempore & multis formidatum Moldaviæ invaforem, armis, nobilem illam ad Telefinum annem Victoriâ reportavit, debellatoq; Michaële, duos Palatinos, Simeonem & Jeremiam, illum Valachiâ, hunc Moldaviâ à Michaële violenter ejectum, dignitati fuæ reftituit. *Constantinus* item inter præcipuos fuit illorum, qui notâ Orbi univerfo Demetrianâ procellâ vafiffimum Moscoviæ Imperium concuffère: quo tempore, niſi Virtutem Polonam hæſitans Aula noſtra deſtituiſſet, omnis illa Moſcorum potentia ſub Jagiellonii

ſangvi-

sanguinis fasces venire potuit. Ex *Constantino Visniovecio* Palatino *Russiæ*, quē grandævum juvenis noveram, natus fuit *Janussius Supremus Stabuli Regni Præfectus*, *Gubernator Cremenecensis*, Dux generosissimi animi, & domi forisque de Patriâ benè mereri amans, hæres *Zbarsiorum Ducum*, qui ex eadem Stirpe *Coributeâ* oriundi, præclaris Virtutibus ad illustrem famam & in Republicâ autoritatem pervenerant. Meminimus ex eo genere duos fratres *Georgium & Christophorum*, quorum ille *Castellanus Cracoviensis*, & sic Princeps Senatûs, alter *Archihippocomus Regni*, studiis popularibus Ordini Equestri dilectissimus, illustri imprimis ad *Portam Ottomanicam* Legatione Orbi innotuit. Sed uterque cælebs mortuus, decora & fortunas amplissimas in proximam, ut dixi, Domum TUAM transfudit. *Janussius Dux*, quem nominavi, cum non unam reliquisset prolem, jam inprimis famam magnæ Domûs, unâ cum Fratre strenuissimo *D. Constantino*, illustrat fortissimus Dux. *

* Hi duo fratres hoc tempore, quo ista iteratè eduntur, post res contra *Cosacos*,

Tar-

Tartaros, Turcas præclarè gestas, altius e-
 vestiti, & Dux quidem Demetrius non solum
 summum in exercitus Regni imperium, sed
 & Palatini Cracoviensis dignitatem assen-
 tus, alter Palatino Belzensis renunciato est.
 Demetrius Palatinus Belzensis, militiæ
 Campestris Ductor, amor Civium, decus
 Russiæ, totiusq; Reipublicæ, quam cum
 cæteris Poloniæ Hectoribus animose de-
 fendit. Sed ad Progenitores Tuos, REX
 SERENISSIME, revertimur. Sunt anni
 amplius quinquaginta, cum Avus TUUS
 Michael Dux Vilniovecius, ducta Vala-
 chiæ Palatini filiâ, contra Tomzam, qui
 Turcicæ potentiæ patrocinio innixus,
 legitimum Palatinum dignitate suâ de-
 pulerat, privatis auspiciis, sociante ope-
 ram affine suo, *Samuele Corecio*, Viro ob
 fortitudinem celeberrimo, bellum gessit,
 & multis quidem congressibus (quinde-
 cim illustris Scriptor Piascius innuit) Vi-
 ctor extitit, sed prævalente Turcarum po-
 tentiâ, & fati præcocis levitiâ, vitam pri-
 us, quam bellum finiit. Jam inclyti Patris
 Tui, *Jeremiæ*, Palatini *Russiæ*, res gestas,
 quæ industria styli, quæ verborum copia
 dignè edisserat? Cujus tota vita verissi-

ma fuit militia. Ingenio ad Martem
 compositus, à primis statim adolescentiæ
 annis ad tutandos ampliandosq; fines se
 applicuerat. Et mirificâ quâdam dex-
 teritate, eò vix puber pervenit, ut simul
 miles, & Dux militum esset; Fortuna Ma-
 jorum ita ditatus, ut exercitum suo are,
 intra brevissimum temporis spatium,
 conficere posset, ita porro indole & vir-
 tute suâ comparatus, ut quos confecerat,
 ipse bellissimè & regeret & duceret in ho-
 stem. Unde Magno illi *Stanislao Coni-*
ecpolscio in frænandis Cosacis compe-
 scendisq; Tartaris, præcipuus semper co-
 mes atque adiutor exstitit. Præclara ip-
 sius, ut alibi, sic in prælio Ochmatovia-
 no, quo Tartari, anno 1644. memorabi-
 lem cladem accepere, fortitudo enituit.
 Et postea inclytis etiam successoribus Co-
 niecpolscii, *Potociis Ducibus*, ob promptis-
 sima, quæ subinde defendendis Reipubl.
 limitibus addicebat, auxilia, dilectus cul-
 tusque fuit. Sed apud alios quosdam, u-
 sitato magnorum Virorum fato, plus in-
 vidia, quàm gratiæ expertus est, non aliâ
 fere ex causâ, quàm quod laudes ejus & me-
 rita, aurâ populari, altius vehi viderentur.

Et

Et ipse Virtute suâ fretus, censuque proprio dives, æmulos contemnere, quam conciliare malebat. Secutum postea est belli servilis incendium, quo uti indignis modis ambusta est fortuna ac potentia Principis, ita virtus clariùs exsplenduit: eo tamen maximè dolenda, quod iratum vitiis nostris cœlum necessitatem illi fecit in rebelli plebe exercendi ferrum, quod antehac sanguine Scythico pulchriùs rubuerat. Sed & illam Hydram satis feliciter domare cepit Sarmaticus hic Hercules, profligatis rebellibus copiis ad Constantinovum, & re nusquam non benè gestâ, ubi nutu suo agere potuit. Illis utique laureis tantùm rursus inter Cives favorem sibi peperit, ut, orbatâ & Capite & militiæ Ducibus Republicâ, non alius potiùs belli regimine dignus censeretur. Posthabitus, laborantis sub invidiâ factum virtutis agnovit, sed simul mox feratilia Reipublicæ vulnera vidit, quibus nemmo non perspicere potuit, quæ esset illi injuria, quæ tantis calamitatibus expiaretur. Post Pilaucianæ militiæ diffusum, idem *magnus Parens Tuus*, collecti velut è naufragâ rate tabulis, Zamoscianum

hum munimentum, hærede ejus Illustrissimo Avunculo Tuo tum absente, contra hostes firmavit, & alibi passim, quâ potuit, Patriæ fidenti porrexit manum. Vel in Zbarazianæ deinceps obsidionis tempestate, quàm intrepidum ille animi vigorem testatus est. Exigui oppidi terminis inclusus, cum aliis illustribus Viris (inter quos ex proximo sanguine fuit Dux fortissimus Demetrius Visniovecius) & omni penè militiæ Polonæ robore, quàm ad præclara facinora, omnibus, & hortatu & exemplo? præivit? quàm gloriose vastam illam Cosacorum Scytharumque, quos Chanus impulsore Chmielnicio adduxerat, multitudinem plusquam duobus mensibus, non detinuit modò, sed creberrimis excursionibus lassavit, attrivitque, sociantibus strenuè operam Ducibus, militibusq;, qui illic simul erant? Super- venit deinde DEus è machinâ, quî & Serenissimum Regem alibi ad Zboroviam perielitantem, & deinceps Patrem Tuum cum tot eximiis Reipubl. capitibus, felicissimâ transactione cum Chano factâ, exemit discrimini, sed ut in aliud mox thearrum deduceret, in quo & Rex, & Pa-
ter

ter TUUS illustre iterum Divinae praesentiae specimen caperent, darent fortitudinis. Non multò enim post Cosaci iterum cum Tartaris adversus Poloniam conspiravere. Et vastissimae molis exercitus in viscera Reipubl. tendebat, Chano ipso praesentiam suam denuò precibus & promissis Chmielnicii commodante. Cùm Rex Sereniss. JOANNES CASIMIRUS totius Regni vires ad Beresteciam collegisset, & jam hostis innumerabili numero inflaret, tum laudatissimus *Herros, Pater Tuus*, primae in hostem incurfionis honorem à Majestate Regiâ ultrò poposcit: quo obtento, in densissimos Cosacorum cuneos fortissimâ manu inventus, rupit aciem, & nobilissimae de Cosacorum ac Scytharum incredibili multitudine, post Deum & Regem auspicem, autor fuit Victoriæ. Sed tanto decori non diu superfuit: cœlo novis adhuc flagellis castigare Poloniam moliente. Et ideo ei placuit, tollere Principem, qui ultimum Nemescin maximè videbatur morari. Dum hostis profligata vestigia Dux fortissimus legit, febre inopinâ extingvitur, factum est eò magis dolendo mirandoq; quòd

nuper
s obvia
valerat
norte i
arabili
lenus g
m ama
mortale
erò ipse
o obitu
us Mul
ico occ
ipis la
n medi
jus adf
brsus, i
tea aliq
bet, me
Deliciu
um qua
An me
OCO
Qui Ja
Olge
Qui gen
Ante

is nuper acerrimè pugnando, morti toties obviam progressus, incolumis tamen evaserat. Nunc inopinatâ & improvisâ morte ivit ad Heroum sedes Heros incomparabilis, ivit plenus victoriarum palmis, plenus gloriæ laureis, sed omnibus Patriam amantibus dolorem æternum & immortale sui desiderium reliquit: Patriæ verò ipsi immedicabile vulnus præmaturo obitu suo inflixit. Sub id planè tempus Musa nostra in texendo peplo Sarmatico occupabatur, & in ipsius illius Principis laudem moliri aliquid cœperat, cùm in medio conatu infelix rumor de morte ejus adstrepuit. Ita læto impetu carmen orsus, inter lacrymas finivi. Quod postea aliquo modo auctum subjicere hîc lubet, meæ in laudatissimum Reipubl. olim Delicium & Columnen, observantiæ futurum qualecunque monumentum.

An mea, Jeremia Princeps, Te Musa flebit?

O CORIBUTEÆ splendide gentis apex!

Qui Jagiellonios contingis sanguine Reges,

Olgerdosq; refers Gediminosq; Patres,

Qui genus illustras meritis, qui laudibus

annos

Antevenis, Atavos par superare Duces.

Hos

Hos licet antiquis virtus Heroibus aequet

Et vebat æternis inclyta fama tubis.

*Arma capeffentem tremuit Te barbara
dudum*

*Taurica, & instantem præpete fugit equo
Fulmineumq; Tuum! sensit Crivonosius
ensem,*

*Sensit & Herculeam cætera Lerna manū
Non Tibi par habuit fulcrum, cū Rege
careret*

*Patria, sub clypeo perstitit illa Tuo.
Unde Ducem belli toties vox publica legit,
Æmula sed meritis obstitit ira Tuis.
Heu mihi dicturo jam plura quis accidit
idus?*

*Strangulat ab vocem, quæ male fama
meum?*

*Sit mendax, sit vana precor! falsoq; feratur
Crimine lethiferas fama gravasse Deas
Si verum memorat: manes age grandis
honoret*

*Principis, & tali lemmate fata notet:
Illa Ducis virtus, bellis invicta, supremo,
Cui soli potuit cedere, cessit Hero.
Reddita jam Cælo defendere Lechida cessa.
Sed cessat nunquam Lechidos esse decti.*

Cate

Ceterum Magni Parentis Tui fatum & laudes in opusculo nostro, quod Berestecianam præcipuè victoriam complectitur, legit jam dudum Orbis eruditus, eademq; proluxiore filo contextas legent illi, qui pleniorẽ Historiam nostram, aliquando edendam, videbunt. Ille enim, etsi brevis nimium ævi Princeps, magnam partẽ operis mei implevit. Ubi *Tu* quoq;, *Rex Serenissime*, laudatissimi Patris, quem non diu in terris intueri *Tibi* licuit, imaginem, verissimis virtutum coloribus, expressam, legere non abnues: oblectaturus animum *Tuum* Herois memoriã, qui, quondam ingens Patriæ ornamentum, summus Civium amor, ipsã illã, quã fruebatur, gratiã, fundamentum posuit fortunæ quã jam *Filius*, Deo auspice, duce Republicã, gaudes. Illius vultum, illius animum in *Te* gratissimã memoriã recolet Polonia. Olim illa te puerum miserabatur, quem florentissimus ille ætate & gloriã Princeps reliquerat tenerum, indigumque alienæ directionis, postea etiam unã cum *Illustrissimã Matre*, magnorum Zamosciorum & Ducum Ostrogiensum Koskarumque sanguine, publicã infelici-

cium

cium temporum vertigine eò redactum, ut amplissima Ducatus Tui latifundia, à rebelli turbâ possessa, extorris, nec nisi eminus videres. Sed rectæ pubertatis Tuæ educationi nihil dempsit calamitas publica. Divinæ enim gratiæ nutu, Tui curam suscepit Serenissimus *Carolus Ferdinandus Princeps Poloniae*, Episcopus Plocensis & Vratislaviensis, magnus olim magni Parentis Tui amicus. Cujus insigne erga se studium Princeps ille expertus tum maximè fuerat, cum vacante olim, post fata Vladislai IV. gloriosissimæ memoriæ, sceptro Poloniae, animi eligentium inter duos fratres vacillarent. Regnare enim is Carolum voluerat, etsi ignarus, hunc tandem fore, qui filium suum, Patre orbum, educaturus esset: neque Carolus scire potuit, educare se futurum Poloniae Regem. Arcanâ tamen factorum gubernatione ita res acta est, ut, licet Carolus sceptrum non acceperit, nihilominus erga magnum Parentem Tuum, ita se gratum præstiterit, ac si id accepisset. Educatio porro Tui tam bellè cecidit, ac si ad spem Regni à Principe Regio fuisses susceptus. Usque adeò mirifice consilia identidem sua abscondi

scondit Deus, eaque per longas demum
ambages eventibus inexpectatis, solet e-
volvere: quando inprimis singulare &
eximium quid molitur. Unde adeo in
maximis quibusq; Viris admirabiles isti
Gubernationis Divinae anfractus identi-
dem observati sunt ab Historicis. Cæte-
rum Regius ille educator, ut erat summæ
probitatis, ita eximiâ illâ, & prorsus san-
ctâ morum gravitate, tum in rebus agen-
dis prudentiâ, vitâq; omni ex parte ordi-
natisimâ, pulcherrimè Tibi adolescenti
præluxit. Inprimis verò commendavit
TIBI culturam artium illarum, quæ ma-
gnam fortunam illustrent, & plurimum
juvare possunt. His TU liberaliter innu-
trit, Martium illum ex Majoribus fer-
vorem decoro sapientiæ temperamento
ad futuros usus leniisti: Deo jam tum vi-
tæ Tuæ rationes ita adgubernante, ut ani-
mum maximarum rerum redderet capa-
cem. Missus ad externos nusquam levita-
tis aut luxuriæ, ubiq; generositatis, indu-
striæ, prudentiæ, moderationis, humani-
tatis, fidei, constantiæ, & quod summum
est, pietatis, eximia dedisti specimina, ubi-
que amorem TUI, ubique, & inprimis in

Aulâ Casareâ optima famæ publicæ suf-
 fragia, sæpe & præclara iudicia atq; etiam
 præfagia futurorum decorum retulisti.
 Reversus in Patriam, ærumnoso rerum
 nostrarum theatro ita interfuisti, ut nullâ
 TUI ostentatione provocares invidiam,
 potius verò cultu modico, comitate ob-
 viâ, amorem & simul tamen æstimationem
 TUI augeres, nihil incuriâ negligens,
 quod ad aptandum summis negotiis ani-
 mum facere posse videretur. Otio acti-
 oso tranquillus, Dei nutum spectasti, inq;
 illius sinum deposuisti. & fortunam TU-
 AM. Illius assidua cura exenbuit pro TE,
 & res TUAS, arcano tramite, duxit ad fa-
 stigium. Illius quoq; directione factum,
 ut, cum civili tempestate in magna & co-
 gnata TIBI Capita ingens procella incu-
 buisset, TU gratiam illibatam servares,
 quamvis à TE nullâ adulatione, nullo
 ignobili servitio prensaretur. Neq; eti-
 am favor in TE aulicus Civium benevo-
 lentiam deminuit. Admirabili mode-
 ratione & quodam singulari seu fortuna
 seu prudentiæ beneficio, æquè Principū,
 quàm populi animos possedisti. Utro-
 bique optimè de TE iudicatum est, utro-
 bique

bique animadversum, in TE, licet privato, & nullis dum honoribus eminente, aliquid esse; quod regere magis, quàm regi mereatur. Nimirùm ita suam super TE manum occultabat Deus, ut à prudentibus tamen observari posset. Et hinc in Aulâ ipsâ, ex ore Augustæ Principis, quæ diu & ad mortem usque materno Te gratiæ suæ gremio fovit, audita aliquando vox: *Si Polonus succedere sceptro debeat, non alium querendum.* Ita, licet in longinquum tenderent tum vota Aulæ, tamen animum sagacissimæ Reginae tam potenter movit Numen, ut non posset, quin & suum de Te sensum, & simul Cœlestē, quod ex eventu jam elucescit, decretum enuntiaret. Nec jam Serenissimus REX JOANNES CASIMIRUS, qui spontaneâ abdicatione suâ Tibi locum fecit, lætari non potest, Te surculum, Te Alumnum, Filiumq; adoptivum Augustæ Domûs suæ, sibi succedere. Et TU jure maximo veneraris PRINCIPEM, in cujus contubernio Regio & gratiâ adolevisti, bonâ malâque fortunâ ejus domi forisq; ad prudentiam, huic ipsi theatro, quod jam ingressus es, necessariam pul-

cherrimè exercitus, Deo ipso admirandis
alieni regiminis casibus, ad regimen re-
rum, TE, quod toties ingemino, præpa-
rante. Cujus occultâ vi quoque factum;
ut, unicus cùm esses Parentum Tuorum
Surculus, unica Spes Domûs Tuz, de ma-
trimonio tamen cogitare hætenûs distu-
leris. Cælibem TE manere oportuit, ut
regali tandem thoro Conjugem, tali fa-
stigio dignam, ex usu Reipubl., inducere
queas. Sed qui animo Tuo cœlibatum
hætenûs suavit, idem etiam TIBI potesta-
tem Tui dedit. Pietate, modestiâ ita tem-
perâsti actiones TUAS; ut eo ipso dignus
habitus sis alios regere, quod TE ipsum
tam pulchrè rexisti. A juvene juveniles
culpæ abfuerunt. Virum TE moribus
ostendisti, antequam esses, ætate, & verè
ante sumptam Togam ad purpuram ma-
turuisti. Nusquam, sive Aulam, sive Ca-
stra sequereris, extra limites honesti ab-
iisse visus es. Perpetuò constitisti TIBI,
virtuti semper advigilans, famam perpe-
tuò reverens, & inter tot peccandi occa-
siones, in illo juventæ lubrico, accuratus
semper Tui custos. Dei, Tuamq; pro TE
curam jovit sanctissima *Materna Domûs*
discipli-

disciplina. Cùm enim, post ereptum TIBI tenello Patrem, & deinceps alterum quoq; Parentem, Serenissimum Carolum Ferdinandum fato sublatum, adolescentiæ Tuæ regimen, in Principum Matronarum Decus, *Genitricem* incidisset, fuisti tam felix, ut in iis, quæ educationem spectant, nec Patrē desiderare posses. Quippe *Mater* Tibi contigit generosisimi animi, gravitate morum, Prudentiâ, peritiâ regendi adeò supra sexum suum eminens, ut multis etiam Viris palmam præripiat. Eminentissimis natalibus orta, nihil unquam, nisi, quod summam fortunam deceret, agitavit. Dignam se maximis Avīs Atavisque præstare conata est, & præstitit abunde. Matrem & ipsâ suam, magnam illam *Catharinam* expressit, quæ illustrissimâ Ducum Ostrogienſium & Kostkarum stirpe progenita, nihil in Domo suâ, nisi summè decorum, eminens, & splendidum viderat. In Russiâ Duces de Ostrog & Jaroslaw multis seculis primas tenuerunt, oriundi à grandi illo Vlodimiro Russia- rum Duce, nec non Coniuge ejus *Annâ*, Romani, Imperatoris Bizantini Filiâ, Basilii & Constantini Imperatorum Sorore,

eoq; ipso summis Principum, Regum, & Caesarum aliorum familiis innexi. Unde adeo ingens semper nomen eorum, ingens potentia, & supra potentiam Virtus exstitit. Sed cum denique, nullâ relicta sobole masculâ decessissent, magna fortunæ eorum pars aliò, pars in Maternam Tuam, & illustrissimam Ducum Lubomirsciorum Domum defluxit. Verùm *magna Genitrix Tua*, & Tu per illam, non minùs quoque ornamentorum ac decorum exavitâ illustrissimorum Kostkarum familiâ hausisti: quæ inter majores suos numerat magnos illos Odrovanscos, numerat quoq; Conradum Masovix Ducem, & per hunc multos Cæsares Occidentis, tum & inclytos Poloniae Reges, Casimirum Justum, Boleslaum Crivoustum, & quotquot hos, ad ipsum usque Miecislaum, sub quo Christianam religionem amplexa est Polonia, præcessêre. Hæc est illa Domus, quæ inter alia præclara nomina, produxit Joannem Palatinum Sendomiriæ, post excessum Henrici Valesii sceptro Poloniae dignum habitum, si indigenam tum fata voluissent. Hæc eadem Domus, B. Stanislaus Kostkam tulit, qui Virginæ casti-

tatis flore, & omnigenæ Sanctitudinis fastigio id obtinuit, ut inter cælitè Patriæ Patronos reverentissimè colatur. Sed quanta porrò lux, quantus splendor est, quem eadem inclyta Genitrix in TE, REX SERENISSIME, cum sanguine Paterno profudit? Cui enim usquam terrarum ignotus est *Thomas Zamoscius* Genitor ipsius, Avus Tuus, Magnus olim Regni Cancellarius, summæ in Republicâ auctoritatis, domi forisq; clarissimus Senator, Civibus Patriæ eximiè dilectus, Regibus etiam ipsis venerabilis, verbo dicam, dignus maximo Parente Filius. Nemo est, qui incomparabilem illum Heroem *Joannem Zamoscium* nesciat; cujus nomen cum audiunt, qui magnitudinem ejus ceperunt, nomen Virtutis & Sapientiæ ipsius audire sibi videntur. Non vanè illi olim tale Elogium posui:

Semi Deos æquans meritis Samoscus hic est

Ille ingens armis, nec minor ille Togâ.

Haud scio, quos Lechi sit terra datura

Nepotes,

Hoc scio, majorem non dedit illa Virum.

Hic jam laudes tanti Viri attrectare horeo, quia vereor, ne vel prolixitate mole-

stus sim, vel brevitate iniquus in virtutem
 ac merita Herois. Nonnihil tamen de-
 libare fas est, quia nulla pulchrior gemma
 Diademate Tuo addi potest, quàm quæ
 petitur ex gazophylacio Virtutum Joan-
 nis Zamoscii, Proavi Tui. Is ex Castella-
 no Belzensi, Chelmenfi Gubernatore ge-
 nitus, Togatæ primùm Palladis ornamen-
 ta quæsit, tantâq; industriâ & felicitate
 ingenii ad Sapientiæ culmen eluctatus est,
 ut, quotquot in orbe literati illo ævo fue-
 runt, eum pro Principe ingeniorum ha-
 buerint, ac passim, ut talem, deprædicâ-
 rint. In Patriâ deinde eodem ardore
 Martem, quo Musas alibi secutus, eò glo-
 riæ pervenit, ut seculum illud non habue-
 rit bellatorem, qui cum ipso paria faceret.
 Implevit ille trophæis suis Moscoviam,
 Livoniam, Rusiam, Moldaviam, Vala-
 chiam, Silesiam. Joannès Basilides Mo-
 scorum Dux, Carolus Sueciæ Moderator,
 sæpiùs victi, Maximilianus captivus, Mi-
 chael Palatinus Valachiâ ejectus, Kazige-
 ejus Tartarorum Princeps profligatus,
 Poloniæ fines non defensi solum, sed la-
 trissimè propagati, monimenta sunt Vir-
 tutis Zamoscianæ. Gestum plurimis an-

nis summâ cum laude tum Sigillum Regni, tum Exercituum regimen, institutum porrò in Patriâ tribunal Justitiæ, fundata Urbs cognominis, & in eâ illustris Academia, servata dextrè authoritas Regum, defensa simul Civium libertas, Stephani Regis in ipsum amor, cum Batorêâ, Regis cognatâ, matrimonium, grandium facultatum prudentissima, atq; ex usu Reipubl. facta dispensatio, & alia infinita Viri magnitudinem clarè testantur. Famam ejusdem auxit ipsa invidia: neque enim hæc, nisi ab eminenti virtute, vel gigni vel vinci solet. Ille, ut magnitudine sua malignam hanc umbram excitavit, ita constantiæ suæ fulgore discussit. Evecta supra odii, livoris, obtreccionis assultûs gloria Zamoscii viget vigebitque in annalibus, in ore & calamis posterorum, interq; exempla virtutum perpetuò erit, quicquid Joannes Zamoscus vel dixit vel egit. Ego in his regni Tui primis auspiciis, tum Virtuti Herois tanti, tum & gloriæ Tuæ, qualecunq; sacrificium oblaturus, non aliud aptius reperiri posse me credidi, quàm, si magni illius Proavi Tui ultima certamina, postquam priora du-

dùm jam edita sunt, unà cum gloriosa
Mortis catastrophe, sine mora in thea-
trum publicum producerem. Quò sic Or-
bi extero quoq; liquidius constet, quàm
non solum TUAS, sed & Majorum Tuo-
rum virtutes gratia Divina, collato dia-
demate Regio, coronare in Te voluerit.
Tu digna Regis fastigio decora, quæ bre-
vi, Deo volente, exhibebo, non poteris
nisi sereno benignoque vultu suscipere.
Nam & innata planeq; propria Tibi est
clementia, & quæ offeram, sunt ejus colo-
ris, ut nulli, nisi hosti Tuo, displicere pos-
sint. Sunt enim primaria inclytæ Do-
mûs Tuæ facinora, quibus Majores Tui
Poloniam Rempublicam, non solum, ut
communem Patriam defenderunt, sed
singulari studio ac felicitate auxerunt, or-
narunt, non secus ac si præsensissent, in
Sangvinem suum deniq; regnaturum, &
huic parari, quicquid laboribus suis pub-
lico accederet. TUA, REX SERENIS-
SIME, Generositas, insitis sese stimulis ad
sublimia quæque exsuscitans, omnibus
haud dubiè nervis eò contendet, ut Ma-
jores Tuos, etsi longè maximos, non mi-
nus omni virtutum laudumq; consensu

exsu-

exsu-
dign-
idem
glori-
velu-
Polo-
bes
Duc-
dem-
& T
deas
lum
num
fore
Und
imp
diar
co d
tis p
cum
nov
liter
men
ver
tem
Pie

*M

exsuperes, quàm plerosq; illos jam adito
dignitatis Regiæ fastigio antecellis. Sed
idem Tu ipsum quoq; Nomen Tuum in
gloriæ incitamentum ultrò vertes TIBI,
vel utiq; verti non abnues. Primus Regum
Poloniæ Principem Archangelorum ha-
bes Tibi cognominem. Festa ejusdem
Ducis Angelici luce Regium capeffis dia-
dema. Nefas fuerit augurari aliud, quàm,
& Te omni studio id acturum, ut respon-
deas tam Sancto Nomini, & magnum il-
lum cælestium exercituum antesigna-
num, Deo auspice, fore comitem operum,
fore sospitatore bellorum Tuorum.
Unde nec futurum dubitamus, ut Draco
impietatis, Draco perfidiæ, Draco discor-
diarum, Draco vitiorum & licentiæ, Dra-
co denique omnis Regno huic adversan-
tis potentiæ, Virtuti & fortunæ Tuæ suc-
cumbat. Quod si Nomini * Angelico
novæ Dignitatis Tuæ vox, transpositis
literis, adjungatur, quid nisi *Lex mera*,
mera justitia emergit? claro omine, Te
verè vivam legem omnibus æquè paten-
tem, Te asylum æquitatis & justitiæ fore.
Pietas porrò jubet, alia quoque animo re-

L 1 6

colore

* MICHAEL REX. *Anagr.* Hic mera lex.

colere bonæ spei auguria, atq; inprimis
 auspicatissima & vere ominosa vota, qui-
 bus optimus olim Pontifex, Delicium ve-
 rè Orbis Christiani, URBANUS. VIII.
 celsissimorum Parentum Tuorum nuptias,
 Romæ, in Collegio Cardinalium, rari ex-
 empli solennitate consecravit, quasi sin-
 gulari ac Divina quadam vi mentis præ-
 cipere visus, te, pretiosissimum Nuptia-
 rum illarū & benedictionis suæ fructum,
 te fulcrum Ecclesiæ, te decus Poloniæ, te
 omnium bonorum gaudium. Cum be-
 atissimo quoq; CLEMENTE IX. qui ho-
 dieque Christianæ Reipubl. felicissimis
 auspiciis præest; non tantum communi
 aliis Regibus nexu obsequii, sed & pecu-
 liari quadam fati ac temporum harmonia
 te connecti, susceptæ ab utroq; Vestrum
 dignitatis synchronismus videtur argue-
 re. Eo enim tempore Illustriss. Regni
 Primas NICOLAUS PRASMOVIUS te
 Regem nominavit, quo ante biennium,
 Cardinalitii Collegii suffragia illustre *Si-
 dis Olorinum*, magnum sapientia, ma-
 gnum sanctitate *Julium Rospigliosum*
 nuncupavere Regem sacrorum, Ille gra-
 tissimo admirabilium Virtutum suarum

rore implet, & reficit orbem Christianum.
Tu, etsi ætate & specie regiminis dispar,
similiter tamen pulcherrimos dotium Re-
ge dignarum flores, in ipsâ hac orientis
Imperii Tui aurorâ, pandis. Et quan-
tùm porrò quoq; Te ac fortunâ Tuâ no-
bis promittat cælum, visa in aëre ipso o-
stenta monuisse putamus. Quo enim die
Rex promulgatus es, *Aquila Alba*, genti-
litio Regni nostri Aliti suppar, ingenti-
bus illis eligentium turmis ex alto immi-
nere conspecta est, index haud dubiè vi-
goris & fortitudinis Tuæ. Antehâc quo-
que Columba, ipsi consiliorum publico-
rum loco supervolavit, nuncia, uti cre-
dimus, illius pacis ac concordie, quâ, post
fopitas contentiones, Rex creatus es, quâ
& deinceps universas regni Tui Provinci-
as, Te auspice, fruituras confidimus. Fas
est insuper sperare, Examine illo *apum*,
quod rarissimo exemplo, inter suffraga-
tores, sine aculei noxâ, consedit, mutuam
Civium fidem, & indivulsum populi cum
Principe nexum, atq; insuper melle omni-
genæ felicitatis fluens seculum nobis esse
promissum. Omnia utiq;, quæ hactenùs
vidimus aut cognovimus, in spes amplis-
simas

fimas optimorū successuum nos erigunt: aggre-
 Tuumque porrò animum ad asserendam num
 tot auguriorum fidem inflammant. Nō cam
 sti, REX SERENISSIME, grande Tibi nam
 jam referatum' esse theatrum, in quo illu- que
 stria Pietatis, Prudentiæ, Justitiæ, Magna- sim
 nimitatis, Fortitudinis, Beneficentiæ, da- cine
 re specimina possis. Nec ignoras, pre- Hol
 tiosissimum esse depositum, quod à supre- cor
 mo rerum Gubernatore fidei Tuæ com- & i
 mittitur: dari nimirum in custodiam ip
 præcipuum, in hoc Septentrione, propu- stat
 gnaculum & antemurale Christianorum. ex
 Dari Rempubl. latissimè patentem: ex de
 variis populis, lingvarum, morumq; di- cat
 versitate multum inter se dissonis, sed pa- ver
 ri libertatis studio flagrantibus cōalitam: flag
 Rempubl. armis hætenus invictam, tot leba
 hostium triumphatricem, bona libertatis Fab
 delicatè & anxie amantem, ipsisq; etiam mis
 vulneribus, inter ejus vindicias susceptis jus
 animosè gloriantem. Rempublicam de- feli
 nique Deo, uti infinitis documentis di- nos
 cimus, inprimis dilectam, ejusq; singula- tot
 ri gratiâ, ex maximis sæpè periculis erep- livi
 tam. Quàm pauci effluxere anni, cum am
 illa adversum se conjuratum innumerum per
agrest

agrestis & armis accinctæ multitudinis
numerum, & cum eo conjunctam Tauri-
cam, dein Moschicam, mox transmari-
nam, & cum hac Dacicam Germanicam-
que potentiam sensit? cùm squalidos pas-
sim cruore campos, villas & oppida in
cineribus suis fumantia, Urbes præcipuas
Hostibus infestas, exercitus astu & pretio
corruptos, Cives quasi fulmine attonitos,
& in diversa torrente calamitatum raptos
ipsam etiam Majestatem Arctoæ tempe-
statis violentiæ cedentem vidit. Multi
ex vicinis actum & conclamatum esse
de Republicâ arbitrabantur, quidâ etiam
cæteris avidiores, rapiendis velut ex cada-
vere spoliis inhiabant. Deus autem, qui
flagellari quidem, non tamē interire vo-
lebat Pōloniā, suscitavit in illâ Camillos,
Fabios, Scipiones, qui Matrem in extre-
mis anhelantem refocillarent, hostesq; e-
jus omnes invictâ fortitudine attererent;
feliciter deniq; reliquias eorum finibus
nostris propulsarent. At eandem atriam
tot flagellationibus fessam, tot vibicibus
lividam, factiones mox domesticæ, sed
ambitu peregrino excitatæ, fatigare cæ-
perunt. Parumq; rursus abfuit, quin suis
illa

illa in perniciem armis ageretur, quæ vim
externam tam fortiter & prospere depu-
lerat. Ac vidit sanè Mater optima filios
suos infestis inter se gladiis concurrentes,
vidit prælia

nullos habitura triumphos.

Iterum tum in dubiam fortunæ aleam de-
venerat Respublica, iterum in se animos
populorum averterat. Sed intervenit
DEUS, & incubantes cognatis cervicibus
enses contudit, sedatisq; motibus intesti-
nis, sudum Pacis subito intulit. Illa igitur
Respubl. DEI beneficio, tot calamita-
tibus, periculis, & sibi ipsi quodammodò
superstes, illa tot monstrorum victrix, il-
la iurium suorum vindex, se, fortunam,
& libertatem suam, tot sudoribus, tot di-
scriminibus, tot vulneribus emptam,
TIBI, REX SERENISSIME, conservan-
dam, defendendam, ornandamq; desert.
Sub TUIS auspiciis, favente suis muneribus
Numine, attritum longissimis mor-
bis robur, florem coloremq; pristinum a-
bundè se recuperare posse confidit. Et
TU, quâ indolis magnitudine & indu-
striâ es, conceptas amplissimas de TE
spes non æquare tantum, sed & vincere

incipis

incipis. Moderationem animi, inmotum recti justiq; amorem, caritatem Patriæ, indefessum in omnigenæ laudis curriculo vigorem, exemplo Tuo commendas omnibus. Et ecquem eorum, qui Vitæ Tuæ rationes inspiciunt, non pudeat, discolorem apparere Principi, qui hoc ætatis, inter tanta obsequia fortunæ, fræno rationis affectûs suos tam bellè gubernat? Ad optima & altissima quæque Senatui & Civibus Tuis alacer præire paras. Hi vicissim TE, eâdem illâ, quâ Te præfecerunt sibi, animorum promptitudine sequuntur. Læti imperiis Tuis subsunt, quia TE boni publici amantem, fidamq; libertatis custodem, non magis supra se, quàm pro se esse agnoscunt. Gloriæ Tuæ libenter & fortunas & capita sua consecrant. Ibunt porrò, quò volueris, quia Te non iturum credunt, nisi quò Patriæ salus & honor vocabit. Id omnibus dictis factisq; Tuis spiras, id etiam nummis missilibus polliceris, in quibus aureum illud epigramma exosculamur, *Salus populi suprema lex esto.* Nec à publici boni scopo aberrabis, quia nonnisi optimis Consiliariis aurem præbes. Habes ad manus

nus Ministros, ingenio summos, iudicio
admirabiles, experiētiā probatissimos,
Reipublicæ intelligentissimos, Tibi fide-
les, Civibus gratos. Habes in limitibus
Regni fortissimos Bellonæ filios, habes ex-
ercitus annorum multorum stipendiis co-
gnitos, & in iis non paucos, qui inclyti
Patris Tui memores, nomen illius in TE
venerantur, & nihil non sibi promittunt
de Te, sanguine Visniovéciorum, quos
Patres militum semper fuisse nōrunt. Si
pro Aris pugnandum fuerit, non inviti
CRUCEM in vexillis Tuis lucentem se-
quentur. Si pro focis Patriæ, eos, tali au-
spice, gladiis suis incolumes præstare, a-
missos recuperare; hostes verò antiquam
Sarmaticæ virtutis reverentiam, tum ad
modestiam æquæ pacis tolerantem redi-
gere certabunt. Sed TU militiam haud
dubiè ita componere, ita ordinare cona-
beris, ut merentibus stipendia, hybernaq;
citra detrimentum bonorum Ecclesiæ &
Reipublicæ, citra labem nobilium, proce-
dant: ne exhaustis oppidorum villarumq;
colonis, fontes tributorum arescant; lo-
caque ipsa, habitatoribus vacua, invali-
dum disciplinæ legumq; auxilium expo-
breant

brent Poloniæ. Sic ab exercitibus, & ab ipsâ Republicâ avertetur ira Vindicis supremi, qui injuriis Pauperum maximè læditur, & missis sæpè propter illas calamitatibus, divites æquat pauperibus. Floreat cum Religionis & liberalium studiorum honore, cura pudoris, cura justitiæ, cura Ordinis, custodia legum, tutela oppressorum. Sint benè meritis præmia, sint pœnæ fontibus. Propitiatus eâ ratione DEUS, persanabit vulnera, quibus hætenùs Respublica ingemuit. Coalescent arctiore nexu animi tot annorum lustris in diversa rapti. Certabit cum reverentia Majestatis amor populi. Carebunt rebellionibus Provinciæ, scopulis suis Comitibus, privatis stimulationibus Consilia, pax securitatis & luxuriæ vitiis, bella sinistris eventibus, commercia remoris, artes abusibus, mores licentiâ. Sic porrò Regnum Virtutis attollet fasces, sic prosperitas respiciet Poloniam, sic AQVILA Sarmatica sub TE, generosissimo Pullo suo, sub fortunatis *gentilitiæ Stellæ* Tuæ auspiciis, squalorem senectutis plenè exuet, sic denique Respublica, assumpto robore veteri, ornameto

mento erit Majestati Tuæ, Ecclesiæ præsidio, amicis Poloniæ solatio, hostibus terrori, Cælitibus delicio. Hæc animo devotissimo Tibi & Reipubl. ominatus, jam porrò DEUM ter Optimum Maximum supplex veneror, ut omina nostra optato beet eventu, ut TE, REX SERENISSIME, robustæ valetudinis constantiâ, auspicato semper, quâ Togæ, quâ Saggi consiliorum actionumq; tenore, amore Civium illibato, industriâ Senatûs prudentiâ, Conjuge vitis Turis Regniq; accommodâ, ut porrò Ministris rerum magnarum, uti nunc habes, capacibus, amantibusq; boni publici, milite foris semper, nunquam domi formidando, fluctuosâ vicinorum Principum Populorumq; benevolentia, irritâ emulantium invidia, hostium obstinatorum clade & ruinâ, famâ Poloniæ & autoritate altissimè evectâ, omni deniq; rerum secundarum & gloriæ cumulo, in ultimæ senectutis annos, sospitem Majestatem Tuam florere, & post fera fata, succedente deinceps Augustæ Sobolis & Posterorum Virtute, feliciter, ordine nunquam interrupto, sine nullo, revirescere jubeat.

Ad

Ad Serenissimam Poloniæ
Rempublicam.

Quem Tuae secreto, iot jam vertentibus
annis,

Parturiit Fortuna sinus, tot adire labores,
Perq; tot ancipites duci Te passa ma andros,
Reddere dū prima lucis Tibi certat honores:

Ille JAGIELLONIOS, GENEROSA PO-
LONIA, Fasces,

Et solium Regale tenet. Tu Sceptra gerenti
Oscula jam figis: PROLEM TU MATER
adoras,

Depositum venerans Cæli, & letissima,
tantum

Bis peperisse Decus. Cunabula prima dedisti
Ut tandē Diadema dares. Præivit Olympus,
Qui Sobolem nasci voluit, quam deniq;

PATREM

Efficeret PATRIÆ. Parere at oportuit ante,
Quàm regere: augustum Virtus præcedere
clavum

Debit, & meruisse prius, quàm sumere
sceptrum.

Mox detreclando Regale MODESTIA
culmen,

Exacuit populum magis, accenditq; S E-
NATUM,

*Dignior & visa est Regnis, dū Regna recusat.
Tu, simul ut Superū sensisti, PATRIA,*

nutum,

*Nil cūctata sequi, toto jam pectore plaudis,
Non leges Regni, non libertatis habenas
Permissas alii, quā LIBERTATIS Ae*

LUMNO:

*Civibus esse Caput Civem, cunctosq; regentē
Acunctis lectum gaudes, magnumq; MO-*

NARCHAM

*Se totum debere Tibi: neq; JUDICIS urnae
Arbitrium cuiquam se submisisse favori,
Sed PATRIAE servisse bono. Quod nemo
tueri,*

*Nec nosse intimiūs potuit, quā natq; eodē
Sub Caelo PRINCEPS, ortus qui Regibus,
equas*

*Majores animis, laudūq; cupidine; famam
Virtutesq; ferens. Ostro & Diademate di-*

gnas,

*Tu spes ipsa Tuas praegressa faventib; Astris
Et voti Te fassa ream, jam Numen adoras,
Ut, quod inexhaustā Dextra Virtute patra-*

vit,

*Porrò gubernator opus. Caelo REX iudice lecto,
Vindice floreat Caelo. MICHAELE pha-*

langum

Præsi-

Præside Cælestium MICHAEL ductore frua-
tur

Et custode simul. Decoret felicibus ausis
Perpetuò Patriã, cumulatis Martetrophæis
Augeat, eternisq; inscribat nomina fastis.
Tu verò REGUM GENETRIX RESPUB-
BLICA, felix

Progenie viresce Tuã. Tibi REGIUS iste
Surculus in solidum constanti robore fulcrũ
Crescat. Tu laudum generoso uberrima
fructu,

Et Libani superans Cedros, ac nescia vinci
Culmina Palmarum, diffundas nominis
umbram,

Captandam populis: sparsasq; per æthera
frondes

Sidereis figas ARBOR CELSISSIMA
campis,

Et genuisse DEOS, genitis innixa, triũphes.

Pro coronide sint tria Anagrammata ex
nomine Serenissimi Regis, quem inde cæ-
litus designatum, Toga & Sago, domi fo-
risque inclytum fore, Respublica
ominatur.

I.

MICHAEL.
LECHIAM.

LECHIA certabat secum, jam proxima
bello,

Inter & adversos præda futura procos.
Mox interveniens calum, quò tenditis, in-
quit,

Rivales? quò Vos irritus ardor agit?
En VIDUÆ SPONSUM jamdudum no-
mine signo,

In SPONSI legitur nomine SPONSA
sui.

Ducere te MICHAEL Princeps, ô LE-
CHIA, debet:

Non alii melius nubere, Sponsa, potes.
Æthereū tacito Vos jungit fœdere Nomen,
Æthereus Vester nexus Amoris erit.

Ille dabit Patriis, palmas præiturus Avitas,
 Vindicias Aris, præsidiumq; focis.
 Conteret hostiles, astrictis ducentibus, Enses,
 Et sic grata Lari pax erit ille meo.
 Bella gerant alii sine fine modocq; Monarchæ
 Hic triumphato condet hic arma Leo.
 Qui leges victis potuit dare, magnus ha-
 betur,
 Qui dabit & victis, & sibi, major erit:



ÆGIS PALLADIA

IN

SERENISSIMI AC POTENTISSIMI

PRINCIPIS ET DOMINI,

DOMINI

JOANNIS III

REGIS POLONIÆ,

Magni Ducis Lithvaniæ, Rusiæ,

Prusiæ, Masoviæ, Samogitiæ, Kioviæ,

Wolinæ, Podoliæ, Podlasiæ, Livoniæ,

Smolensciæ, Severiæ, Czer-

nichoviæ, &c.

CLYPEO GENTILITIO,

SARMATIÆ, ORBISQUE CHRISTIA-
NI PROTECTORE,

ANNO M. DC. LXXVI. II. FEBRUAR.

Sub Ipsam

INAUGURATIONIS REGLE
SOLENNITATEM

Adumbrata,

SERENISSIMUM REGEM.

Heroum cœleste genus, quo Vindice
surgit

Patria PELIDEN lata tulisse sibi:

Cui Divina manus meritam Virtute Co-
ronam,

Sarmatiæq; suæ libera sceptrâ dedit,

Adspice. PALLADIÆ, quæ cernitur, ÆGI-

DOS UMBRA,

A radiis lumen certat habere Tuis.

Illustrat natale decus tibi MARTIUS

UMBO,

Qui LECHIAM texit fortiter UMBO
suam.

Obvia TUTOREM passim nunc excipit ulni

MATER, & applausu Terra Polusq;
favent.

Debitor ipse novū columē Parnassus adorât

Devotaq; offert Cyrrhea dona manûs.

Suscipe, quæ dantur, REX INCLYTE,
fronte serenâ,

Ac dantē CLYPEI protegat Umbra Tui

Invidia nam tela nequit sufferre Camenâ;

Sit nisi Regali fulta favore DEA.

Ipsaq; vix ausit PALLAS sic Ægide niti:

Vivere sub CLYPEO quin amet illa Tuo.

Nequic-

N Equicquàm dubio secum certamine
pugnat
Conscia Musa sui; trepidans pecca-
re tacendo,

Nec tamé ausa loqui. Luctu perculsa recenti
Canities Heliconæ pati, Phœbumq; recusat:
Ardua que ingenti rerum fastigia mole,
Virtutumq; immensus apex cantare parantē
Tardat, & imparibus prohibet tam grandia
nervis

Tangere, quæ melius veneretur rauca
silendo

Chorda, timens nimio ne pondere victa
fatiscat.

Publica sed plausum jam poscunt gaudia.
Supplex

Dona CORONANDO debet Veneratio REGI,
Et Pietas jubet ipsa loqui. Sic surgit in ausus
Jam dudum desveta novos, rugæq; senilis
Immemor, Aonios, ipsâ sese altior, æstus
Concipit, & Clarias mordet mens ignea
laurus;

Ille en, qui Scythicas radiis victoribus
umbras.

Dispulit, & Patriæ lucē, ceu Phosphorus alter
Reddidit, enervitas rarâ Virtute Curules
Scandit, & augusta librat jam fronte Co-

Eccui tam rigido torpescat frigore pectus?
 Quæ linguam glacialis hyems, & pleetra li-
 gârit?

Quin fulgente novas capiant hoc *fidere*
flammas,

Inq; triumphales se laxent omnia cantûs;
 Quin simul ipsa stupens annis, & saucia curis
 Vena reviviscat, positamq; laceſſat avenam.

Unde sed ingrediens laudum sublimie
 theatrum

Picinius trahet orſa labor? me copia rerum
 Circumdans inopem reddit: lux plurima
 mentem

Oſcuſcat ſplendore ſuo, radiosq; moratur
 Ingenii, & dubiâ ſiſtit molimina curâ.

Si *Generis* luſtrare decus, Cerasq; vetuſtas
 Muſa velit, grandes Lechiæ transferbere
 faſtos,

Eſſet opus, tanti nec erit niſi tarda laboris
 Meta; ſed & longo cum plurima dixerit orſu
 Plura tamê dicenda forent. At proxima nobis
 Sit tetigiffe ſatis. Memori non excidit ævo
 Bellonâ præluſtris Avus, qui viribus idem
 Ingenii, eloquiîq; potens, caruſq; Monar-
 Et patriæ gratus, liberatîq; decorus, (chis,
 Sceptra Palatini tenuit, lux inclyta gentis
 Sarmaticæ. PATREM ſimili mox tramite
 laudum Fili-

Filius excipiens, procul hunc superavit ho-
norum

Culmine, cum Solio Regali *proxima* cessit
Purpura promerito, *Castellanumq;* creatum
Urbs Regni Princeps coluit, coluere Dynastæ,
Et palmare suum dixit Respublica fulcrum.
Non huic consilio similis, non par fuit alter
Ore Pericléo. Quicquid tum *Pallade* dignum
Gessit utraq; Lechi tellus, hoc *Nestore* gessit.

Ille LADISLAO, Moscum diadema petenti
Jure, quod à populo *Princeps* electus habebat
Magnus Consilii custos, rectorq; juventæ
Additus, huic tandē, cari post fata Parentis,
Conciliator erat Regni, cum Patria tota
JACOBO moderanda dedit suffragia *Campi;*
Qui dare sceptræ solet, magnos & dicere
Reges.

Huic neq; Threjcii sunt formidata Mo-
narchæ

Arma, sed indomitus, tanto frangente capi-
stro,

Osmanes vinci didicit, pacisq; receptis
Legibus, inamiti, nec sicco funere bustum
Quod Lechiæ molitus erat, furibund' inivit.

Sic manus Emathio jam tum SOBIESCIA
sceptro

Visa fuit fatalis, & ingens fabrica condi

Capit, quam tandem major Patre Filius,
astris

Perficis auspicius, Patrio jam cœlitus Orbi
Defensor, CLYPEUSq; datus. Nam *stemma*
tali

Signarunt illustre *genus* præsaga futuri
Fata, & nobilibus stimularunt pectora
flammis.

MATERNÆ jam mitto decus monumen-
taq; stirpis,

Digna pari monumēta tubâ, si Musa patent
Credere se vellet campo, spatiumq; vagari
Liberiore manus. Sed jam mihi sufficit.

Heros

Excelsæ Virtutis *Avus*, fortissimus ille
 Hector Lechigenum, tremuit quem Moscuæ
quondam

Patria; Oraculum Regis, post fata Samosci,
Vidit, & æternis commendant clara papyris.
Aula, necisq; genus, cum duri Martis arena.
Haussit pro patriis, invicto pectore, terris
Impare pugnantem fortunâ altoq; cadentē
Vulnere. Sed Virtus tumulo sublimior extat,
Et nescit post fata mori ZOLKEVIUS, ingens
Sarmaticæ vindex, ac tandē victima gentis.

Sanguine Tu tali genitus, *Fortissime* Re-
gum,

Indole Divinâ, primævo à flore juventæ.

Heroum Virtutis iter, cœloq; probatos
 Ingredieris calles. Puerum Tritonia Pallas
 Ungue suo format, secretos pectoris ignes
 Delius ipse fovet Pater, & cœlestibus auris
 Suscitatur, arcanis doctrinæ fontibus implens
 Sublimem genium, semperq; ad *Principe*

dignas (gur,

Exstimulans curas, vidit quia præsciis Au-
 Quæ maneat fortuna Virum, quid spondeat
 æther,

Et quàm grande decus posthac sub Principe
 tanto

Præsidiumq; suis promittant Numina *Musis*.

Non tamen Aoniis nimium latuisse sub
 Umbris

Permisit Fortuna Tibi. Sistenda theatro
 Lucis erat, puber quò maturesceret ætas
 Sole sub aprico, magnis & idonea rebus
 Surgeret. in Lechiæ decus immortale

Corona.

Indè peregrinas placuit Tibi visere gentes,
 Quicquid & Hesperiiis usquam Sapientia
 terris

Condidit eximium, docili perdiscere menti
 Summa cupido fuit. Sensit de Roma capace
 Rerum magnarû, sensit cum Teutone Celta,
 Et Scaldin quicumque bibunt, Rhenumq;
 bicornem, Tum

Tum Getici latices Istri, scatebrasq; Tibisci.
 Te quacunq; pedem ferres, excepit ubiq;
 Et fovit peregrinus amor. Generosa pla-
 cebat

Omnibus AUGUSTI *Vultus*, & PRINCIPLE digna
 Majestas oris, traxit quoque gratia morum,
 Illaq; tranquillâ spectata modestia fronte,
 Temperiesq; animi, nec quicquam futile
 spirans

Sermo, sed occultis innectens corda catenis.
 Patria cum reducê vidit, Bellona lacertis
 Protenus est amplexa suis, aptumq; Gradivo
 Ateneris experta, novum Te caput *Achillem*
 Fingere, perpetuisq; dehinc exercuit armis:
 Non horrere docens hyemes, non cruda

Bootæ

Flamina, non nimio Phæbi langvere sub
 æstu, - (tatu

Nullâ operis trepidare genus, superare na-
 Flumina, pervigiles armatum ducere noctes,
 Esuriemq; sitimq; pati, tolerare pericla
 Intrepidum, valido obstantes percurrere
 ferro,

Non numerare, globos, dextrâ sibi quærere
 laudem,

Vulneribusq; decus, Cœlo patriæq; sacratû
 Ferre caput, quotiesq; opus est, non parcere
 vitæ. His

His tirociniis, tali durare palæstrâ
Vernantes humeros, animumq; ad grandias
natum

Solennis Tibi ludus erat, Sic Thesalus Heros
Æquoreæ Thetidos dilectū pignus, Achille,
Ad Martis trabeas primis eductus ab annis
Sic tener Alcides, agitans præludia laudum,
Membra fatigabat, tandem domitura Gi-
gantas.

Sic Geta Threiciis sudantem vidit in arvis,
Et juga lassarunt puerum Rhodopeia Martē.

Grandia spiranti durum quoq; sidera
campus

Objecere Tibi, nec enim truculentior unquā
Incubuit Patriæ, cœlo irascente, malorum
Elias: extremæ miseram damnallæ ruinæ
Fata videbantur, belli tonuere fragores
Undiq; penè omnis subitò vicinia fudit
Hostes, & itreperi fremuit terrâq; marique
Vis gladii, vix ipsa salus servare labantem
Posse putabatur. Rigido *servilis* ab Euro
Prima procella fuit, plebes cum rustica
franos

Excuteret, Scythicisq; ferox exurgeret
armis,

Cervices scrutās Dominas, & Lechidos artus
Dirâ lauce vorans, Illi Tu, Martia Proles,

Objectare Tuum, prima inter fulmina,
pectus

Ausus es, Alcide animis juvenilibus æquans,
Gorgoneosq; acer lacerabas ungybus Hy-
dros. (stri.

Nec semel immanis merfisti in viscere mon-
Arma, quia haud uno dirissima vulnere
Lerna

Procubuit, sed sapè caput rediviva sub auras.
Extulit, atque animos, viresq; à vulnere
sumsit.

Ah! quanto maduit belli hæc feralis arena.
Sangvine nobilium! quot Clari nominis
istic.

Oppetièrè Duces! inter primaria gentis
Sidera, quæ præsens ætas, & postera semper
Fama canet, proh fata! Tuus, florentibus.
annis,

Unicus occubuit *Frater*, spes altera magnæ,
Gemmaq; Pulchra Domûs, Patriæ virtute
futurus

Æmilius, fulmen Martis, si fera vocasset
Heroum Lachesis Juvenem. Nunc laude
superstes

Perpetuâ vivit, templisq; insertus Olympi,
Semi-Deosque inter, Proavûm, magnique
Parentis

Com.

Complexu gaudens, Te Regia sceptrā ge-
rentem.

Cœlo spectat ovans animis, jugiq; trium-
phum.

Lætabundus agit plausu, *Fratriq;* faventes.
Perpetuò Superos, & candida fata precatur.

Non desævierat furiis excita. Cosacæ
Tempestas turbæ, aliam mox traxit ab Arcto:
Cum mare Parrhasium vomuit numerosa
phalangum.

Agmina, belligerosq; Gothos effudit in:
agros.

Sarmatiæ, quæ tota sibi tum dissona, tardas.
Opposuit vires hosti. Sic objice nullo.

In medios ruit ille sinus & viscera Regni,
Ac propè cuncta suis reperit, vel fecit aperta:
Consiliis. Socias. jungebat Dacia. turmas.
Hunnigenæq; suis. subitò de montibus.
ingens.

Militiæ robur Lechicæ immisit in oras.
Ambitione tumens cæsâ *Racocius*; ibat
Hûic comitum. malefida. cohors, quam
Russia misit.

Tristibus instupuit tot: fluctibus obruta
Lechis;
Nec satis ipsa sui compos dedit hostibus
ægrum

Primâ fronte latus, multasq; hæc *naufraga*
puppis

Hausit aquas. Donec pulso *generosa* sopore
Natio commovit vires, quatiensq; lacertos,
 Excussit terale jugum, fecitq; sepulchrum,
 Gentibus externis Patriam, raptasq; curules
 Reddidit ense sibi victrix, terrasq; recepit.

Hic tua Sarmaticos inter spectata Ca-
 millos

Emicuit belli Virtus, Regiq; fugato
 Martia festinavit opem, Lechicoq; cubili,
 Usque virens annis, pulchris tamen ausibus
 apta,

Depulit Arctos gladio felice catervas.

Vix verò fulgere minax occæperat ensis
 Gotthe, Tuus, Lechiæ nullo cum jure cieret
 Arma Lycaoniis alius progressus ab oris
 Hostis, regna tenens latè porrecta sub Ursæ
 Cardinibus, verè Dominator lege solutus.
 Hûic quoque se junxit nobis infestus, & in
 nos

Præbuit immanis dextras & tela Cosacus.
 At læsam fortuna fidem Virtusq; Polona
 Ulta fuit, scædâq; hostes ejecit arenâ,
 Milite non multò, cujus sed siveerat ardor
 Ingentes superare acies, & fana superbis
 Ponere; pugnantiq; Deum præsentia favit.

Florus

Floruit hic rursus, *Tua Dux prosperrime,*
laurus, (ctos

Hic palmis viruere manus. Non nesciit Ar-
 Sudores *extrema* Tuos. Te Delia videbat
 Indomitū bello, Te victa Borysthenis unda
 Admirata fuit, fusoq; immixta cruori
 Sæpius erubuit, spectans perjura suorum
 Pectora, pollutasq; manus, arasq; Tonantis.

Jam *Tua* quis contra Precopenses dicere
 gentes

Prælia sufficiat? quæ percensere Camœnæ
 Cuncta queant? Nullus nobis elabitur
 annus,

Vix & hyems, Scythicas quā non arcere co-
 hortas

Res jubeat. Cum perpetuis Gens dira rapinis
 Vivat, non Cererem glebā, non artibus ullis
 Quærere sventa, suæq; simul Mæotidos undis,
 Euxinoq; mari, tum paupertate perenni
 Tutā, celerquē fugā; sic irrequieta propin-
 quos

Sollicitat populos, Lechicosque incurrere
 fines,

Venariq; hominum passim genus omne,
 gregesq; (rato

Assolet. Hanc contra semper mucrone pa-
 Peruvigil excubias egisti, ensesq; latronum

Fregisti

Fregisti bellace manu, raptorque rapinā
 Sæpè fuit, crebròque Tuà Virtute soluta est
 Infinita cohors, captorum, hæc jure salutis
 Te reparatorem, Te libertatis asylum
 Prædicat, & verè Scutum columenq;

Tuorum.. (sus

At Scythæ ceu pestè metuit, sine cæde rever-
 Nunquam, cum fluvius, casusvè latere vo-
 lentem:

Commisit Tecum, pugnamq; ciere cœgit.
 Ampla cano, sed multa silens reverentia
 transit;

Ut pléctris majora meis. Et plura patrasset
 Vis Animi Dextræq; Tue, nisi livor iniquus
 Atraque suspicio remoras posuisset eunti
 Tramite laudato. Quoties ah tristis Enyo
 In Te surrexit? Quoties per inania Famam
 Invasit violenta Tuam? quam lurida nubes
 Invidiæ textit, quæ Tu memoranda gerebas.
 Pro Patriâ? quam sæpe fides præclara mo-
 nenti

Defuit? ô quoties clamabas, panditur in nos
 Thracia Porta, pirat jam dudum tela virosq;
 In Lechia jugulum; Vos ô consurgite Cives,
 Et Bizantini diros cohibere Tyranni

Quærite conatus: Sed non permisit Erinnyes.
 Esse fidem dicis; vani figmenta cerebris

Nec

Nec pravo caruisse dolo sunt credita, quæ Tu
 Pectore sincero, Patriæq; impulsus amore
 Svadebas. Adeò cæco in sua fata ruebant
 Impete discordes, vertigoq; tanta trahebat
 Præcipientes animos: qui dum sic volvere
 pergunt

Rixarum fluctus, *rabies Othomannica* vastis
 Ingruit Agminibus, mox & *Camenecia* rupes
 Cingitur, Eo mora detestata Monarchæ,
 Tunc armis instructa minus: Spes deficit
 omnis.

Auxilii; Cives alio quia verterat ardor
 Irarum. Paucis sic *Troja Polona* diebus
 Indomitam Odryfio cervicē subdidit hosti.
 Ingemuit tantæ trepidans vicinia cladi,
 Et pietas diro læsam se vulnere sensit,
 Hic cum Christiadum murus sub *Mechica*
 lapsus

Jura fuit. Tardè sapiens post vulnera Lechis:
 Indoluit, nudum se prostituisse Tyranno
 Heu confessa latus, quin expectabat in ipsis
 Visceribus ferrum, quod lassâ arcere ne-
 quibat.

Sed Superi, quæis cara magis Respublica
 visa est,

Quàm fuit ipsa sibi, frænum posuere Mo-
 narchæ,

Belli.

Belli interstitium dantes sub imagine Pacis,
 Pacis at heu! miseræ! veterum quam con-
 scia laudum

Erubnit, lethoq; parem Gens Martia duxit.
 Nec mora. Tu præiens alios, calcaria creber
 Subdebas animis, *ecquis, nisi degener, inquis,*
Indecores Leges, & blando nomine totum
Servitii tolerare jugum pendendaq; Raris
Æra queat? Sunt usq; manus, sunt arma
Polono,

Tam grave quæis possit Patriis avertere terris
Dedecus, ignotum Pro-Avis, Secloq; Parenti,
Quorum si cupimus non inficianda propago
Censeri, maculis stet cura abolere pudendas,
Pupillamq; manu forti tueamur honoris,
Sanguine quem partum Virtus, & Cura re-
liquit

Indefessa Petrum. Satis est Acheronte pro-
fectam

Tisiphonẽ tantum potuisse, in mutua dannâ
Ut nos impulerit, nullosq; habitura trium-
phos,

Arma. Redux fraterna novo concordia nexu,
Et Patriæ communis amans nos vinciat
ardor;

Iustaq; in Emathias ruat indignatio gentes.
Libertas animis ingens, & gloria thyrsos

Suba

*Subjiciat, stimulos imprimis cura Tenantis
 Addat, Agarena nostris in sinibus Ara
 Intolerans; Moveat nos postera turba, nepotès
 Detestaturi pro libertate Parentes (tes.
 Non bene sollicitos, prescæ nec laudis aman-
 Surgite, magnanimi Cives, abstergite labem,
 Armâq; deformi, Duce me, præponite Paci.*

*Scipiade tanti voces generosa subibant
 Pectora, continuò delectus miles, & arma
 Undiq; fulserunt. Regem non detinet ipsum
 Vis morbi, quin castra petat: cum membra
 labarent,*

*Fertur in arduos bello, imperterritus, oras,
 Et tetigit votis, oculo quas fata negarunt
 Tangere; nam rapuit Lachesis pugnare vo-
 lentem:*

*Et morbo periit, tanto in discrimine rerum,
 Rex immaturus, natali ah redditus æthræ,
 Vix dum gustata Lechici dulcedine sceptri.*

*Duriùs heu nobis, tali sub cardine Regni,
 Consuluisse videbatur Fortuna, timorq;
 Magnus erat, ne læva iterùm discordia Cives
 Raptaret, quos unanimes veneranda tenere
 Majestas potuit. Sed cum tam vulnere diro
 Iratum Lechiæ rebus se prodidit Æther,
 Clarior ejusdem juxtà clementia luxit,
 Quando triumphali cinxit *Tua* tempora
 lauru, Prin-*

Principis extincti, tam grandi munere;
famam

Anticipans. Regis sese configere miles
Credidit auspiciis, Felix at fidere pugna
Constitit illa *Tuo*. Soli mansere trophæa
Illibata *Tibi*. Patriæ tamen illa modestè
Vindicibus tribuis. *Superis*, his omnia gratus.
Filius assignas. Tanti sed fama triumphi
Unà cum fato Regis dispersa per orbem,
Vix reperire fidem potuit: transcendere
fortem

Credita sunt nostram tantæ miracula
palmæ.

Castra adstructa Tyræ, durâq; crepidinæ
ripæ,

Præcipitiq; jugo, & firmis tutissima vallis,
Armorumq; omni, victusq; instructa paratu:
Et plus ter decies millenûm tecta Virorum
Robore, perpetuas jaculantum ex aggere
flammas,

Victori cessisse *Tibi*, vix unius horæ
Expugnata morâ, Emathio cum nilite
magnos

Procubuisse Duces, vix agmina pauca cru-
entam

Effugisse necem, scopulos rubuisse madentes
Cædibus, & spisso manasse cadavere flumen,
Ac

Ac plenos spoliis clivos vallesq; superbis
 Sarmaticas ditasse manus, arcemq; *Chotimi*
 Atq; alias Urbes, Pruti quas alluit unda,
 Hostibus ejectis, sceptro cessisse Polono,
 Omniaque hæc modici pretio constare
 cruoris,

Grandia erant nobis portenta, & credita
 cunctis

Mortali majora manu: *Tuq;* ipse faventi
 Hoc opus insolitum totum transcribis
 Olympo.

Non stetit hæc fini cælestis gratia, majus
 Destinât illa *Tuæ, Princeps*, meliusq; bra-
 béum

Virtuti. Lechico dignam diademate censet.
 Laurea nulla satis tantos pensare triumphos
 Posse videbatur, *Regum* meruisse curules
 Creditus es Superis. Alii dare sceptrâ re-
 cufant,

Quàm qui sceptrâ recens servasset, & usq;
 tueri

Sufficiat prudête manu. Sed clausa patebant
 Hæc decreta diu: scriptas adamante tabellas
Electôr domum referavit *Campus*, & horæ
 Momentû Fatis placitum. Suffragia primûm
 Tendebant aliò. Peregrini sanguinis, Ostro
 Imminuere Proci. *Quin id non nemo pro-*
 pinquâ Visus

Fortior at cunctis iussit dare causa repulsam
Quam dederas prior *Ipse TIBI*. Fas omnia
vinci

A Victore Sui. Ductrix Tua cuncta trium-
phat

Argumenta *Salus Patria*, quæ caside condi
Polcebat *Regale Caput*. Sic publicus in *TE*
Privatum prævertit honos, prolataq; Sceptri
Ornamenta *Tui*. Pergis *Diadema* mereri,
Sumere quod differs: Tanto sic grandior
extans,

Quanto es spontè minor: verèq; hoc di-
gnior *Ostro*,

Quod removens, CLYPEO properas gladio
que tueri.

Nec mora. Mox toto sonuerunt classica
Regno,

Concurritq; madens effuso sanguine
Thracum,

Eoisq; nitens spoliis, armisq; decora
Bellatorū acies: sperans cumulare trophæis
Nuper parta novis. Animos *Dux Martius*
auges,

Fortunamq; in *Te* comitem sibi miles, &
ipso

Credit stare Deos. Tali putat *Auspice* dextris
Pervia cuncta suis. Pronus sic ire remotos
Ad

Ad Patriæ fines properat, sic figere castra
Russia pertremuit, trepidavit turba rebellis,
Nec paucos peccasse pudet. *Tu* parcere lapso
Non tardus populo, passim Diplomata
spargis,

Promittens veniã justo se reddere promptis
Imperio, reliquos Domitor premis acribus
armis,

Dum cruda cervice rigent, Dominasque
superbo

Contemptu fugiunt leges, frænumq; re-
cusant.

Ipsæ hyemes Bellator agis sub pellibus,
urgens

Militiæ non segnis opus, nihil aspera cæli
Te movit facies, Cereris nec copia flexit
Deficiens, variisque gemens querimonia
causis.

Namq; laborantis stipendia militis ibant
Langvidiùs, quia difficilem Respublica
sumptum

Affundebat egens. *Tu*, ne penuria pulchris
Ausibus obstaret, largis *patrimonia* rivis
Dimanare jubes, proprii nec labe peculì
Defectus Patriæ dubitans pensare, maniplos
Ære Tuo fulcis inopes. Sic militis in TE
Crevit amor, sic castrenses tulit ille labores
Impiger.

Impiger, extremoq; Tui sub limite Regni
 Excubias egit, patiens, quæcunq; jubebat
 Sub rigido fortuna polo. Sic viscera Matris
 Lechidos haud tetigit damnosa *licentia*

Martis,

Quæ truculenta *lues*, grassata prioribus an-
 nis,

Gangrænâ pejùs, labefecit totius artûs
 Corporis, & populi venas exhaustit egeni.
 His progressa viis Virtus Tua, *maxime Re-*
gum,

Sarmatiam recreat, quæq; hæc amiserat o-
 lim,

Ducis ad obsequium, rediit pars plurima
 plebis,

Quæq; bibunt Urbes Typanim, Rossûmque
 Tiramq;

Cervicem flexêre Tibi, priscaq; secures
 Agnoscunt, Regiq; suo se reddere gaudent.

Quas cum Tartaricis nitens Bizantia
 nervis

Porta sui rursus cuperet submittere sceptri
 Imperiis, ruerentq; immensi roboris alæ
 Bistonides, ferrû crudele igneq; minantes:
 His impar numero, bello sed vivida Virtus
 Nostrorum invicto se objecit pectore, Divos
 Militiæ Te dante Tuos, patriæq; salutem

N n

Viu-

Vindiciasq; dedit felix, vastosq; subinde
 Barbarico latè perfrudit sanguine campos.
 Mox quoq; prodigio *Tibi* monstravere fa-
 vorem

Sidera, quando *nives æstivo* menſe tegebāt,
 Quæis ſtetit hoſtis, agros. *E*ovit *Te* mitior
 aura,

Illum terret hyems. Cœlum *Tibi* ſenſit a-
 micum

Barbaries, hoſtile ſibi; Sic cedere campo
 Maluit, & dare terga *Tuis* Scythæ territus
 armis.

Numinibusq; ſimul. Sic & ſub Vindice tanto
 Inſectus ſolpeſq; fuit *LEO RUSSICUS*, ille,
 Impia cui toties enſemq; rogumq; minata
 eſt

Bizantina manus, voto potitura cruento
 Forſitan, immanē niſi, *Rex invictæ*, ſtitiffet
 Virtutis *Tutela Tuæ*. *Procumbere* malle
 Regius ardor erat caræ ſub manibus Urbis,
 Quàm dare Biſtonii fœdandâ militis ungui.
 Et ſtetit ille procul, tenuit Baſſasque Cha-
 nosque

Umbro Tuus, pepulitq; truces Mavortius en-
 ſis.

O ſi promiſſam jamdudum fœdere junct⁹
 Accelerallæt opem Populus, quàm pulchra
 dabatur. Mare-

Materies iterum palmis! quàm larga tro-
phæis

Cæca sed invidiæ tabes, odiiq; maligna
Fædavit loligo fidem, timuitq; Polonam
Submissis sultam auxiliis attrollere gentem,
Cujus Achillæas jamdudum experta cohör-
tes,

Fulmineasq; Aquilas non unâ clade suorum
Senferat. Hostiles sic illa immota furores
Spectavit, captæq; hominum gens aspera
turbæ

Penè nec ingemuit, tenuisse Borysthenis o-
ram

Contenta, & Scythicas non admilisse ca-
tervas.

Sed veniet tandem tempus, quo lubrica
rerum

Invertet fortuna vices, quo barbarus Ister
Lechia signa tremet, Syrius trepidabit O-
rontes

Et fugiens Tanais *Janineum* Heroa paveſcet
Cujus *PALLADIAM* nullus jam comminus
hostis

ÆGIDA ferre potest, vultum nec sustinet
nullus.

Constat, *Buczaviam* nuper cum cinxerat
Areem,

Post & *Trembloviam*, rapido vestigia cursu
Vertisse *Imbraimum* Bassam, Crineosq; Dy-
nastas

Conspectum fugisse *Tuum*, multumq; pavo-
rem

In terras retulisse suas, ipsiq; Monarchæ
Æmonio movisse metum, movisse furorem.
Contremuere omnes, cum ripam utramq;
Polonos

Constitit insedisse Tyræ. Muldavia tota
Expavit, nostros spectans insistere portis,
Scrutariq; armis Geticæ penetralia terræ.

Sed brumale *Tui* dedit intervalla tro-
phæis

Sidus, & horrentes urgens *penuria* Campos
Nec non dira *lues*, atro labefacta veneno
Corpora prosternens. Sic mittere *longius*
arma

Non Tibi permisit ratio, non suada Tuorū

Te quippe assiduo revocabat Patria voto
Ante alios Regni *PRIMAS OLSZOVIVS*
ingens

Ille sub auspiciis cari sibi *Principis Atlas*
Consilii, Lechiciq; *CAPUT* sublime Senatū
TRZEBICIUS pariter Præsul, quem culmi-
na *Craci* Suspi

Suspiciunt, quem Roma colit, quem Civis
honorat

De Patriâ summè meritum, semperq; me-
rentem.

Consonat his, *Magni*. cui credita cura *Sigilli*,
LESCINIUS, nostri *Nestor* verissimus ævi.
Consonuere alii *PROCERES*, & quisquis a-
mantem

TE patriæ communis, amat. Post tanta la-
borum

Ausa, & perpetuis hyemes sub pellib⁹ actas,
Post tot in exhaustis curas ac tædia terris,
Servatasq; armis Urbes, hostesq; fugatos,
Cernere *Te* flagrant, tandem & *Diademate*
cinctum

Regali spectare, animis concordibus, optât.
Non *Patre* ulterius Cives, non *Sole* victus
Posse carere suo: veriti, ne suscitetur ignes
Dissidii, *Te* absente, novos turbator *Avern⁹*.

Destituisse preces, & sistere vota Tuorû,
Sævities *Tibi* visa fuit: patriæq; Salutis
Cura Tuum stimulis animum tam fortibus
urrit,

Ut modica assiduo sudori, & Martis arenæ
Spiramenta dares. Redeuntis fama per
omnes

Sarmatiæ terras animos, afflavit ad instar

Auroræ, quæ Mygdonio progressa cubili,
Gentibus optatam Phæbi succedere lucem
Nunciat, & roseo cum lumine gaudia fun-
dit.

Anxia sed populo quem spes promissit
anhelo,

Jam tandem SOL ipse venis. Jam *principis*
Urbis

Mania celsa subis. Gratus replet omnia
plausus,

Adnutat Pæana canens *Tibi* vertice Pindus.
Undiq; templa sonant. *LUCEM SANCTIS-*
SIMA MATER.

Commodat ecce suam: Tua fulgurat inde
Corona

Splendidiùs, tanto rutilans augustiùs *Astro.*
Ipse *STANISLÆUS*, Divum quem *Martyni*
tellus

Lecha tenet, qui sacra *Tuo* jam pandit ho-
nori

Limina, *Te* Patriæ librantem sceptrâ trium-
phans

Speâat, & æthereo *REGEM* sic excipit ore:

S Alve magnanimis, Princeps, Heroibus orte
Lumen *Avis*, Gentiq; *Tue*: quem Patria
gaudet

*Se TANTUM pperisse sibi: cui subiicit
ultrò*

*Sceptum, Jagelloniis olim benè credita dextris.
Nunc Tibi se tradit. Tu, quod felicib9 armis
Servasti, prudente manu moderabere Regnū
Sarmatiae, Civem Patriae Tu legibus æquis
Flectes, Bistonia fortis Tua Dextera Luna
Terribilis, vindex eadem Tutelaq; sacrae
Religionis erit. Cape fortunante Coronam
Numine, non alii sacrum sedet aptius Ostrū,
Virtutem sublime Tuam Diadema coronat,
Ipse coronabis meritum Diadema trophaeis.*



A

t.

Ad

fi

p

Albe

b

i

le

t

Albe

Alex

Alex

Am

Am

m

Am

V

And

And

c

Ann

Ann

Ann

INDEX RERUM

Insigniorum.

- A**cademia Cracoviensis instituta 134
 Academici Cracovienses discedunt seditione mota 210. 211.
 Adalbertus Gnesnensis Archiepiscop. in Prussia occiditur 28. ejus cadaver Gnesna sepultum miraculis nobile ibid.
 Albertus Marchio Cruciferorum magister bellum movet Sigismundo I. 195
 inducias facit 197. fit Vasallus Regni Poloniae 200. damnatur in Concilio Tridentino 207
 Albertus Rosenbergius Consul Gedan. 638
 Alexander Rex 179. ejus prodigalitas 184
 Alexander frater Regis Vladislai moritur 429
 Ambitio potens malum 169
 Amicitiae firmae exemplum Vladislaus Her. man. 49 Lescus Albus 80
 Amurathis bella in Ungaria 151 Victoria ad Varnam 155
 Andinus, vide Henricus Andinus.
 Andreas Comes Gorcanus 248 ad Comitiam citatur 300
 Anna Princeps Sigism. Regis soror moritur 410
 Annam Catharinam Constantiam Sororem
 N n s Regis

INDEX

<i>Regis Vladislai ducit Princeps Neoburgensis</i>	459
<i>Antonius de Lumbres Legatus Gall.</i>	639. 641
<i>Annulum Scarbicus in thesaurum Caesaris projicit</i>	54
<i>Appelmannus Polonica Classis Præfectus Svecicas naves profligat</i>	413
<i>Aquila insigne Poloniae</i>	3
<i>Archiepiscopatus Gnesnæ institutus Leopoliensis</i>	25. 125
<i>Christoph. Arcissevius</i>	563
<i>Arnheimius copias Caesaræas adducit</i>	416
<i>Auxiliator saepe magis quàm hostes timendi</i>	82

B.

<i>Barenfis Ducatus Augusto ab Hispano præripitur</i>	216. 221
<i>Joh. Basilidis Moschi crudelitas in captivos, imprimis Virgines aliquot</i>	224
<i>Batoreus, vide Stephanus Bathoreus.</i>	
<i>Bela Ungariæ Regnum à Boleslao Audace re-stituitur 39. perit casu</i>	41
<i>Belzensis Dux domitus</i>	125
<i>Bellum Svecicum</i>	526 seqq.
<i>Beneficia cum vix unum devinciant, offendunt subinde plurimos</i>	335

Bere-

RERUM,

<i>Beresleciana pugna</i>	509
<i>Joh. Bobartus</i>	634
<i>Bobricii virtus</i>	154
<i>Bogdanus à Valachis rejicitur</i>	226.
<i>et opem ferunt Poloni</i>	227. 228
<i>Bohemicum bellum</i>	37
<i>Bohemia externis Regibus subjicitur</i>	102
<i>Bohemi Jagelloni se subjicientes repudiantur</i>	141.
<i>Bohemi Casimiro regnum deferunt</i>	164. 165.
<i>Boleslaus Chrobri primus Rex 27. in Bohe-</i>	
<i>mos movet 29. in Russos 29. in Saxones</i>	
<i>30. exemplum optimi Regis</i>	31
<i>Boleslai Audacis pulchra initia 37. Bellum</i>	
<i>Bohem. 38. Ungaricum 39. Russica 40.</i>	
<i>41. 42. degenerat 43. S. Stanislaum oc-</i>	
<i>cidit 45. Et se ipsum postea exul</i>	45
<i>Bieganovius mittitur ad Turcam</i>	455
<i>Boleslai Crivousti pueri res gestæ 48. 50. bel-</i>	
<i>lum Bohem. duplex 51. 52. Pomeranicum</i>	
<i>ibid in fratrem mansuetudo 53. parrici-</i>	
<i>dium 56. bella cum Casare 55. pugna in</i>	
<i>Campo Canino ibid. Russica bella 58. 59.</i>	
<i>fraude vincitur 60. 61. ex mœrore obit 61</i>	
<i>Boleslai Crispi cum Conrado Casare transactio</i>	
<i>Et post bellum 66. 67. cum Friderico Barb.</i>	
<i>67. à Pomeranis clades</i>	68

INDEX

<i>Boleslai Pudici castitas</i>	83.	<i>fuga in Ungari-</i>	
<i>am</i>	85.	<i>in eandem seditio</i>	88.
<i>calamitates</i>			89.
<i>Bona Zfortia in Italiam abijt invito filio</i>	215		
<i>moritur</i>			216
<i>Job. Bonerus</i>			186
<i>Borodarka capite plectitur</i>			400
<i>Bozuta Pontifex Gnesnensis</i>			24
<i>Brandeburg. Elector Suecis se jungit</i>	551.		578
<i>Sal. Brandesius</i>			635
<i>David Bredius</i>			ibid.
<i>Brunberga arx quando extracta</i>			90
<i>Buda fraude à Solimanno capitur</i>			206
<i>Burggravius de Dobna</i>			138
<i>Gothardus Vilb. Butlerus</i>			437
<i>Wilhelmus Butlerus Generalis excubiarum</i>			
<i>Præfatus</i>			632

C.

<i>Cecilia Renata Regina</i>	434.	<i>coronatur</i>	436
<i>filium enititur</i>	443.	<i>moritur</i>	452
<i>Callimachus Italus in Polonia benigne habetur,</i>	<i>ibidemq;</i>	<i>obit</i>	173
<i>Nicol. Camieniecus profligat Valachos</i>			189
<i>& Tartaros</i>			190
<i>Cannensi similis clades à Tartaris</i>			84
<i>Caninus Campus unde dictus</i>			55

Care-

RERUM.

<i>Carolus IX. Rex Galliae obit</i>	252.
<i>Carolus Pro-Rex Sueciae 340. tumultuatur</i>	
<i>350. occupat Calmariam 352 Regis Sueciae</i>	
<i>nomen & dignitatem sumit</i>	362
<i>Carolus Gustavus Rex Sueciae 531 Poloniam</i>	
<i>invadit 541. moritur</i>	646
<i>Casimirus I. è monasterio ad regnum vocatur</i>	
<i>34. ejus prudentia & fortitudo</i>	35. 36
<i>Casimirus Crispi frater respuit Principatum 71</i>	
<i>percussus à Conario ignoscit percussori ib.</i>	
<i>Casimiri Magni ingenium quietum 116 Russi-</i>	
<i>am Poloniae jungit 117. leges condit & Jus</i>	
<i>Magdeburg. introducit 118. Ludovicum</i>	
<i>Ungarum adoptat ibid. Pater Plebejorum</i>	
<i>dictus 119. nuptias cognata magnificas</i>	
<i>struit 120. ex casu moritur</i>	121
<i>Casimirus III. regnum diu recusatum recipit</i>	
<i>156. 157. Pruthenos in obsequium suscipit</i>	
<i>158. bellum ejus cum Ungaris 167. mors</i>	
<i>prodigiis significata</i>	171
<i>Catharina Sigismundi III. Mater</i>	231
<i>Cesar moritur 263. ejus filius pacem quam</i>	
<i>bellum mavult</i>	264
<i>Steph. Chmelecus Tartaros fundit 412. 417.</i>	
<i>moritur</i>	418
<i>Chmielnicius 487. cum Tartaris contra Po-</i>	
<i>lonos conjurat ibid. moritur</i>	613
	<i>Joh.</i>

INDEX

<i>Job. Chodkievicius Samogitia Praefectus</i>	244
<i>Lithuanos cum Bathoreo conciliat</i>	261
<i>Carolus Chodkievicius vincit Suecos</i>	365. 366
<i>contra Moschos movet</i>	393. moritur 404
<i>Georg. Chodkievicius Moschos profligat</i>	219
<i>Christina uxor Vladislai maritum incitat in fratres</i>	62
<i>Christina Regina Svec. sceptro se abdicat</i>	527
<i>Sendivojus Ciarncovius</i>	183
<i>Stanisl. Ciolcus provocatus in duellum prodire prohibetur</i>	226. 227
<i>Clementia fortitudine interdum potentior</i>	73
<i>Job. Cobonius Gedanensium Praefectus</i>	266
<i>Columnas in Salâ flumine ponit Chrobri</i>	30
<i>Comitia Thoruni habita</i>	264. alibi 294.
	300. 306.
<i>Cometes sub Lesco Albo</i>	81
<i>Samuel Comorovius</i>	498
<i>Franciscus Carolus Comes de Collavrath</i>	642
<i>Job. Conarius inter ludendum Casimirum Principem percutit</i>	71
<i>Adamus Conarscius Legatus Neapoli redit</i>	220. 221
<i>Concilium Tridentinum</i>	206
<i>Job. Coniecpolius Regni Cancellarius</i>	158
	Ad.

RERUM.

<i>Ad. Conarscius Episc. Posnan.</i>	248
<i>Conradi Imperatoris in Asiam, & post in Po-</i> <i>loniam expeditio</i>	66. 67
<i>Contemptus hostis noxiis</i>	160
<i>Confederatio militum sopita</i>	391
<i>Constantia Regina moritur</i>	419. seqq.
<i>Alex. Coniecpolscius</i>	495
<i>Stanisl. Coricinius</i>	518
<i>Cosaci prosligantur 436: eorum descriptio</i> <i>485. seqq. in ordinem rediguntur 438.</i> <i>occupant castra Polonorum 491. obsident</i> <i>Zamosciam ibid. ad Lojovum à Radzi-</i> <i>villio funduntur 497. ad Berešeciam 509</i> <i>seqq.</i>	
<i>Andr. Cotovicinus</i>	437
<i>Cracovia condita</i>	5. seqq.
<i>Cracus abnuat Principatum, susceptum pacat</i> <i>ibid. Draconem conficit, Cracoviam con-</i> <i>dit</i>	ibid.
<i>Cruciferi pulsi ex Asia recipiuntur à Conrado</i> <i>Masovio 82. vocantur in auxilium con-</i> <i>tra Marchiones 104. arcem Gedanensem</i> <i>sibi usurpant 105. & mox Pomerelliam to-</i> <i>tam ibid. eorū avaritia & ingratitude 110.</i> <i>III. magno praelio vincuntur à Lothario 113. i-</i> <i>terum à Jagellone 137. paciscuntur cū Jagel-</i> <i>lone 140. redeunt ad hostilia 141. transigunt</i> <i>cum</i>	

INDEX

<i>cum Casimiro</i> 163. <i>Domini Crucis quando</i>	
<i>appellati</i> 134. <i>Ottocarum in Prussiam ex-</i>	
<i>civêre</i>	89
<i>Crudelitatis Moschicæ exempla</i>	224. 225
<i>Crusphicia sedes Principum</i> 14. <i>deseritur</i>	19
<i>Crzywonossius grassatur & profligatur</i>	489
<i>Joan. Casim. Crassinius</i>	562
<i>Cunigundis illibata castitus</i>	83
<i>Curlandiæ Ducum initium</i>	218
<i>Czarnkovii causa cognoscitur</i>	296
<i>Steph. Czarnecki</i> 454. 546. <i>fortiter Suecis</i>	
<i>resistit</i> 557. <i>Germaniam ingreditur</i> 606.	
	seqq.
<i>Czestochoviense Cœnobium contra Suecos se</i>	
<i>defendit</i>	555

D.

<i>Nicol. Danckvartius Lilienström</i>	635
<i>Stanisl. Danielowitz occiditur</i>	434
<i>Dantiscana arx à Cruciferis usurpatur</i>	105
<i>Dantiscti situs primordia & incrementum</i>	74
<i>turbæ</i> 214. <i>ob religionem</i>	199
<i>Dantisctanorum privilegia</i>	158
<i>Dantisctanus Magistratus à Sigismundo Au-</i>	
<i>gusto castigatur</i>	222
<i>Derpatum miserrimè habitum à Moscis</i>	223
<i>Disciplina militaris inchoata</i> 20. <i>restaurata</i>	
<i>quàm utilis</i>	136
	Discor-

RERUM.

<i>Discordia in Electione Regum</i>	179
<i>Joh. Dlugossus historia Polon. scriptor</i>	162
<i>Gerhardus Dönhofius Comes</i>	416. 460
<i>Theodor. Dönhofius</i>	437
<i>Dolus Russorum 60. Valachorum</i>	119
<i>Dorostaiski Lithvanie Marefchallus</i>	387
<i>Draco confectus</i>	6
<i>Domini Crucis quo tēpore & qui sic dicti</i>	134
<i>Duella bina Polonorum cum Turcis</i>	226. 227
<i>Petri Dunini jocus infelix</i>	63
<i>Dzierzek Prandota</i>	446

E.

<i>Elbinga à Suecis occupatur</i>	550
<i>Electio Regum libertatis nutrix</i>	179
<i>Elisabetha Ludovici Ungari filia</i>	129. nubit
<i>Jagelloni</i>	130
<i>Ericus Comes Brahe</i>	340
<i>Ernestus Austriacus Poloniae Regni Candida-</i>	
<i>tus</i>	232
<i>Estera ob pudicitiam dicta Sigism. I. uxor</i>	195
<i>Expeditio publica sub Sigism. I.</i>	203. 204.

F.

<i>Vincent. Fabricius</i>	567
<i>Fames sub Loethico, 107. sub Casimiro Magno</i>	120
<i>Felici-</i>	

INDEX.

<i>Felicitas periculosa</i>	45
<i>Michael Federovicus Dux Moscorum</i>	388
<i>Eidem servare quorum Principum</i>	77
<i>Sub fidei pio nomine infidelitas plerumque</i>	
<i>grassatur</i>	344
<i>Joan. Firlej Oratio</i>	244
<i>Nicol. Firlejus Castell. Cmcov. & Dux exercit. 168. Palatinus Lublinensis & Dux exercit.</i>	187. 195
<i>Henricus Firlejus Pro-Cancellarius</i>	391.
<i>Andr. Firlejus Belzensis Castellanus</i>	493. 506.
<i>Fisci avaritia sub Miecislao sene</i>	70
<i>Fortuna ubi se præbet, sine morâ prensanda est</i>	386
<i>Fraudes cautos homines faciunt</i>	59
<i>Maximil. Fredro</i>	518
<i>Fridericus Cardinalis frater Alexandri Regis</i>	180. 181
<i>Friderici Barbarossæ in Poloniâ expeditio</i>	67
<i>Friderici III. Reg. Daniæ epistola ad Czarcium</i>	610. seqq.
<i>Petr. Fuchsius Dragonar. ductor</i>	635

G,

<i>Magnus de la Garde Comes</i>	533
<i>Magnus Gabriel de la Garde</i>	645
<i>Alex. Gascivius</i>	428
	Geda-

RERUM.

Gedanum vide Dantiscum.

*Gedanum fidele Regi 552. seq. ab hostibus
violenter aggressum-566. ejus responsum
aa literas Regis Sveciæ 567. seqq.*

Gedanenses capiunt Königsmarckium 586

*Georgius Castriotus Amurathi obses datur 151
Scanderbegus appellatur* ibid.

Georgius Bohemorum Rex 164

Germani unde in Polonia submontana
119

Gedani tumultus 336

*Laurent. Gembicius Cancellarius & Episcopus
Vladislaviensis.* 391

Gladios Poloni stringunt inter sacra 26

Michael Glinfcus turbat Lithuaniam 182
conspirat cum Moscho 187

Enesna condita 2

Joan. Gninski 626, 644

Christoph. Gonsiewski 441

Vincent. Gonsievius 522

*de Gorca Comes Palatinus Posnaniensis, gib-
bo deformis* 312

Sbigneus de Goray Goratski 462, 526

Laurentius Goslicius Episcopus Camenecensis.
320

*Gothofredus Ketlerus Curlandiae Dux crea-
tur* 218

Got-

INDEX

<i>Gothardus Curlandia Dux</i>	306
<i>Franc. Gnata</i>	483
<i>Christoph. Grodzicius</i>	517. 555
<i>Christoph. Grzymultovius</i>	522
<i>Grudentum oppugnatur</i>	630
<i>Guilielmus Austriacus ambit Elizabetham Jagelloni postea nuptam</i>	129
<i>Guldensternii in Poloniam ex Sueciâ secedunt</i>	347
<i>Sigism. Guldensternius L. B.</i>	462. 552
<i>Andreas Guldenlaw</i>	645
<i>Gustavus aliquot Civitates in Prussiâ occupat</i>	
411. vulneratur 412. 413. ejus cum Cesare bellum	420. 421

H.

<i>Habdankiorum familiae nomen unde</i>	54
<i>Halicia & Halicienses</i>	60. 72. 80.
<i>Halicia Archiepiscopatus</i>	125
<i>Hauptum à Suecis occupatur 566. seq. à Polonis obsidetur 633. seq. occupatur</i>	638
<i>Henricus Andinus ambit Poloniae Regnum</i>	
232. communi consensu eligitur 248. Poloniam majorem ingressus excipitur à Karnkovio 250	Cracoviam deducitur, ibiq; coronatur 250. 251
clam Cracoviâ discedit 252. tendit in Galliciam	

RERUM.

<i>liam 254. exaudoratur in Polonia</i>	255
<i>Jo. Herburtus Sanocensis</i>	248
<i>Joh. Herburti fortitudo & periculū</i>	227. 228
<i>Nicol. Herburtus</i>	313
<i>Heroum filii degenerant</i>	33
<i>Matth. Hirschius</i>	635
<i>Hricko versutè ad Ducatum Moscoviæ evehi-</i>	
<i>tur 377. 378. occiditur</i>	380
<i>Joh. Hülsemannus</i>	462
<i>Joh. Hunniades</i>	151
<i>Hungarorum mores Polonis ingrati</i>	264

I,

<i>Jacobus Dux Curlandiæ à Suecis capitur</i>	618
	seqq.
<i>Jagello Vladislaus Christianus fit 131. religi-</i>	
<i>onem in Lithvaniâ propagat 132. ejus cum</i>	
<i>Conjuge discordia 133. Academiam Cracov.</i>	
<i>instituit 134. Victoria de Cruciferis insi-</i>	
<i>gnis 137. Regnum Bohemiæ respuit 141. à</i>	
<i>Vitoldo incessitur</i>	142
<i>Jagellonidum mascula stirps extincta</i>	231
<i>Janussius Dux Ostrogie Castellanus Cracovi-</i>	
<i>ensis 334. moritur</i>	396
<i>Jaropelcus capitur, dimissus ulciscitur inju-</i>	
<i>riam</i>	59
<i>Jazyges 86. internecione pereunt</i>	92
	Jere-

INDEX

<i>Jeremias Dux Visnovecius</i>	454. 492. moritur	511
<i>Iniquitas humana in se & fortunam</i>		61
<i>Jocandum caute cum Dominantibus</i>		64
<i>Joannes Rex Sveciae moritur</i>		335
<i>Joannes Albertus frater Regis Vladislai moritur</i>		429
<i>Joannes Casimirus Princeps proficiscitur in Hispaniam</i>	437. in Gallia detinetur	438.
<i>Rex</i>		492
<i>Johannes Albertus Rex</i>	171. infeliciter in Muldavo movet 175. 176. cum fratre bellum gerit	169
<i>Johannes Scepusius Sigism. I. affinis</i>	193. ambit Ungaria Regnum 201. moritur	205
<i>Johannes Finlandiae Dux à fratre Erico carceri includitur</i>		219
<i>Johannes Svecorum Rex Polonia Regnum ambit</i>		232
<i>Johannes Lucelburgicus Rex Bohemorum Silesiam sibi subicit</i>	108. dat Pomeraniam Cruciferis nullo jure ibid. Polonis inimicissimus	117
<i>Islan Garejus Chanus</i>		523. seqq.
<i>Ivonie Valachorum Principis crudelitas</i>		226
		KARN-

RERUM.

K.

<i>Karnkovius Andreas</i>	211
<i>Adamus Kazanovius</i>	400
<i>Martinus Kazanovius</i>	428
<i>Kiovia expugnata 42. Capua fit Boleslai</i>	
<i>Audacis exercitui</i>	ibid.
<i>Adam. Kisielus in Moscoviam ablegatur</i>	431.
<i>Chmielnicum sistit</i>	489. 492.
<i>Kloczevius strenuè occumbit</i>	283
<i>Petrus Kmitha Palatinus Cracoviens.</i>	210
<i>Stanisl. Koniecpolski Campiductor capitur</i>	
<i>397. ex captivitate redit 408. mittitur</i>	
<i>in Prussiam 412. profligat Tartaros 427.</i>	
<i>454. moritur & ejus elogium</i>	465
<i>Kodak munimentum exstruitur</i>	435
<i>Stanisl. Kobierzycius</i>	446
<i>Joan. Carolus Konopatscius</i>	437. 441
<i>Königsmarkius à Gedanensibus capitur</i>	586
<i>Petrus Konassevicius Dux Cosacorum</i>	400
<i>Samuel Korecki una cum uxore à Turcis ca-</i>	
<i>pitur</i>	393
<i>Kostka Castellanus Gedanensis</i>	239
<i>Felix Kriski Cancellarius</i>	391

L.

<i>Samuel Lascius ablegatur in Sveciam</i>	347
<i>Stanisl. Lanckoronski Camenecens. Castella-</i>	
<i>nus</i>	493
<i>Lechus</i>	

INDEX

<i>Lechus primas Polonorum Princeps 1. ejus res gesta non prodita</i>	1. 2
<i>Alb. Lascius Palatinus Siradiensis</i>	248
<i>Lechus II. fratrem occidit 7. exulat</i>	ibid.
<i>Legati Provinciales instituuntur 164. similes potestate Tribunis Romanis</i>	ibid.
<i>Legatus violatur</i>	144
<i>Leges olim nullae Principibus 2. à XII. Palatinis latae, non scriptae</i>	4
<i>Raphael Lescinius</i>	198
<i>Lescus II. ludicro cursu ad Principatum pervenit 11. optimè administrat res, prioris fortunae memor</i>	ibid. & seq.
<i>Lescus III. patri virtute similis, Caroli Magni foederatus</i>	12. seqq.
<i>Lescus IV. Pacificus</i>	21. seqq.
<i>Lesci Albi pueri lites cum Miecislao patruo 75. 76. in Govoricum fides</i>	80
<i>Lesci Nigri bella cum Russis, Silesiis, Lithvanis 91. 92. in Cracovienses gratitudo 94. Vindicta in Masovios infelix</i>	96
<i>Mart. Lesniowolski Castellanus Podlachiae 317. gratiâ Regis excidit</i>	331
<i>Andr. Lesczynski 459 fit Primas Regni</i>	518
<i>Bogusl. Comes de Lesno</i>	499. 506
<i>Jo. Comes de Lesno</i>	526. 532. 554. 643
<i>Lesna exurit</i>	563
	Libertas

RERUM.

<i>Libertas equali Civium jure maximè efflorescit.</i>	232
<i>Limitaneus miles conscriptus</i>	186
<i>Andr. Lipski Episcopus Luceoriensis</i>	394
<i>fit Pro-Cancellarius</i>	395
<i>Nicol. de Linda</i>	634
<i>Franciscus de Lisola</i>	642
<i>Lithvania cum Polonia unio 130 renovata sub Sigism. Augusto</i>	222
<i>Lithvani funduntur</i>	92
<i>Lithvania disfidis laborat 216. à Mosco oppugnatur 217. jungitur Poloniae Regno</i>	218
<i>seditionem movet</i>	304. 305
<i>Sanisl. Lubomirscius 399. succedit in locum Chodkievici</i>	404
<i>Georg. Lubomirski</i>	450. 553
<i>Matth. Lubinski</i>	490. 492
<i>moritur</i>	518
<i>Alex. Lubomirscius</i>	548
<i>Ludovicus Ungarus Rex Poloniae 122. Casimiri M. filias abjicit 123. matrem sibi vicariam facit. ibid. Russiam Ungariae jungere molitur 125. Artium liberalium Patronus 127. habitu dissimulato inquit in mores suos. ibid. Ludovici Ungariae Regis ad Mohacum clades & interitus</i>	200. 201
<i>O o Stars.</i>	

INDEX

Stanisl. Lubienſcius Episcopus Plocenſis	373
Ludovica Maria	460. 461. ſolenniter exci- pitur & coronatur
Anton. de Lumbres Legatus Gall.	639
Baſilius Lupuli	513. 519

M.

Majeſtatis cauſâ non retractant facta Reges	198
Marchia vaſtatur	90
Marchiaci proditione Pomeraniam occu- pant. 104. vendunt Cruciferis	106. 107
Maslaus Maſoviam occupat	34. debellatur & ſuſpenditur
Maſovia Polonia Regno accedit	200
Matthias Ungariæ Rex	165. ejus bella cum Polonis & Bohemis
Mathematici præſagiũ de periculo Auguſti	214
Maximiliani I. Ceſaris offenſa in Sigism. I. & reconciliatio	193. 194
Maximilianus Archidux. Rudolphi Impera- toris frater	315. Candidatus Regni Polon. ibid. eligitur Rex Polonia
317. ſed fru- ſtra	321. à Zamoſcio vincitur & capitur 323. dimittitur
Mendocus Litvanorũ Dux Prusiã vaſtat	89
Andr. Mecinius	394
M. malus diuturnitatis cuſtos	557
	Alb.

RERUM.

<i>Alb. Miaskowski</i>	442
<i>Miecislauſ primus Princeps Chriſtianus</i>	25
<i>natus ſubito viſu donatur</i>	23
<i>Miecislauſ II. filius Boeſilai Chrobri dege-</i>	
<i>ner</i>	32. 33
<i>Miecislauſ ſenex cur ita dictuſ 69. Principa-</i>	
<i>tum ſubinde amittit & recipit</i>	70. 77
<i>Nicol. Mieſeciuſ Palatinuſ Podol.</i>	272
<i>Mieſco Boeſilai Audacis filiuſ</i>	46
<i>Georg. Mnizek Palatinuſ Sendomirienuſ.</i>	377
<i>filiam ſuam dat ſimulato Demetrio Duci</i>	
<i>Moſcovie</i>	379
<i>Moraviam occupat Chrobri 29. amittit ejuſ</i>	
<i>filiuſ</i>	32
<i>Andr. Moſtiniuſ</i>	528. 625
<i>Joh. Andr. Moſtyn</i>	643
<i>Moſchuſ Livoniam penè totam occupat</i>	270
<i>ceditur apud Vendam 271. Polocienſiſ Pa-</i>	
<i>latinatuſ ei adimitur 277. pacem cum</i>	
<i>Bathoreo init.</i>	292
<i>Menſ Regiuſ, arx.</i>	90
<i>Nicol. Moſcoroviuſ Procancellariuſ</i>	132
<i>Moſchicuſ belluſ ſub Alexandro 180. ſub</i>	
<i>ſigismundo I. 187. 191. ſub Batoreo</i>	268
	27.4
<i>In Moſchoviâ impoſtura 377. 378. ſeqq. 381</i>	
	ſeqq.
O 2	Moſchi

INDEX

<i>Moschi volunt Uladislaum Principem creare in suum Ducem</i>	383. 384. seq.	Olive
<i>Cum Moschis inducia 395. Polanovienses tractatus</i>	428	def
<i>Mucha latrocinatur in Russia</i>	171	Joh. C
<i>Muldavi ad Obertinum à Joh. Tarnovio ceduntur</i>	201. 202	pa
<i>Muldavicum bellū sub Sigismundo I. 203. 204</i>		Omin
<i>Mures Popielum II. devorant</i>	17	Petrus
<i>Petri Myscovi Plocens. Episcopi Oratio</i>	234	Lucas
<i>Sigism. Myszkovius Curia Praefectus</i>	361	Orich
<i>mittitur ut Constantiam Austriacam Sigismundo Regi adducat 366. moritur 392</i>		ba

N.

<i>Nalewaiko rebellis capite plectitur</i>	345	Send
<i>Daniel Narussevicus</i>	532	Dux
<i>Nemira Podlachiens. Castellanus</i>	401	vie
<i>Nevela Moscorum Urbs capta</i>	284	Sbign
<i>Nicolaus Christoph. Dux. Radzivillius</i>	248	Georg
<i>Nowodworscius Eques Melitensis</i>	387	cel
<i>Nummus in Polonia incognitus</i>	2	Osm.

O.

<i>Theod. Odonovicus Moschor. Dux Candidatus Regni Polonia</i>	315	Nicol
<i>Borisius Odenovius 375. Dux Moscoviae creatur</i>	376	Bald
		Alb.
		Greg
		me
		Ericu

Olivense

RERUM.

<i>Olivense Monasterium ad tractatus pacis destinatur</i>	641
<i>Joh. Olesnicius Mareſchallus ſcitè diſſidium pacat</i>	146
<i>Omina quando obſerventur maximè</i>	174
<i>Petrus Opalinski Præſectus Stremeniſis</i>	394
<i>Lucas Opalinski</i>	438
<i>Orichovius calibatu oppugnato turbat turbaturque</i>	213
<i>Ordo Equitum immaculatæ Conceptionis Deiparæ Virg. non admittitur</i>	435
<i>Constant. Oſtrogii victoria de Tartaris de Moſchis</i>	191. 192.
<i>Sendivog. Oſtrorogius</i>	148
<i>Dux Oſtrogius Januſſius Caſtellanus Cracoviensis 334. moritur</i>	396
<i>Sbigneus Oſſolinus</i>	356
<i>Georg. Oſſoliſcius 399. 427. 430 fit Cancellarius 450. ejus Oratio</i>	468 ſeqq.
<i>Oſmannes Turcarum Imperator 401. à Jinnizaris occiditur</i>	498
<i>Nicol. Oſtrorog. Regni Pocillator</i>	493
<i>Baldv. Oſſolinski</i>	496
<i>Alb. ab Oſlaw Legatus Brandeb.</i>	644
<i>Gregor. Otrenovicius impoſtor ſimulat De-metrium 381 occiditur</i>	385
<i>Ericus Oxenſtiernius Comes</i>	533

INDEX

Joan. ab Overbecke Legatus Brandeb. 644
Bened. Oxenstierna Legatus Svec. 645

P.

Stanisl. Pacius Moschos profligat sub Sigis-
mundo Augusto 220

Christoph. Pacius 518. 643

Michael Pacius 639

Palatini XII. imperant, leges condunt 4

Decem viris Roman. similes ibid. degener-
ant. ibid. iterum imperant post Vendā 9

Palatinus quidam pudore ignominia se su-
spendit 61

Palatinus Cracoviens. Castellano postponi-
tur 57

Parnavia à Polonis recuperata 220

Pater rusticorum dictus Casimirus 119

Paulus Polucosius Episc. seditionem movet
sub Pudico & Nigro 87. 88. 93

Paulus? Cosacorum Ductor capite plectitur 436

Pax Polono-Svetica 647

Perfidia exemplum 77. 78

Perstinius Lesciniorum familia auctor 24

Pestis in Poloniā 120. sub Sigism. Aug. 228

sub Sigismundo III. 417

Piaſtus pauper ad sceptrum vocatur non sine
miraculo 18. regnat optimè 19. longā po-
steritate felix ibid.

Casim.

RERUM.

44	<i>Casim. Piaſeciniuſ occumbit</i>	628
45	<i>Pibraciuſ Andini Legatuſ in via ſpoliatur</i>	
	<i>255. exauſtorationem Regiſ præſens in</i>	
	<i>Poloniâ ſpectat</i>	ibid.
20	<i>Pine & Muchawiec fluviorum conjunctio</i>	
43		430. ſeq.
39	<i>Hieron. Pinocciuſ</i>	607
4	<i>Plica morbuſ unde vulgò orta credatur</i>	96
ne-	<i>Conſt. Plichta Sochacovienuſ. Caſtellanuſ</i>	
9		394
ſu-	<i>Pleſcovia obſidetur à Batoreo</i>	289
61	<i>Joh. Podkowa ferreas equorum ſoleas con-</i>	
ni-	<i>fringeſbat 273. ob ſeditioneſ punitur 274</i>	
7	<i>Polocia obſidetur 274. deditur</i>	276
20	<i>Polonia ob Boleſlai Audaciſ cædem excom-</i>	
119	<i>municata à Pontifice</i>	46
vet	<i>Poloni gladioſ ſtringunt inter Sacra</i>	26
93	<i>Polanovienuſeſ cum Moſchiſ tractatuſ</i>	428
436	<i>Alex. Polubiſſciuſ</i>	639
47	<i>Pomerania ulterioſ diſpulſa à Polonia Regno</i>	
78	<i>81 altera proſditur Marchionib9 104 occupa-</i>	
24	<i>patur à Cruciferiſ</i>	105. 106
228	<i>Pomeranicuſ belluſ ſub Audace 38. ſub</i>	
417	<i>Criſpo</i>	67. 68
ſine	<i>Pomerani victi convertuntur ad Religionem</i>	
po-	<i>Chriſtianam</i>	57
id.		Papieluſ
ſim.		

INDEX

<i>Popielus Major degener</i> 13. <i>Crusphiciam ha-</i> <i>bitat</i> 14	
<i>Popielus Minor vitiatorum mancipium & u-</i> <i>xoris</i> 14. <i>seq.</i>	
<i>Patruos veneno necat</i> 16. <i>à muribus con-</i> <i>sumitur</i> 17	
<i>Posta quando in Poloniam introducta</i> 483	
<i>Potentia recens parta est res timidissima,</i> <i>presertim que malis artibus crevit</i> 507	
<i>Jacob. Potocius Castellanus Camenecens</i> 387	
<i>Steph. Potocius</i> 388. <i>profligatur</i> 391	
<i>Nicol. Potocius. Cosacos profligat</i> 436. <i>mo-</i> <i>ritur</i> 513	
<i>Stanisl. Potocius Palatinus Podolia</i> 519	
<i>Andr. Potocius castrorum Praefectus</i> 629. 639	
<i>Nicol. Prasnowski</i> 643	
<i>Premisl aurifabri stratagema</i> 9. <i>electio in</i> <i>Regem</i> 10	
<i>Premislus Majoris Polonia Dux Regium</i> <i>nomen resumit</i> 97. <i>occiditur</i> 98	
<i>Privilegia quo tempore plerumq; dentur</i> 118	
<i>Proditorum fatum</i> 59	
<i>Provisores in Poloniâ sub Uladislao</i> 146	
<i>Prussiae pars Casimiro III. se subdit</i> 147	
<i>Prussicum bellum sub Casimiro Princ.</i> 73. <i>sub Uladislao Hermann</i> 47. <i>sub Sigis-</i> <i>mund. I.</i> 195. 196	
	<i>Prussii</i>

RERUM.

<i>Prussi tributarii Polonis</i>	30. dedunt se Cast- miro III.	158
<i>Prussorum Privilegia</i>	158. 159. tribunal & controversiæ quædam discussæ sub Sigis- mund. I.	197. 198
<i>Prussia Orientalis</i>	ut feudum Polonia Alber- to Marchioni ceditur	200
<i>Andr. Przyemski</i>	Mareschallus Curia	392
<i>Sigism. Przyemscius</i>		515
<i>Matth. Pstrokonski</i>	Regni Cancellarius	368
<i>moritur</i>		372

R.

<i>Georg. Racocius</i>	Poloniam invadit 593. seqq. vincitur à Polonis	601. seqq.
<i>Nicol. Radzivillius</i>	Palat. Vilnensis. Livoni- am, nomine Regis Polon. regno jungit	218
	profligat Moschos	203. 219
<i>Georg. Radzivillius</i>	Cardinalis & Episc. Cra- coviens.	342
<i>Christoph. Radzivillius</i>	profligat Carolso- nium	357. Director Ordinis Equestris
<i>Janussius Radzivillius</i>	Dux Cosacos ad Lojo- vum fundit	497. fit Dux exercituum 520. 522
<i>Bogusl. Radzivillius</i>		637
<i>Regium nomen</i>	ob Boleslai Audacis facinora desistum in Polonia, resumitur à Premislo	97. 98

INDEX.

<i>Regia Majestas optime sibi consulit, cum intra consveta se jura continens, nihil committit, quod novis legibus coerceri mereatur</i>	481
<i>Religio Christiana in Poloniã introducitur</i>	25
<i>Religio inter obstacula crescit 213. coacta nunquam benè respondet</i>	67
<i>Revalia à Magno Holsatia Duce obsessa</i>	223
<i>à Uladisl. Rege.</i>	625. 643
<i>Riga dedit se Batoreo</i>	286. ejus Civibus multa concessit Rex
<i>293. tumultuatur</i>	304
<i>Riga à Svecis occupatur</i>	407. obsidetur frustra à Moscho
	585
<i>Job. Richvianus carpit liberè Regem</i>	161. 162
<i>Rutigerus ambit Vendam</i>	8
<i>Rokosz movetur contra Sigismundum</i>	368
<i>seqq. sedatur</i>	374
<i>Alb. Rosenbergius</i>	638
<i>Rosvanus palo transfigitur</i>	342
<i>Christoph Rozrazevius perit circa Zavalociam</i>	284
<i>Russi sub Lesco Nigro funduntur</i>	91. juncti Tartaris depraedantur Poloniam
	86
<i>Russia Poloniae innexa</i>	117
<i>Georg. Rzecicius</i>	496

S.

Sacrilegium duorum Lithvanorū punitur

136

RERUM.

<i>In Salisfodinis Vielicensibus incendium</i>	457
<i>Leo Sapieha Cancellarius Lithvanie</i>	394
<i>Paulus Sapieha</i>	549. 559
<i>Nicol. Sarlejus</i>	559
<i>Matth. Sarbievius</i>	433
<i>Stan. Sarnovius</i>	611. seq.
<i>Christoph. Sborovius Dux</i>	354
<i>Christoph. Sborovius honori restituitur</i>	330
<i>Sbigneus Crivousti frater ab hoc occidi jussus</i>	96
<i>Scarbieus Legatus annulum in thesaurum Caesaris projicit</i>	54
<i>Scarhimirus Palatinus Cracov. excacatur</i>	57
<i>Scepusti Urbes quaedam oppignorantur Ja- gelloni</i>	140
<i>Christ. Carol. Schlippenbachius</i>	645
<i>Georg. Schurius</i>	635
<i>Stanisl. Sczavini⁹ 474. ejus oratio ibid. seq.</i>	
<i>Secechi Palat. Cracov. res geste 48. super- bia 49. exilium</i>	50
<i>Seditio sub Crispo 69. sub Casimiro 72. 73 sub Pudico 88. sub Lesco Nigro 93. sub Loetico 106. sub Ludovico Ungaro 123 124. sub Sigism. I.</i>	204
<i>Schinus obsidetur 426. ad deditionem sub- igitur</i>	427
<i>Valterus Sibertus</i>	634

INDEX

<i>Hieron. Sieniavius, Pincerna Regni</i>	355
<i>Sigismundus Joannis Sveciae Regis filius</i>	315
<i>Candidatus Regni Polon. ibid. eum com-</i>	
<i>mendant Anna Regina & Zamoscus</i>	316
<i>Rex Poloniae renunciatur</i>	317.
<i>coronatur</i>	321.
<i>ducit Annam Austriacam multis re-</i>	
<i>clamantibus</i>	332. seq.
<i>Gedani periclitatur</i>	336.
<i>in Sveciam proficiscitur</i>	337.
<i>in Svecia</i>	
<i>coronatur</i>	340.
<i>iterum proficiscitur in</i>	
<i>Sveciam</i>	349.
<i>ob tumultus in Prussiam re-</i>	
<i>dit</i>	351.
<i>Regnum Sveciae ei abrogatur</i>	353.
<i>ducit Constantiam Austriacam</i>	367.
<i>contra eum Rokosz movetur</i>	368.
<i>seqq. à</i>	
<i>ficario petitur</i>	398.
<i>moritur</i>	422
<i>Smolenscum à Polonis occupatur</i>	387.
<i>à Mo-</i>	
<i>schis</i>	522.
<i>Marcus Sobiescius Regni Vexillifer</i>	324
<i>Jacob. Sobieski Palatinides Lublinens</i>	394
	408. seqq.
<i>Severiensis seditiosi compescuntur</i>	169. 170.
<i>Jacob. Sienjenius. à Rege infestatur</i>	162
<i>Sigismundus I. Rex creatur</i>	186.
<i>Bellum ejus.</i>	
<i>Moschicum</i>	187.
<i>alterum</i>	191.
<i>iter ad Ma-</i>	
<i>ximil. I. Caesar.</i>	194.
<i>bellum Prussicum</i>	195.
<i>Moldavica victoriae</i>	202.
<i>Mors. Virtus</i>	
<i>corporis & animi</i>	207.
	<i>Sigism.</i>

R E R U M.

Sigismundus Augustus succedit Patri 209.
matrimonium init. cum Radzivillâ ibid.
laborat hinc invidia 210. periclitatur Re-
giomonti 214. ducit Catharinam Austria-
cam 215. moritur 229

Sigismundus Marchio ambit Regnum Polon.
128

Silesia divulsa à Polonia Regno 67. Batoreo
infesta 262

Silesia quibus modis Bohemis cesserit 108

Silesiæ discordes 89. 99

Skirgello Lithvania præfectus 132. rejectus
Cruciferis se jungit 133

Smolenscum obsidetur à Moscho & proditio-
ne capitur 191

Joh. Sobjescius 594. sequ.

Soles tres conspecti 171

Solimanni victoria ad Mohacum 200. 201

Laur. Christ. à Somnietz 644

Samuel Sborovius Vapovium, Tenczynium
petens clavâ percutit 251. patriâ exesse
jubetur ibid.

Christoph. Sborovius Crotosium in duellum
provocat 263. ad Comitia citatur 300. La-
se Majestatis reus proclamatur 303

Sokolensis arx occupatur à Mielecio 277

Solikovius ad Cesarem legatus 262

Stanislai

INDEX

<i>Stanislai Karnkovii oratio</i>	240. 241
<i>Stanislaus vir sanctus Regem castigat</i>	44
<i>suscitat miraculosè Petricum mortuum.</i>	
<i>ibid. occiditur à Boleslao Audace</i>	45
<i>Stanislaus Slupecius Castellanus Lublin.</i>	234
<i>Stanislaus Vistempus cum Turcâ duello con-</i>	
<i>greditur</i>	226
<i>Stanislaus Kriscius</i>	248
<i>Stephanus Batoreus Rex designatur</i>	257
<i>Cracovia coronatur</i>	260.
<i>Lithuanos sibi conciliat</i>	261.
<i>Cesarem placare studet</i>	262
<i>in Gedanenses movet</i>	266.
<i>novum justitiæ tribunal instituit</i>	268.
<i>movet in Moscum</i>	272. 274.
<i>varia Moscorum oppida capit.</i>	
<i>282. 284. 288. 292. severè in quosdam</i>	
<i>animadvertit</i>	296.
<i>moritur</i>	306
<i>M. Stephani Regis Polon. elogium</i>	307
<i>Stephanus Polon. Rex</i>	308.
<i>candentes globos primus invenit.</i>	<i>ibid.</i>
<i>captus, utraq; biennium in custodiâ habitus</i>	309.
<i>Gedanenses compescit</i>	310.
<i>Bellum contra Joannem Moschovia Ducem suscipit felici-</i>	
<i>terq; gerit.</i>	<i>ibid.</i>
<i>Ostroviam capit.</i>	<i>ibid.</i>
<i>Plescoviam obsidet.</i>	<i>ibid.</i>
<i>Stratagema Premisli</i>	9
<i>Georg. Strakvicius</i>	635
<i>Strussii fratres pereunt gloriosè</i>	182
<i>Sabis.</i>	

RERUM.

- Subislaus religionem Christianam suscipit* 74
monasterium Olivense condit ibid.
Suiscianum Sacellum 398. 432
Svecicum in Prussia bellum 411. 412. seqq.
in Polonia 526. seqq.
Sveci profligantur 416. cum iis inducia 6.
annorum 417. jungit se iis Elector Bran-
deburg. 551. 578. eorum clades 560. seq.
victoria ad Varsaviam 582
Sventopelcus Pomeraniam à Regno Polonia
avellit 81
Flor. Szarii vulnus & dictum ad Loeticum
Regem 114
Mart. Szyskovius Episcopus Luceoriens. 366

T.

- Samuel Targovius* 392
Job. Tarnovius Castellanus Cracov. 210. 212
contra Turcas mittitur 198. victoriâ præ-
clarâ potitur de Muldavia & premio raro
 202
Tartari qualis gens 81. eorum in Tauricam
Chersone sum adventus, & inde in Russi-
am. ib. eorum irruptio sub Pudico multi-
plex 83. saccos novem auribus Christia-
norum implent 84. eorum irruptio sub
Lefco Nigro 95. viginti millia Virginum
 abdu-

INDEX

<i>abducunt. ibid. aquas inficiunt. ibid. ir-</i>	
<i>ruptio alia sub Uladislaſo 148. ſub Job. Al-</i>	
<i>berto 172. de iis ſub Alexandro victoria</i>	
<i>inſignis 184. ſub Sigismundo III.</i>	417
<i>Job. Tarnovius Regni Primas moritur</i>	365
<i>Job. Taſtius Riga ad ſuppl. cium rapitur</i>	305
<i>Job. Tencinius 148. 248. palat. Sendomir.</i>	
<i>leges novas defendit</i>	212
<i>Thorunenſe Colloquium</i>	461. 462. ſeq.
<i>Thorunium Sveci occupant</i>	550
<i>Job. Tomicius Gneſnens. Caſtell.</i>	248
<i>Joannes Tonski</i>	532
<i>Trepka ſecretorum inter tormenta tenax</i>	191
<i>Tributa nimia ſub Miecislao ſene</i>	70
<i>Alex. Trzebiński</i>	451. 454
<i>Andr. Trzebicki</i>	518. 611
<i>Turcæ vincuntur 151. 152. vincunt ad Var-</i>	
<i>nam 155. gelu puniuntur divinitus</i>	176
<i>177. Budam occupant fraude</i>	206
<i>Turcarum quorundam duella cum Polonis</i>	
	226. & ſeq.
<i>Turcicum bellum</i>	399. 400. ſeq.
<i>cum Turcis Pax</i>	406
<i>Petr. Tylichi Vice-Cancellarius</i>	349
<i>Felic. Tyskiewicz.</i>	396

V

<i>Valachia inter Turcas & Polonos vacillat</i>	173
<i>Valachi</i>	

RERUM.

ira	<i>Valachi crudelitatem Principis non aver-</i>	
Al-	<i>santur</i>	225. 226
oria	<i>Valachicum bellum sub Joh. Alberto 173. seq.</i>	
417	<i>sub Sigismundo I.</i>	189
365	<i>Valsteinius trucidatur</i>	429
305	<i>Valachorum dolus 119. 175. irruptio gravis-</i>	
mir.	<i>sima 176. alia sub Alexandro</i>	181. 182
212	<i>Varnensis clades Ungarorum</i>	155
seq.	<i>Varsavia obsidetur à Rege Pol. 564. occu-</i>	
550	<i>patur</i>	565
248	<i>Varsaviensis clades</i>	581. 582. seq.
532	<i>Uchanscius inaugurationi Batorei interesse</i>	
191	<i>abnuat</i>	260. 261
70	<i>Henr. Vecheltus</i>	635
454	<i>Veisensteinium occupatur</i>	360
611	<i>Joh. Vejerus Pucensis præfectus</i>	388
Var-	<i>Jacob. Veitherus Palat Mariæburg.</i>	552
176	<i>Goth. Vellingius Rigæ crudeliter accipitur</i>	
206		305
onis	<i>Venceslai duo Poloniae Reges</i>	100. 102
seq.	<i>Venceslaus Comes de Lesna Pro-Cancella-</i>	
seq.	<i>rius</i>	399
406	<i>fit Cancellarius</i>	409
349	<i>Venda, Virgo mascula procum respuit</i>	3
396	<i>seipsam in Vistulam precipitat</i>	ibid.
t 173	<i>Veringus Consul Cracov. excipit quatuor</i>	
achi	<i>Reges</i>	121
	<i>Vicinus</i>	

<i>Vicinus, malus quanta calamitas</i>	114
<i>Vielisa Moscorū Urbs capitur à Zamoscio</i>	282
<i>Vielkoluka obsideretur à Batoreo</i>	282
<i>Vinricus Cniperodius vitā excedit</i>	127. ejus encomium
<i>Valent. Vinterus Tribunus Gedan.</i>	634
<i>Vitoldus seditiones movet</i>	132. regnum am- bit & prope accipit.
<i>Constant. Visnovecius Dux</i>	354
<i>Vladislai Lothici in Silesios bellum</i>	99. defe- ctio de principatu & exilium 100. restitutio 102. oratio ad suos 110. victoria de Cruci- feris 113. encomium
<i>Vladislaus Crivousti successor iniquus in fra- tres</i>	62. fugatur Regno
<i>Ukraine descriptio</i>	485. seqq.
<i>Vladisl. Hermannus Audaci succedit</i>	46. Se- cechum egre deserit
<i>Vladislaus Casimiri III. filius Bohem. Rex</i>	166
<i>Vladislaus III. puer regno inauguratur</i>	145
<i>Ungarie regnum egre suscipit</i>	150. perit ad Varnam
<i>Vladislaus Princeps à Moschis petitur ut sit Dux</i>	383. seq. movet contra Moschos 393. paciscitur cum iis inducias 395. peregrina- tur 410. Rex inauguratur 425. ducit Cæ- ciliam Renatam 434. 436. ejus literæ ad Innocent. X. 456. ducit Ludovicam Mari-

114	am 461. militem dimittere cogitur	480.
282	moritur	488. ejus elogium
282	Ungaricum bellū sub Boleslao Audace	39. 41
ejus	Ungarorum ad Varnam clades	155. ad Moba-
ibid.	cum	200
634	Fromondus Wolfius de Ludingshausen	523
am-	Z	
143	Zabrzezinus Lithvanie Marefchallus	187
354	Joh. Zamoscius 114 Cancellarius creatur	270
deje-	ejus oratio	279 Griselidi Bator. matrimo-
utio	nio jungitur	297 vincit Maximilianum &
ynici-	capit. 323. seq. moritur	364 ejus elogiū ib.
115	Stanisl. Zamoscius	218
fra-	Thomas Zamosci9 Procancell.	414. moritur
64	Zaremba persequitur Cruciferos	196 (436
ceqq.	Zaporovii Cosaci	485
Se-	Zbarasiana obsessio	495. seq.
9. 50	Joh. Zborovii fortitudo in Moschos	218
x 166	Nicol. Zembocii uxor castitate laudata	43
145	Nicol. Zebrzydowski Dux Rokossianorum	368
perie	Zimomislus quietis amans	22
155	Ziemovitus ordines militares instituit, vir	
ut sit	fortissimus	20
393.	Ziemovitus Masovie Dux	129
rina-	Stanisl. Zolkievius Cosacos coerces	345. Sve-
et Cæ-	cos fundit	360 Moschos profligat
a ad	384 Mos-	
lavi-	scuam occupat	385. fit Cancell.
am	395 in Mol-	
	daviâ à Turcis obtruncatur.	397

P in

16. lege

Pag. 10

centia

Pag. 2

lin. 17

Consta

lege B

Pag. 4

6. lege

Pag. 53

lege r

Pag. 6

conci

ibid. li

lege o

gelam

lege C

llratio

opem.

Pag. 9

18. leg

capit

Pag. 1

lin. 11

ERRATA.

Paginâ 4. lineâ 20. lege *Rempubicam*.
 in titulo pag. 10. lege 10. Pag. 10. lin.
 16. lege *Lesci*. Pag. 12. lin. 18. lege *contra*.
 Pag. 16. lin. 5. pone. *ibid.* lin. 18. lege *inno-*
centiam. Pag. 19. lin. 4. lege *authoritate*.
 Pag. 21. lin. 19. lege *Principatum*. Pag. 34.
 lin. 17. lege *occasione*. Pag. 35. lin. 20. lege
Constantinopolitanorum. Pag. 37. lin. 1. .
 lege *Boleslaum*. Pag. 39. lin. 10. lege *prater*.
 Pag. 42. lin. 3. lege *Kiovienses*. Pag. 43. lin.
 6. lege *in*. Pag. 49. lin. 14. lege *petiratus*.
 Pag. 53. lin. 21. lege *Bellum*. Pag. 59. lin. 9.
 lege *redit*. Pag. 61. lin. 19. lege *Bohemicum*.
 Pag. 65. lin. 1. lege *cum*. *ibid.* lin. 20. lege
concitabat. Pag. 73. lin. 5. lege *colligendi*.
ibid. lin. ult. lege *nepotibus*. Pag. 82. lin. 12.
 lege *occupassent*. Pag. 90. lin. 2. lege *Pre-*
gelam. *ibid.* lin. 8. lege *fusoq;*. *ibid.* lin. 18.
 lege *CI CC LXXIX*. *ibid.* lin. 20. lege.
Uratislaviensium. Pag. 94. lin. 20. lege
opem. Pag. 96. lin. 14. lege *meminimus*.
 Pag. 98. lin. 5. lege *Principes*. Pag. 126. lin.
 18. lege *Ludovicum*. Pag. 128. lin. 17. lege
capem. Pag. 131. lin. 11. lege *fratribus*.
 Pag. 144. lin. 14. lege *aliquoties*. Pag. 146.
 lin. 11. lege *jussit*. *ibid.* lege *Vladislao*.
 Pag.

Pag. 155. lin. 21. lege *Turcarum*. Pag. 158.
lin. 9. lege *Johannes*. Pag. 167. lin. 20. le-
ge *filium*. Pag. 169. lin. 2. lege *Alberti*. *ibid*.
lin. 25. lege *Severiensium*. Pag. 177. lin. 1.
lege *qui in*. Pag. 179. lin. 8. lege *irruptio*.
Pag. 181. lin. 21. lege *primum*. Pag. 185. lin.
ult. lege *etiam*. Pag. 187. lin. 21. lege *defe-*
ctoribus. Pag. 192. lin. 23. lege *exercitu*. *ibid*.
lin. 24. lege *Caterum*. Pag. 198. lin. 2. lege
Senatui. Pag. 200. lin. 21. lege *dirempta*.
Pag. 235. lin. 5. lege *illa*. Pag. 238. lin. 24.
lege *educato*. Pag. 242. lin. 16. lege *accedit*.
ibid. lin. 22. lege *Episcopi*. Pag. 249. lin.
ult. lege *transiret*. Pag. 252. lin. 23. lege *in-*
gressus. *ibid*. lin. 26. lege *discessus*. Pag. 258.
lin. 12. lege *occupaverat*. Pag. 267. lin. 21.
lege *conditiones*. Pag. 279. lin. 10. lege
Oratione. Pag. 286. lin. 12. lege *sparsit*. Pag.
307. lin. 24. lege *plus*. Pag. 312. lin. 11. lege
Ordines. Pag. 324. lin. 8. & 9. lege *Polonis*.
Pag. 388. lin. 14. lege *reveriti*. Pag. 401.
lin. 12. lege *Sochaczoviensis*. *ibid*. lin. 21. &
22. lege *nonnullos*. Pag. 424. lin. ult. lege
altare. Pag. 427. lin. 21. lege *abeundi*. Pag.
441. lin. 12. lege *insula*. Pag. 445. lin. 3. le-
ge *violentiam*. *ibid*. lin. 14. lege *Buczacen-*
sibus. Pag. 467. lin. 8. lege *insolentem*.
Pag. 469. lin. 23. lege *atq;*. Pag. 486. lin. 19.
lege

lege *frænare eos*. Pag. 511. lin. 17. lege *per-*
commoda. Pag. 537. lin. 25. lege *consilium*.
Pag. 538. lin. 15. lege *tamen*. Pag. 579. lin.
ult. lege *conflictum*. Pag. 583. lin. 21. lege
Pragam. Pag. 611. lin. 17. lege *minore* Pag.
633. lin. 26. lege *hostes*. Pag. 658. lin. penult.
lege *illis*. Pag. 684. lin. 15. lege *cessisset*.
Pag. 711. lin. 8. lege *intellexissemus*. Pag. 719.
lin. 8. lege *oppressurus*. Pag. 730. lin. 16.
lege *Vigilum*. Pag. 733. lin. 21. pòst *qui de-*
leatur, *si*. Pag. 734. lin. 23. lege *è cineribus*.
Pag. 735. lin. 2. lege *penuarium*. Pag. 737.
lin. 7. lege *ab aliis*. Pag. 744. lin. 5. lege
si. *ibid.* lin. 15. lege *firmasset*. Pag. 745. lin.
9. lege *fideles*. Pag. 747. lin. 22. loco *sed*
pone &. *ibid.* lin. ult. lege *suo*. Pag. 753.
lin: 20. lege *insignem*. Pag. 756. lin. 4. lege
injucundo. *ibid.* lin. 11. lege *inprimis*. Pag.
762. lin. 11. lege *inter alia*. Pag. 773. lin. 21.
lege *Nam*. Pag. 775. lin. 1. lege *excusisset*.
Pag. 776. lin. 19. lege *eum*. Pag. 779. lin. 4.
lege *Severie*. Pag. 782. lin. 14. lege *Michae-*
lem. Pag. 783. lin. penult. & ult. *uti* & pag.
784. *prioribus lineis, quæ cursivis literis*
sunt scripta in margine poni debebant, nam
turbant textum. Pag. 788. lin. 25. lege *pro-*
figati. Pag. 790. lin. 15. & 16. lege *mala &*
meam. Pag. 802. lin. ult. lege *Stanislaum*:
Pag.

Pag. 804. lin. 4. lege *diademati*. ibid. lin.
 24. lege *Kazigerejus*. Pag. 809. lin. 6. lege
de Te. Pag. 814. lin. 16. lege *ad antiquam*.
 Pag. 815. lin. 19. lege *sinistris*. Pag. 816. lin. 12.
 lege *rebus tuis*. ibid. lin. 17. lege *Princi-*
pum. Pag. 821. lin. 4. lege *latebam*. ibid.
 lin. 16. lege *Lari*. Pag. 828. lin. 28. lege *Or a-*
culum. Pag. 831. lin. 2. lege *grandia*. ibid.
 lin. 5. lege *Achilles*. ibid. lin. 13. lege *cam-*
pum. Pag. 838. lin. 18. lege *Patrum*. Pag. 84.
 lin. 14. lege *crepidine*. Pag. 841. lin. 24. lege
demum. Pag. 851. lin. 1. lege *peperisse*. In
 Indice lit. A. lin. 15. lege *prodigalitas*. ibid.
 pag. alterâ lin. 10. lege *Leopoliensis*.
 ibid. lin. 13. lege *sæpe*. lit. H. lin.
 ult. lege *Cracoviâ*.



13.

Filius, Lami. Popul.

M. Lami. p.

1023. de de v. lere
Genius, intra filio
p. v. lere

Pag. 804. lin. 4. lege *diademati*. ibid lin.
24. lege *Kazigerejus*. Pag. 809. lin. 6. lege
de Te. ~~Pag. 809. lin. 6. lege~~ *antiquam*.

Pag.	1.12,
lege	inci-
<i>pum.</i>	bid.
lin. 10	74-
<i>culun</i>	bid.
lin. 5.	im-
<i>pum.</i>	84.
lin. 14	ege
<i>demu</i>	In
Indic	bid.
pag	is,
i	



lin.
ege
am.
a.12.
nci-
bid.
dra-
bid.
am-
.84.
ege
In
bid.
sis.

2672
 Thomas G. H.

